







# যুত্তিকা-তত্ত্ব

Or

( *Philosophy of the Soil* )

‘কৃষিক্ষেত্র’, ‘সবজীবাগ’, ‘ফলকর’, ‘মালক’, ‘পটেটো-কাল্চার’,  
‘টিউজ-অন-ম্যাকো’ প্রভৃতি প্রণেতা।

শ্রী প্রবোধচন্দ্র দে

Late Fellow of the Royal Horticultural Society of London,  
late Superintendent of Gardens, Raj-Durbhanga,  
Nizam State Gardens, Murshidabad ;  
‘Chaluvamba Vilas Park, Mysore ;  
formerly of the Cossipur  
Horticultural Institu-  
tion, Calcutta  
প্রণীত

( দ্বিতীয় সংস্করণ )

সন ১৩৩১ সাল



---

---

Printed by—**N. K. Basu.**  
**KRISHNA PRINTING WORKS.**  
13, Mohendra Bose Lane Shambazar,  
CALCUTTA.

---

---

## প্রথম সংস্করণের

# ভূমিকা

আট নয় বৎসর পূর্বে ‘কৃষক’ নামক মাসিক পত্রিকায় মৃত্তিকা সম্বন্ধে ধারাবাহিক কতকগুলি প্রবন্ধ গ্রন্থকার কর্তৃক লিখিত হয়। সেই অবধি মৃত্তিকা সম্বন্ধে স্বতন্ত্র একখানি পুস্তক লিখিবার বাসনা ছিল কিন্তু নানা ব্যক্তি বশতঃ এতদিন তাহা ঘটিয়া উঠে নাই। যাহা হউক, এক্ষণে যে তাহা প্রকাশ করিতে সক্ষম হইলাম, ইহা বড়ই আনন্দের কথা। উক্ত প্রবন্ধ নিচয় অবলম্বন করিয়া মৃত্তিকা-তত্ত্ব লিখিত হইল।

মৃত্তিকা-তত্ত্ব রচনাকালে সুপ্রসিদ্ধ কৃষিতত্ত্ববিদ Wrightson, Fletcher প্রভৃতির পুস্তক দ্বারা বিশেষ সাহায্য পাইয়াছি, এজন্য তাঁহাদিগের নিকট আমি বিশেষরূপে কৃতজ্ঞ রহিলাম।

অতঃপর ‘কৃষিগ্রন্থাবলী’র প্রচার বিষয়ে বহুসম্মানান্বিত দ্বারবজ্রাধিপতি মহারাজা সুর রামেশ্বর সিং বাহাদুর, কে, সি, আই, ই ; মুরসিদাবাদের স্বদেশহিতৈষী নবাব বাহাদুর এবং আসাম-গৌরীপুরের বিজ্ঞোৎসাহী শ্রীল শ্রীযুক্ত রাজা প্রভাতচন্দ্র বড়ুয়া বাহাদুর আশাকে বিশেষরূপে উৎসাহিত করিয়াছেন এজন্য তাঁহাদিগের প্রত্যেকের নিকট আমি বিশেষরূপে কৃতজ্ঞতাপাশে আবদ্ধ রহিলাম। কিমধিকমিতি।

২৭।১ নং বিডন রো, কলিকাতা

১ লা বৈশাখ, সন ১৩১৬ সাল।

শ্রী প্রবোধচন্দ্র দে

• দ্বিতীয় সংস্করণ

## ভূমিকা

‘মুক্তিকা-তত্ত্ব’ দ্বিতীয় সংস্করণ প্রকাশিত হইল। ইহা পাঠ করিতে অনেকের কষ্ট বোধ হয়। একে ত ইহা নীরস বিষয়, উপরন্তু বিষয়টা অপেক্ষাকৃত গুরুতর, সুতরাং নাটক-নবেলের গ্রায পড়িলে চলেনা, এক-বার, দুইবার, তিনবার বিশেষ মনোযোগ সহকারে না পড়িলে ইহার মজাগতভাব আদায় হয় না, এই জন্ত অনেকে ইহার মর্মোদ্ঘাটন করিতে পারেন না। কৃষিক্ষেত্রে সফলকাম হইবার জন্ত, মুক্তিকার তত্ত্বটুকু বিশেষভাবে অবগত হওয়া প্রয়োজন। চাষ আবাদে প্রথম উপকরণ বা উপাদান,—মাটি। সেই মাটি সম্বন্ধে বিশেষজ্ঞান না থাকিলে কৃষি কার্যে অনেক সময় ব্যর্থমনোরথ ও ক্ষতিগ্রস্ত হইতে হয়। এই জন্ত অনেকেই ক্ষতিগ্রস্ত হইয়াছেন। অতএব মনোযোগ সহকারে কৃষি কার্যে হস্তক্ষেপ করা চাই। এই পুস্তক পাঠে কাহারও কিঞ্চিৎমাত্র উপকার হইলে আমার শ্রম সার্থক হইল বিবেচনা করিব। কিমধিক-মিতি।

১লা বৈশাখ,

সন ১৩৩১ সাল।

}

শ্রীপ্রবোধচন্দ্র দে

# সূচীপত্র

	পৃষ্ঠা
প্রথম অধ্যায়—অবতারণা, উন্নত কৃষি ...	১—৩
দ্বিতীয় অধ্যায়—পৃথিবীর উৎপত্তি, মৃত্তিকা, উপাদান ভেদের কারণ, উদ্ভিদ মূলের শক্তি, মৃত্তিকার জৈবপদার্থ, জৈব ও উদ্ভিজ্জ ...	৩—২
তৃতীয় অধ্যায়—মৃত্তিকাস্তর্গত ভূত, ভূত সংখ্যা ভৌতিক শক্তি ...	২—১২
চতুর্থ অধ্যায়—মৃত্তিকা-ভেদ, স্তরের উৎপত্তি, স্তরের বর্ণ, স্তরের গুণ ভেদ ...	১২—১৫
পঞ্চম অধ্যায়—মৃত্তিকার উপাদান, মৃত্তিকা ও উদ্ভিদ	১৫—১৮
ষষ্ঠ অধ্যায়—মৃত্তিকার জাতিভেদ, ধাতু চূর্ণ, বালুকা, মৃত্তিকার ভিত্তি, চূর্ণ, উদ্ভিজ্জ ...	১৮—২৬
সপ্তম অধ্যায়—উপাদানের ইতর বিশেষ, উপাদানের সামঞ্জস্যতা, মৃত্তিকা নির্দেশ ...	২৬—৩৬
অষ্টম অধ্যায়—ছিদ্রতা, ছিদ্রপথ, ছিদ্রপথের ক্রিয়া, ভূমির আয়তন বৃদ্ধি, ছিদ্রপথের অসমতা ...	৩৭—৪৪
নবম অধ্যায়—রসাকর্ষণ, রস ও উত্তাপ, রস পরি- ক্রমণী, পরিক্রমণের ইতরবিশেষ, ভৌতিক যৌথ, রস, নয়াঞ্জুলি, নয়াঞ্জুলি উদ্ভিদ, নয়াঞ্জুলির অপকারিতা, নয়াঞ্জুলির গভীরতা, পগার ও জলাশয়, উত্তাপ ...	৪৪—৬০

দশম অধ্যায়—মৃত্তিকা ও বায়ু, বায়ুর প্রবেশ পথ, উড়িদাগু ... ..	৬০—৬৩
একাদশ অধ্যায়—বিজলী ... ..	৬৩—৬৫
দ্বাদশ অধ্যায়—মৃত্তিকার সংস্থান-শক্তি, গামলার গাছ, মৃত্তিকার শক্তি হ্রাস, পর্য্যায় পদ্ধতি, পর্য্যায়ের বিভিন্নতা, পর্য্যায় ব্যতিক্রম, স্বাভাবিক সার, বৃহৎ ফসল, সঞ্চয়ী ফসল, সিঙ্কক উদ্ভিদ	৬৫—৭৭
ত্রয়োদশ অধ্যায়—ভূমির তলভেদ, পৃষ্ঠ-ভূমি, অন্তভূমি, পৃষ্ঠ-ভূমির গভীরতা, অন্তভূমির গভীরতা ... ..	৭৭—৮৫
চতুর্দশ অধ্যায়—ভূ-কর্ষণ, সূচাষ, মৃত্তিকার যবা- কারকতা, কর্ণারস্তু, কর্ণ ও বপন ...	৮৫—৯৬
পঞ্চদশ অধ্যায়—সমতল ভূমি, উচ্চ ভূমি, নিম্ন ভূমি, বিল, বাদা, কুড়ি ও জোলা, গড়েন জমি, খাকবন্দি, তরাই, চর, সৈকত ...	৯৭—১০৭
ষোড়শ অধ্যায়—দিক সম্বন্ধ, সৌর শক্তি, আকর্ষণ, রৌদ্র ও মৃত্তিকা, ভূ-পৃষ্ঠের উচ্চতা ...	১০৭—১১৫
সপ্তদশ অধ্যায়—আবহাওয়া, ফসলের প্রকৃতি ভেদ, বারিপাত, বায়ু পরিবর্তন, বারিপাত নির্ধারণ, মুখলধারা, ধীরধারা, টিপ্টিপে বৃষ্টি ...	১১৫—১২৭
সম্বৎসরের বারিপাতের তালিকা ...	১২২ক
অষ্টাদশ অধ্যায়—গ্রহের প্রবাহ, নদী জল, ভূমি- কম্প, মৃত্তিকার বর্ণ, সংস্কার ...	১২৭—১৩৩

উনবিংশ অধ্যায়—সেচন সংজ্ঞা, সেচনের উদ্দেশ্য, সেচিত জল—না তরল সার, উর্বরতা রক্ষা, সেচনের সময়, সেচনের নিয়ম, ময়লা জল, রস রক্ষার্থে বায়ুরোধ, উত্তান ভূমির রসালতা ...	১৩৭—১৪৪
বিংশ অধ্যায়—শুষ্ক আবাদ, শূকরশণের সরঞ্জাম, নিম্ন-তলের পরিচর্যা, শুষ্ক আবাদের ফসল ...	১৪৫—১৪৯
একবিংশ অধ্যায়—রস-রোধ, আবরণ কি, আবরণ- উপাদান, সতর্কতা ... ..	১৪৯—১৫৩
দ্বাবিংশ অধ্যায়—আগাছা, আগাছায় শত্রুভাব আগাছার উপকার, আগাছা বিশেষের উপায়, নিস্তগতা, ... ..	১৫৩—১৬০
ত্রয়োবিংশ অধ্যায়—ফাও-ফসল ... ..	১৬০—১৬৩
চতুর্বিংশ অধ্যায়—উৎপাদিকা-শক্তি, ধরিত্রী-গর্ভ, শক্তি ক্ষয়ের কারণ, অবিরত আবাদ, সম- জাতীয় উদ্ভিদ, রসাব্যাব, আর্দ্রতা, সারাব্যাব,	১৬৩—১৬৮
পঞ্চবিংশ অধ্যায়—চাষ ও উর্বরতা, শূকরশণের ফল ধরচ ও যোগান, বাঁজা-ভূমি ...	১৬৮—১৭৩
ষড়বিংশ অধ্যায়—উর্বরতার লক্ষণ, বারিকৃচ্ছতা ...	১৭৩—১৭৬
সপ্তবিংশ অধ্যায়—উর্বরতা রক্ষার উপায় ...	১৭৭—১৭৯
অষ্টবিংশ অধ্যায়—ধৌত ভূমি, ধোয়াট রোধ, ভূমির জিরেন, মৃত্তিকার আয়তন বৃদ্ধি ...	১৭৯—১৮৩
উনত্রিংশ অধ্যায়—বিয়ালকাল, পতিত জিরেন, জিরেনের উপকারীতা ... ..	১৮৩—১৮৫

	পৃষ্ঠা
ত্রিংশ অধ্যায়—পর্যায় আবাদ ... ..	১৮৫—১৮৮
একত্রিংশ অধ্যায়—মূলবিশেষে পর্যায়, পর্যায়ে কীট নিবারণ, পর্যায়ে আগাছা, মুখ্য ও গৌণ ফসল, পর্যায়ের কাল ব্যবধান, চা-বাগিচায় সবুজ সার সীম্বিকের উপকারিতা, স্থায়ী সীম্বিক বৃক্ষ ...	১৮৯—১৯৮
দ্বাত্রিংশ অধ্যায়—কৃষক ও উদ্যানক, সার সংস্থানের উপায়, পশুপালনের প্রয়োজনীয়তা, সারোৎপাদন যন্ত্র, সমাবেশ চক্র ... ..	১৯৯—২০৩



# উপক্রমণিকা

—: \* :—

মানব সমাজের উন্নতির প্রথম সোপান—কৃষিকাৰ্য্য। বর্ষরতার ঘোর তিমির মধ্যে থাকিয়া মানুষের মনে স্বতঃই কৃষিকাৰ্য্য করিবার বাসনা হয়। অরণ্যজাত ফলমূল ভক্ষণে বা বন্য পশুপক্ষী বা মৎস্তাদি শীকার করিয়া জীবন ধারণ করা চিরদিন স্থকর ও সুবিধাজনক নহে। ইহা যখন মানুষ বুঝিতে পারিল তখন কৃষির প্রতি দৃষ্টিপাত করিল। অভাবই—অভাব মোচনের উপায় দেখাইয়া দেয়। অভাব না হইলে সহজে কাহারও জ্ঞান-চক্ষু উন্মীলিত হয় না, কাজেই মানুষকে কৃষিকাৰ্য্যে নিযুক্ত হইতে হইল। কৃষিকাৰ্য্যে নিযুক্ত হইয়া যখন তাহারা ক্ষেত্র হইতে নানাবিধ শস্তাদি উৎপন্ন করিতে সক্ষম হইল, তখন কৃষির উন্নতি করিবার চেষ্টা হইল। আৰ্য্যেরা অতি পুরাতন জাতি এবং তাহারা ই সৰ্ব্বাগ্রে কৃষিকাৰ্য্যে নিযুক্ত হইলেন। কৃষিকাৰ্য্যে নিযুক্ত হইয়া যখন তাহারা নানা অসুবিধা দেখিতে পাইলেন তখন সেই সকল অভাব কি উপায়ে বিদূরিত হইতে পারে তাহার উপায় চিন্তা করিতে ও তাহাকে কাৰ্য্যে পরিণত করিতে প্রবৃত্ত হইলেন। এইরূপে ভূমি কৰ্ষণের জন্ত দস্তাদির সৃষ্টি হইল, ক্ষেত্র কৰ্ষণের একটা ব্যবস্থা হইল, ক্ষেত্রে সার প্রদান করা, জলসেচন করা প্রভৃতির আবশ্যতা অনুভূত হইল।

কৃষিকাৰ্য্য জনসমাজের উন্নতির ভিত্তি। যত প্রকার শিল্প বা বাণিজ্য আছে, তৎসমুদায়ই সাক্ষাৎ বা পরোক্ষভাবে কৃষির অনুগামী।



কৃষিজাত দ্রব্য লইয়া লোকে বাণিজ্য করে ও শিল্পসামগ্রী প্রস্তুত করিয়া মানব সমাজের সুখ-সমবৃদ্ধি বৃদ্ধি করে। কৃষি আছে বলিয়া ক্ষেত্রে ফসল উৎপন্ন হইতেছে এবং সেই ফসল হইতে কত কল-কারখানা চলিতেছে, কত শ্রমজীবী কত প্রকারে প্রতিপালিত হইতেছে ভাহার ইয়ত্তা করা যায় না। অনেক সামগ্রী কৃষিজাত দ্রব্য হইতে প্রস্তুত হয় না সত্য, কিন্তু যাহারা সেই সকল শিল্প বাণিজ্যে নিযুক্ত আছে, তাহাদিগের মূল উদ্দেশ্য,—শ্রমজাত পণ্য দ্রব্য বিক্রয় বা বিনিময় করিয়া আহাৰ্য্য শস্যের সংস্থান করা। আহাৰ্য্যের প্রয়োজন না থাকিলে কে কাহার জন্ত পরিশ্রম করিত,—কে কষ্ট স্বীকার করিয়া শিল্প সম্ভার উৎপন্ন করিতে প্রয়াস পাইত ?

কৃষিকার্য্যের প্রধান অবলম্বন—ভূমি। ভূমির উৎপাদিকাশক্তি অনুসারে তজ্জাত ফসলের ইतरবিশেষ হইয়া থাকে। ভূমির প্রাকৃতিক অবস্থা ও মৃত্তিকার উপাদান ভেদে উক্ত শক্তি পরিচালিত হইয়া থাকে। এইজন্ত মৃত্তিকা সম্বন্ধে যত জ্ঞান থাকে, চাষ-আবাদের পক্ষে তত শুভকর। এস্থলে উল্লেখ করা আবশ্যক যে, কেবল বৈজ্ঞানিক বিজ্ঞান যেরূপ ইহা সুসিদ্ধ হয় না, সেইরূপ কেবল প্রাকৃত বা ব্যবহারিক অভিজ্ঞতায় হওয়া সম্ভব নহে। কৃষির তাবৎতত্ত্ব অবগত থাকিলেও বৈজ্ঞানিক দ্বারা সুশৃঙ্খলে চাষ-আবাদ হওয়া সম্ভব নহে। বৈজ্ঞানিকের বিজ্ঞানসম্মত জ্ঞানের সহিত ব্যবহারিক অভিজ্ঞতা সংযুক্ত হইলে সকল দিকে শোভা পায়, কার্য্যক্ষেত্রে সুফল প্রাপ্ত হওয়া যায়। বিজ্ঞান আলোচনা না করিয়াও কৃষকগণ যত কার্য্য করিতে পারে, মহা মহা বৈজ্ঞানিক দ্বারা তাহা হয় না। কৃষক নিরক্ষর হইলেও তাহার বহু দর্শন ও অভিজ্ঞতা মূল্যবান, সুতরাং কৃষক উপেক্ষাযোগ্য নহে। অভিজ্ঞ কৃষকের নিকট বিজ্ঞান পরাভব স্বীকার করিবে, কিন্তু কৃষকের

অভিজ্ঞতা নির্দিষ্ট সীমার মধ্যে আবদ্ধ বলিয়া সকল ক্ষেত্রে সকল সময় তদ্বারা স্বকল পাইবার আশা করা যায় না। বিজ্ঞানসম্মত কৃষির বিশেষত্ব এই যে, সকল দেশে সকল সময়ে মূলস্থলের প্রতি লক্ষ্য রাখিয়া কাজ করিতে পারা যায়। একই নির্দিষ্ট নিয়মের বশীভূত হইয়া কাজ করিলে অনেক স্থলে ব্যর্থ মনোরথ হইতে হয়।

কৃষির মুখ্য উদ্দেশ্য,—ক্ষেত্র হইতে অল্প ব্যয়ে প্রভূত পরিমাণে ফসল উৎপন্ন করা। চাষ-আবাদ করিবার সঙ্গে ক্ষেত্র সম্বন্ধে যাবতীয় তত্ত্ব সাধ্যানুসারে অবগত হইবার চেষ্টা করা উচিত। এইজন্য মৃত্তিকা সম্বন্ধে আলোচনা করা সর্বাগ্রে প্রয়োজন। মৃত্তিকাসম্বন্ধে জ্ঞান না থাকিলে উন্নত প্রণালীতে কৃষিকাৰ্য্য করিতে পারা যায় না, সুতরাং কৃষকদিগের পদাঙ্ক অনুসরণ করিয়া চলিতে হয় কিন্তু তদনুসারে কাৰ্য্য করিলে কৃষকের চলিতে পারে, কারণ কৃষকের অভাব অল্প,—কৃষক অল্পেই সন্তুষ্ট। ভদ্রশ্রেণীর অভাব অধিক, সাংসারিক ও সামাজিক ব্যয় অধিক, সুতরাং তাঁহাদিগকে প্রকৃষ্ট পদ্ধতি অবলম্বন করিয়া কৃষিকাৰ্য্যে অবতরণ করিতে হইবে। কৃষক যে ক্ষেত্র হইতে পাঁচ মণ ফসল উৎপন্ন করে, সে স্থলে ভদ্রলোককে অন্ততঃ দশ মণ ফসল করিতে হইবে, তবে ব্যয় আদায় হইয়া লাভ দেখিতে পাওয়া যাইবে। এইজন্য কৃষিকাৰ্য্যের প্রধান অবলম্বন মৃত্তিকা,—ইহা মনে রাখিয়া মৃত্তিকার উৎকর্ষতা সাধন করা, নষ্টশক্তির পুনঃসংস্থাপন করা, একান্ত প্রয়োজন।

---



# মৃত্তিকা-তত্ত্ব

—::—

## প্রথম অধ্যায়

—::—

মৃত্তিকা যে কি, তাহা অনেকের ভাবিবার বিষয় নহে। ঋষাদিগের ভাবিবার বিষয় অনেকের তদ্বিষয়ে চিন্তা করিবার অবতারণা অবসর বা সুযোগ হয় না। মৃত্তিকা সম্বন্ধে ভাবিবার যে কিছু আছে, তাহাও অনেকের ধারণার মধ্যে আসে না। কৃষক আবাদ করে, চিরদিন মাটি লইয়া নাড়া-চাড়া করে, কিন্তু মৃত্তিকার হ্রাস বৃদ্ধি হইতেছে কি না, উর্বরতার ইতরবিশেষ হইতেছে কি না, তাহার খবর রাখে না। লোকের ধারণা যে, শত বৎসর পূর্বে জমির যে অবস্থা ছিল, এখনও তাহাই আছে, কিন্তু তাহা নহে। পৃথিবী বত পুরাতন হইতেছে, ততই উহা সমতল ভূমি হইবার পথে চলিয়াছে। কঠিন ও স্ফটিক পাহাড় পর্বত প্রতি-নিয়ত চূর্ণীকৃত হইতেছে, সেই চূর্ণরাশী বৃষ্টির সাহায্যে ক্রমেই নিম্নদেশে ধাবিত হইতেছে, অবশেষে যেখানে স্থান পাইতেছে, সেইখানেই থাকিয়া যাইতেছে। এইরূপে নদী, খাল, বিল প্রভৃতি বৃজিয়া যাইতেছে, ক্রমে তাহাতে উদ্ভিদ জন্মিয়া ভূমিকে আবাদের উপযোগী করিয়া তুলিতেছে। হিমালয়ের যে উচ্চতা একশত বৎসর পূর্বে ছিল, এক্ষণে

তাহাপেক্ষা অনেক কমিয়া গিয়াছে, কিন্তু ক্ষয়ের পরিমাণ এত অল্প যে সহজে তাহা অনুভূত হয় না, কিন্তু হিসাব রাখিয়া দেখিলে এ কথার যথার্থতা উপলব্ধি হয়। রৌদ্র, বৃষ্টি, বাতাস, শিশির, তুষার প্রভৃতির ক্রিয়াবশে প্রতিক্ষণই ভূ-পৃষ্ঠ পরিবর্তিত হইতেছে। সকল ক্ষেত্রই পরিবর্তনের অধীন। নিম্নভূমি সকল উচ্চ ও গড়েন জমির ধোয়াট পাইয়া ক্রমশঃ যেমন উচ্চ হইয়া উঠিতেছে, অগ্ৰদিকে উচ্চ ও গড়েন জমি সকল ধুইয়া যাওয়ায় নীচু হইয়া পড়িতেছে। এইরূপে সমগ্র পৃথিবী যেন সমতল হইবার জন্ত নিরন্তর ব্যস্ত রহিয়াছে।

প্রাকৃতিক কারণ ছাড়িয়া দিলেও দেখিতে পাই যে, সকল আবাদী ক্ষেত-পাথারই প্রকারান্তরে পরিবর্তিত হইতেছে। কৃষক আবাদ করে, ক্ষেত্র হইতে ফসল লইয়া যায়। যে পরিমাণ ফসল ক্ষেত্র হইতে সংগৃহীত হয়, তাহার সহিত ভূমির কতক মাটি স্থানান্তরে চলিয়া যায়। উদ্ভিদ, শাখা, পত্র, মূল, ফল, ফুল, বীজ—এ সকলই মৃত্তিকার রূপান্তর মাত্র। পতিত জমি ও অরণ্য-ভূমি হইতে মৃত্তিকা অপচয় হইতে পায় না, তাহার কারণ এই যে, তজ্জাত গাছ-পালা বা ফল-ফুল বড় একটা স্থানান্তরিত হইতে পায় না। ঈদৃশ ভূমিতে যে সকল তরুলতাদি জন্মে, তাহারা সেই খানেই মরিয়া যায়, ফলতঃ ভূমির জিনিস ভূমি পুনরায় ফিরিয়া পায়। আবাদী জমি হইতে ফসল, গাছ, ফল, ফুল, মূল, পত্র প্রভৃতি স্থানান্তরিত হয় বলিয়াই তাহাতে সার প্রদান করিতে হয়, কর্ষণাদি দ্বারা মৃত্তিকার উৎপাদিকা শক্তি বজায় রাখিবার চেষ্টা করিতে হয়। আচট জমি ও অরণ্য-ভূমি হইতে কোন জিনিস অপহৃত হয় না বলিয়া উহাদিগের মাটি এত সারবান থাকে যে, তাহাতে আবাদ করিলে প্রথম প্রথম কয়েক বৎসর কোন প্রকার সার ব্যবহার করিবার আবশ্যকই হয় না।

ভূমির উন্নতি আছে, অবনতিও আছে। ভূমির উৎকর্ষতা রক্ষা করা অনেকটা মনুষ্যের করায়ত্ত্ব এবং চেষ্টা করিলে উন্নত কৃষি তাহার উর্ধ্বরতা বৃদ্ধি করিতে পারা যায়। যে স্থানে একটা তৃণ জন্মে, তথায় দুই চারিটা তৃণ উৎপন্ন করাই উন্নত কৃষির উদ্দেশ্য। মৃত্তিকার উৎপাদিকা শক্তি বৃদ্ধি করিতে পারিলেই সে উদ্দেশ্য সফল হয়। সার প্রদান করিলেই ক্ষেত্রের উৎপাদিকা শক্তি বৃদ্ধি পায়, ইহাই লোকের সাধারণ ধারণা। উৎপাদিকা শক্তি বৃদ্ধি করিবার ইহাই যে একমাত্র ও প্রকৃষ্ট উপায় তাহা নহে। ক্ষেত্রের উন্নতি বিধানের জন্ত অণু অনেক উপায় আছে। মৃত্তিকা সম্বন্ধে জ্ঞান না থাকিলে কেবল সার প্রদান করিলে কোন ফল নাই।

## দ্বিতীয় অধ্যায়

—:—

বৈজ্ঞানিকেরা বলেন যে, আমাদের পৃথিবী আসল বা মূল গ্রহ নহে, সূর্যের স্থলিত অংশমাত্র। লক্ষ লক্ষ বৎসর পৃথিবীর উৎপত্তি পূর্বে সূর্য হইতে একটা বৃহৎ অগ্নিময় পিণ্ড স্থলিত হয় এবং কালক্রমে পৃথিবীর আকার ধারণ করে। উক্ত অগ্নিপিণ্ড নানাবিধ ধাতব পদার্থ সমন্বিত। উহার উত্তাপ হ্রাস হইবার সঙ্গে পৃথিবী শীতল হইতে লাগিল এবং গলিত পদার্থ রাশি

জমাট বাধিয়া পৃথিবীময় পাহাড় পর্বতরূপ ধারণ করিল। পৃথিবীর পৃষ্ঠভাগে যেরূপ ক্ষুদ্র বৃহৎ পাহাড় পর্বত, উপত্যকা অধিত্যকা দেখিতে পাওয়া যায়, নদ নদী ও সাগর গর্ভে এবং তাহাদিগের নিম্নভাগে সেইরূপ এখনও অবস্থিত। তাহা ব্যতীত ভূগর্ভের নিম্নতম দেশে এখনও নানাবিধ ধাতব পদার্থ উত্তপ্ত ও তরল অবস্থায় সাগরবৎ প্রসারিত রহিয়াছে। ভূগর্ভ মধ্যে উল্লিখিত তরল পদার্থের অবস্থান হেতু সময় সময় ভূমিকম্প হইয়া থাকে। ভূগর্ভ অতিশয় উত্তপ্ত হইয়া উঠিলে সেই তরল পদার্থ রাশি বিক্ষোভিত ও আলোড়িত হইয়া উঠে এবং তাহারই ফলে ভূগর্ভ হইতে কখন কখন ভীষণ শব্দোৎপন্ন হয়, তরঙ্গাঘাতে, পৃথিবী কাঁপিয়া উঠে, কোন কোন স্থান বিদীর্ণ হইয়া নানাবিধ ধাতব পদার্থ, বাষ্প প্রভৃতি উদগত হয়। বিগত ১৮৯৬ খ্রীষ্টাব্দের ভূমিকম্পে আসাম ও পূর্ববঙ্গের নানাস্থান ফাটিয়া গিয়া ঐরূপ বাষ্পাদিনির্গত হইয়াছিল। আগ্নেয় গিরি—এটুনা ও বিয়ুবিয়স হইতে এখনও মধ্যে মধ্যে উত্তপ্ত গলিত ধাতব পদার্থ নির্গত হইয়া থাকে। মুন্দের ও চন্দ্রনাথ তীর্থের সীতাকুণ্ড হইতে প্রতিনিয়ত যে উত্তপ্ত জল উথিত হইতেছে তাহাও ভূগর্ভস্থিত ধাতব পদার্থের কার্য। উক্ত জলে গন্ধকের গন্ধ স্পষ্টই বিরাজিত। যাহারা বরিশালে থাকেন, কিম্বা যাহারা কখনও তথায় গিয়াছেন, তাঁহারা মেঘ-গর্জনবৎ শব্দ শ্রুত হইয়া থাকিবেন। উহা ‘বরিশাল কানান’ (Barisal Gun) নামে পরিচিত। আকাশ পরিষ্কার পরিচ্ছন্ন অথচ কামানোন্মুত শব্দের ত্রায় শব্দ পরিশ্রুত হইয়া থাকে। এ সকলই ভূগর্ভস্থিত উত্তপ্ত তরল ধাতব পদার্থের আলোড়ন শব্দ মাত্র। ইহা হইতে বুঝিতে পারা যায় যে, ভূগর্ভস্থিত তরল ধাতু সমুদ্র এখনও শীতল হয় নাই। উহা শীতল হইলে পৃথিবীতে আর ভূমিকম্প, অগ্নুৎপাত প্রভৃতির কোন আশঙ্কা

থাকিবে না, কিন্তু তাহা হইতে লক্ষ লক্ষ বৎসর লাগিবে তাহাতে কোন সংশয় নাই।

কিরূপে পাহাড় পর্বত উৎপন্ন হইল তাহা বলিয়াছি। তৎসমুদয়

প্রথমাবস্থায় কেবলই প্রস্তরময় থাকায় তাহাতে

মৃত্তিকা কোন উদ্ভিদ জন্মিতে পারিত না, ক্রমে মৃত্তিকা

উৎপন্ন হইতে লাগিল। মৃত্তিকার প্রথম উপাদান—

পর্বতস্থলিত পরমাণু রাশি। পৃথিবী পর্বতে পরিপূর্ণ ছিল, পরে  
রুষ্টি, শিশির, তুষার, বরফ, বায়ু, উদ্ভাপ প্রভৃতির ক্রিয়াযোগে স্ফটিক  
প্রস্তররাশি সূক্ষ্ম পরমাণুতে পরিণত হইয়া থাকে। ইহাদিগের  
ক্রিয়াবশেই পর্বতাক্ষ বিধৌত কিঙ্গা বিদীর্ণ বা চূর্ণ হয় এবং  
পরমাণুসমূহ জলস্রোতে নিম্নদেশে নামিয়া আইসে। রুষ্টিতে পর্বতের  
গাত্র বিধৌত হইয়া থাকে এবং সেই সঙ্গে পর্বতের গাত্র হইতে  
প্রস্তরাস্তর্গত পরমাণুরাশি ক্রমশঃ বিচ্যুত হইয়া পড়ে। তুষার, শিশির ও  
বরফ দ্বারাও তাহা হয়। অনন্তর শীতোত্তাপের ক্রিয়াহেতু প্রস্তর  
বিদীর্ণ হইয়া থাকে। বিদারিত স্থানে রস সঞ্চারিত হইবার পর অতিশয়  
শীতে সঞ্চিত রস বরফে পরিণত হয়। জল জমিয়া বরফ হয় কিন্তু  
জল তরল ও ঘন বলিয়া সঙ্কীর্ণ স্থান মধ্যে থাকিতে পারে। বরফের  
ধর্ম ক্ষীত হওয়া, স্ততরাং জল, বরফে পরিণত হইলে ক্ষীত হইতে  
থাকে এবং সেইসঙ্গে পর্বত গাত্র বিদীর্ণ হয়। বিদীর্ণ স্থান বা কাটাল  
যতই সূক্ষ্ম হউক, তন্মধ্যে বায়ু প্রবেশ করিয়া কিটাল বা মরিচা উৎপন্ন  
করে। বায়ুর অন্তর্গত অক্সিজেন (Oxygen) পৃথিবীর সর্বত্রই এই  
কার্যে নিযুক্ত। ক্ষীত স্থানে এইরূপে গুঁড়া জন্মিলে স্বভাবতঃ তাহাতে  
ছাতা ও শেওলা জন্মে। ইহারা উদ্ভিজ্জগতের অতি নিম্ন বা প্রাথমিক  
শ্রেণীর অন্তর্গত। ক্রমে ইহারা মরিয়া গিয়া সেইখানেই স্থান লাভ



করে। ইহারা মরিয়া গেলে ক্ষীত স্থানে উদ্ভিজ্জ পদার্থের প্রথম সংস্থান হয়। অনন্তর তাহাতে অপেক্ষাকৃত বৃহজ্জাতীয় শৈবাল ( Moss ) ফাৰ্ণ ( fern ) প্রভৃতি অপৌষ্পিক উদ্ভিদ উৎপন্ন হইয়া বিদীর্ণ স্থানকে আরও বিস্তৃত করে এবং পরে তথায় আপনাদিগের দেহ রক্ষা করিয়া অস্তহিত হয়। এইরূপে কিছুদিন গত হইলে তথায় অপরাপর বৃহত্তর উদ্ভিদ দেখা দেয়। যত বড় বড় জাতীয় উদ্ভিদ জন্মিতে থাকে, পৰ্ব্বতের মুন্ময় দেহ তত ক্ষীত বা বিদীর্ণ হইতে থাকে, অত্ৰ্যদিকে উদ্ভিজ্জ পদার্থ সঞ্চিত হইয়া কালক্রমে স্থলবিশেষে ত্তর পড়িয়া যায়! পাহাড় হইতে এই সকল পদার্থ বৃষ্টিতে ধুইয়া নিম্নতলে আসিয়া মৃত্তিকার কলেবর পূর্ণ করে। অতঃপর নিম্নতর দেশে উদ্ভিদ জন্মিতে থাকে, পরে সে সকল ভূমি আবাদের উপযোগী হইয়া উঠে।

উল্লিখিত প্রণালীতে পুরাকাল হইতে নাবাল ভূমির কলেবর দিন দিন স্থূল হইতেছে ও ভূমি উচ্চ হইয়া উঠিতেছে। মৃত্তিকা মধ্যে যে আমরা নানাধিব  
 উপাদান ভেদের কারণ  
 ধাতব পদার্থ দেখিতে পাই তৎসমুদায়ই প্রস্তুতজাত, কারণ প্রস্তুত নিজেই নানাধিব ধাতু-সমাবিষ্ট জমাট মাত্র। এস্থলে উল্লেখ করা আবশ্যক যে, সকল পৰ্ব্বতের বা সকল প্রস্তরের উপাদান সম-প্রকারের নহে বলিয়া সকল স্থানের মৃত্তিকার উপাদানও এক প্রকারের নহে। মৃত্তিকার আদি পদার্থ তরল ধাতু, স্ততরাং তদন্তর্গত যে যে পদার্থ যে যে স্থানে থাকিয়া জমাটে পহিণত হইয়াছে, সেই সেই পদার্থ সেই সেই স্থানের পৰ্ব্বতাদ্বে অবস্থিত। যে স্থানে ঘেরূপ পৰ্ব্বত-চূর্ণ স্থান পায়, তথাকার মৃত্তিকায় তদনুরূপ পদার্থের প্রাধান্য থাকে। এইজন্ত কোন স্থানের মৃত্তিকায় বালুকা বা লৌহ বা গন্ধক অধিক, আবার কোথাও বা স্বর্ণ বা রৌপ্য বা টিন্ বা তাম্রের সমাবেশ

অধিক। অতঃপর ইহাও দেখা যায়, পর্বতাক্ষের সকল স্তর সম পদার্থে গঠিত নহে। গলিত পদার্থ যে ভাবে থাকিয়া শীতল হইয়াছে, তদন্তর্গত পদার্থ রাশি ও সেইভাবে থাকিয়া গিয়াছে। এইজন্য বিদীর্ণ পদার্থে ভিন্ন ভিন্ন স্তর দেখিতে পাওয়া যায়। উল্লিখিত স্তর সমূহ যে একই ভাবে বা একই ভাগে সজ্জিত আছে তাহা নহে। পর্বত সমূহ মধ্যে এইরূপ স্তরের বিভিন্নতাতে তদুৎপন্ন ভূমির স্তরমধ্যে বিভিন্নতা পরিদৃষ্ট হয়।

ভূপৃষ্ঠ যতই কঠিন হউক, শিলাচল যত দৃঢ় হউক উদ্ভিদ একবার তাহাতে কোনরূপে স্থান পাইলে তাহাকে ক্ষয় উদ্ভিদ মূলের শক্তি বা বিদীর্ণ করিবে। অতিশয় পিচ্ছিল স্থানে কোন বীজ সংস্থিত হইতে পারে না, এজন্য ঐদৃশ স্থানে কোন উদ্ভিদকে জন্মিতে দেখা যায় না, কিন্তু সামান্য ছিদ্র বা ফাটাল উন্নপন্ন হইলে কোথা হইতে বীজ আপনি স্থান পায় ও উপ্ত হয়। মূল সকল রস ও আহাৰ্য্য আহরণ করতঃ উদ্ভিদের জীবন রক্ষা করে, কিন্তু তাহা ব্যতীত উহাদিগের আর একটা বিশেষ নির্দিষ্ট কার্য্য আছে। উক্ত কার্য্য,—উদ্ভিদকে এক স্থানে দৃঢ়রূপে সংলগ্ন রাখা। মূল সকলের এ শক্তি না থাকিলে সামান্য বাতাসে বা বৃষ্টিতে উদ্ভিদ ভুলুষ্ঠিত হইত কিম্বা কোথায় ভাসিয়া যাইত। এইজন্য উদ্ভিদ অক্ষরিত হইলেই মূল সকল একদিকে ঘেরূপ আহাৰ্য্য অন্বেষণে ব্যস্ত থাকে, অগ্রদিকে আশ্রয়-স্থানকে দৃঢ়রূপে ধরিয়া থাকে। পিচ্ছিল বা কঠিন স্থানে মূল সকল অবলম্বন পায় না, কিন্তু উহাদিগের শেষাগ্রভাগে যে অম্লান্ত রস থাকে, তদ্বারা তাহারা সন্নিহিত সূচাগ্র স্থানকে জীর্ণ করিয়া সূক্ষ্ম মূলকে তন্মধ্যে প্রবিষ্ট করিয়া দেয়। এইরূপে সূক্ষ্ম মূলগণ ক্রমে ভিতরে প্রবিষ্ট হইতে থাকে এবং প্রস্তরকে ক্রমশঃ বিদীর্ণ করে, স্তরঃ এতদ্বারা যুক্তিকা স্রষ্ট হইবার বিশেষ সাহায্য হয়। পাহাড় পর্বতময়

কে মহীকরূপে রোপণ করিতে গিয়াছে? উহারা আপনাপন স্থান আপনারা করিয়া লয়। সুদৃঢ় অট্টালিকার কোন স্থানে একটি অশ্বখ, বট বা অল্প গাছ রোপণ করিলে কিছুদিন মধ্যেই তাহা ফাটিয়া যাইবে— ইহা উদ্ভিদ মূলের কার্য। উদ্ভিদ দ্বারা মৃত্তিকার উৎপত্তি যেরূপ সহায়তা হইয়া থাকে, মৃত্তিকা মধ্যে উদ্ভিজ্জ পদার্থ সংস্থানেরও সেইরূপ স্ববিধা হইয়া থাকে। মৃত্তিকা মধ্যে উদ্ভিজ্জ পদার্থ ব্যতীত জৈব পদার্থ (animal matters) সমূহ পরিমাণে বর্তমান মৃত্তিকার জৈব-পদার্থ থাকে। জৈব-পদার্থ কোথা হইতে আসে, এক্ষণে তাহা দেখা যাউক। মৃত্তিকায় উদ্ভিজ্জ পদার্থ সঞ্চিত হইলে তাহাতে নানাবিধ ক্ষুদ্র কীট পতঙ্গ জন্মে ও উদ্ভিজ্জ পদার্থে জীবনধারণ করে এবং মরিয়া গেলে তাহাদিগের দেহাবশিষ্ট মৃত্তিকায় সংযুক্ত হয়। মৃত্তিকায় জৈব পদার্থ সংস্থিত হইবার ইহাই প্রধান কারণ। অতঃপর তাবৎ জীবের মৃতদেহ ভূমিতে আবহমানকাল হইতে সংরক্ষিত হইয়া আসিতেছে, সুতরাং মৃত্তিকায় জৈব পদার্থের অভাব হইবার কোন কারণ দেখা যায় না।

মৃত্তিকার কলেবর পুষ্ট ও সারবান করিবার পক্ষে জীব অপেক্ষা উদ্ভিদ দ্বারা অধিক উপকার পাওয়া যায়। শত জৈব ও উদ্ভিজ্জ বর্ষজীবী একটি প্রকাণ্ড হস্তী মরিয়া গেলে তাহার শুষ্ক দেহ হয়ত এক শত মণ, কিম্বা তজ্জাত ভস্ম একমণ হইতে পারে কিন্তু একশত বর্ষজীবী একটি অশ্ববৃক্ষ শুষ্ক হইলে, পত্র, পল্লব, ছাল, মূল প্রভৃতির পরিমাণ পাঁচশত মণেরও অধিক হয় এবং তজ্জাত ভস্মের পরিমাণ ন্যূনকল্পে পাঁচমণ হইতে পারে। এই কারণে মৃত্তিকা মধ্যে স্বভাবতঃ উদ্ভিজ্জ পদার্থেরই প্রাধান্য দেখিতে পাওয়া যায়। প্রকৃতপক্ষে উদ্ভিজ্জ পদার্থই মৃত্তিকার তাবৎ গুণ

বজায় রাখিবার প্রধান উপকরণ কিন্তু তাহা হইলেও উভয়বিধ পদার্থ মধ্যে অনেকটা সামঞ্জস্য দেখিতে পাওয়া যায়, সুতরাং কোনটাই উপেক্ষাযোগ্য নহে ।

## তৃতীয় অধ্যায়

সৌর-জগৎ-জ্বলিত জড়পিণ্ড হইতে পৃথিবীর উৎপত্তি—ইহা আমার মস্তিষ্কান্তর্গত ভূত অবগত হইয়াছি, কিন্তু উক্ত জড়পিণ্ড মধ্যে কোন কোন পদার্থ ছিল তাহা এক্ষণে দেখা উচিত : মস্তিকা মধ্যে কোন কোন মৌলিক পদার্থ অবস্থিত তাহা জানিতে হইলে মস্তিকা পরীক্ষা করিতে হয় এবং মস্তিকা পরীক্ষা করিলে তন্মধ্যে যে যে পদার্থ—মৌলিক পদার্থ (Elementary matters)—বিद्यমান, তৎসমুদায়ই সেই জলন্ত পিণ্ডমধ্যে ছিল, তাহা সহজেই বুঝিতে পারা যায় ।

মস্তিকার ভিত্তি বা কাটাম,—উত্তপ্ত তরল ধাতব ও খনিজ পদার্থ সম্ভূত জমাট বা শৈলজ্বলিত চূর্ণ । উক্ত চূর্ণ বিবিধ ভূত সংখ্যা পদার্থ সমন্বিত । আর্ষ্য মনিষী ও মহর্ষিগণ জ্ঞানিতেন যে, ক্ষিতি, অপ, তেজ, মরুৎ ও ব্যোম, —এই পঞ্চভূত দ্বারা পৃথিবী-গঠিত ।\* ইহা বহুকালের কথা । এক্ষণে

\* (১) ক্ষিতি=ভূমি ; (১) অপ=জল ; (৩) তেজ=অগ্নি ;

(৪) মরুৎ=বায়ু ; (৫) ব্যোম=আকাশ ।

পাশ্চাত্য পণ্ডিতগণ বহু গবেষণা ও অনুসন্ধানের পর স্থির করিয়াছেন যে, পৃথিবীর-কাঠাম, ৭২টা উপাদানের সমাবেশে সংগঠিত। উক্ত বায়ান্তরী পদার্থ আর্ধ্য মনিষী দ্বারা আবিস্কৃত পঞ্চভূতের অতীত নহে, তবে পঞ্চভূত সংক্ষিপ্ত। কেবলই পঞ্চভূতের উপর নির্ভর করিলে বড় গোলযোগে পড়িতে হয়। পঞ্চভূতান্তর্গত সংযুক্ত পদার্থগণ বিশ্লেষিত হইলে প্রত্যেক ভূত হইতে অনেকগুলি মৌলিক পদার্থ পৃথক হইয়া পড়ে, সুতরাং দেখিতে পাওয়া যাইতেছে যে, প্রত্যেক ভূত যুক্ত-পদার্থ। অধুনা যে সকল মৌলিক পদার্থ আবিস্কৃত হইয়াছে তাহাদিগের সংখ্যা চব্বিশটি মাত্র। অবশিষ্ট আটচল্লিশটি উক্ত চব্বিশটি মূল পদার্থের অঙ্গীভূত বা একাধিক পদার্থের সংযোগে উৎপন্ন। প্রথমোক্ত চব্বিশটি পদার্থ সাকার, তুলাধীন, নিরেট ও ব্যাপক। ইহাদিগের কিছুতেই বিনাশ নাই। ভূত বিশেষের সংস্পর্শে আসিলে ইহাদিগের বর্ণ বা আকৃতি পরিবর্তিত হইতে পারে কিন্তু মৌলিকত্ব বিনষ্ট হয় না। পূর্বোক্ত চব্বিশটি ভূত বা মূল পদার্থের নাম নিম্নে লিখিত হইল :—

- ( ১ ) অক্সিজেন (Oxygen) ( ১৩ ) হাড়জান (Phosphorus)
- ( ২ ) অঙ্গারজান (Carbon ( ১৪ ) লবণ (Chlorine)
- ( ৩ ) জলজান (Hydrogen) ( ১৫ ) বালুকা (Silicon)
- ( ৪ ) সোরাঙ্গান (Nitrogen) ( ১৬ ) পটাস (Potash)
- ( ৫ ) গন্ধক (Sulphur) ( ১৭ ) সোডা (Soda)
- ( ৬ ) লৌহ (Iron) ( ১৮ ) চুন (Lime)
- ( ৭ ) পারদ (Mercury) ( ১৯ ) ম্যাগ্নেসিয়াম (Magnesium)
- ( ৮ ) তাম্র (Copper) ( ২০ ) অ্যালুমিনিয়াম (Aluminium)
- ( ৯ ) সীসক (Lead) ( ২১ ) ম্যাঙ্গানিজ (Manganese)

( ১০ ) টিন ( Tin )      ( ২২ ) ক্রোমিয়াম ( Chromium )

( ১১ ) স্বর্ণ ( Gold )      ( ২৩ ) নিকেল ( Nikel )

( ১২ ) রৌপ্য ( Silver ) ( ২৪ ) দস্তা ( Zinc )

উল্লিখিত মৌলিক পদার্থ সমূহ মৃত্তিকার প্রধান উপাদান বা ভিত্তি, কিন্তু সর্বস্থানে উল্লিখিত সকল পদার্থই যে থাকিবে, তাহার কোন নিশ্চয়তা নাই। কোন স্থানে পদার্থ বিশেষ বহুল পরিমাণে সঞ্চিত হইয়া থাকিলে তাহা খনি নামে অভিহিত হয়। অতঃপর মৃত্তিকা অগ্নিদগ্ধ হইলে ইহাদিগের মধ্যে জলজান, অম্লজান ও অক্সিজেন নামক পদার্থ কয়টি এবং তৎসহ সোরাঙ্গান ও ফসফরাস কিয়ৎ পরিমাণে বাষ্পাকারে বায়ুমণ্ডলে গিয়া স্থান পাইয়া থাকে। উহারা পুনরায় বায়ু ও বৃষ্টির সহিত ভূমিতে আসিয়া সংযুক্ত হয়।

উল্লিখিত জড় পদার্থ নিচয়ের প্রত্যেকের মধ্যে এক একটা শক্তি নিহিত থাকে তাহাকে Force কহে। উহার কোন ভৌতিক শক্তি আকার নাই। স্থূল পদার্থের ক্রিয়া দেখিয়া আমরা তাহার অস্তিত্ব উপলব্ধি করিয়া থাকি। জড় হইতে তাহাকে স্বতন্ত্র করিতে পারা যায় না ! উক্ত শক্তি নানা আকারে অবস্থান করিতেছে। এই জগৎ, জড় পরমাণুগুণি কখন সংযুক্ত বা বিযুক্ত, কখন বা উত্তীর্ণ বা পতিত হইতেছে; কখনও রসাকার কখনও বাষ্পাকার ধারণ করিয়া জগতের নানা কার্য সাধন করিতেছে। আলোক (Light), উত্তাপ (Heat), বিজলী (Electricity), চুম্বকতা (Magnetism), মাধ্যাকর্ষণ (Gravitation), সম-সমাবেশ (Cohesion) দলবদ্ধতা (Crystallisation), সংলগ্নতা, (Adhesion) ঘনিষ্ঠতা ( Affinity), দ্রাবকতা বা রসালতা, (Solution), প্রক্ষেপণ ( Repulsion ), জীবনী ( Vitalty ), প্রভৃতি উক্ত শক্তি হইতে উদ্ভূত হইয়া

সংসারের তাবৎ কার্য্য সমাধান করিতেছে। উক্ত শক্তির প্রচ্ছন্ন-বস্থাকে সঞ্চিত বা ভাবী শক্তি ( potential energy ) এবং ক্রিয়াশীল অবস্থাকে প্রকৃত-শক্তি ( Actual energy ) কহে। উভয়বিধ প্রবল শক্তি, সকল জড় মধ্যেই অবস্থান করতঃ মৃত্তিকার মধ্যে নিঃস্তুৰ কার্য্য করিতেছে। ইহাদিগের ক্রিয়াবশে মৃত্তিকা মধ্যে উদ্ভিদের বর্দ্ধনকারী যে শক্তি উৎপন্ন হয়, তাহাকে উৎপাদিকা-শক্তি কহে। মৃত্তিকার অবস্থা ভেদে উক্ত শক্তি কখন প্রচ্ছন্ন, কখনও বা ক্রিয়াশীল অবস্থায় থাকে।

উল্লিখিত চতুর্বিংশতি মৌলিক পদার্থের মধ্যে অঙ্গারজান, অম্লজান, জলজান, সোরাঙ্গান, গন্ধক, হাড়জান ও লবণ—অম্লময় বাষ্পীয় পদার্থ মধ্যে গণ্য।

## চতুর্থ অধ্যায়

—:~:—

মৃত্তিকাস্তর্গত উপাদান সমূহের পরিমাণ ও গুণাগুণ অনুসারে মৃত্তিকা নানা প্রকারের হইয়া থাকে। মৃত্তিকা মধ্যে যে মৃত্তিকা-ভেদ নানাবিধ উপকরণ আছে, তাহারই ইতরবিশেষে উহা ভিন্ন ভিন্ন নামে অভিহিত হইয়া থাকে। প্রত্যেক প্রকার মৃত্তিকারই গুণ ও শক্তি স্বতন্ত্র। ক্ষেত্র মধ্যে কোন স্থলে দীর্ঘিকা বা কুপ খনন করিলে দেখিতে পাওয়া যায় যে, মৃত্তিকার বর্ণ সকল স্থানে সমান নহে। কোথাও সাধারণ মৃত্তিকা কৃষ্ণ বর্ণ, কোথাও শ্বেতাভ, কোথাও হরিদ্রাভ আবার কোথাও লালাভ বা পাংশু অথবা অন্ত্র প্রকারের হইয়া থাকে।

ভূগর্ভস্থ মৃত্তিকা স্তরে স্তরে সঞ্চিত থাকে। পৃথিবীর নিম্ন ভূমি যত ভরাট হইয়া উঠিতেছে, ততই তাহাতে স্তর স্তরের উৎপত্তি পড়িতেছে,—ভূমি উচ্চ হইয়া উঠিতেছে। উচ্চ ও পার্বত্যীয় প্রদেশ হইতে বর্ষাকালের অপরিমিত জলরাশি নিম্নতম প্রদেশে আসিয়া পড়ে। বহু ও জল-প্লাবনে কিসা নদ নদী ভাসিয়া গেলে সন্নিবর্তিত গ্রাম নগর প্লাবিত হইয়া যায়, সেই জলের মধ্যে নানা দেশের ও নানা স্থানের নানাবিধ পদার্থ সংযোজিত হইয়া জলের সচ্ছতা বিদূরিত করে, জল ঘোলা হয়। উক্ত ঘোলা জলের মধ্যে যে সকল পদার্থ ভাসমান থাকে, তাহা ক্রমে ভূমিতে স্থান প্রাপ্ত হয়। ইহাকে পলি কহে। পলি পড়িলে ভূমি যে স্বতঃই উচ্চ হইয়া উঠিবে তাহা বলিবার প্রয়োজন নাই। স্বভাবজাত জলের গাছ-পালা হইতে পত্র, ফুল, ফল প্রভৃতি নিরন্তর ঝরিতেছে, কত গাছ মরিয়া যাইতেছে। এই সকল দ্রব্য স্থানান্তরিত হইতে না পাওয়ায় যথাস্থানে থাকিয়া যাইতেছে এবং বিগলিত হইয়া মৃত্তিকার অঙ্গ পুষ্ট করিতেছে,—ভূমিকে উচ্চ করিতেছে। স্তর উৎপত্তির ইহাও একটা কারণ।

ঘোলা জলে যে জাতীয় পদার্থ থাকে, স্তরও তদনুরূপ হয়। ঘোলা জল কখন পাটকিলে বর্ণের, কখন স্বেতাভ বা স্তরের বর্ণ রুক্ষাভ হয়। জলে যখন পাটকিলে পদার্থের প্রাধান্য থাকে, তখন সে ঘোলা জলের বর্ণ পাটকিলে হয় এবং তদন্তর্গত পলি যথায় স্থান প্রাপ্ত হয় তথাকার মাটি পাটকিলে বর্ণের হইয়া থাকে, স্তরও সেই বর্ণের হয়। অনন্তর একই ভূমির মধ্যে ভিন্ন ভিন্ন বর্ণের স্তর দেখা যায়, তাহার কারণ,—প্রতি বারের স্তর এক প্রকারের হয় না। কোন সময়ে জলের সহিত ইয়ত মাত্র বালুকা আসে, কোন সময়ে পাহাড়ী দেশের লাল মাটি, কোন



সময়ে অরণ্যের ধোয়াট মশি বর্ণের মাটি আসিয়া পড়ে। জলের সহিত বালুকা রাশি ভাসিয়া আসিলে স্তর বালুকাময় হয় এবং তাহার বর্ণ সাদা হয়। এটেল মাটির পলি হইলে স্তর কৃষ্ণাভ হয়, উদ্ভিজ্জ প্রধান হইলে মশি বর্ণের হয়,—লৌহ সঙ্কুল হইলে লাল বর্ণের হয়। এইরূপ অপরিষ্কার বা ঘোলা জলে যে বর্ণের পদার্থ থাকে পলির স্তরও তদনুরূপ হইয়া থাকে।

অপরিষ্কার জলের বর্ণ ভেদে যেরূপ স্তরের বর্ণভেদ হয়, তদন্তর্গত উপাদান সমূহের তারতম্যে স্তর বিশেষের মাটির স্তরের গুণভেদ গুণও ভিন্ন হইয়া থাকে। সাধারণ লোকের ধারণা যে, পলি পড়িলেই জমির উর্বরতা বৃদ্ধি পায়, কিন্তু সকল সময় এ যুক্তি খাটে না। পলি দ্বারা অনেক সময় যেমন জমি উর্বর হয়, সেইরূপ অনেক সময় অকর্মণ্য হইয়া যায়। কোন উর্বর ক্ষেত্রে বালুকার ঘন পলি পড়িলে চিরদিনের জন্ত না হইলেও, অন্ততঃ দুই চারি বৎসরের জন্ত তাহা অকর্মণ্য হইয়া পড়ে। নদগর্ভে অনেক সময় চর পড়ে। বালুকাপ্রধান চর হইলে প্রথম দুই তিন বৎসর প্রায় তাহাতে কোন গাছ পালা জন্মে না। ক্রমে তাহাতে বায়ু সংযোগে নানা জাতীয় পদার্থের ধূলা আসিয়া সঞ্চিত হয়। তখন উহাতে ক্ষুদ্র ক্ষুদ্র তৃণ ও আগাছা জন্মিতে থাকে। অতঃপর তাহারা মরিয়া গেলে তাহাদিগেরই ডাল-পাতা, ফলফুল পাতা-শিকড় প্রভৃতি বালুকার সহিত সংযোজিত হয় এবং পচিয়া গিয়া তাহার সহিত সন্মিলিত হয়। এইরূপে যত দিন যায় ক্রমশঃ গাছ-পালা জন্মিয়া সেই বালুকা রাশির প্রকৃতিকে পরিবর্তন করিয়া দেয়, তখন আবার উহা আবাদের উপযোগী হয়।

যে স্তরে এঁটেল-মাটি থাকে, তাহা চটচটে, পিচ্ছিল ও ঘন হইয়া

থাকে। দৌ-আঁশ মাটির উপরে এঁটেল মাটির স্তর পড়িয়া জমির প্রকৃতি পরিবর্তিত করিয়া দেয়। পূর্বে উক্ত জমিতে যে ফসল সুচারু রূপে জন্মিত, অতঃপর তাহা হওয়া অসম্ভব। সুতরাং এক্ষণে তাহাতে এরূপ ফসলের আবাদ করিতে হইবে যে, তাহারা এঁটেল মাটিরই উপযোগী। আলুর জমিতে এঁটেল মাটি সঞ্চিত হইলে তাহাতে আর আলু আবাদ করা চলে না, অগত্যা তাহাতে অপর ফসলের আবাদ করিতে হইবে। পুষ্করিণী খনন কালে প্রায় সকলে পুষ্করিণীর চারিপার্শ্বে নাটি ফেলিয়া থাকেন, ইহাতে অনেক জমির উপকার হয়, আবার অনেক স্থলে ক্ষতি হয়। এইরূপে অনেক উর্বরা ভূমি—ক্ষেত্র-পাথার ও বাগ-বাগিচা—নষ্ট হইয়া গিয়াছে। খোদিত মৃত্তিকার উপাদান ও গুণাগুণের প্রতি লক্ষ্য না রাখিয়া তাহাকে ভূমি নিষ্কিপ্ত হইতে দেওয়া উচিত নহে।

## পঞ্চম অধ্যায়

—:~:—

মৃত্তিকায় প্রধানতঃ দুইটা জাতীয় পদার্থ দেখিতে পাওয়া যায়—

(১) জৈব ( Organic.) (২) অজৈব (Inorganic.)

মৃত্তিকার উপাদান

যাহাকে মৃত্তিকা বলা যায়, তাহা উক্ত জাতীয় পদার্থের সমষ্টিমাত্র। পৃথিবীতে যে কিছু পদার্থ দেখিতে পাওয়া যায়, তৎসমুদায় উক্ত দুই জাতির অন্তর্ভুক্ত। প্রাচীনেরা পৃথিবীর তাবৎ পদার্থকে চেতন, অচেতন ও উদ্ভিদ—এই তিন শ্রেণীতে বিভক্ত করিয়া উল্লিখিত জাতি চতুষ্ঠয়ব্যতীত মৃত্তিকা মধ্যে আরও দুইটা অদাহ্য পদার্থ

গিয়াছেন। \* তাম্র, স্বর্ণ, রৌপ্য, লৌহ, প্রস্তর প্রভৃতি মৌলিক পদার্থকে সহস্রবার দন্ধ করিলেও রূপান্তরিত হইতে পারে, কিন্তু কখনও অস্তিত্বশূন্য হয় না। মনুষ্য, পশু, পক্ষী, কীট, পতঙ্গ, তরু, লতা, গুল্ম প্রভৃতি সকলেই চেতন ও দাহ্য পদার্থ। ইহাদিগকে দন্ধ করিলে দাহ্য অংশ বায়ুমণ্ডলে গিয়া আশ্রয় লয়; ভস্মাবশেষ মাত্র পড়িয়া থাকে। উক্ত ভস্মাবশেষ অদাহ্য পদার্থ। যে সকল পদার্থ দাহ্য মধ্যে পরিগণিত, প্রকৃতপক্ষে তাহারা কতকগুলি অদাহ্য ও কতকগুলি বাষ্পীয় পদার্থের সমাবেশে উৎপন্ন, তবে আলোচনার সুবিধার্থ দাহ্য ও অদাহ্য—এই দুইটা শব্দ ব্যবহৃত হইয়া আসিতেছে।

এই যে ক্ষুদ্র বা বৃহৎ পাহাড় পর্বত দেখিতে পাওয়া যাইতেছে, তাহারা প্রতিক্ষণেই বায়ু বৃষ্টি শিশির প্রভৃতির মৃত্তিকা ও উদ্ভিদ ক্রিয়াবশে ক্ষয়প্রাপ্ত হইয়া নিম্ন দেশে আসিয়া স্থান প্রাপ্ত হইতেছে, ইহা পূর্বে বলিয়াছি। এই সকল চূর্ণ মধ্যে নানাপ্রকার ধাতব ও খনিজ পদার্থ অবস্থিত। তৎসহ উদ্ভিজ্জ পদার্থও জীবদিগের দেহাবশেষ সম্মিলিত হইলে মৃত্তিকা পূর্ণতা প্রাপ্ত হয় এবং তখন হইতে উহা আবাদের উপযোগী হইয়া থাকে। তবে, সকল স্থানের মৃত্তিকা একপ্রকারের নহে। উপকরণের তারতম্যে মৃত্তিকা উত্তম বা অধম হইয়া থাকে এবং সেই হেতু মৃত্তিকার প্রকৃতি বহুগুণে পরিবর্তিত হইয়া থাকে। এইজন্য কোন স্থলের ভূগর্ভে উতাপ অধিক আবার কোন স্থানে শৈত্যের প্রাদুর্ভাব।

এইরূপ কোন স্থানের মাটিতে অগ্নির প্রার্থ্যা, আবার কোন স্থানের লবণের আতিশয্য দেখিতে পাওয়া যায়। এ সকল বিষয়

---

\* উদ্ভিদ যে চেতন পদার্থ মধ্যে পরিগণিত তাহা সুবিখ্যাত বৈজ্ঞানিক ডাক্তার জগদীশচন্দ্র বসু মহাশয় সপ্রমাণ করিয়াছেন।

পরীক্ষা দ্বারা জ্ঞাত হওয়া উচিত। পরীক্ষা করিতে হইলে মৃত্তিকা পরীক্ষণীয়। স্থানীয় কোন উদ্ভিদে অগ্নিতে দগ্ধ করিয়া যথা নিয়মে পরীক্ষা করিলে মৃত্তিকার স্বভাব বহু পরিমাণে বুঝিতে পারা যায়, কারণ উদ্ভিদ শরীরে যাহা কিছু থাকে, তাহার অধিকাংশই মৃত্তিকাজনিত, অবশিষ্ট বায়ুমণ্ডল হইতে সংগৃহীত অথবা এতদুভয়বিধ পদার্থের সংমিশ্রণে উৎপন্ন। উদ্ভিদগণ নিজ নিজ প্রয়োজনানুসারে মৃত্তিকা হইতে আহাৰ্য্য পদার্থ আহরণ করিয়া থাকে। যেরূপ ভিন্ন ভিন্ন উদ্ভিদের ভিন্ন ভিন্ন সামগ্রীর প্রয়োজন হয় সেইরূপ পরিমাণ বিষয়েও কোন কোন উদ্ভিদ এক পদার্থ অধিক, কোন উদ্ভিদ অল্প আহরণ করে। এই কারণে উদ্ভিদ পরীক্ষা করিয়া মৃত্তিকার গঠন, উপাদান বা প্রকৃতি বিষয়ে সম্যক সিদ্ধান্ত কিছু করিতে পারা যায় না।

সাধারণতঃ কৃষিকার্য্যের জন্ত ভূগর্ভ হইতে দুই হাত মাটি খনন করিয়া দেখিলেই আমাদিগের উদ্দেশ্য সিদ্ধ হইতে পারে, কিন্তু নিম্নগামী দীর্ঘমূল ঝুঁফাদির জন্ত অপেক্ষাকৃত অধিক গভীর করিয়া খনন না করিলে চলে না। অনেক জমির উপরিভাগের মাটি ভাল হইতে পারে, কিন্তু তৎপরবর্ত্তী স্তরের মাটি অকর্ম্মণ্য হওয়া অসম্ভব নহে। ঐদৃশ জমিকে ‘চোষা জমি’ কহে। এই জন্ত মৃত্তিকা বিশেষের উপযোগী ফসল নির্বাচন কিম্বা ফসলের উপযোগী জমি নির্বাচন করা উচিত। এই সূত্রটি বিশেষরূপে স্মরণ রাখিতে হইবে, নতুবা কার্য্যকালে ব্যর্থ মনোরথ হইতে হয়,—অবশেষে উৎসাহ ভঙ্গ হয়। বালুকা-প্রধান মাটিতে পটোলের আবাদ করিতে হয়, কিন্তু তাহাকে এঁটেল মাটিতে পুতিলে কিছুতেই হইবে না। ইক্ষুকে পটোলের ক্ষেতে রোপণ করিলে আশানুরূপ ফল পাওয়া যায় না। এইজন্ত নিজের আয়ত্বাধীন

জমির প্রকৃতি অনুসারে ফসল নির্বাচন করা কিম্বা সঙ্কলিত ফসলের উপযোগী জমি গ্রহণ করা আবশ্যিক। প্রয়োজনানুসারে জমিকে সম্পূর্ণরূপে সংস্কার করিয়া লওয়া বড় ব্যয়সম্ভব ব্যাপার, সুতরাং স্থান নির্বাচন বা ফসল নির্বাচন সুবিধাজনক, কিন্তু তাহা করিবার পূর্বে, কোন মৃত্তিকার কিরূপ প্রকৃতি, কোন মৃত্তিকা কি কি উপাদানে সংগঠিত ইত্যাদি বিষয়ের প্রতি বিশেষ দৃষ্টি রাখা আবশ্যিক।

## ষষ্ঠ অধ্যায়

-:~:-

মৃত্তিকা মধ্যে প্রধানতঃ চারিটি স্থূল পদার্থ দেখিতে পাওয়া যায়। উক্ত চারিটি পদার্থের নাম (১) কর্দম মৃত্তিকার জাতিভেদ ( clay ), ( ২ ) বালুকা ( sand ) ( ৩ ) চূণ ( Lime ), ও ( ৪ ) দাহ পদার্থ .( humus ) or organic ingredient )। উক্ত চারি পদার্থের সম্মিলনজনিত স্থূল পদার্থকে মৃত্তিকা কহে। উক্ত পদার্থ চতুষ্ঠয় যে সমভাগে মৃত্তিকায় অবস্থিত তাহা নহে। কোন পদার্থ অধিক, আবার কোন পদার্থ অল্প পরিমাণে থাকে। পদার্থ নিচয়ের পরিমাহুসারে মৃত্তিকার জাতিভেদ ও নামকরণ হইয়া থাকে। যে মৃত্তিকায় কর্দমের ভাগ অধিক তাহা কর্দম জাতিব, যাহাতে বালুকার ভাগ অধিক তাহা বালুকা জাতীয়, যাহার মধ্যে চূণের ভাগ অধিক তাহা চূণ-প্রধান এবং যাহাতে দাহ পদার্থের অংশ অধিক তাহা দাহ সঙ্কুল বা হালকা নামে অভিহিত মাটি

আছে,—পটাস (Potash) ও ফস্ফরিক গ্যাসিড (Phosphoric Acid)। উক্ত দুইটি পদার্থ উর্বরতা গুণের মূল, কিন্তু মৃত্তিকামধ্যে উহাদিগের পরিমাণ অল্প এজন্য উহাদিগের অল্পতা বা আধিক্য হেতু মৃত্তিকার জাতিভেদ বা নামান্তর হয় না। এক্ষণে উক্ত পদার্থ কয়টাকে স্বতন্ত্র ভাবে আলোচনা করিব।

প্রথমেই কর্দমের নামোল্লেখ করা গিয়াছে। মাটির সহিত জল মিশ্রিত হইয়া কাদা উৎপন্ন হয়। ঘাটে, মাঠে ধাতু চূর্ণ সর্বত্রই প্রায় তাহা দেখিতে পাই। বিশুদ্ধ ভাষায় তাহাকে কর্দম বলা যায়, কিন্তু এ স্থলে কর্দমের সে অর্থ নহে। কর্দম—মৃত্তিকার একটা প্রধান উপাদান এবং তাহা ধাতব সূক্ষ্ম পদার্থ। সিক্তাবস্থায় তাহা এত ঘনীভূত থাকে যে, তদন্তর্গত পরমাণু রাশিকে পৃথক করিতে পারা যায় না। সিক্ত কর্দম অতিশয় কোমল ও পিচ্ছল। পরমাণু সমূহের সূক্ষ্মতা, আণবিক আকর্ষণ (molecular attraction) ও আঁটালতা হেতু পরমাণু সমূহ পরস্পরে অতি ঘনভাবে সংলগ্ন থাকে, তন্নিবন্ধন অধিক রস ধারণে সক্ষম, কিন্তু ঘন সংলগ্নতাবশতঃ তাহাতে জল শোষিত হইতে কাল বিলম্ব হয়। আঁটাল মাটিতে জল শোষিত হইতে একদিকে যেমন বিলম্ব হয়, অত্রদিকে জল শুকাইতেও বিলম্ব হয়। ঈদৃশ মৃত্তিকায় কৃষিকারগণ নানাবিধ সাংসারিক নিত্য প্রয়োজনীয় দ্রব্য নির্মাণ করিয়া থাকে। হাঁড়ি, কলসী, সরা, খুরী, ভাঁড়, নানাবিধ পুতুল খেলনা প্রভৃতি নির্মাণ করিয়া কৃষিকার আমাদিগের নানা অভাব মোচন করিতেছে।—আমরা যে হাঁড়ি, কলসী প্রভৃতি দেখিতে পাই বা ব্যবহার করি, তাহা নানা বর্ণের হইয়া থাকে, তাহার কারণ এই যে—পূর্বে বলিয়াছি—মাটি নানাবর্ণের হইয়া থাকে। শৈলাঙ্গ স্থলিত পদার্থ মৃত্তিকার ভিত্তি

সুতরাং যে বর্ণের পাহাড় হইতে চূর্ণ স্থলিত হইয়া কৰ্দমে পরিণত হয়, কৰ্দম সেই বর্ণেরই হইয়া থাকে। কৃষ্ণ পৰ্বতস্থলিত পরমাণু সমূহ কৃষ্ণ বর্ণেরই হয়। এইরূপ লাল বা পাটকিলে বর্ণ বিশিষ্ট পরমাণু তদনুরূপই হয়। সচরাচর লাল বা পাটকিলে বর্ণেই তৈজস পত্র দেখা যায়। কৰ্দম বা এঁটেল মৃত্তিকায় কোন উদ্ভিদ জন্মিতে পারে না। উহার ঘনতা ও দৃঢ়তা এত অধিক যে, উদ্ভিদের মূল তাহা ভেদ করিতে পারে না। যত রসের অভাব হইতে থাকে, তত উহা দৃঢ় হয় ও চাপ বাধিতে থাকে; শুষ্ক হইলে ফাটিয়া যায় ও সমধিক কঠিন হয়। কোন এলো বা বুয়া মাটিকে সম্বন্ধ করিতে হইলে কিম্বা অবয়ব প্রদান করিতে হইলে তাহার সাহিত অগ্নাধিক কৰ্দম মিশ্রিত করিলে সে ফল পাওয়া যায়। অৰ্দ্ধবিদগ্ধ কৰ্দম চূর্ণ করতঃ ক্ষেত্রে প্রসারিত করিয়া দিলে ভূমির উর্বরতা অতিশয় বৃদ্ধি পাইয়া থাকে। ইষ্টক পুড়াইবার নিমিত্ত যে প্রকারে পাজা নিষ্মিত হইয়া থাকে, কৰ্দমকে স্তরে স্তরে সেইরূপে সাজাইয়া পোড়াইতে হয়। অতঃপর সেই বিদগ্ধ পদার্থকে উত্তমরূপে চূর্ণ করিয়া ক্ষেত্রে প্রসারিত করিতে হয়। বিদগ্ধ হইলে মৃত্তিকার শোষণতা বৃদ্ধি পায়। এই কারণে দগ্ধ-মাটি বৃষ্টির জল হইতে সমূহ পরিমাণে অ্যামোনিয়া (Ammonia) নামক বাষ্পীয় পদার্থ শোষণ করিতে পারে এবং ভাবী উদ্ভিদগণের ব্যবহারের জন্য ধারণ করিয়া রাখিতে সক্ষম হয়।

বালুকা—প্রস্তরজাত চূর্ণ পদার্থ। কৰ্দমের দানা অপেক্ষা ইহার দানা স্থূল ও ভারী। বালুকার যোজনা শক্তি নাই  
বালুকা সকল দানাই পৃথক,—কেহ কাহারও সহিত সম্বন্ধ  
হইতে পারে না। বালুকাময় ভূমি উত্তাপ  
প্রতিক্ষেপক। বালুকা কণা সমূহের উত্তাপ-শোষণ-শক্তি না থাকায়

উদ্ভাপ আহরণ করিতে পারে না। এই জন্ত রৌদ্রের সময় বালুকা এত শীঘ্র উত্তপ্ত হইয়া উঠে। বালুকার রস-শোষণতা আছে, কিন্তু ধারকতা ( Power of retention ) নাই। বালুকা স্তূপে জল পতিত হইবামাত্রই শোষিত হইয়া যায়, কিন্তু সে জল পরমাণু পরম্পরের মধ্যস্থিত ছিদ্রপথ বাহিয়া নিম্নভাগে চলিয়া যায়, পরমাণু সমূহ সে জল আদৌ ধারণ করিতে পারে না।—এই হেতু বালুকা ভূমি নীরস। পরমাণু সমূহ যত স্থূল হয়, জল তত শীঘ্র ভুগর্ভ মধ্যে নামিয়া যায়। চট্‌চটে ও আঁটাল মাটিকে হালকা করিবার জন্ত মৃত্তিকা মণ্ডে বালুকার অবস্থিতি। আঁটাল মাটিতে জল, রৌদ্র বা বায়ু সহজে ও শীঘ্র প্রবেশ করিতে পারে না। মুসলধারায় বৃষ্টি হইলে আঁটাল মাটির মধ্যে অধিক জল প্রবিষ্ট হয় না, কিন্তু বালুকা ভূমির দানা স্থূল বলিয়া তাহার ছিদ্রপথ [capillary tubes] স্থূল হয়। এইজন্ত জল পড়িবামাত্রই ভূমির মধ্যে প্রবেশ করিবার অবাধ পথ পায়, কিন্তু দানা সমূহের ধারকতা অভাবে মাটি অধিকক্ষণ সিক্ত থাকিতে পারে না। সকল মৃত্তিকারই—উপকরণের তারতম্যতা হেতু—ধারণতার ইতর-বিশেষ হইয়া থাকে। মৃত্তিকার ধারকতা পরীক্ষা করিতে হইলে, কোন স্থানে অল্পাধিক মৃত্তিকার স্তূপ করতঃ তাহার মধ্যস্থলে একটি গর্ত করিয়া ধীরে ধীরে জল ঢালিতে হয়। এইরূপে জল ঢালিতে ঢালিতে ক্ষণ কাল পরে দেখা যাইবে যে, স্তূপের সর্ব নিম্নভাগ দিয়া জল বাহির হইতেছে। যতক্ষণ শোষণ করিবার শক্তি থাকে, ততক্ষণ তাহা হইতে জল চুয়াইয়া বাহির হয় না। অতঃপর জলের অতিরিক্তাংশ তলদেশ দিয়া বহির্গত হইয়া যায়। ভিন্ন ভিন্ন প্রকৃতির নির্দিষ্ট পরিমাণ মৃত্তিকায় জল ঢালিলে বুঝিতে পারা যায় যে, কোন্ মৃত্তিকার জল ধারণ করিবার শক্তি কত? ইহা হইতে মৃত্তিকার শোষণ শক্তি



কিরূপ—তাহাও বুঝিতে পারা যায়। যে মাটি, শীঘ্র শোষণ করিতে পারে, তাহার দানা ও ছিদ্রপথ—স্থূল, আধার যে মাটিতে জল শোষিত হইতে বহু বিলম্ব হয়, তাহার কণা সূক্ষ্ম, ছিদ্রপথও সূক্ষ্ম—ইহাই বুঝিতে হইবে। বালুকা কণার শোষণ শক্তি নাই, কিন্তু বালুকা স্তূপের শোষণ শক্তি আছে, কিন্তু এই যে শক্তি, তাহা কেবল জলকে একদিক দিয়া লইয়া অপর দিক দিয়া বাহির করিয়া দিবার নিমিত্ত ভিন্ন আর কিছু নহে। প্রকৃতপক্ষে উহা শক্তি নহে।

বাস্তবিক যাহা মৃত্তিকা নামে অবিহিত, তাহা যে জাতির হউক তাহাতে কদম ও বালুকার অংশ অল্প বা অধিক মৃত্তিকার ভিত্তি পরিমাণে থাকিবে, কারণ উক্ত দুইটি সামগ্রীই মৃত্তিকার প্রধান উপাদান ও ভিত্তি। এক্ষণে উহাতে নানাবিধ পদার্থ সংযোজিত হইলে উর্বরতা প্রতিষ্ঠিত হয়।

বেলে-জমি বলিলে তাবৎ বেলে-জমি যে এক প্রকারের হইবে, তাহা নহে। বালুকা পরমাণুর স্থূলতা বা সূক্ষ্মতানুসারে বেলে-জমি বিভিন্ন প্রকারের হইয়া থাকে। বালুকা পরমাণুকে আকার ভেদে স্থূল, মাঝারি ও সূক্ষ্ম—তিন শ্রেণীতে বিভক্ত করিলে তিন প্রকারের বেলে-জমি আমরা দেখিতে পাই। অতএব তিন প্রকার বেলে জমির গুণও স্বতন্ত্র হইয়া থাকে। স্থূল দানাজনিত বেলে-মাটিতে কূপ বা ছিদ্র [ Pores ] সংখ্যা অল্প, এজন্ত অধিক পরিমাণে রস শোষণ করিতে পারে না, কিন্তু ছিদ্র ও ছিদ্রপথ সমূহ স্থূল বলিয়া শীঘ্র শোষণ করিতে সক্ষম। তাহাতে জল পড়িলে তৎক্ষণাৎ শোষিত হইয়া নিম্নদেশে চলিয়া যায় এবং যে সামান্য জল পরমাণুতে লাগিয়া থাকে তাহাও বায়ু ও রৌদ্রে শুকাইয়া যায়। এত শীঘ্র শুক হইবার কারণও সেই কূপের ও ছিদ্রপথের স্থূলতা। হুগলী জেলায় মগরায় যে

ঈষৎ হরিদ্রাবর্ণের মোটাদানা-বালুকা পাওয়া যায়, তাহা এই শ্রেণীর বালি। উহা ‘মগরার বালি’ নামে অভিহিত এবং প্রতিদিন নৌকা বোঝাই হইয়া কলিকাতা চালান হইয়া থাকে। কলিকাতা অঞ্চলে এই বালি দ্বারা ঘর বাড়ী পলস্তুরা (plaster) করা হইয়া থাকে। কৃষিকার্য্যের পক্ষে ইহা নিকৃষ্ট শ্রেণীর বালি। অতঃপর—

সূক্ষ্ম-পরমাণুজনিত বেলে-জমি দানার সূক্ষ্মতাবশতঃ অধিক জল শোষণ করিতে পারে, কিন্তু শোষণ করিতে অপেক্ষাকৃত কালবিলম্ব হয়। পরমাণুর সূক্ষ্মতা হেতু কুপ ও ছিদ্রপথের সংখ্যা অধিক হয়, তন্নিবন্ধন অধিক রস শোষিত হইবার পথ থাকে, কিন্তু তৎসমুদায় সূক্ষ্ম বলিয়া জল অল্পে অল্পে ভূগর্ভমধ্যে নামিতে থাকে। শোষণে বিলম্ব হইবার ইহাই কারণ। বেলে মাটির মধ্যে ইহা অনেক ফসলের আবাদোপযোগী। ঈদৃশ জমিতে অপেক্ষাকৃত অধিকক্ষণ রস থাকে। ইহাতে ফুটি, কাঁকড়, তরমুজ, বেঁড়ো, পটোল, বজরা, ভুট্টা প্রভৃতির আবাদ হইতে পারে।

মাঝারি বেলে-মাটির দানা মাঝারি আকারের হয়, স্বতরাং তাহার শোষিকতা এতদুভয়ের মধ্যবর্তী। নদী সৈকতে ও চরে এই প্রকারের জমি প্রভূত পরিমাণে দেখা যায়। ইহাতে উদ্ভিজ্জ পদার্থের সমাবেশ হইলে আবাদের উপযোগী হয়। কেবল বালুতে কোন গাছ বাঁচিতে পারে না, তবে গাছ জন্মিয়া শিকড় নিম্নস্তরে পৌছিলে, তখন আর আশঙ্কা থাকে না।

মৃত্তিকার তৃতীয় ও বিশেষ প্রয়োজনীয় উপাদান—চূণ। সচরাচর

চূণ

সকল মৃত্তিকা মধ্যেই প্রায় চূণ থাকিতে দেখা যায়,

কিন্তু তাহার পরিমাণ অতি সামান্য হইলেও মৃত্তিকা

मध्ये তাহার কার্য্যকারিতা বিল্লেষণ না করিলে উপলব্ধি হয় না।

ভূগর্ভমধ্যে নানাবিধ পদার্থের যেরূপ স্তর থাকে, চূণ-সম্বুল পদার্থেরও

সেইরূপ থাকে; চূণপ্রধান মাটি দ্বারা উদ্ভিদের বৃদ্ধি ও পুরিপুষ্টির ব্যাঘাত ঘটিয়া থাকে। যে জমিতে চূণের অভাব বা অল্পতা অনুভূত হয়, কিসা যাহার উর্বরতা হ্রাস প্রাপ্ত হইয়াছে, তাহাতে চূণ সংযোজিত হইলে মৃত্তিকার দোষ কাটিয়া যায়, মৃত্তিকামধ্যে ক্রমে আবার উর্বরতার আবির্ভাব হয়।

উল্লিখিত তিনটি বিশেষ উপাদান সত্ত্বেও উদ্ভিজ্জ বা জৈব পদার্থ না থাকিলে কোন মৃত্তিকাকে পূর্ণ বলিতে পারা যায় না। ইহারই সংযোগে মৃত্তিকার উর্বরতা পরিচালিত হইয়া থাকে। পৃথিবীতে যত গাছপালা ও জীব জন্মগ্রহণ করে তৎসমুদায়ই সাক্ষাৎ বা পরোক্ষ ভাবে অবশেষে মৃত্তিকার সহিত সম্মিলিত হয়। মৃত্তিকামধ্যে এইরূপে দাহ পদার্থের সমাবেশ হইয়া থাকে। উক্ত পদার্থ যাবৎ না অগ্নি সংযোগে ভস্মে পরিণত হয়, তাবৎ উহা ঘন (solid বা inorganic) ও লঘু পদার্থ (organic) সমন্বিত থাকে। উক্ত পদার্থ দাহ নামে অভিহিত হইলেও উহার অন্তর্গত তাবৎ পদার্থ দাহ নহে। তাবৎ পদার্থ দাহ হইলে তাহার অবশিষ্ট কিছুই থাকিত না। বৃক্ষ, লতা, ফল, ফুল, পত্র হইতে জীব শরীরের সকল অংশই দক্ষীভূত হইলে তাহার কিয়দংশ ভিন্নরূপে অবশিষ্ট থাকে। উক্ত ভিন্নাবশিষ্ট পদার্থও ঘন পদার্থের সামিল। এজন্য তাহাকে জৈব বা দাহ পদার্থ (inorganic) না বলিয়া যুক্ত পদার্থ (combined matter) বলিলে ক্ষতি হয় না। যাহা হউক, জীব ও উদ্ভিদ মরিয়া মৃত্তিকার অঙ্গ পুষ্ট করে—ইহা সহজেই বুঝিতে পারা যায়। উদ্ভিদ বা জীবদেহকে বিশ্লেষণ করিলে তন্মধ্যে নানাবিধ লক্ষণ, ক্ষার, সোডা, পটাশ, চূণ, ম্যাগ্নেসিয়া, লৌহ, বালুকা, গ্যালুমিনা, ফসফরিক-এসিড, কার্বনিক-ম্যাগ্নিসিড, সল্ফিউরিক-

গ্যাসিড প্রভৃতি নানাবিধ পদার্থ পাওয়া যায়। এতদ্ব্যতীত যবক্ষারজান নামক বাষ্পীয় পদার্থ পাওয়া গিয়া থাকে। সকল জৈব পদার্থ মধ্যে যে উল্লিখিত পদার্থ নিচয়ের সমাবেশ থাকে কিম্বা সম পরিমাণে বর্তমান থাকে, তাহা নহে। যে উদ্ভিদ বা যে প্রাণী যে যে জিনিস, এবং যে জিনিসের যে পরিমাণ আহরণ করে উদ্ভিদ বা প্রাণী দেহে সেই সেই দ্রব্য সেই অনুপাত মত প্রাপ্ত হওয়া যায়। উল্লিখিত কতকগুলি পদার্থ স্বভাবতঃ মৃত্তিকা মধ্যে বর্তমান, আবার কোন কোন পদার্থ বায়ুমণ্ডল হইলে আহরিত হইয়া শরীর মধ্যে প্রবেশলাভ করতঃ রূপান্তর প্রাপ্ত হয়। মৃত্তিকাস্তরগত যবক্ষারজান (Nitrogen) বায়ুমণ্ডলেরই সামগ্রী। মাটির মধ্যে যে এক জাতীয় জীবাণু (Bacteria) থাকে, তাহারাই বায়ুমণ্ডল হইতে নাইট্রোজেন আহরণ করিয়া মৃত্তিকায় সঞ্চিত করে। অতঃপর কষিত ভূমির মধ্যে বায়ু সংযোগেও নাইট্রোজেন প্রবেশ করিয়া থাকে। এতদ্ব্যতীত বৃষ্টির সময় বায়ুমণ্ডলস্থ নাইট্রোজেন নাইটিক-গ্যাসিড ও গ্যামোনিয়া রূপে ভূমিতে আসিয়া স্থান পায়। অনেকে উদ্ভিজ্জ পদার্থকে হিউমস্ (humus) নামে অভিহিত করেন। প্রকৃত পক্ষে উদ্ভিজ্জ পদার্থ (Vegetable mould) ও হিউমস্—দুইটি স্বতন্ত্র জিনিস। যেখানে উদ্ভিজ্জ পদার্থ সেইখানে হিউমস্,—ইহা ঠিক, কিন্তু যেখানে হিউমস্ সেইখানেই উদ্ভিজ্জ পদার্থ—এরূপ বলা যাইতে পারে না। অক্সিজেন (Oxygen) জলজান (Hydrogen) ও নাইট্রোজেন (Nitrogen)—এই তিনটি বাষ্পীয় পদার্থের সমাবেশ ফলে ‘হিউমস্’ নামক পদার্থের উৎপত্তি। উক্ত তিনটি পদার্থ বায়ুমণ্ডলের জিনিস। ভূমি যত উর্বরা হয় তাহাতে তত অধিক হিউমস্ সঞ্চিত হয়। ভূমির উর্বরতা ফলে ক্ষেত্রস্থ ফসল বা বৃক্ষগণ বৃদ্ধিশীল ও তেজাল হয়—বহু শাখা ও পত্র সম্বলিত হয়, সুতরাং ফসল মধ্যে বহু পরিমাণে

হিউমস সঞ্চিত হয়। সেই হিউমস পূর্ণ পত্রাদি মৃত্তিকায় স্থান পাইলে স্বতঃই তাহা সারবান হইয়া থাকে। তবে ইহা অবশ্যই স্বীকার্য যে, উদ্ভিদগণ হিউমসের আধার। স্বতরাং আধারের ব্যাপ্তি যত অধিক হইবে ততই তাহাতে অধিক হিউমসের সঞ্চুলান হইবে। এই জন্ত উদ্ভিদ যাহাতে ঝাড়াল ও পরিপুষ্ট হয়, তদ্বিষয়ে সর্বদা সচেতন থাকা উচিত এবং তাহা হইলেই ভূমিতে হিউমসের সঞ্চয় হইবে, মৃত্তিকার উৎপাদিকা শক্তি বৃদ্ধি পাইবে। যাহা হউক, উদ্ভিজ্জ পদার্থ না থাকিলে মৃত্তিকা অসম্পূর্ণ থাকিয়া যায়, মৃত্তিকার স্থিতি-স্থাপকতা লোপ পায়, ছিদ্রপথ অবরুদ্ধ হয় এবং মৃত্তিকার শোষণ ও ধারণ শক্তির অভাব হয়। ক্ষেত্রে যতই উদ্ভিজ্জ পদার্থের সমাবেশ করিতে পারা যায়, তত তাহার প্রকৃতির পরিবর্তন হয় এবং উর্বরতা বৃদ্ধি পায়। ক্ষেত্রজাত বন, জঙ্গল বা কসলের অবশিষ্টাংশ—পত্র, ফুল প্রভৃতি কিছু নষ্ট না করিয়া ভূমিতে সংযুক্ত করিয়া দিবার চেষ্টা করা উচিত।

—•—

## সপ্তম অধ্যায়

—\*:—

যে চারিটি প্রধান প্রধান স্থূল পদার্থের সমাবেশে মৃত্তিকার উৎপত্তি তাহা পূর্বোধ্যায়ে আলোচিত হইয়াছে। তাহা-  
উপাদানের ইতর বিশেষ  
দিগের প্রত্যেকের পরিমাণানুসারে মৃত্তিকার গুণের  
ইতরবিশেষ হইয়া থাকে, ঘুটিং, খড়ি, মাল (Marl) মর্শ্বর জিপ্সম

(Gypsum) প্রভৃতি চূণময় প্রস্তর। উহাদিগকে অগ্নিদগ্ধ করিলে চূণ উৎপন্ন হইয়া থাকে। এতদ্ব্যতীত শস্যক পোড়াইলেও চূণ উৎপন্ন হয়। যাবতীয় জীব শরীর মধ্যস্থিত অস্থি এবং মৎস্যের কাঁটা দগ্ধ করিলে অল্পাধিক পরিমাণে চূণ প্রাপ্ত হওয়া যায়। উদ্ভিদ মধ্যেও চূণের অস্তিত্ব দেখা যায়।

কদম্ব বা এঁটেল মাটি ও বালুকা মধ্যে গুণাগুণ বিষয়ে পরস্পরের যে বৈষম্য আছে, তাহাকে সামঞ্জস্য করিবার জন্ত মৃত্তিকা মধ্যে চূণ থাকা প্রয়োজন। চূণ নিষ্ক শক্তিমত রস শোষণ ও ধারণ করিতে সক্ষম এবং উল্লিখিত দুইটা ঘন বা নীরেট (Solid) পদার্থকে একেবারে জমাট বাঁধিতে না দিয়া পরস্পরকে পৃথক রাখিয়া স্বীয় শক্তি সংযোগে কাঁচা করাওয়া লয় এবং ক্রমশঃ তাহাদিগের স্থূলতা হাস করিয়া উদ্ভিদ শরীরে প্রেরণ করিয়া থাকে। ঈদৃশ ক্রিয়াশীলতা নিবন্ধন চূণ আপন কলেবরও ক্ষয় করিয়া উহাদিগের সহিত ঘনিষ্টরূপে মিশিয়া যায়। চূণের এই সকল গুণ আছে বলিয়া ঘন ও আঁটাল মাটিতে বিবেচনা মত চূণ মিশাইয়া দিলে উক্ত মৃত্তিকার স্বাভাবিক ঘনতা বিদূরিত হয়, মৃত্তিকা লুপ্ত হয়, ফলতঃ তাহাতে জল বায়ু ও উত্তাপ প্রবেশের দ্বার মুক্ত হয়। জমিতে নিরন্তর কত জিনিষ সংযোজিত হইতেছে, কত উদ্ভিজ্জ পদার্থ, কত মৃত জীব দেহ ও উচ্ছিষ্টা মলিত হইতেছে! এতন্নিবন্ধন মৃত্তিকায় নানা জাতীয় অন্ন প্রতিদিন সন্নিবিষ্ট হইতেছে। উক্ত অন্নজ পদার্থের বিনাশ সাধন করিবার জন্ত কিম্বা তাহাকে সংস্কৃত করিয়া উদ্ভিদের ব্যবহারোপযোগী করিবার জন্ত মৃত্তিকা মধ্যে চূণ থাকে বিশেষ প্রয়োজন। চূণহীন জমি প্রায় অল্পময় হয় এবং অন্নাদিক্য হেতু তাহাতে উদ্ভিদ জন্মিতে পারে না। আঁটাল-মাটি, বেল-মাটি, দো-আঁশ বা কাঁস-মাটি,

ছুধে-আটল প্রভৃতি যত প্রকার মাটি আছে চারিটা পদার্থের সংযোগে তৎসমুদায় উৎপন্ন তাহাদিগের প্রত্যেকের যথাযথ পরিমাণের সন্মিলন। ফলে মৃত্তিকার জাতিগত নামকরণ হইয়া থাকে। কোন মৃত্তিকায় কর্দমের, কোন মৃত্তিকার বালুকার, কোন মৃত্তিকার চূণের, আবার কোন মৃত্তিকার জৈব পদার্থের ভাগ অল্প বা অধিক থাকে। যে মাটিতে যে পদার্থের প্রাধান্য থাকে, তদানুসারেই তাহাকে অভিহিত করিতে হয়। কর্দম-প্রধান মাটির আঁটালতা অধিক, এজ্জ উহা আঁটাল-মাটি; বালুকা প্রধান মাটির নাম বেলে-মাটি; এই উপাদান বিশেষের আধিক্য দেখিয়াই মৃত্তিকা বিশেষকে বিশেষ নামে অভিধান করিতে হয়।

প্রধান উপাদান চতুষ্টয়ের মধ্যে মৃত্তিকার কোন একটির অভাব বা অল্পতা পরিদৃষ্ট হইলে বুঝিতে হইবে যে, অপর উপাদানের একটা, দুইটা বা তিনটির পরিমাণ অধিক আছে। সামঞ্জস্যতা এই অবিচ্ছিন্ন ফল রাশিকে ইংরাজিতে Law of Minimum কহে। ইহা গণিত শাস্ত্রানুমোদিত সূত্রাং ইহার সত্যতা বিষয়ে সন্দেহ করিবার উপায় নাই। স্ফাবশ্যকীয় যে কয়টা উপাদানের পরিমাণ যথাযথ থাকা আবশ্যক কিন্তু তাহা না থাকিলে, সমষ্টির পূর্ণতা হেতু অবশিষ্ট কয়েকের আধিক্য নিশ্চয়ই দেখিতে পাওয়া যাইবে। সকল জমিতেই এক বা একাধিক পদার্থের ঘেরূপ আধিক্য পরিলক্ষিত হয়, সেইরূপ হুত্তা থাকাও অবশ্যস্বাবী। এই হুত্তাই তাবৎ ফসল নিয়ন্ত্রিত হইয়া থাকে। ক্ষেত্রে ফসল উৎপন্ন হইলে তাহার পুষ্টি ও পালনের জন্ত মাটিতে যে পদার্থ থাকা তাবশ্যক তাহা না থাকিলে সেই সেই পদার্থকে স্থানান্তর হইতে আনিয়া মৃত্তিকার সেই অভাব পূরণ করিতে হয়। সুপ্রসিদ্ধ জৰ্ম্মান রাসায়নিক লাইবিস্

Baron von Liebig সাহেব উক্ত ন্যূনাধিক্যের উপর ভিত্তি করিয়া উক্ত মতের প্রচার করিয়া গিয়াছেন।

উপাদান-ভেদে মৃত্তিকার গুণবত্তার ও ক্রিয়াশীলতার তারতম্য হইয়া থাকে এবং উদ্ভিদ-শরীরে তাহার ফল পরিলক্ষিত হয়। উপাদানের বিভিন্নতা হেতু কোন জমি নীরস ও উদ্ভাপ-বিক্ষেপক; কোন জমি সরস ও উদ্ভাপশোষক হইয়া থাকে; আবার কোন জমি সামান্য রসের অভাবে একবারে শুষ্ক ও হীনশক্তি হইয়া পড়ে। অনন্তর, কোন জমি, বারোমাসই যথা পরিমাণ রসধারণক্ষম বলিয়া বৎসরের পর বৎসর সুন্দর ফসল প্রদান করে। অনেক জমি সামান্য বারিপাত হইলেই এমন পিচ্ছিল ও আটালবৎ হইয়া যায় যে, তাহা কিছু দিনের জগ্গ অর্থাৎ যাবৎ উত্তমরূপে না শুষ্ক হয়,—একবারে অকর্মণ্য হইয়া থাকে। কোন কোন জমি বৃষ্টির পবেও অধিক দিন সিক্ত থাকে এবং সেই রস শুকাইবার পূর্বেই হয়ত আবহাওয়া পরিবর্তিত হইয়া যায়। একরূপ হইলে ফসলের বপন ও রোপণাদি কার্যের অনেক বিলম্ব হইয়া যায়, তন্নিবন্ধন আশানুরূপ ফসল পাওয়া যায় না। অনেকের ভাগ্যে একরূপ অনেক সময় ঘটে যে, ক্ষেতের জল শুষ্ক হইবার জগ্গ পাঁচ সাত দশদিনের জগ্গ অপেক্ষা করিতে হয়। চাষ আবাদ কার্যে এই কয়দিন সময় নষ্ট হওয়া বড় কম কথা নহে!

আলোচিত পদার্থ চতুষ্টয়ের পরিমাণানুসারে কুব্জার সাহেবের মতে

মৃত্তিকা	মৃত্তিকার প্রধানতঃ আটটা শ্রেণী দেখিতে পাওয়া যায় এবং প্রত্যেক শ্রেণীকেই তিনি দুইভাগে বিভক্ত করিয়াছেন। অনন্তর প্রত্যেক বিভাগকে তিন
নির্দেশ	

উপবিভাগে বিভক্ত করিয়া এ পর্য্যন্ত মোটের উপর অষ্টচত্বারিংশ প্রকারের মৃত্তিকা নির্ণয় করিয়াছেন। সুপ্রসিদ্ধ জর্মান কৃষিকবিঃ কুব্জার:



সাহেবের শ্রেণী বিভাগানুসারে তাহার প্রত্যেক প্রকারের সংক্ষিপ্ত আলোচনা করিতেছি। প্রথমতঃ আটটি প্রধান শ্রেণীর নাম দেখা যায়—(১) আঁটাল-মাটি, (২) দোয়াঁশ, (৩) বেল-দোয়াঁশ, (৪) এঁশো বালি, (৫) বেল-মাটি, (৬) চুণ-মধ্যম, (৭) কষামাটি ; (৮) বোদমাটি বা হিমউস্। বলা বাহুল্য যে, পদার্থ বিশেষের আধিক্যের উপর দৃষ্টি রাখিয়া মৃত্তিকার শ্রেণী-বিভাগ হইয়াছে।

(১) যে মাটি আঁটাল ও চট্চটে তাহাকে আঁটাল মাটি কহে। ঐদৃশ মাটিতে গ্যালুমিনা (alumina) নামক স্বেত ধাতুর চূর্ণের প্রাধান্য দেখিতে পাওয়া যায়। আঁটল মৃত্তিকায় ৫০ ভাগের অধিক উক্ত পদার্থ থাকে। চূর্ণের পরিমাণ ভেদে উক্ত মৃত্তিকা দুই প্রকারের হইয়া থাকে। শতভাগ মৃত্তিকা মধ্যে সাধারণতঃ ১ হইতে ৫ ভাগ পর্য্যন্ত চুণ থাকে। ভাগের ইতরবিশেষে উহা উত্তম, মধ্যম ও অধম—এই তিন জাতিতে বিভক্ত। যাহাতে শতকরা পাঁচ ভাগ চুণ থাকে, তাহা উত্তম, যাহাতে ২০ হইতে ৫ ভাগ থাকে তাহা মধ্যম, এবং যাহাতে ২০ হইতে অর্দ্ধ ভাগ চুণ থাকে তাহা অধম প্রকারের আঁটাল মাটি। আবার যে আঁটল মাটি একেবারেই চূণবিহীন তাহা দ্বিতীয় শ্রেণীর আঁটাল মাটি, এবং তাহাও প্রথম বিভাগের চূণবিশিষ্ট আঁটাল মাটির গ্ৰায় উত্তম, মধ্যম ও অধম বিশেষে ভিন্ন ভিন্ন তিন উপবিভাগে বিভক্ত। ফলতঃ ইহা আঁটল মাটির শ্রেণীভুক্ত, স্তরায় তাহাতে ৫০ ভাগের অধিক চিক্কণ মাটি অবস্থিত। ইহাতে শূন্য হইতে অর্দ্ধভাগ অর্থাৎ একশত ভাগের এক ভাগের অর্দ্ধভাগ মাত্র উদ্ভিজ্জ পদার্থ থাকে, অবশিষ্ট অংশ বালুকা।

যে মাটিকে আমরা সহজ ভাষায় গঙ্গা-মৃত্তিকা বলিয়া থাকি, তাহাই প্রকৃত এঁটেল (clay) মাটি। কুম্ভকারগণ এই মৃত্তিকার দ্বারা হাঁড়ি কলসী প্রভৃতি নানাবিধ মৃৎপাত্র এবং খেলনা প্রভৃতি নির্মাণ করে। এঁটেল

মাটিতে প্রায় পটাস্, সোডা, চূণ, লৌহমল, প্রভৃতি সম্মিলিত থাকে, এইজন্ত ইহা বিশেষ সারবান মৃত্তিকা। শুষ্ক এন্টেল মাটিতে জল লাগিলে একপ্রকার গন্ধ বাহির হয়, তাহাকে সোঁদা কহে। অনেক দ্বীলোক উক্ত সোঁদা গন্ধের জন্ত পাতখোলা বা আধ পোড়া ইষ্টক চর্কন করেন।

২। দোয়াশ মাটি (loamy soil)।—সাধারণতঃ ইহাকে বাগান জমি কহে। সাধারণ ঔদ্যানিক কাষ ও চাষ আবাদের পক্ষে দোয়াশ-মাটি বিশেষ উপযোগী। ইহাতে ৩০ হইতে ৫০ ভাগ কদম বা চিক্ণ-মাটি, ৫ ভাগ চূণ, ৫ ভাগ উদ্ভিজ্জ পদার্থ এবং অবশিষ্টাংশ বালুকা থাকে। অতঃপর, চূণের অংশের ইতরবিশেষে ইহা দুই ভাগে বিভক্ত—১ন, চূণপ্রধান দোয়াশ ; ২য়,—চূণবিহীন দোয়াশ। অনন্তর উপাদান ভেদেও এই দুই বিভাগের প্রত্যেকটিরই উত্তম, মধ্যম ও অধম—এই তিনটি বিভাগ আছে।

(৩) বেল-দোয়াশ (sandy loam)।—এরূপ মাটিতে সচরাচর বালুকা থাকে, তদপেক্ষা অধিক বালুকা যে দোয়াশ মাটিতে দেখা যায়, তাহাই বেল-দোয়াশ নামে অভিহিত। দোয়াশ মাটি অপেক্ষা ইহার রস-ধারণ-শক্তি কম, এবং ইহা অপেক্ষাকৃত উত্তাপ বিক্ষেপক। ইহাতে উদ্ভিজ্জ-সার সংযোগ করিলে মৃত্তিকার রস-শোষণ ও ধারণ-শক্তি বৃদ্ধি পায়। ইহাতে ২০ হইতে ৩০ ভাগ নাত্র চিক্ণ-মাটি থাকে। ইহার মধ্যে যাহাতে চূণ আছে তাহা চূণ-যুক্ত, এবং যাহাতে চূণ নাই তাহা চূণবিহীন বেল-দোয়াশ নামে আখ্যাত। এতদুভয়ই আবার উহার পরিমাণের তারতম্যে তিন উপবিভাগে বিভক্ত হইয়াছে।

(৪) এঁশো-বালি বা ফাঁস-মাটি (loamy sand)।—বেল-মাটির সহিত ইহার অতি নিকট সম্বন্ধ, কারণ ইহাতে বালুকায়ই প্রাধান্ত

অধিক। দৌয়াশ মাটির অল্লাধিক উপাদান ইহার সহিত সংযুক্ত থাকায় ইহা বালুকা-ভূমি অপেক্ষা ঈষৎ ভাল। ঈষৎ পুরাতন বালুকা-চর বা নদী-সৈকত ভূমি সমূহ প্রায় এই জাতীয়। বেলে জমিতে ক্রমশঃ তৃণ ও আগাছা জন্মিয়া উহাতে উদ্ভিজ্জ পদার্থের সমাবেশ করিয়া দেয়, তখনই উহা ফাঁস-মাটি নামের যোগ্য হয়। ফাঁস-মাটি অতিশয় নীরস কিন্তু জলের সন্নিহিতে অবস্থিত বলিয়া ঈষৎ সরস থাকে এবং তাহাও বর্ষাকালে ও বর্ষার পর দুই একমাস পর্য্যন্ত। ইহাতে ১০ হইতে ২০ ভাগ পর্য্যন্ত চিকণ মাটি থাকে।

( ৫ ) বেলে বা বালি-মাটি (sandy soil)।—হহার অধিকাংশই প্রায় বালুকা। ইহাতে উদ্ভিজ্জ পদার্থ ত থাকেই না, তবে চিকণ মাটি দশভাগ পর্য্যন্ত দেখিতে পাওয়া যায়। ঈদৃশ জমিতে কোন প্রকারেই চাষ-আবাদ চলে না। বেলে-জমির পৃষ্ঠদেশ রৌদ্রের সময় এতই উত্তপ্ত হইয়া উঠে যে, সেদিকে কেহ চাহিতে পারে না, তাহার উত্তপ্ত বাতাসে যেন অগ্নি বৃষ্টি হইতে থাকে এবং তৎসন্নিহিতে লোকজন বাস করিতে পারে না। বহুকাল পতিত থাকিলে ক্রমশঃ তাহা ব্যবহারোপযোগী হইতে পারে।

( ৬ ) চূণ-মাঝারি (marly)।—ইহাতে ৫ হইতে ২০ ভাগ চূণ থাকে। সার সংযোজিত করিয়া ইহাকে কার্যোপযোগী করিতে পারা যায়। যাহাতে ইহা আঁটাল, দৌয়াশ, বা বেলে-দৌয়াশ মাটির অন্তর্গত হইতে পারে, তজ্জন্ম সর্বাগ্রে তদন্তর্গত চূণের শক্তিকে হ্রাস করিয়া দিবার নিমিত্ত তাহাতে বহু পরিমাণে উদ্ভিজ্জ-সার নিয়োজিত করা একান্ত আবশ্যক। উদ্ভিজ্জ পদার্থ নিয়োজিত হইলে চূণের পরিমাণ বিক্ষিপ্ত হইয়া পড়ে সুতরাং তাহার প্রাধান্য বহু পরিমাণে হ্রাস প্রাপ্ত হয়। ইহা ( Law of minimum ) নামে অভিহিত।

( ৭ ) কষা-মাটি (Calcareous soil)।—কষামাটি অতিশয় চূণসম্বল,

এমন কি তাহাতে ২০ ভাগেরও অধিক চূণ থাকে। সংস্কার করিয়া লইলে উহা অঁটল, দৌয়াশ প্রভৃতির অন্তর্গত করিতে পারা যায়, কিন্তু যে মাটিতে ২০ হইতে ২৮ ভাগই চূণ, তাহাকে আসল চূণ বলিলে ক্ষতি হয় না। আমরা যে চূণ ব্যবহার করি বা দেখি, মৃত্তিকায় তাহা সে অবস্থায় থাকে না। চূণসঙ্কুল প্রস্তরময় পাহাড়ের সন্নিহিত স্থানে ঈদৃশ জমি উৎপন্ন হইয়া থাকে। উক্ত প্রস্তর সমূহের চূর্ণ ও খণ্ড বা ঘুটীং যে ক্ষেত্রে অধিক পরিমাণে আসিয়া সঞ্চিত হয়, সেই ক্ষেত্রেই চূণময় হয়। উল্লিখিত চূর্ণ ও খণ্ডকে সংগ্রহ করিয়া দগ্ধ করিলে চূণ উৎপন্ন হয়।

( ৮ ) উদ্ভিজ্জ-মৃত্তিকা (humus soil)—ইহার মধ্যে সাধারণ মৃত্তিকা অপেক্ষা অধিক উদ্ভিজ্জ পদার্থ থাকে। সূচরাচর মৃত্তিকা মধ্যে এক বা দেড় ভাগ ত্রৈবাস্পিক পদার্থ থাকিতে দেখা যায় কিন্তু উদ্ভিজ্জ-মৃত্তিকায় পাঁচ ভাগেরও অধিক থাকে। উদ্ভিজ্জ-পদার্থ ও হিউমস্ যে দুইটি স্বতন্ত্র পদার্থ তাহা পূর্বাধ্যায়ের আলোচিত হইয়াছে। হিউমস্—তিনটি বাস্পীয় পদার্থের সংযোগে উৎপন্ন হইলেও উদ্ভিদের সহিত সংস্পর্শিত হইয়া তদন্তর্গত স্থূল পদার্থকে অবলম্বন করিয়া অবস্থান করে। এই জন্ত উহার কতকাংশ দ্রবনীয়, কতকাংশ অদ্রবনীয়। উক্ত দ্রবনীয় অংশ—উদ্ভিদের মূলসমূহ স্বভাবতঃ আহরণ করিয়া থাকে। হিউমস্‌র দ্রবনীয় অংশের নাম উদ্ভিজ্জাস (humic acid) এবং অদ্রবনীয় অংশের নাম অদ্ভার বা হিউমিন (humine)। অদ্ভারজান বা কার্বনই উদ্ভিদের প্রধান খাদ্য। মৃত্তিকায় উক্ত পদার্থের অভাব থাকিলে উদ্ভিদ জন্মিতে পারে না। এইজন্য হিউমস্ হইতে মৃত্তিকায় কার্বন সংস্থিত হয়, উপরন্তু উদ্ভিদগণ বায়ুমণ্ডল হইতেও উহা আহরণ করে।

উল্লিখিত আট প্রকারের মৃত্তিকা ব্যতীত ভারতের নানা স্থানে

আরও কয়েক প্রকার মৃত্তিকা দেখা যায়, তন্মধ্যে নিম্নলিখিত কয়টা বিশেষ :—

২। বোদমাটি (vegetable mould)।—অনেকের নিকট ইহা ‘পাণ্ডব-পোড়া মাটি’ নামে পরিচিত কারণ তাহাদিগের বিশ্বাস যে, কুরু-পাণ্ডবের যুদ্ধের পর পাণ্ডবদিগের মৃতদেহ ভূমিতে পতিত থাকিয়া মৃত্তিকায় পরিণত হইয়াছে এবং সেই মৃত্তিকা ‘পাণ্ডব-পোড়া-মাটি’।  
যাহা হউক—

বোদমাটি সম্পূর্ণ মৃত্তিকা নহে। উহাতে উদ্ভিজ্জ পদার্থ অত্যন্ত অধিক। উক্ত মাটি শুষ্কাবস্থায় অগ্নিসংযোগে প্রজ্জ্বলিত হয় এবং লঘুতা বশতঃ জলে ভাসিতে থাকে। ইহার বর্ণ সিল্কাবস্থায় মশিবেৎ এবং শুষ্কাবস্থায় পোড়া মাটির ত্রায় থস্‌থসে ও ফাটা। মৌলিক বা আসল অবস্থায় উহাতে তৃণটা পর্য্যন্ত জন্মে না। কিন্তু অপরাপর মৃত্তিকার সহিত সংযোজিত হইলে, সংযুক্ত মাটি অত্যন্ত তেজস্বর হইয়া উঠে। প্রথমাবস্থায় বহুদিন পর্য্যন্ত তাহাতে কোন উদ্ভিদ জন্মে না, কিন্তু ক্ষেত্রান্তরে উক্ত মৃত্তিকা সাররূপে ব্যবহার করিলে আশাতিরিক্ত শুভ ফল প্রাপ্ত হওয়া যায়। খাল, বিল বা বিস্তীর্ণ জলাশয় এদৌ পড়িয়া গেলে তাহাতে হিংচা, কল্মী, গুন্নি, হোগ্লা, পানা, শেওলা, কচুবী প্রভৃতি নানাবিধ জলজ উদ্ভিদ জন্মিয়া থাকে। বহুকাল এইরূপ অবস্থায় থাকিলে সেই সকল উদ্ভিদে জলাশয় ক্রমে ভরাট হইয়া উঠে,—ক্রমে জল শুকাইয়া যায়। অতঃপর কোন গতিকে মাটি চাপা পড়িলে বহুকাল তদবস্থায় থাকিয়া যায়,—কর্ষণাদির অভাবে উহা বিক্ষিপ্ত বা চূর্ণিত হইতে না পারিয়া বা অল্পাধিক বিগলিত হইয়া সেই অবস্থাতেই সঞ্চিত থাকে। ঈদৃশ ক্ষেত্রে ক্রমাগত কর্ষণ করিলে দীর্ঘকাল পরে আবাদের উপযোগী হইতে পারে।

১০। লোনা-মাটি (saline soil)।—সমুদ্রের সম্মিলিত ক্ষেত-পাথারে লোনা মাটির বিশেষ প্রাদুর্ভাব দেখা যায় এবং তথাকার খাল, বিন, পুষ্করিণী প্রভৃতির জল প্রায় লবণময় হয়। যে সকল ক্ষেত্রের মৃত্তিকা লবণাক্ত তাহা চাষ আবাদের পক্ষে সুবিধাজনক নহে। ঈষৎ লবণাক্ত মৃত্তিকাকে সংশোধন করা চলে, কিন্তু অতিরিক্ত লবণময় হইলে তাহাতে কোন আবাদই চলে না।

১১। উষর-ভূমি।—বেহার, যুক্ত-প্রদেশ প্রভৃতি সমুদ্র হইতে বহুদূরে অবস্থিত। এজ্জা তথায় লোণা জমি পাওয়া যায় না কিন্তু সে প্রদেশের অনেক জমিতে অল্প প্রকারের লবণ থাকে। ঈদৃশ জমি বঙ্গদেশের লোনা জমির ন্যায় চাষ আবাদের পক্ষে বড় অসুবিধাজনক। গ্রীষ্মকালে এই সকল জমিতে লবণ ফুটিয়া উঠে। ভূমির উপরিভাগে উক্ত লবণ শুভ্র বর্ণের গুঁড়ার ন্যায় প্রসারিত থাকিতে দেখা যায়। ঈদৃশ ভূমির উপরিভাগ চাঁচিয়া সংগ্রহ করতঃ বেহারের তুনিয়া জাতির লোকে সোরা প্রস্তুত করিয়া থাকে। এরূপ জমিকে ‘উষর-ভূমি’ কহে। উষর-ভূমিতে সোডা (Sodium Sulphate), সাজিমাটি (Carbonate of Soda) প্রভৃতি তীব্র লবণ সঞ্চিত থাকে। পতিত ও অনাবাদী জমিতেই লবণ অধিক প্রকাশ পায়। বর্ষাকালে উক্ত পদার্থ জলের সহিত বিধৌত হইয়া স্থানান্তরে গিয়া পড়ে কিম্বা ভূমির গভীরতম দেশে নামিয়া যায়, সুতরাং সে সময়ে তথায় চাষ-আবাদ করা চলে। এই সকল ক্ষেত্রে বারোমাস কোন-না-কোন ফসলের আবাদ করিলে—অভাব পক্ষে আগাছার দ্বারা আবৃত করিয়া রাখিলে—উপরে লবণ উঠিতে পারে না।

১২। কিটাল মৃত্তিকা।—ইংরাজিতে ইহাকে Ferruginous soil কহে। কোন কোন জমি কুন্দালিত হইলে মৃত্তিকা-চাপের গাত্রে মেটে-লাল বর্ণের সূক্ষ্ম সূক্ষ্ম পদার্থ দেখিতে পাওয়া যায়। ঈদৃশ

মৃত্তিকাকে জলে গুলিলে ঈষৎ লালভ হইয়া থাকে। যে সকল জমিতে লৌহের গুঁড়া স্থান পায় তথাকার মৃত্তিকার বর্ণ এইরূপ হইয়া থাকে। লৌহসঙ্কুল পাহাড়ের ধোয়াটের সহিত লৌহের পরমাণু থাকে, সেই জল যে জমিতে স্থান পায় তাহাতেই লৌহকিট্ট দেখিতে পাওয়া যায়। লৌহের পরমাণুদল জল-বাতাসের সংস্পর্শে আসিলে তাহাতে মরিচা জন্মে এবং সেই মরিচাকে লৌহকিট্ট বা লৌহমল কহে। আবাদী ক্ষেত্রের উপরিভাগে বা আবাদী-স্তরে লৌহমল প্রায় দেখা যায় না। গুরুত্ববশতঃ উহারা নিম্নস্তরে নিমজ্জিত হয়। অধিক কিট্টালযুক্ত জমিতে ফসল তেজাল হইতে পারে না। দ্বারভাঙ্গা জেলার অনেক স্থানের মাটিতে প্রচুর পরিমাণে লৌহমল দেখিতে পাওয়া যায়। বর্ষাকালে তথাকার অনেক খানা-ডোবায় ঈষৎ লাল বর্ণের সর পড়িতে দেখা যায়। উক্ত সর লৌহমল-জাত পদার্থ ভিন্ন আর কিছু নহে। সমতল অপেক্ষা ঢালু প্রদেশে (alluvial) ইহার প্রাচুর্য অধিক, কারণ এই সকল দেশের জমি পাহাড়ের সন্নিকটে অবস্থিত, পাহাড়ের জল ত্তাহাদিগের উপর দিয়াই প্রবাহিত হয় এবং প্রবাহকালে জলে তাসমান অপরপর পদার্থের সহিত লৌহরেণুও ভূমিতে স্থান প্রাপ্ত হয়। কর্ষণাধীন ভূমির আবাদীস্তরে যে উহাদিগকে দেখা যায় না, তাহার কারণ—আলগা মাটিতে উহারা নিরবলম্বভাবে অবস্থান করে, স্তরায় বৃষ্টি হইলে নিম্নস্তরে নামিয়া যায়। নিম্নস্তরে নামিয়া গেলেও যোগাকর্ষণে রসের সহিত উহাদিগের কষ উপরিভাগে আসিয়া থাকে এবং রসের সহিত সন্মিলিত হইয়া উদ্ভিদ শরীরে প্রবেশ লাভ করে। ইহাদিগের ঘনতা দূর করিবার জন্য ক্ষেত্রে ভাল মাটি বা সার প্রভূত পরিমাণে প্রদান করা উচিত; এরূপ করিলে রেণু সমূহের পুঞ্জ বা ঘনতা ভাঙ্গিয়া যায়,— ফলতঃ তাহারা বিক্ষিপ্ত হইয়া পড়ে ও তাহাদিগের শক্তি হ্রাস প্রাপ্ত হয়।

## অষ্টম অধ্যায়

—o.o.o.—

মৃত্তিকা ভগ্নপ্রবণ পদার্থ স্তূতরাং যতই কঠিন হউক, অল্লাধিক আঘাত  
পাইলে চূর্ণ হইয়া যায়। মাটি যত চূর্ণ ও বুয়া  
ছিদ্রতা হয়, তত তাহার ছিদ্রতা বৃদ্ধি পায়। ভূমির  
উর্ধ্বরতার প্রধান কারণ,—ছিদ্রতা (porosity)। যে মাটির যত  
অধিক ছিদ্রতা তাহা তত অধিক উর্ধ্বর হইয়া থাকে, তাহার কারণ এই  
যে, তদন্তর্গত পরমাণু বা দানা সমূহ অতিশয় ক্ষুদ্র, তন্নিবন্ধন তাহাতে  
ছিদ্রও অধিক। স্থূলদানাবিশিষ্ট মৃত্তিকায় জল পতিত হইবামাত্র  
শোষিত হয় বলিয়া তাহার শোষকতা অধিক, এরূপ মনে করা ভ্রম।  
এরূপ মৃত্তিকায় শীঘ্র জল শোষিত হইবার প্রধান কারণ—দানা ও  
ছিদ্রপথসমূহের স্থূলতা। ইহাতে যে জল পতিত হয়, তাহা শীঘ্রই  
নিম্নদেশে নামিয়া যায়,—আবাদী স্তরের মধ্যে অধিকক্ষণ সঞ্চিত থাকিতে  
পারে না। যে মাটির দানা স্থূল, তাহার শোষকতা ও ধারণকতা অল্প।  
একখানি সুপেক্ষ ইষ্টক যত জল শোষণ ও ধারণ করিতে পারে,  
তৎপরিমিত সুচূর্ণীত ইষ্টক বা ধূলা তদপেক্ষা বহুগুণ জল শোষণ ও ধারণ  
করিতে পারে। অভগ্নাবস্থায় ইষ্টকখানি যত স্থান অধিকার করিয়া  
থাকে, তাহাকে সূক্ষ্ম ধূলায় পরিণত করিলে, ধূলারাশি ইষ্টকপেক্ষা  
বহু অধিক স্থান অধিকার করিবে—ইহা নিশ্চয়, কারণ সমষ্টি অপেক্ষা  
ব্যষ্টির আয়তন অধিক। পরমাণুরাশি একত্রে ঘনরূপে সংবদ্ধ থাকিলে  
তাহাদিগের স্বতন্ত্র অস্তিত্ব থাকে না, স্তূতরাং বিস্তৃত স্থানেরও আবশ্যক  
হয় না। সমষ্টি হইতে বিচ্যুত হইলেই একদিকে যেরূপ তাহাদিগের



স্বতন্ত্রতা প্রকাশিত হয় অণুদিকে সেইরূপ থাকিবার জন্য অধিক স্থানেরও আবশ্যক হইয়া থাকে। ধূলা একত্র সমাবিষ্ট হইলে প্রত্যেক পরমাণুর আকারানুসারে প্রত্যেকের চতুষ্পার্শ্বে স্থান থাকিবেই। সমাবিষ্ট চূর্ণরাশির উপরিভাগে দানা পরস্পরের মধ্যে সম্মিলন ফলে ক্ষুদ্রাদপিক্ষুদ্র স্থান অনধিকৃত থাকে। ইহাই মৃত্তিকার ছিদ্র বা কূপ (pores)। উক্ত ছিদ্রসমূহের দ্বারাই ভূগর্ভের সহিত বায়ুমণ্ডলের আদান-প্রদান হইয়া থাকে। উহাদিগের ভিতর দিয়া বায়ু, বৃষ্টি, আলোক, উত্তাপ প্রভৃতি ভূগর্ভমধ্যে প্রবেশ লাভ করে। প্রবেশদ্বার অধিক থাকিলে বায়ুবাধি অধিক পরিমাণে প্রবেশ করিতে সক্ষম হয়। সকল প্রকার মাটির দানা অপেক্ষা এঁটেল মাটির দানা সূক্ষ্ম, এইজন্য তাহাতে ছিদ্র অধিক,—মৃত্তিকার মধ্যে স্থান অধিক,—পরমাণু পরস্পরের মধ্যবর্তী শিরালা বা ছিদ্রপথ অধিক কিন্তু সঙ্কীর্ণ। এই সকল কারণবশতঃ এইরূপ মাটির শোষণতা ও ধারকতা অধিক। আঁটাল-মাটির নামে অনেকের ভীতির সঞ্চার হয়, কিন্তু তাহার সদৃশ উত্তম মাটি আর নাই। বালুকা-দানার স্থূলতা অধিক বলিয়া পরমাণু পরস্পরের মধ্যে স্থান অপেক্ষাকৃত 'অল্প, তন্নিবন্ধন তাহাতে অধিক জল প্রবেশ করিতে কিম্বা অধিক জল সঞ্চিত থাকিতে পারে না। বেলে মাটি অতি শীঘ্র জল শোষণ করিতে পারে বলিয়া লোকের ধারণা যে, বেলে-মাটি অধিক জল শোষণক্ষম, কিন্তু প্রকৃতপক্ষে তাহা নহে। ছিদ্রতার আধিক্য হেতু এঁটেল-মাটির ভিতর যেরূপ অধিক জল প্রবেশ করিতে পারে, সেইরূপ অলোক, উত্তাপ ও বায়ু অধিক পরিমাণে প্রবেশ করিতে সক্ষম হয়। অতঃপর দেখা যায়,—

যে ভূমিতে পূর্বোক্ত পদার্থ চতুষ্টয়ের প্রতিপত্তি থাকে, তাহা স্বভাবতঃ উর্বরা হয়। বৃষ্টির হইবার ২৪ দিন পরে মাটি বেশ শুষ্ক

হইলে দেখা যায়, তৎপরিস্থ উদ্ভিদ—বিশেষতঃ কোমল-প্রকৃতি

উদ্ভিদ,—বিষমভাব ধারণ করে, তাহার কারণ

নং ১

ভূপৃষ্ঠ বারিবিধৌত হইয়া ছিদ্রপথ সমূহের মুখ

বন্ধ করিয়া দেয় তন্নিবন্ধন মৃত্তিকা মধ্যে

বায়বাদি প্রবেশ করিতে পারে না।

মৃত্তিকা মধ্যে উক্ত পদার্থ-সমূহ প্রবেশ

করিতে না পারিলে কোন উদ্ভিদ বাঁচিতে পারে না। কোমলপ্রকৃতি

উদ্ভিদে ইহার ফলাফল যত শীঘ্র দেখিতে পাওয়া যায়, অত উদ্ভিদে

সেরূপ পাওয়া যায় না। যাহা হউক, উল্লিখিত কারণে যে সকল উদ্ভিদ

বিষমভাব ধারণ করে, তাহাদিগের কতকগুলির গোড়ার মাটি চূর্ণ

করিয়া দিলে চুই এক ঘণ্টার মধ্যেই এই সকল বৃক্ষ রূপান্তর প্রাপ্ত

হইয়া সজীব হয়, প্রফুল্লভাব ধারণ করে। ভূপৃষ্ঠের ছিদ্র বৃজিয়া গেলে

মৃত্তিকা যতই সারবান হউক, কিছুতেই কিছু হইবে না। কেবল যে,

বৃষ্টির জল দাঁড়াইলে অথবা উপরে সর পড়িলে ভূমির ছিদ্র বৃজিয়া যায়

তাহা নহে, জমির উপর দিয়া লোক চলাচল করিলে অথবা গরু-বাছুর

চরিলে তাহাদিগের পদভরেও মাটি যথেষ্ট বসিয়া যায়,—ছিদ্র বৃজিয়া যায়।

রস, আলোক উত্তাপ প্রভৃতি ভূগর্ভ মধ্যে-প্রবেশ করিবার যে পথ

তাহাকে ছিদ্রপথ ( Capillary tubes ) কহে।

ছিদ্র পথ

ভূ-পৃষ্ঠের উপরিভাগ হইতে ছিদ্রপথ সমূহ নিম্নাভি-

মুখী হইয়া ক্রমে ভূগর্ভস্থ বারিপৃষ্ঠে ( water level ) মিলিত হইয়াছে।


ভূগর্ভ মধ্যে এমন একটা স্থান আছে যথায় ভূপৃষ্ঠশোষিত তাবৎ জল

ক্রমশঃ নিম্নদেশে গিয়া স্থান পায়। এত যে বৃষ্টি হয়, তাহার সমুদায়

জল নিকাশ হইতে পারেনা—কতক জল ভূমিতে শোষিত হয়, কিন্তু কত

জল যে শোষিত হয় তাহার কোন নির্দেশ নাই, কারণ তাহা মৃত্তিকার

শোষকতার উপর নির্ভর করে। কুর্শ-পৃষ্ঠ ও গড়েন জমি অপেক্ষা সমতল জমিতে অধিক জল শোষিত হয়। এইরূপ নানা কারণে ভূগর্ভ মধ্যে অল্প বা অধিক জল শোষিত হইয়া থাকে। মৃত্তিকা যে পরিমাণ জল ধারণ করিয়া রাখিতে সক্ষম হয়, সেই পরিমাণ জল ধারণ করিয়া রাখে, অবশিষ্টাংশ ছিদ্রপথের ভিতর দিয়া অন্তর্ভৌম জলাশয়ে গিয়া স্থান পায়। ঋতু অনুসারে উক্ত জলাশয় ভূ-পৃষ্ঠের অধিক বা অল্প নিম্নে বিস্তারিত থাকে। বর্ষাকালে বৃষ্টির আধিক্য-হেতু জলাশয় ও ছিদ্রপথ সমূহ জলে পূর্ণ থাকে, স্তত্রাং সে সনয়ে হয়ত এক হাত মাটি খনন করিলেই জল পাওয়া যায় কিন্তু উক্ত বারি জলাশয়ের নহে,—ছিদ্রপথের সঞ্চিত জল। বর্ষা উত্তীর্ণ হইবার পর মাটিতে রস কমিয়া আসে, তখন অগত্যা অধিক দূর খনন না করিলে জল পাওয়া যায় না—পুষ্করিণী বা কূপ খনন কালে তাহা বেশ বুঝিতে পারা যায়। নিম্নে যে চিত্র (নং ২) দেওয়া গিয়াছে তদ্রূপে বুঝিতে হইবে,—ক, ভূপৃষ্ঠ; ক্ষুদ্র ক্ষুদ্র বিন্দু সমূহ মৃত্তিকার ছিদ্র বা ছিদ্রপথের মুখ; খ, খ,—মধ্যবর্তী স্থানে যে সূত্রবৎ দাগ, তৎসমুদায় ছিদ্রপথ; এবং গ, গ—চিহ্নিত মধ্যবর্তী স্থান অন্তর্ভৌম জলাশয়। সূর্য্যোত্তাপে ভূপৃষ্ঠ হইতে যত জল আকর্ষিত হইতে থাকে, যৌগিকাকর্ষণ শক্তি দ্বারা ছিদ্রপথ দিয়া তত জল সেই জলাশয়



হইতে উর্দ্ধে উঠিতে থাকে। উক্ত জলাশয় কখনও জলশূন্য হয় না। যেখানে যত জল থাকুক, তাবৎ জলই সেই মহাজলাশয়ের সহিত সম্মিলিত হয়। জলাশয় নিরন্তর বারিপূর্ণ থাকায় এবং বাহ্যাকর্ষণে উক্ত জলাশয় হইতে

ছিদ্রপথ দিয়া জলরাশি নিরন্তর উপরিভাগে উঠিতে থাকায় মাটি সর্বদা

অল্লাধিক সিক্ত থাকে। মেঘাচ্ছন্ন দিবসে রৌদ্রাভাবে এবং রাত্রিকালে রসাকর্ষণ-ক্রিয়া অল্লাধিক স্থগিত থাকে।

এক্ষণে দেখা যাউক্ ছিদ্রপথের ক্রিয়া কি? ছিদ্রপথের ক্রিয়া—

ছিদ্রপথের ক্রিয়া উত্তাপ, বায়ু ও রস আহরণ করতঃ ভূমির মধ্যে

বিস্তৃত করিয়া দেওয়া এবং বোগাকর্ষণ (capillary attraction) শক্তি দ্বারা ভূগর্ভস্থ জলাশয় হইতে জল শোষণ করিয়া উর্দ্ধাভিমুখে আনয়ন করা। এইরূপে ভূগর্ভস্থ রস বাষ্পাকারে বায়ুমণ্ডলে সংযুক্ত হয়। ছিদ্রপথের মুখ যত উন্মুক্ত থাকে, মৃত্তিকামধ্যে উল্লিখিত ক্রিয়া সমূহের কাৰ্য্য তত অধিক হয়। মাটি জমাট বাঁদিয়া গেলে, মাটির উপর সর পড়িলে অথবা ভূমি অধিক দিবস অকথিতাবস্থায় পতিত থাকিলে ছিদ্রপথের মুখ বন্ধ হইয়া যায়, তন্নিবন্ধন বায়ু, রৌদ্র বা আলোক মৃত্তিকা মধ্যে প্রবেশ করিতে সক্ষম হয় না। উল্লিখিত পদার্থ সমূহ মৃত্তিকার জীবন স্বরূপ। তাহাদিগের অভাবে মৃত্তিকাকে নিরজীব বা মৃত বলিতে পারা যায়। বহুকালের পতিত ও কঠিন জমিতে চাষ দিলে তাহার অব্যবহিত পরেই তাহাতে রৌদ্রাদির ক্রিয়া সঞ্চারিত হয়। ভূমি নিরজীবাবস্থায় থাকিলে তদন্তর্গত পদার্থ সমূহ বিশ্লেষিত হইতে পায় না এবং যাবৎ উত্তমরূপে বিশ্লেষিত না হয় তাবৎ কাল উক্ত পদার্থনিচয় যতই সারাল হউক—উদ্ভিদের কোন কার্য্যেই আসে না। তবে ইহা দেখা যায় যে, মৃত্তিকা প্রায় নিষ্ক্রিয়াবস্থায় থাকে না, সুবোগ-সুবিধার অভাবে বা তাহাতে কোন ব্যাঘাত ঘটিলেই নিষ্ক্রিয়তা দেখা যায়। ভূমি প্রলিপ্ত হইলে অথবা তদুপরে বিস্তৃত প্রস্তর বা অগ্নি কোন গুরুভার সামগ্রী নিপতিত থাকিলে মৃত্তিকার ক্রিয়াশীলতার অভাব হইয়া থাকে।

অতপরঃ—

ক্ষেত্র কুদালিত হইলে মাটির বড় বড় চাপ্ উৎপন্ন হয়। সেই সকল



থাকি। সেই সকল টেলা উত্তমরূপে চূর্ণীকৃতাবস্থায় থাকিলে সমগ্র এক বিঘা জমিতে বীজ ছড়াইয়া পড়িতে পারে। বীজ ঘনরূপে পতিত হইলে ঘনভাবে গাছজন্মে, কিন্তু প্রয়োজনমত স্থানের অভাববশতঃ উপ গাছ সকল অযথাদীর্ঘে হইয়া উঠে, অনেক গাছ ঘনতা হেতু মরিয়া যায়। আবার যে সকল গাছ থাকিয়া যায়, ঘনতা হেতু তাহাদিগের গোড়ায় নিড়েন বা খুরপী করা চলে না। এরূপ অবহেলায় আবাদ করিলে প্রথম ক্ষতি—ফসলের উৎপন্নের হ্রাস পরিমাণ দ্বিতীয়তঃ, একবিঘা জমির খাজনা দিয়া পূরা এক বিঘা জমির উপসত্ত ভোগে বঞ্চিত হওয়া। এরূপে এক বিঘার আবাদ অপেক্ষা সূচাঘের দশ কাঠা জমিও ভাল। সূচাঘ দ্বারা দশ বিঘার ফসল পাঁচ বিঘা হইতে উৎপন্ন করিতে পারিলে অপর ব্যক্তি আর পাঁচ বিঘা লইয়া আবাদ করিতে পারে।

সকল মৃত্তিকার ছিদ্রপথ সমান নহে। মৃত্তিকান্তর্গত উপকরণের  
 ছিদ্রপথের ও দানার স্থূলতা বা সূক্ষ্মতানুসারে ভূপৃষ্ঠের ছিদ্র  
 অসমতা যেরূপ অধিক বা অল্প, বড় বা ছোট হইয়া থাকে,  
 . ছিদ্রপথও সেইরূপ অধিক বা অল্প স্থূল বা সঙ্কীর্ণ  
 হইয়া থাকে। পক্ষান্তরে বৃষ্টির জল তেমনি শীঘ্র বা বিলম্বে নিম্নদেশস্থ  
 বারিস্তরে গিয়া পড়ে। উদ্ভিজ্জ-পদার্থ-সম্বলিত মৃত্তিকায় সহজে রসের  
 অভাব হয় না। বেলে মাটিতে বালির পরিমাণ অধিক, বালির দানাও  
 স্থূল। এই কারণে তাহার ছিদ্রপথ প্রশস্ত হইয়া থাকে। কিন্তু—

এঁটেল মাটির প্রকৃতি ও গঠন ঠিক উহার বিপরীত অর্থাৎ এঁটেল  
 মাটির দানা সূক্ষ্ম, এবং সূক্ষ্ম দানার অধিক্য হেতু ছিদ্রপথ অতিশয় কুশ  
 হয় কিন্তু সংখ্যায় অধিক হয়। যে সকল ক্ষেত্রের মাটি ফাটিয়া যায়,  
 তজ্জাত গাছের শিকড়ও ছিঁড়িয়া যায়, মাটির ভিতর রোজ ও বাতাস  
 প্রবেশ করিয়া নিম্নস্তরের মাটিকে নীরস ও কঠিন করিয়া দেয়। স্থূল

অর্থাৎ অর্ধ বিগলিত উদ্ভিজ্জ-সার প্রদান করিলেও, আপাততঃ সে দোষ ঢাকা পড়ে কিন্তু তদ্বারা মৃত্তিকার স্থায়ী সংস্কার হয় না, কারণ উহা বিগলিত হইলে ছিদ্রপথ সমূহ পুনরায় সন্ধীর্ণতা প্রাপ্ত হয়। এস্থলে কেবল এঁটেল ও বেলে মাটির বিষয়ই আলোচিত হইল। এতদুভয়ের অন্তর্গত মৃত্তিকা সমূহ উপাদানের অল্লাধিক্যে ও ঘনতা বা স্থূলতাহুসারে স্থূল বা সূক্ষ্ম, অল্প বা অধিক হইয়া থাকে।

## নবম অধ্যায়

—:~:—

যৌগিক আকর্ষণের দ্বারা পৃথিবীর রস বাষ্পাকারে পরিণত হইয়া বায়ুমণ্ডলে গিয়া আশ্রয় প্রাপ্ত হয়। ভূমি পাছে রসাকর্ষণ নীরস হইয়া যায়—এই জন্য জগদীশ্বর মৃত্তিকাকে এরূপ একটা বিশেষ শক্তি দিয়াছেন যে, তদ্বারা উহা বায়ুমণ্ডল হইতে সহজে রস আহরণ করিতে সমর্থ হয়। মৃত্তিকাস্তর্গত উপাদান সমূহের গুণাগুণে এবং প্রাকৃতিক ও ভৌতিক কারণে উক্ত শক্তির অল্পতা অধিক বিকাশ হইয়া থাকে। বায়ুমণ্ডল হইতে মৃত্তিকার এই রসাকর্ষণ শক্তিকে ইংরাজীতে Hygroscopicity কহে। উক্ত শক্তিকে ক্রিয়াশীল রাখিবার জন্ত ভূমি যাহাতে কঠিন না হয় এবং ভূমির ছিদ্রপথের মুখ রুদ্ধ না হয়, তদ্বিষয়ে লক্ষ রাখা উচিত। অল্লাধিক সরস মৃত্তিকা যে যে পরিমাণে রস শোষন করিতে সক্ষম, শুষ্ক ও ঝুড়া মাটিতে তত নহে।

মৃত্তিকা মধ্যে রস থাকিলেই যে যথেষ্ট হইল, তাহা নহে। মৃত্তিকা মধ্যে রস সঞ্চালিত না হইলে তদন্তর্গত স্থূল পদার্থ রস ও উত্তাপ সমূহ বিগলিত বা বিশ্লেষিত হইতে পারে না। উক্ত ক্রিয়াকে নিরন্তর তৎপর বা ক্রিয়াশীল রাখিবার জন্ত মৃত্তিকা মধ্যে রস থাকা যেরূপ প্রয়োজন, বাহ্যিক উত্তাপেরও সেইরূপ প্রয়োজন, কারণ একের অভাবে-অপরের নিষ্ক্রিয়তা অবশ্যজ্ঞাবী। রসহীন মৃত্তিকায় যতই প্রথর সূর্য্যরশ্মি নিপতিত হউক, তদ্বারা মৃত্তিকার কোন উপকার দর্শে না—কেবল তাহার উপরিভাগ ঈষৎ উত্তপ্ত হয় মাত্র। আবার সরস মৃত্তিকা সূর্য্যোত্তাপ হইতে বঞ্চিত হইলে তাহারও কোন উপকার দর্শে না, বরং সঞ্চিত রস জড়ভাবে থাকিয়া ক্রমে ঘূষিত হইয়া পড়ে, জমিতে উত্তাপের অভাব হয় এবং তাহার ফলস্বরূপ—তদুপরিষ্ উদ্ভিদগণ শীর্ণ, বিবর্ণ, বৃদ্ধিহীন হয়।

রস-সঞ্চালনী ক্রিয়া কি এবং তাহার ফলই বা কি? রস ও উত্তাপ যতক্ষণ স্বতন্ত্রাবস্থায় থাকে, ততক্ষণ তাহাদিগের এক-রসপরিক্রমণ প্রকার নিজস্ব ক্রিয়া থাকে, কিন্তু এতদুভয়ের সম্মিলন ফলে যে শক্তির উদ্ভব হয়, তদ্বারা অতি বৃহৎ\* বৃহৎ কাৰ্য্য সংসাধিত হইয়া থাকে। মৃত্তিকা মধ্যে যে পরিক্রমণী-ক্রিয়া (Circulation of moisture) দেখা যায়, তাহা রস ও উত্তাপ জনিত শক্তির ফল মাত্র। সূর্য্যোত্তাপ—মৃত্তিকাভ্যন্তরস্থ রসের সংস্পর্শে আসিলে রস উত্তপ্ত হইতে থাকে। সেই উত্তাপ ক্রমশঃ নিম্নাভিমুখে ধাবিত হইলে সমগ্র রস অগ্নাধিক উষ্ণ হইয়া উঠে। রস যত উষ্ণ হইতে থাকে ততই তাহা উদ্বেলিত হইয়া উঠে, ফলতঃ সমগ্র রস মধ্যে উত্তাপ দক্ষারিত হইয়া ভূগর্ভস্থিত জড় পদার্থ সমূহ বিশ্লেষিত হইতে থাকে।



রসের পরিক্রমণ-ক্রিয়া বারোমাস সর্বদেশে বা সকল প্রকার মৃত্তিকা-  
 কায় সমভাবে সমাহিত হয় না। সূর্য্যোত্তাপের ন্যূনা-  
 পরিক্রমণের দিক্য অল্পসারে তাহার ইতরবিশেষ হইয়া থাকে।  
 ইতরবিশেষ গ্রীষ্মকালে সূর্য্যের প্রখরতা—সকল ঋতু অপেক্ষা  
 অধিক হয়, এজন্ত গ্রীষ্মকালে পরিক্রমণ-ক্রিয়া সমধিক হইয়া থাকে, কিন্তু  
 এ সময়ে ভূমিতে রস কমিয়া যায়, তজ্জন্ত পরিক্রমণের ব্যাঘাত ঘটয়া  
 থাকে কিন্তু এ সময়ে কখন কখন বারিপাত হইলে কিস্বা জমিতে জল  
 সেচিত হইলে পরিক্রমণ কার্য্য পূর্ণতা প্রাপ্ত হয় বা প্রবল হয়। শীত-  
 কালে জলমাত্রের ঘনীভূত হইয়া থাকে,—সহজে উত্তপ্ত হয় না, উপরন্তু  
 সে সময়ের দিবা ভাগ অল্প, সূর্য্যের স্থায়ীত্ব অপেক্ষাকৃত অল্পক্ষণ, সূর্য্য-  
 রশ্মিও তাদৃশ প্রখর নহে। এই সকল কারণে শীতকালে ভূমির রস  
 উত্তপ্ত হইতে বিলম্ব হয়, এবং যে উত্তাপ উদ্ভূত হয়, তাহাও বহুক্ষণ স্থায়ী  
 অথবা সমধিক উত্তপ্ত হয় না। সর্বদেশের কথা যে বলিয়াছি, তৎ-  
 সম্বন্ধেও উল্লিখিত যুক্তি বহু পরিমাণে প্রযোজ্য, কারণ কোন দেশ শীত  
 প্রধান, কোন দেশ উষ্ণ-প্রধান ইত্যাদি। শীত-প্রধান দেশে শীতের  
 প্রাধান্য, সূর্য্যোত্তাপের মৃদুতা, বায়ুমণ্ডলের আর্দ্রতা প্রভৃতি কারণ বশতঃ  
 তথাকার মৃত্তিকার উত্তাপ কম। উত্তাপের অল্পতা নিবন্ধন মৃত্তিকার  
 রস-পরিক্রমণ ক্রিয়াও অনেক কম হইয়া থাকে। আবার অনেক দেশে  
 বরিপাত অত্যধিক, বৎসরের অধিকাংশ দিনই আকাশ মেঘাচ্ছন্ন থাকে  
 স্তত্রাং সেখানে সূর্য্যোত্তাপের পরিমাণ অল্পই হইয়া থাকে। ইহা  
 প্রাকৃতিক কারণের অন্তর্ভুক্ত। অতঃপর ইহাও দেখা যায় যে,—

মৃত্তিকাস্তগত উপকরণ সমূহের তারতম্যে ও তাহাদিগের বর্তমান  
 অবস্থা ভেদে, ভূগর্ভ মধ্যে সময় বিশেষে উত্তাপের ন্যূনাধিক্য হইয়া  
 থাকে। এঁটেল মাটির পৃষ্ঠ-কূপ (pores) ও ছিদ্রপথ সমূহ অতিশয়

ক্ষুদ্র ও সঙ্কীর্ণ বলিয়া উদ্ভাপাদি তন্মধ্যে প্রবেশ লাভ করিতে কালবিলম্ব হয়, তদ্ব্যতীত উদ্ভপ্ত রস শীতল হইতে থাকে। এই জন্ত এটেল ও তজ্জাতীয় মাটি নাক্ষত্রিক প্রভাবতঃ অগ্নাধিক ঠাণ্ডা হইয়া থাকে। ডোবা বা বিল জমিতে উদ্ভাপ আদৌ ভূমি স্পর্শ করিতে পারে না। বালুকা বা মল্লভূমিতে রসাতাব, কাজেই তাহারও প্রায় সেই দশা। পতিত জমিতে যতদিন না হলচালনা করা যায়, তত দিন তাহা এক ভাবে—অতি নির্জীব ভাবে থাকে, এবং তাহাতে যে তৃণাদি জন্মে তৎসমুদায় তাদৃশ বৃদ্ধিশীল বা লাভণ্যযুক্ত হয় না, কিন্তু যে দিন বা যে ক্ষণ হইতে সেই বহুদিনের পতিত ভূমিতে হলচালিত হয়,—সেই ক্ষণ হইতে তাহার নির্জীবতা দূর হয়,—তাহাতে নব-জীবনের সঞ্চার হয়।

ইহার মূল—রস, উদ্ভাপ ও বায়ু। মনুষ্য, পশু, পক্ষী, কীট, পতঙ্গ

প্রভৃতি যাবতীয় জীবের ও উদ্ভিদের জীবন ধারণের ভৌতিক যোগ

জন্ত উক্ত তিনটি অমূল্য পদার্থের যেরূপ একান্ত প্রয়োজন, ভূমির উর্বরতা রক্ষার জন্তও সেই সকল সামগ্রী তদনুরূপ আবশ্যক। আবাদী জমিতে হলচালনা করা হয়, মাটি উলট-পালট হয়, সেই জন্ত তাহাতে উক্ত তিনটি বিশেষ বিশেষ পদার্থের কার্য হইয়া থাকে। উদ্ভাদিগের একের অভাবে অপরের কোন ক্রিয়াশীলতা থাকে না। উক্ত পদার্থত্রয়ের মধ্যে যাহার পরিমাণ অপেক্ষাকৃত অল্প থাকে, তাহারই অনুপাতে উদ্ভাদিগের কার্যকারিতা পরীক্ষা করিবার একটা সহজ উপায় আছে। খানিকটা জমির ( দুই এক হাত হইলেও ক্ষতি নাই ) এক বিতস্তি আন্দাজ মৃত্তিকা তুলিয়া ফেলিয়া তাহাতে ২৩ অঙ্গুলি পুরু করিয়া বিচালি, টাটকা অশ্ব-পুত্রীষ বা অপর কোন উদ্ভাপ-জনক সার প্রসারিত করতঃ তদুপর উত্তোলিত মৃত্তিকা প্রসারিত করিয়া দৃঢ়রূপে চাপিয়া দিবার পর তাহাতে জল সেচন করিতে হয়। সেচিত

জল ক্রমে সমুদায় মৃত্তিকা সিক্ত করতঃ নিম্নস্থিত পদার্থে গিয়া সঞ্চিত হয়। নিম্নস্থিত সার বা খড়ে জল সঞ্চিত হইবার কিছুক্ষণ পরে তন্মধ্যে উত্তাপের সঞ্চায় হয়। তাপমান যন্ত্র দ্বারা পরীক্ষা করিলে—উত্তাপের অস্তিত্ব ও পরিমাণ জানিতে পারা যায়। উত্তাপ জন্মিলে তথা হইতে যে, উত্তপ্ত বাষ্প নির্গত হইতে থাকে, তাহাও দৃষ্টিগোচর হয়। এই উত্তাপকে বিশ্লেষক-উত্তাপ বলিতে পারা যায়, কারণ উক্ত উত্তাপ উদ্ভূত হইলে পদার্থ সমূহের স্থূলতা ভাঙ্গিয়া গিয়া ক্রমশঃ ক্ষুদ্রাদপিক্ষুদ্র পরমাণুতে পরিণত হয়। এক্ষণে দেখিতে হইবে যে, উক্ত পদার্থত্রয়ের বিনা সমন্বয়ে বিশ্লেষক-উত্তাপ উদ্ভূত হইতে পারে কি না? এতদর্থে উক্ত পরীক্ষাধীন স্থানে বায়ু প্রবেশের পথ রোধ করিতে হইবে। মৃত্তিকা দৃঢ়রূপে চাপিয়া দিলে তন্মধ্যে বায়ু বা রৌদ্র প্রবেশ করিতে পারে না সুতরাং মৃত্তিকা মধ্যে উত্তাপ জন্মে না। দ্বিতীয়তঃ,—অন্য সকল কার্য্য যথা নিয়মে সম্পন্ন করিয়া যদি তাহাতে আদৌ জল সেচন করা না যায়, তাহা হইলেও তন্মধ্যে উত্তাপ জন্মে না। অতঃপর দেখা যায়—বায়ু প্রবেশের পথ থাকিলে রৌদ্র বা উত্তাপ প্রবেশের পথ থাকিবে; তন্মধ্যে অবশ্যই যে বায়ু প্রবেশ করিতে পারে সে বিষয়ে কোন সন্দেহ নাই। মাটিতে সার—বিশেষতঃ উদ্ভিজ্জ সার—থাকিলে তন্মধ্যে এত স্থান খালি থাকে যে, তথায় বহু পরিমাণ বায়ুর স্থান হয় এবং তন্মধ্যে অবাধে বায়ু প্রবাহিত হইতে পারে। এই তিন পদার্থের যৌথ ক্রিয়া ফলে মৃত্তিকাস্তর্গত জড় ও দ্রবনীয় পদার্থ-সমূহ বিগলিত হইয়া ক্রমে বিল্লিষ্ট হইতে থাকে।

ভূগর্ভস্থ রস তপ্ত হইলে এতই লঘু হইয়া পড়ে যে, তখন আর তাহা শীতল রসের মধ্যে আবদ্ধ থাকিতে না পারিয়া বাষ্পাকার ধারণ করতঃ বায়ুমণ্ডলে গিয়া মিশিতে থাকে। ভূমি হইতে যে নিরন্তর

বাপ্পাদাত হইতে থাকে, তাহা সহজে দেখিতে পাওয়া যায়। অনাবৃত জমির কোন স্থানে একটা কাচের গেলাস উল্টাইয়া রাখিয়া দিলে ক্ষণকাল পরে দেখা যাইবে যে, গেলাসের ভিতর চারিদিকে শিশির বিন্দু লাগিয়া আছে। উক্ত শিশির বিন্দু ভূ-নিঃসৃত বাষ্পের রূপান্তর মাত্র। গেলাসের দ্বারা আবৃত থাকায় উক্ত বাষ্প বায়ুমণ্ডলে যাইতে না পারিয়া শীত সংযোগে ঘনতা প্রাপ্ত হয় এবং পুনরায় বারিতে পরিণত হয়। দিবাভাগে ভূমি হইতে যে বাষ্প নিঃসৃত হয়, বায়ুমণ্ডলের শুষ্কতা ও রৌদ্রের উত্তাপ হেতু নিঃসরণ মাত্রেই শুকাইয়া যায়, সেইজন্য আমরা তাহা দেখিতে পাই না, কিন্তু রাত্রিকালের নিঃসৃত বাষ্প বায়ুমণ্ডলের সিক্ততা ও ঘনতা হেতু অধিক উপরে উঠিতে পারে না, ফলতঃ শিশিরে পরিণত হয়। তৃণহীন ভূমিতে শিশিরপাত হইলে ভূমি তাহা শোষণ করিয়া লয় বলিয়া তাহাও আমাদের নয়নগোচর হয় না, কিন্তু তৃণাবৃত স্থানে শিশির বেশ স্পষ্ট দেখা যায়। শীতকালে অত্যধিক শিশিরপাত হয় বলিয়া তৃণহীন স্থানও তাহাতে সিক্ত হইয়া থাকে,—শীতকালের প্রাতে তাহা দেখিতে পাওয়া যায়।

মৃত্তিকা মধ্যে জলের প্রাধান্য সামান্য নহে। রস না থাকিলে

মৃত্তিকার ক্রিয়াশীলতা থাকে না,—ইতঃপূর্বে তাহা

রস

সংক্ষেপে বলা হইয়াছে। ধারকতা অনুসারে মৃত্তিকা

মধ্যে যত অধিক রস থাকে, উদ্ভিদের পক্ষে ততই মঙ্গলকর। জলই উদ্ভিদকে বাঁচাইয়া রাখে এবং জলের সহিতই মৃত্তিকাস্তর্গত থাওয়া উদ্ভিদ শরীরে প্রবেশ লাভ করিয়া তাহার অবয়ব গঠনের সহায়তা করে। কোন গাছকে কেবলমাত্র স্বচ্ছ বারিমধ্যে বসাইয়া রাখিলে তাহা বাঁচিয়া থাকে সত্য, কিন্তু বর্ধিত হইতে পারে না। আরও

লক্ষ্য করিলে বুঝিতে পারা যায় যে, উক্ত উদ্ভিদ যত রস আহরণ করিতে থাকে, তৎসমুদায় তাহার কোমলাংশ ও পত্রস্থ ছিদ্র (stomata) দ্বারা বাষ্পাকারে বহির্গত হইয়া যায়। এস্থলে উদ্ভিদকে জল ও বায়ুমণ্ডল—এতদুভয়ের মধ্যবর্তী পয়ঃপ্রণালী বা pump স্বরূপ বলা যাইতে পারে। যে গাছ যত অধিক বৃদ্ধিশীল সে গাছ তত অধিক রস শোষণ করিয়া থাকে এবং তাহাতে তত অল্প স্থূল পদার্থ থাকে।\* ফল ও ফুলে রসের ভাগ অত্যধিক। ইহাদের মধ্যে অনেক গাছই শত করা প্রায় ৯০ ভাগ জলে পূর্ণ, অবশিষ্ট স্থূল পদার্থ। অগ্ন্যুত্তাপে কটাহে ভাজিলে কিম্বা অগ্নিতে দগ্ধ করিলে উহা ভস্মীভূত হইয়া যায়, উহার দাছ পদার্থ পুড়িয়া যায়, স্ততরাং পরিমাণ আরও কমিয়া যায় ফলতঃ প্রকৃত জলের পরিমাণ বুঝিতে পারা যায় না। পরীক্ষাধীন দ্রব্য যতক্ষণ না ভগ্নপ্রবণ হয়, ততক্ষণ তাহাকে বাষ্পোত্তাপে রাখিতে হইবে এবং কটাহের জল উদ্বলিত হইয়া তদুপরিস্থিত পাত্রে না পড়ে, সেদিকেও দৃষ্টি রাখিতে হইবে। এতদ্বারা বুঝিতে হইবে যে, মৃত্তিকা মধ্যে কত রস থাকা প্রয়োজন। মৃত্তিকায় যত রস কম থাকে, গাছের বৃদ্ধি তত কম হইয়া থাকে,—উদ্ভিদের পোষণোপযোগী পদার্থ তত কম পরিমাণে আহরিত হয়। দীর্ঘজীবী মহীৰুহ মধ্যে রসের ভাগ অপেক্ষাকৃত অল্প দেখা যায়,—৫০।৬০ ভাগ হয়ত তাহাতে রস থাকে। ঐদৃশ গাছ যে অল্প রস আহরণ করে তাহা নহে। বড় বড় গাছ বহু পত্রক ও বহুশাখী হইয়া থাকে, এবং তদ্বারা বহু পরিমাণ রস বহির্গত

\* জলোত্তাপে (Water Bath) কোন দ্রব্যকে গুণ্ড করিতে হইলে এক কটাহ জলে একটা পাত্র রাখিয়া সেই পাত্র মধ্যে উক্ত দ্রব্যকে রাখিয়া দিতে হয়। অতঃপর পাত্র সমেত কটাহকে প্রক্ষলিত উনানে বসাইয়া রাখিতে হয়। জলের উত্তাপে উক্ত দ্রব্য গুণ্ড হইয়া যায় কিন্তু দগ্ধ হয় না। পরীক্ষাধীন দ্রব্যকে অতঃপর ওজন করিলে বুঝা যাইবে যে, উহাতে কত জল ছিল।

হইয়া যায়। ইতঃপূর্বেই বলা হইয়াছে যে (উদ্ভিদের কোমলাংশ, শাখা প্রশাখার শেয়াগ্র) ভাগ ও পত্রের ভিতর দিয়া রস বাষ্পরূপে বহির্গত হইয়া যায়। বৃহৎ বৃহৎ বৃক্ষ সমধিক পরিমাণে রস আহরণে অসমর্থ হইলে তাহারা বৃহদাকার হয় কিরূপে, ইহা ভাবিয়া দেখিলেই এ সমস্তা প্রতিপাদিত হইবে। মৃত্তিকা মধ্যে রসের অভাব নাই এবং কখনও অভাব হয় না। ভূমি ব্লটিং কাগজের ত্রায় শোষণক্ষম। বর্ষাকালে ভূমিতে যত জল শোষিত হয়, তাহার অধিকাংশ ভূগর্ভ মধ্যে সঞ্চিত থাকে এবং সেই সঞ্চিত রস উদ্ভিদকে বারোমাস পোষণ করিয়া জীবিত রাখে ও বর্দ্ধিত করে। ভূমির সঞ্চয় শক্তি না থাকিলে বর্ষাকালের অব্যবহিত পর হইতেই গাছ-পালা মরিয়া যাইতে থাকিত এবং অল্প দিন মধ্যেই পৃথিবী মরুভূমিতে পরিণত হইত। অনাবৃষ্টিতে ভূপৃষ্ঠ শুষ্ক হইতে পারে, কিন্তু যতদিন রসাতল বা পাতাল বিদ্যমান থাকিবে, ততদিন ভূমি একেবারে রসহীন হইবে না,—উদ্ভিদের রসাতল হইবে না ইহা স্থির।

ধারণক্ষম মৃত্তিকা স্বভাবতঃ রস (moist) হইয়া থাকে। যে মৃত্তিকার সে শক্তি নাই, তাহাতে জল সঞ্চিত হইলে তাহার কিয়দংশ ভূমির উপরিভাগ দিয়া অগ্ন্য্র প্রবাহিত হইয়া যায়, অবশিষ্ট নিম্নাভিমুখী হইয়া অধোন্তরে, এবং তথা হইতে নিম্নতরদেশে নামিয়া যায়। অতঃপর যেখানে গিয়া কঠিন ও ঘন মাটির স্তর পায় সেইখানে গিয়া স্থিতি লাভ করে, কিন্তু উপরিভাগের রসের ভারে তদুর্দ্ধম্ব ঝাঁজরা মাটি ভেদ করিয়া কতক জল কোন দিক দিয়া নির্গত হইয়া যায়। পর্কতে যে সকল নিব্বরিণী দেখা যায়, তাহারা সেইরূপে উৎপন্ন হইয়া থাকে। সমতল প্রদেশে নিব্বরিণীর উদ্ভব হয় না বটে, কিন্তু নানাদিক দিয়া জল চুষাইয়া দূরে গিয়া পড়ে, অবশেষে খাল, বিল, কূপ, নালা

মধ্যে গিয়া পৌঁছে। অতিশয় রস জমিকে দো-রসা বা শুষ্ক করিতে হইলে ক্ষেত্রের চারিদিকে অগ্নাধিক গভীর নয়াঞ্জুলি কাটিয়া দিলে বিশেষ উপকার দর্শিয়া থাকে।



যে দেশের মাটি বড় শুষ্ক, তথাকার ভূগর্ভে উত্তাপেরও বিশেষ অভাব দৃষ্ট হয়। রৌদ্র হেতু উপরের মাটি উত্তপ্ত হয় সত্য, কিন্তু মৃত্তিকার রসভাব হেতু ভূগর্ভ মধ্যে উত্তাপ প্রবিষ্ট হয় না। সেই জমিকে কৃত্রিম উপায়ে জল সিক্ত করিবার ক্ষণকাল পরে—ইতোমধ্যে অবশ্য সূর্য্যোত্তাপ পাইলে,—তাহার মধ্যে তাপমান যন্ত্র (Thermometer) প্রবিষ্ট করিয়া দিলে দেখা যাইবে যে, তাহার উত্তাপের সঞ্চার হইয়াছে।

যে জমি অতিশয় সরাল, কিম্বা যে জমির আর্দ্রতা শীঘ্র দূর হয়

নয়াঞ্জুলি

না, তাহার উন্নতি সাধন করিবার জন্ত, হয় জমিকে অগ্নাধিক উচ্চ করিতে হয়, কিম্বা স্রুবিধা থাকিলে

তাহার চারিপাশে নয়াঞ্জুলি খনন করিতে হয়। নয়াঞ্জুলির অপর নাম ‘পগার’। নয়াঞ্জুলি বা পগারের দ্বারা দুইটি বিশেষ উপকার হয় ১ম—ভূগর্ভ দিয়া ভূপৃষ্ঠের জল চুষাইয়া সেই পগারে গিয়া পড়ে, ফলে জমির আর্দ্রতা হ্রাস হয়; ২য়,—পগারের মাটি দ্বারা ভূমিকে উচ্চ করিতে পারা যায়; ৩য়,—অতিরিক্ত জল বাহির হইয়া যাইতে পারিলে

চিহ্নপথ মধ্যে অগ্নাধিক স্থান হয়, তন্নিবন্ধন তন্মধ্যে বায়ু প্রবেশ করিতে পারে এবং রৌদ্রের উত্তাপ প্রবিষ্ট হইয়া রসকে উত্তপ্ত করিতে পারে, উপরন্তু রসের পরিক্রমণ শক্তি বৃদ্ধি পায়। অতঃপর—

নয়াঞ্জুলি যত গভীর হয়, তৎসম্মিহিত জমির মাটি তত অধিক

নিম্নদেশে অবধি অগ্নাধিক শুষ্ক হইয়া থাকে।

নয়াঞ্জুলি উদ্ভিদ

মৃত্তিকা আনর্দ্ৰ অথচ সরস থাকিলে উদ্ভিদ বৃদ্ধিশীল

হয়। আনর্দ্ৰতা হেতু মৃত্তিকা মধ্যে উদ্ভিদের মূল সমূহ বহু দিকে ও বহুদূর নিম্নে ধাবিত হইতে পারে। ইতঃপূর্বে বিবৃত হইয়াছে যে উদ্ভিদ মাত্রেই অধিক জল আহরণ করিতে পারে ও করিয়া থাকে। নীরস বা অল্পরস মৃত্তিকা মধ্যে তাহাদিগের রসান্ধাব বিদূরিত হয় না, অগত্যা মূল সমূহকে জলের উদ্দেশে চারিদিকে,—বিশেষতঃ নিম্নভাগে প্রসারিত হইতে হয়। ৩ সংখ্যক চিত্র দ্বারা বুঝিতে পারা যাইবে যে, ‘ক’ ছই খণ্ড জমির মধ্যবর্তী পগার; ‘খ’ বৃক্ষ সমন্বিত ভূপৃষ্ঠ; ‘ঘ-ক’ ও ‘ক-ঙ’-ভূগর্ভ; ‘গ-গ’ মধ্যবর্তী স্থান বারিস্তর। ‘খ-খ’ ভূমিখণ্ডদ্বয়ের উপর যে উদ্ভিদ দেখা যাইতেছে, তাহাদিগের মূল ‘গ-গ’ নির্দেশিত বারিস্তরে আসিয়া পৌছিয়াছে। পগারের নিম্নাংশ বারি পূর্ণ। বারিস্তর যে, পৃষ্ণরিণীর গ্রায় জলে পূর্ণ থাকে তাহা নহে, তবে তথায় সমধিক জল থাকে এবং তথাকার মাটি অত্যন্ত রস ও থস্ থসে নরম হইয়া থাকে।

সুশনী, কল্লী, হিংচা পান, শেওলা প্রভৃতি জলজ এবং ধাতু (আমন ও জলি) পাট প্রভৃতি অর্দ্ধ জলজ উদ্ভিদ ভিন্ন অপর কোন উদ্ভিদ জলমগ্ন বা অর্দ্ধ জলমগ্ন হইয়া জীবিত থাকিতে পারে না। সকল গাছের প্রকৃতি সমান নহে, সেই জন্ত কোন কোন বৃহৎ বৃক্ষ ছই পাঁচ দশ দিন গোড়ায় জল সঞ্চিতাবস্থায় জীবিত থাকিতে পারে, কিন্তু তাহা সাধারণ নিয়ম মধ্যে গণ্য হইতে পারে না। উদ্ভিদগণ বারিস্তরের



উপরিভাগ মাত্র পর্শ করিয়া থাকিতে পারে কিন্তু মূল সমূহ জলে ডুবিয়া থাকিলে গাছ মরিয়া যায়। ভূমি রসাল হইলে মূলগণ তত নিম্নদেশ পর্য্যন্ত প্রবেশ না করিতে পারে। উদ্ভিদগণের একটা সংস্কার আছে, তদ্বারা তাহারা নিজ নিজ হিতাহিত বুঝিতে পারে ও তদনুসারে কাঁচা করে, অধিক জলে অস্থস্থ হইবার বা মরিয়া যাইবার আশঙ্কা থাকিলে তাহাদিগের মূল সমূহ জলের দিকে না গিয়া অগ্নিদিকে প্রসারিত হইতে থাকে, আবার জগদীশ্বরের এমন সুন্দর কৌশল যে, উপায়ান্তর হইলে উদ্ভিদগণ যাহাতে সেই রস ভূমিকে অনোপযোগী করিয়া লইতে পারে তজ্জগৎ তাহাদিকে বর্জন শক্তি দিয়াছেন। সেই শক্তি সহযোগে ইহার পত্র-কূপ (pores) দ্বারা রস বর্জন করিয়া জমির রসকে শুকাইয়া লয়। শুষ্কভূমির গাছ রসা ভূমিতে এবং রসা ভূমির গাছ শুষ্ক ভূমিতে কোনরূপে গিয়া পড়িলে অর্থাৎ রোপিত হইলে ক্রমে সে জমি তাহাদিগের গা-সওয়া হইয়া যায়—তাহারা সে জমিতে থাকিতে অভ্যস্ত হইয়া পড়ে।

নালা বা ডোবার সন্নিহিত গাছ-পালার মূল প্রায় দীর্ঘ হয়। ভূমির জল চুয়াইয়া স্থানীয় ডোবায় গিয়া পড়ে, এইজগৎ নালা ডোবার যত নিম্নে জল থাকে, তৎসন্নিহিত মৃত্তিকার সরসতা তত নামিয়া গিয়া উভয় জলস্তরের সমতলতা রক্ষা করে। পগারের বা নিকটস্থ জলাশয়ের বারি যত নিম্নে নামিয়া যায় কিম্বা যত শুকাইয়া যায়, ভূমির রস ততই নামিয়া যায়। বর্ষাকালে জলাশয় বা পগারের জল বৃদ্ধি হেতু, ভূমির জল চুয়াইয়া বাহির হইতে পারে না, ফলতঃ ভূগর্ভস্থ মৃত্তিকা অতিশয় রসাল হয়, ভূগর্ভের বারিস্তর উচ্চ হইয়া উঠে অবার বর্ষাকাল উত্তীর্ণ হইবার সঙ্গে সঙ্গে চারিপার্শ্বস্থিত নাবাল জমি, নয়াজুলি, খানা, ডোবা হইতে জল কমিয়া গেলে, ভূমির রস হ্রাস প্রাপ্ত হয়।

সর্বস্থলে নয়াজুলি বা ক্ষেত্রের মধ্যে পুষ্করিণী থাকা স্পৃহনীয় নহে। রসা-দেশে বা রসা-ভূমিতে নয়াজুলি দ্বারা উপকার নয়াজুলির অপকারিতা হইয়া থাকে, কিন্তু উচ্চ প্রদেশে ও উচ্চ ভূমি কিসা বেলে ভূমিতে জল নিকাশ হইবার সমধিক ব্যবস্থা থাকিলে ভূমি আরও নীরস হইয়া যায়। ঈদৃশ স্থানের মাটি সাহাতে সরস থাকে তাহারই ব্যবস্থা করা উচিত। জলাশয় বা নয়াজুলি করা বা না করা, ভূমির ধারকতার উপর নির্ভর করে, ইহা মনে রাখিয়া জল নিকাশের ব্যবস্থা করা উচিত। উচ্চ, শুষ্ক, নীরস বা বেলে জমিতে বৃষ্টির জলকে যত ধরিয়া রাখিতে পারা যায় ততই শুভকর। ঈদৃশ জমিতে বা জমির পাশে খানা ডোবা না থাকাই ভাল। অতঃপর বৃষ্টির তাবৎ জলকে ভূগর্ভে সংরক্ষণের নিমিত্ত গড়েন জমির স্থানে স্থানে আল বাধিয়া দিতে হয়, এবং ভূমিকে সমতল ও মৃত্তিকাকে কষিতাবস্থায় রাখিতে হয়। এই সকল প্রণালী অবলম্বন করিলে আকাশের তাবৎ জলই ভূমিতে শোষিত হইতে পারে এবং ভবিষ্যতে তাহা উদ্ভিদের কাজে আইসে। অনেক স্থলে দেখা যায়,—ভূমি স্বভাবতঃ নীরস নহে, কিন্তু পারিপার্শ্বিক কারণে এবং জল ধরিয়া রাখিবার চেষ্টা না থাকায় মৃত্তিকা শুষ্ক হইয়া যায়। মৃত্তিকা মিল্ক বা শ্রাঁত শ্রাঁতে না হয়, অথচ সরস থাকে, ইহা সতত বাঞ্ছনীয়। জমিকে নীরস করা বরং সহজ, কিন্তু মৃত্তিকার সরসতা রক্ষা করা বিশেষ বিবেচনার কার্য। এতৎ প্রসঙ্গে আর একটা বিশেষ কথা এই যে, নীরস জমিকে কষিতাবস্থায় রাখা যেরূপ প্রয়োজন, অগ্নাদিকে মাটিকে অধিক আলগা থাকিতে না দিয়া চাপিয়া দেওয়া সেইরূপ প্রয়োজন। মাটিকে চাপিয়া দিলে যৌগিকাকর্ষণে ধীরে ধীরে রস উপরে উঠে, স্তত্রাং বহুদিন মাটিতে রস থাকে, কিন্তু আলগা মাটির রস শীঘ্র শুকাইয়া যায়, সকল রস ফসলের উপকারে না আসিয়া

কতক রসের অপচয় হয়। উচ্চতল প্রদেশের বাগান-বাগিচার কেয়ারি ও গাছের ‘খালা’ সমূহের জমি, পার্শ্বস্থিত সাধারণ জমি হইতে ২।৪ অঙ্গুলি গভীর রাখা হয়। এতদুপায়ে সেই সকল নিম্নস্থানে অধিক জল সঞ্চিত হয়, তন্নিবন্ধন মাটি সমধিক ও অধিক দিন সরস থাকে। এ প্রণালী সিন্ধু বা নিম্নতল প্রদেশে আদৌ চলে না।

গোধূম, ভুট্টা, তিসি, সর্ষপ, প্রভৃতি নানাবিধ ফলের গাছ ও সাময়িক তরি-তরকারির উদ্ভিদ অতি অল্পদিন নয়াঙ্গুলির গভীরতা স্থায়ী। ইহারা ভূগর্ভে বহু দূর মূল প্রসারিত করে না এবং করিবার অবসর পায় না। সচরাচর ইহাদের মূল উপরিভাগের এক বিতস্তি মাটির মধ্যেই প্রায় আবদ্ধ থাকে। একে ত ইহারা অল্পদিন স্থায়ী, তাহাতে শুকা দিনের ফসল। ইহাদিগের আবাদের জন্য মৃত্তিকায় রস থাকা প্রয়োজন, এজন্য ইহাদিগের ক্ষেত্রের পার্শ্বে গভীর—স্থল বিশেষে আদৌ—পগার কাটিবার কোন প্রয়োজন হয় না, বরং তাহা করিলে তৎসম্বিহিত উদ্ভিদের রসাতাব হয়। নাবাল জমিতে পটোল, অড়হর, গাজর প্রভৃতি দীর্ঘমূল ফসলের আবাদ করিতে হইলে, সে জমির পার্শ্বে আবশ্যক মত গভীর পগার কাটায় লাভ আছে। পটলের মূল দেড় বা দুই হাত, অড়হরের মূল দুই হইতে আড়াই হাত দীর্ঘ হয়, সুতরাং ইহাদিগের জন্য অল্লাধিক গভীর পগার কাটিতে পারা যায়। কেবল পগার কাটিলেই যে সকল উদ্দেশ্য সিদ্ধ হয় তাহা নহে, পগারের জল যাহাতে নিকাশ হইয়া যায় তাহার ব্যবস্থা করিতে হইবে। পগার বারমাস জলে পূর্ণ হইয়া থাকিলে জমির জল চুষাইয়া বাহির হইতে পারে না। স্থানীয় অবস্থা ও ক্ষেত্রস্বামীর উদ্দেশ্য স্মরণ রাখিয়া পগারের গভীরতা স্থির করিতে হইবে।

এদেশে কৃষকদিগের জমির বিস্তৃতি অধিক নহে, সকলের প্রায় এক বিঘা, দুই বিঘা মাত্র। যদিও কোন কোন কৃষকের পগার ও জলাশয় অধিক জমি থাকে, তাহাও একত্রে সংশ্লিষ্ট নহে। টুকরা জমিতে নয়াজুলি করায় লাভ নাই, বরং তাহাতে সহজে যে ফসলের আবাদ হইতে পারে, তাহারই আবাদ করা ভাল। তাহা ব্যতীত, বিস্তীর্ণ সমতল ময়দানের মধ্যে বিস্তীর্ণ জমি থাকিলেও সেখানে পগার কাটায় কোন ফল নাই, কারণ তথাকার পগারের জল বহির্গত হইবার উপায় নাই, তবে প্রকারান্তরে একটি উপকার হইতে পারে যে, পগারের মাটি আনিয়া প্রসারিত করিয়া দিলে জমি উচ্চ হইয়া থাকে। কেবল জমি উচ্চ করিতে হইলে পগার না কাটিয়া জমির কোন স্থানে পুষ্করিণী, অথবা স্থলীয় ঝিল খনন করিলে তদপেক্ষা অধিক লাভ আছে, কারণ পুষ্করিণী থাকিলে তাহাতে বারমাস জল থাকে এবং তাহাতে মৎস্য রাখিতে পারা যায়, ক্ষেত্রে প্রয়োজনমত জল সেচন করিতে পারা যায় ইত্যাদি অনেক উপকার হইয়া থাকে। পগারের দ্বারা সকল উপকার পাওয়া যায় না, বরং ইহা দ্বারা অনেক সময় বিশেষ অনিষ্ট হইয়া থাকে। পগারের জল নিকাশ হইতে না পারিলে, সেই জল ক্রমে পচিয়া স্থানীয় বাতাস দূষিত করে। পুষ্করিণী দ্বারা যে তাহা হয় না এমন নহে, তবে পুষ্করিণী লোকে প্রায় পরিস্কার রাখে। পল্লি-গ্রামে যে এত মেলেরিয়া বিস্তৃচিকা প্রভৃতির প্রকোপ দেখিতে পাওয়া যায়, তাহার মূলীভূত কারণ অস্বাস্থ্যকর পগার, ডোবা, জঙ্গল। নয়াজুলি থাকিলে জমি আনার্দ্র অথচ সরস থাকে এবং বারিস্তরের নিম্নতাহেতু উদ্ভিদগণ বহু ও দীর্ঘ মূলক হয়, তন্নিবন্ধন বহু রস শোষণ করিয়া উদ্ভিদকে পরিপুষ্ট ও বৃদ্ধিশীল করে। মূল অল্প হইলে রস আহরণ অল্প হয়, ফলতঃ উদ্ভিদের বৃদ্ধিও তদনুরূপ হয়।

যে জমি স্বভাবতঃ উচ্চ কিসা রস-ধারণে অক্ষম, সে জমির জল  
বহির্গত হইতে না দেওয়া ভাল। মৃত্তিকা সংযো

উত্তাপ

রস না থাকিলে, তাহাতে উত্তাপ থাকে না।

ভূগর্ভে স্বভাবতঃ যে উত্তাপ থাকে, তাহা রসভাবে কার্য্য করিতে না  
পারিয়া নিষ্ক্রিয় থাকে বা ক্রমে নির্বাণ প্রাপ্ত হয়। সরস মাটিতেই  
উত্তাপ পরিক্রমণ করিয়া থাকে, ইহাকে (Circulation of heat) বলে।  
রস না থাকিলে বায়ুর দ্বারাও কোন উপকার হওয়া সম্ভব নহে।  
বায়ুমণ্ডলস্থ কার্বন, নাইট্রোজেন, অক্সিজেন প্রভৃতি উদ্ভিদ পোষণোপযোগী  
বাস্পীয় পদার্থ নীরস মৃত্তিকায় আবদ্ধ হইতে পারে না। সরস মৃত্তিকার  
সংযোগে আসিলে উল্লিখিত পদার্থ সমূহ রসে আবদ্ধ হইয়া বায়, মৃত্তিকার  
উর্ধ্বরতা বৃদ্ধি পায়। ক্ষেত্র কষিত হইলে মাটি উলট-পালট হয়,  
উপরের শুষ্ক মৃত্তিকা নিম্নভাগে এবং নিম্নভাগের মৃত্তিকা উপরিভাগে  
আসিয়া পড়ে। একদিকে নিম্নের সরস মৃত্তিকা ভূপৃষ্ঠোপরি আসিয়া  
বায়বাদের ক্রিয়াধীন হয় এবং সংযুক্ত ও আবদ্ধ পদার্থ সমূহ স্বাতন্ত্র্য  
লাভ করে, অত্ৰদিকে উপরের শুষ্ক মৃত্তিকা নিম্নদেশে গিয়া শীতোত্তাপ  
সংযোগে তদন্তর্গত যুক্ত পদার্থ সমূহকে বিগলিত করিয়া উদ্ভিদের ভাবী  
ব্যবহারের জন্ত প্রস্তুত করে এবং উপরিভাগের মৃত্তিকান্তর্গত সার  
পদার্থের নিম্নগামী অংশকে আহরণ করিয়া সারবান হইতে থাকে।  
ভূমির নিম্নস্তর (sub-soil) একখানি বিস্তৃত শোষক-কাগজ (blotting  
paper) সদৃশ। কষিত মৃত্তিকার নিম্নে প্রসারিত থাকিয়া উপরিভাগের  
নিম্নগামী পদার্থ সমূহকে তাহা আটক করিয়া রাখে। উপরে যে সার  
প্রদত্ত হয়, কিসা যে সকল পাতা লতা, ফল মূল, মৃত কীট পতঙ্গ বা  
অপর্যাপ্ত জীব কিসা অপর যে সকল পদার্থ বিগলিত হয়, তাহার  
কতকাংশ জলের সংযোগে মাটির ভিতর নামিয়া যায়। এই সকল

দার্থ কথিত মৃত্তিকার ঠিক নিম্নে গিয়া অবস্থান করে। কথিত মৃত্তিকার নিম্নস্থ মাটি স্বভাবতঃ দৃঢ় থাকে, সুতরাং ভূতলাভিমুখী জল পদার্থকে সেই খানেই অবরুদ্ধ থাকিতে হয়।

ভূমির মধ্যে কোনরূপে জল প্রবেশ করিতে না দিলে কিম্বা ভূমি খারস হইলে মৃত্তিকার যে রূপ ক্রিয়াশীলতা থাকে না, জমিকে জলে প্রাণিত করিয়া রাখিলেও, উহা সেই অবস্থা প্রাপ্ত হয়। এইজন্য সিক্ত ভূমির উত্তাপ কম, উর্বরতাও কম। অনন্তর ভূগতস্থ উত্তাপ কিম্বা উপর হইতে যে উত্তাপের সঞ্চয় হয়, তাহা উৎপাদিকা শক্তিকে বৃদ্ধিত করিবার জন্য একান্ত প্রয়োজন। ভূগতস্থ স্বাভাবিক উত্তাপ উদ্ভিদ শরীরে নিয়ত কার্য্য করে, অতঃপর সূর্য্যের উত্তাপ তন্মধ্যে প্রবিষ্ট হইয়া প্রথমোক্ত উত্তাপকে উদ্দীপ্ত করে। বর্ষাকালে মাটি বৃদ্ধমান হইয়া থাকে, ভূপৃষ্ঠে সর পড়িয়া ছিদ্র ও ছিদ্রপথ সমূহকে বন্ধ করিয়া রাখে,, এইজন্য সে সময়ে মাটির মধ্যে ভালরূপে উত্তাপ সঞ্চয়িত হয় না। ভূপৃষ্ঠস্থ মৃত্তিকা-কূপের (pores) দ্বারা উদ্ভিতি এবং ছিদ্রপথ সরস থাকিলে সূর্য্যের উত্তাপ ও যোগাক্ষণে ভূগতের রস উপরিভাগে আসিয়া বাষ্পাকারে আকাশে মিলিত হয়। এইরূপ আক্ষণে রস বাষ্পাকারে উপরে উঠিতে থাকে, সুতরাং বাষ্প নির্গমন রোধ হয় না। উপরিভাগের রস উত্তপ্ত হইলে তজ্জাত উত্তাপ নিম্নস্থিত প্রত্যেক বারিকণাকে উত্তপ্ত করিয়া তোলে। এইরূপে প্রত্যেক জলকণাকে উত্তপ্ত করিতে করিতে সেই উত্তাপ মৃত্তিকাভ্যন্তরে চারিদিকে ব্যপ্ত হইয়া পড়ে। যে সকল বারিকণা উত্তপ্ত হইয়া উঠে তাহারা লঘুতা প্রাপ্ত হইয়া উপরিভাগে উঠিতে থাকে এবং বাষ্পরূপে ভূমি ত্যাগ করিয়া আকাশে গিয়া সম্মিলিত হয়। এইরূপে ক্রমাগত হইতে থাকায় মৃত্তিকা সর্বদা সরস থাকে,—মৃত্তিকায় উত্তাপ থাকে। কান্তিমু

মধ্যে এইরূপে যে উত্তাপ বাহিত হয় তাহাকে রসের বাহিনী শক্তি (conducting power) বলে। উক্ত শক্তির প্রভাবে ভূগর্ভের রস সজীব ও সচঞ্চল থাকে। যে মাটির রস এইরূপ সচঞ্চল তজ্জাত উদ্ভিদ বৃদ্ধিশীল ও তেজাল হয়,—তাহাদিগের ফলন-ফুলনও সুন্দর হয়।

## দশম অধ্যায়

ভূমি অতিশয় শিক্ত থাকিলে ছিদ্রপথ সমূহ রসে পূর্ণ থাকে।

মৃত্তিকা ও বায়ু      এরূপ অবস্থায় তন্মধ্যে বায়ু প্রবেশ করিতে পারে না। দো-রসা মাটিতে রস থাকে অথচ রসের

অনাধিক্য হেতু ছিদ্রপথ সমূহের মধ্যে বায়ু প্রবেশের পথ থাকে। মাটির মধ্যে বায়ু প্রবিষ্ট না হইলে উদ্ভিদ জীবিত থাকিতে পারে না। মাটির মধ্যে বায়ু প্রবেশ করিয়া সঞ্চিত রসকে সঞ্চালিত করে,—যাবতীয় স্থূল পদার্থ সমূহকে বিশ্লেষিত করে। জলমগ্ন স্থানের উদ্ভিদ যে মরিয়া যায়, তাহার অন্ততম কারণ—মূলগণ শ্বাস-প্রশ্বাসের জন্য বায়ু আহরণ করিবার সুযোগ পায় না। এস্থলে জলজ উদ্ভিদগণ এ নিয়মের অধীন নহে। যাহা হউক—

মৃত্তিকার পরমাণু পরস্পরের মধ্যস্থিত ছিদ্রপথ সমূহ হয় জল, না হয় বায়ু, কিম্বা এতদুভয়ে পূর্ণ থাকে। মৃত্তিকা মধ্যস্থ বায়ুব সহিত ভূপৃষ্ঠের বায়ুর ঈষৎ প্রভেদ আছে। ভূমধ্যস্থ বায়ুতে অক্সিজেন বাষ্প একদিকে যেমন অপেক্ষাকৃত কম থাকে, অন্যদিকে সেইরূপ কার্বনিক-এসিড বাষ্প ও গ্যামোনিয়া বাষ্প অধিক থাকে। উদ্ভিদ-মূল অক্সিজেনের ক্রিয়াদংশ এবং অপর দুইটা বাষ্প মৃত্তিকা মধ্যস্থিত গলন্ত উদ্ভিজ্জ পদার্থ হইতে আহরণ করিয়া থাকে। অতঃপর বিগলিত উদ্ভিজ্জপদার্থজাত নাইট্রিক গ্যাসিড নামক দ্রাবকের সহিত উক্ত অক্সিজেন সম্মিলিত

হইয়া নাইট্রেট ( nitrate ) নামক সেরাজান-সম্ভূত লবণ উৎপন্ন করিয়া উদ্ভিদের আহাৰ্য্যের সংস্থান করিয়া দেয়। মৃত্তিকা মধ্যে অধিক বায়ু প্রবিষ্ট হইতে পারিলে অধিক উপকার দশিয়া থাকে, এই জন্ত মৃত্তিকার প্রাকৃতিক অবস্থা যেরূপ, তন্মধ্যে বায়ুর প্রক্রিয়া ও তদানুপাতিক হইয়া থাকে। অকষিত ও কঠিন মৃত্তিকা মধ্যে বায়ু প্রবেশের পথ রুদ্ধ থাকে। এজন্য মৃত্তিকার কার্য্যকারিতা থাকে না অথবা অতি অল্প থাকে কিন্তু কমিত আল্গা ও লঘু মৃত্তিকামধ্যে যথেষ্ট পরিমাণে প্রবেশ করিতে পারে, এবং সেই কারণে তাহার উৎকর্ষতা অধিক। কিন্তু এস্থলে ইহাও স্মরণ রাখিতে হইবে যে, ভূপৃষ্ঠ অধিক কাটিয়া থাকিলে কিম্বা অত্যন্ত আলগা থাকিলে তন্মধ্যে অধিক বাতাস প্রবেশ করে বটে, কিন্তু তাহাতে মৃত্তিক নীরস হইয়া পড়ে।

ভূ-গর্ভে বাহ্যতে বায়ু প্রবেশের পথ সঙ্গীর্ণ না হয় কিম্বা বাহ্যতে তন্মধ্যে বায়ু প্রবাহিত হইতে পারে, তজ্জন্য কয়েকটি উপায় আছে। স্তচ্যাম, জল নিকাশের জন্ত পয়ঃ-প্রণালী প্রবর্তন, ও দীর্ঘমূল উদ্ভিদ রোপণ,—এই

তিনটির প্রতি বিশেষ লক্ষ্য রাখিলে আশাত্মক ফল পাওয়া যায়। স্তচ্যাম দ্বারা ভূমি উত্তমরূপে কমিত হইয়া থাকে, মৃত্তিকা চৃণীত হয় ও মৃত্তিকাকে অক্সিজেন চাপিয়া দেওয়া হয়। অতঃপর, জল-নিকাশের জন্ত ভূমির চতুর্দিকে বা স্থানে স্থানে আবশ্যক মত পগার ও পুষ্করিণী খনন করিবার কথাও অধ্যয়ান্তরে বলিয়াছি। পগারাদি দ্বারা জমির অতিরিক্ত রস নিম্ন ভাগে নানিয়া যায়, তন্নিবন্ধন ছিদ্রপথের স্থান অক্সিজেন শূন্য হয়। স্থূল ও দীর্ঘ মূল উদ্ভিদ দ্বারা বিশেষ উপকার পাওয়া যায় কারণ মূলের স্থূলতা ও দীর্ঘতা হেতু ভূগর্ভ মধ্যে অক্সিজেন শূন্যতা পাওয়া যায়, স্তচ্যাম তন্মধ্যে বায়ু অধিক দূর প্রবেশ করিতে পারে। ধাতু, গোদুর্গাদি অদীদ



এ সৃষ্টি মূল উদ্ভিদ দ্বারা সে উপকার পাওয়া যায় না, কিন্তু পটোল বা অড়হরের গুায় দীর্ঘমূল গাছের শিকড় ২৩ হাত গভীর মৃত্তিকা মধ্যে প্রবেশ করিয়া থাকে সুতরাং ইহারা অধিক দূর নিম্নদেশ পর্য্যন্ত বায়ু প্রবেশের পথ প্রশস্ত করিয়া দেয়। ইহাদিগের অনেক শিকড় মাটির মধ্যে মরিয়া পচিয়া গেলেও মাটির মধ্যে অনেক শূন্য স্থানের আবির্ভাব হয় এবং তথায় গিয়া বায়ু স্থান প্রাপ্ত হয়। মণীলতা, উইচিংড়ি প্রভৃতি নানাপ্রকার কীট, পতঙ্গ ও মুষিক, গন্ধমুষিক প্রভৃতি ভূমির মধ্যে স্রুড়ঙ্গ করিয়া তন্মধ্যে বাস করিয়া থাকে, ইহাতেও ভূমির মধ্যে বায়ু প্রবেশের পথ স্বগম হয়। সময়ে সময়ে ক্ষেত্রে দীর্ঘ-মূল উদ্ভিদের আবাদ করিলে তাহারা পত্র দ্বারা বায়ুমণ্ডল হইতে সোরাজানা ( nitrogen ) আহরণ করতঃ মাটির মধ্যে অনেক দূর পর্য্যন্ত লইয়া যায়,এতদ্বারা মৃত্তিকায় উক্ত পদার্থেরও সঞ্চার হয়।\* অপরাপর উদ্ভিদগণ মাটির ভিতরের বায়ু মূল দ্বারা আহরণ করে, ফলতঃ ইহারা ঘরের জিনিষ খরচ করে, কিন্তু সিদ্ধীক উদ্ভিদগণ বহির্দেশ হইতে সংগ্রহ করিয়া মাটির মধ্যে সংস্থাপন করে।

ভূগর্ভে বায়ু প্রবেশ করিতে না পারিলে উদ্ভিদাণুগণ জীবিত থাকিতে পারে না। উক্ত উদ্ভিদাণুগণ বায়ুমণ্ডলের সোরাজানা বাষ্পকে আহরণ করিয়া ভূগর্ভে সংস্থাপিত করে সুতরাং মৃত্তিকা মধ্যে উহাদিগের থাকা বিশেষ প্রয়োজন। উহারা যে কেবল বাষ্প আহরণ করে তাহা নহে, মৃত্তিকান্তর্গত জৈবজৈব নির্বি-

\* পত্র দ্বারা বায়ুমণ্ডল হইতে সোরাজানা আহরণ করিবার শক্তি কেবল সিদ্ধী জাতীয় উদ্ভিদেরই আছে। অপরাপর উদ্ভিদগণ মৃত্তিকার অভ্যন্তরস্থ বায়ু হইতে মূল দ্বারা উক্ত পদার্থ আহরণ করে। বুট, মটর, কলাই, মাষ-কলাই, অড়হর প্রভৃতি সিদ্ধী-জাতীয় উদ্ভিদ। এই শ্রেণীর বৈজ্ঞানিক নাম—Leguminosæa.

শেষে সকল পদার্থকে জীর্ণ করিয়া  
শুষ্ক উদ্ভিদের ব্যবহারোপযোগী  
করিয়া দেয়। এই সকল ক্ষুদ্রাদিক্ষুদ্র  
জীবাত্মগণ দ্বারা জগতের কত ইষ্ট



সংস্কৃত হইতেছে তাহার ইয়ত্তা করা যায় না। মাটির মধ্যে বাহ্যতে ইহা-  
দিগের বহুল পরিমাণে বংশ বৃদ্ধি পায় তৎপ্রতি দৃষ্টি রাখা বিশেষ কৰ্ত্তব্য।  
যায় ইহা স্থানে ইহারা বাচিতে পারে না।

## একাদশ অধ্যায়

বায়ুমণ্ডলে যে রূপ সর্বদা বিদ্যুৎ-প্রবাহ বর্তমান, ভূমির মধ্যেও সেই-  
রূপ নিরন্তর বিদ্যুৎ প্রবাহিত হইতেছে, কিন্তু ভূমধ্যস্থ  
বিজলী প্রবাহ অতি ক্ষীণ ও ধীর। তাহা হইলেও এতদ্বারা  
উদ্ভিদের বিশেষ উপকার দশিয়া থাকে। বায়ুমণ্ডলস্থ বৈদ্যুতিক পদার্থ  
পৃষ্ঠের সহিত সংযুক্ত হইয়া ভূমিতে আসিয়া স্থান প্রাপ্ত হয়। ভূমির জল  
শুকাইয়া গেলেও উক্ত বৈদ্যুতিক পদার্থ ভূমির মধ্যে আবদ্ধ থাকে কিন্তু  
ভূমি সরস থাকিলে উহা ভূপৃষ্ঠের দিকে নিরন্তর আকৃষ্ট হয়, সুতরাং  
তাহার কতকাংশ মৃত্তিকা মধ্যে এবং অপরংশ ভূপৃষ্ঠের অতি নিকটে  
বর্তমান থাকে। এতদ্বিবন্ধন উদ্ভিদের পত্রগণ বায়ুমণ্ডল হইতে অক্সি-  
জেন-বাস্প (Carbonic acid gas) আহরণ করিতে সমর্থ হয়। ফরাসী  
বৈজ্ঞানিক নলেট ও বার্থিলট (Abbe Nollet ও Abbe Berthelot)  
বৈদ্যুতিক-শক্তি প্রয়োগ দ্বারা অতি সহজে নানাবিধ বীজ অঙ্কুরিত  
করিতে সমর্থ হইয়াছেন। উক্ত শক্তি প্রভাবে ভূগর্ভস্থ উদ্ভিদাণুগণ অল্প-

প্রাণীত হইয়া উঠে এবং মৃত্তিকান্তর্গত সোরাঙ্গানকে উদ্ভিদের আহরণো-  
পযোগী লবণে (nitrate) পরিণত করিবার সহায়তা করে। কেবল  
তাহাই নহে। উহার অল্পপ্রাণীত হইয়া অদ্ভবনীয় খনিজ পদার্থ সমূহকে  
এরূপে দ্রবীভূত করিয়া লাবণিক অবস্থায় আনিয়া দেয় যে, তাহা  
সহজে মূল মধ্য প্রবিষ্ট হইয়া উদ্ভিদ রসের সহিত সম্মিলিত হইতে  
পারে। প্রোফেসর লেমস্ট্রম ( Professor Lem Strom ) বলেন যে,  
বৈদ্যুতিক-শক্তি দ্বারা উদ্ভিদ মধ্যে রস-প্রবাহ দ্রুত হয় সুতরাং উদ্ভিদগণ  
অপেক্ষাকৃত অধিক বৃদ্ধিশীল ও তেজাল হয়। বিগত ১৮৮৫ খৃষ্টাব্দে  
লেমস্ট্রম সাহেব বৈদ্যুতিক-শক্তি প্রয়োগ দ্বারা গোধূম ও যবের ফলন ৩০  
গুণ বর্দ্ধিত করিয়াছিলেন।

বর্ষাকালে নিরন্তর বৃষ্টি হয় বলিয়া ভূগর্ভ ও ভূপৃষ্ঠ বৈদ্যুতিক পদার্থে  
প্রাণিত থাকে বলিলেই হয়, এজন্য সে সময়ে উদ্ভিদ মধ্যে রসের প্রবাহ  
প্রবল থাকে, ফলতঃ উদ্ভিদগণ সে সময়ে যথেষ্ট তেজাল হয়। শীতকালে  
একে বৃষ্টির অভাব, তাহাতে শৈত্যতা হেতু উদ্ভিদ মধ্যে রস গাঢ় ও স্থপ  
থাকে, এজন্য এ সময়ে উদ্ভিদে তাদৃশ সজীবতা পরিলক্ষিত হয় না।  
এ সময়ে ভূগর্ভে ও ভূপৃষ্ঠে বিদ্যুৎ প্রবাহ প্রয়োগ করিতে পারিলে  
উদ্ভিদের জড়তা বিনষ্ট হয়,—মৃত্তিকান্তর্গত উদ্ভিদাণুগণ সমধিক ক্রিয়াশীল  
হইয়া উদ্ভিদের আহাৰ্য্য প্রস্তুত করণে তৎপর হয়, তাহার অবশ্যজ্ঞাবী  
ফলে—ফসলের ফলন প্রচুর এবং ফসল পরিপুষ্ট হয়।

কৃত্রিম উপায়ে ক্ষেত্রে বৈদ্যুতিক প্রবাহ সংযোজিত করিতে হইলে  
ভূমি হইতে ঈষৎ উচ্চে অথবা ভূমির মধ্যে তারের (Electric wire)  
টানা দিয়া ফসল-কালে সময়ে সময়ে নিয়মিতরূপে বিদ্যুতের প্রবাহ  
প্রয়োগ করিতে হয়। ইংলণ্ডের অন্তর্গত ইভ্‌শায়ের ( Eveshaw )  
বমফোর্ড কোম্পানী ( Messrs R & B Bomford ) প্রায় ৬০ বিঘা

গোধূম ও বব-ক্ষেত্রে বিজলীর প্রভাবে শতকরা পঁচিশ ভাগ শস্যের ফলন এবং তদপেক্ষা অধিক খড়ের পরিমাণ বৃদ্ধি পাইয়াছিল। যুক্ত-রাজ্যের স্থানে স্থানে ও গবর্ণমেন্টের একটী আদর্শ-ক্ষেত্রে ইহার পরীক্ষা চলিতেছে। প্রবাহ অধিক হইলে গাছ মরিয়া যায়। ভারতবর্ষে আদৌ ইহার পরীক্ষা হয় নাই, অপর কোন দেশে হইয়াছে কি না তাহা জানা যায় নাই। ভারতে ইদানীং বৈজ্ঞানিক আলোক প্রবর্তিত হইয়াছে। ধনীবাড়িগণ ইচ্ছা করিলে বাগন-বাগিচায় বা ক্ষেত্রে বিজলী-তার সংযুক্ত করিয়া ফলফল পরীক্ষা করিতে পারেন।

## দ্বাদশ অধ্যায়

মৃত্তিকার সংস্পর্শে জলীয় বা স্থূল—যে কোন পদার্থ আসে, ধরিত্রী

মৃত্তিকার তাহাকে স্বীয় গভমধ্যে সংরক্ষণ করিয়া রাখিতে সক্ষম

সংরক্ষণ-শক্তি নিরত এবং স্বীয় সামর্থ্যানুসারে ভবিষ্যতের জন্য সংরক্ষণ করিয়া রাখিতে তৎপর। মৃত্তিকা মধ্যে এইরূপে

নানাবিধ পদার্থ সংক্ষিপ্তাবস্থায় থাকে বলিয়া মাতৃশ্বের বিনা চেষ্টাতেও গাছপালা প্রতিনিয়ত উৎপন্ন হইতেছে। বৃক্ষলতাদির মূল, কাণ্ড, শাখা-প্রশাখা, ফলফুল, বা কন্দ হউক, অথবা জীবদেহাবশিষ্ট মেদ, মাংস, অস্থি, চর্ম, কেশ, নখ হউক অথবা বালি, কঁাকর, চূণ, পটাস, কসকরস হউক,—মৃত্তিকা সংস্পর্শে আসিবামাত্রই যে উদ্ভিদগণ তাহাদিগকে আহরণ করে তাহা নহে। প্রদত্ত বা আহরিত পদার্থের অতি সামান্য পরিমাণই উদ্ভিদের আপাততঃ ব্যবহারে আসে,—অবশিষ্ট অধিকাংশই মৃত্তিকার সেই ছিদ্রপথ মধ্যে অবরুদ্ধ বা সংক্ষিপ্ত হইয়া থাকে। এতদ্ব্যতীত তজ্জাত নানা উদ্ভিদের নানা অংশ শুষ্ক ও বিচ্যূত হইয়া আপনা

হইতে ভূমিতে স্থান প্রাপ্ত হইয়া মৃত্তিকার কলেবর বৃদ্ধি ও পরিপুষ্ট করে।  
এই জন্ম—

উদ্ভিদের আহারোপযোগী যে কোন পদার্থ ভূগর্ভে পাওয়া যায়, তৎসমূদায়কে তিন ভাগে বিভক্ত করা যাইতে পারে। ১ম,—গলিত অর্থাৎ যাহা আপাততঃ ব্যবহারোপযোগী ; ২য়,—মধ্য-দশা-প্রাপ্ত পদার্থ অর্থাৎ যাহা অনতিকাল মধ্যেই ব্যবহারোপযোগী হইতে পারে ; ৩য়,—যাহা দীর্ঘ কাল পরে ব্যবহারোপযোগী হইবে। ভূমির মধ্যে উল্লিখিত তিন প্রকারের পদার্থ প্রতিনিয়ত না থাকিলে আমাদিগকে সর্বদা সারের জন্ম ছুটাছুটি করিয়া বেড়াইতে হইত। উল্লিখিত ব্যবস্থানুসারে বর্তমান হইতে স্বদূর ভবিষ্যতের পর্য্যন্ত আহাৰ্য্য মৃত্তিকায় বিद्यমান থাকে বলিয়া জমিতে সার প্রয়োগ না করিয়াও আবাদ করা চলিতে পারে। ঐদৃশ অবস্থায় মৃত্তিকার স্বাভাবিক গুণাগুণ ও কর্ষণাদির তারতম্য অনুসারে ফসলের ইতরবিশেষ হইয়া থাকে। একথা বলিবার উদ্দেশ্য এই যে, কেবল সারের উপর নির্ভর না করিয়া মৃত্তিকাস্তর্গত সারের উপর যতটা ভরসা করিতে পারা যায় তাহা করা উচিত। সার প্রয়োগ করিতে পারিলে ত উত্তমই হয়। স্বকর্ষণের পর সার সংযোজিত হইলে, ‘সোনায সোহাগা,’ হয়, ইহা বলাই বাহুল্য।

সচ্য ব্যবহারোপযোগী পদার্থের উপর নির্ভর করিয়া কৃষি-কাৰ্য্য করা চলে না। ভূগর্ভে উদ্ভিদের আহাৰ্য্য পদার্থ সমূহ উল্লিখিত তিন অবস্থায় থাকায় জমিতে গাছটী রোপন করিয়া আমরা নিশ্চিন্ত থাকিতে পারি। উপস্থিত ব্যবহারের জন্ম মাটিতে যে পদার্থ প্রস্তুত থাকে, তদ্বারা উদ্ভিদ আপাততঃ জীবন ধারণ করিয়া বদ্ধিত হইয়া থাকে। ইত্যবসরে ক্ষেত্রগর্ভস্থ আশুদ্রবনীয় পদার্থ নিচয় বিগলিত ও বিস্তৃত

হইতে থাকে, এবং উদ্ভিদের মূলগণও বর্দ্ধিত হইয়া চারিদিকে ধাবিত হইয়া আহারাদ্বেষণ করে ও লব্ধ পদার্থ আহরণ করিয়া লয়, সুতরাং উদ্ভিদকে আর তাদৃশ নিদ্ভিষ্ট সীমার মধ্যে আবদ্ধ থাকিতে হয় না। উক্ত দ্বিতীয় প্রকার পদার্থ খরচ হইবার সঙ্গে তদপেক্ষা স্থূল পদার্থ ব্যবহারোপযোগী হইয়া উঠে। সুতরাং উদ্ভিদের প্রায় আহারাত্যাব-ঘটে না।

টবে বা গামলায় যে সকল গাছ রোপিত হয় তাহাতে সারের ফলাফল স্পষ্ট বুঝিতে পারা যায়। উত্তম সার গামলার গাছ। সংযোগে মাটি তৈয়ার করিয়া গামলা পূর্ণ করতঃ তাহাতে কোন উদ্ভিদ রোপন করিলে দেখিতে পাওয়া যায় যে, গামলার আয়তন অনুসারে তাহাতে যে পরিমাণ মাটি থাকে, স্বাভাবিক বৃদ্ধি ও স্থায়িত্ব অনুসারে উদ্ভিদ তাহাতে অল্প বা অধিক দিন জীবিত থাকে, বর্দ্ধিত হয় ও ফল পুষ্প প্রদান করে, কিন্তু যেমন মৃত্তিকাস্তম্ভিত সার পদার্থ নিঃশেষিত হইয়া যায়, অমনি উহা ক্রমশঃ শ্রীহীন হইতে থাকে। এই সময়ে তাহাতে পুনরায় নূতন মৃত্তিকা বা সার সংযোজিত করিতে পারিলে উক্ত উদ্ভিদ পুনরায় তেজাল ও মনোরম্য হইয়া উঠে, কিন্তু সে অবস্থায় নূতন মাটি বা সার না দিলে গাছ মরণোন্মুখ হয়—প্রথমতঃ পত্রসমূহ বিবর্ণ হয়, পরে খসিয়া পড়ে, অবশেষে গাছ মরিয়া যায়। ইহা দ্বারা সহজে বুঝিতে পারা যায় যে, মৃত্তিকার তাবৎ সারাংশ খরচ হইয়া না গেলেও তাহাতে এক্ষণে কোন গলিত সার নাই যদ্বারা উদ্ভিদ জীবিত থাকিতে পারে। জমিতে গাছ থাকিলে শীঘ্র যে তাহার কোন অভাব হয় না তাহার কারণ এই যে, উহার বৃদ্ধির সঙ্গে মূলগণও চতুর্দিকে বিস্তৃত হইয়া নানাদিক ও দূর হইতে আহাৰ্য্য পদার্থ সংগ্রহ করে। টবের মধ্যে আবদ্ধ থাকিলে উদ্ভিদকে

টবের মধ্যস্থিত মাটির উপরই নির্ভর করিতে হয়। স্বাধীন জীব আপনার আহার ব্যবহারের জিনিষ আপনই সংগ্রহ করিতে পারে কিন্তু অবরুদ্ধকে আহার না যোগাইলে সে অনাহারে মরিয়া যাইবে ইহাতে আর আশ্চর্য্য কি? এমন ও ঘটে যে, গামলার সমুদয় সারাংশ খরচ না হইলেও তজ্জাত উদ্ভিদ দুর্দশাপন্ন হয়। লক্ষ্য করিলে দেখিতে পাইবেন সে, নিয়ম রক্ষার জন্য জন-মজুরেরা টবে অল্প জল দিয়া থাকে, তাহার ফলে মাটির উপরিভাগের ২।১ ইঞ্চি মাত্র সিক্ত হয়, নিম্নাংশের মাটি শুষ্ক ধুলার গ্রায় থাকিয়া যায়। এই প্রণালীতে জল সেচন করিলে উদ্ভিদকে উপরিভাগের সিক্ত মৃত্তিকার উপরই নির্ভর করিতে হয়, নিম্নভাগের রসভাববশতঃ মূল সমূহ তদ্দেশে প্রবেশ করে না, অধিকন্তু যে সকল মূল ইতিপূর্বে নিম্নাংশে প্রবেশ করিয়াছে তৎসমুদায় ক্রমশঃ জীর্ণ-শীর্ণ হইয়া শুকাইয়া যায়, কাজেই তাহাদিগের দ্বারা উদ্ভিদের আর কোন কাজ হয় না। নিম্নাংশের মৃত্তিকা সারাল হইতে পারে, কিন্তু শুষ্কতা বশতঃ উদ্ভিদ মূল তাহা হইতে রস কিম্বা সার আহরণ করিতে পারে না। টবের গাছ এরূপ অনেক দেখা যায় যে গাছে যথানিয়মে জল সেচন হইতেছে কিন্তু তাহার বৃদ্ধি নাই, শ্রী নাই,—গাছে পত্রাভাব, পত্রে বর্ণাভাব ইত্যাদি।

কোন এক খণ্ড জমিতে বিনাসারে ক্রমান্বয়ে একই ফসলের আবাদ

মৃত্তিকার হইতে থাকিলে দেখা যায় যে, সে জমির উর্বরতা

শক্তি হ্রাস হ্রাস পাইতেছে,—ফলন ক্রমশঃ কমিয়া আসিতেছে  
এরূপ হইবার অনেক কারণ আছে। সকল ফসলই

জমি হইতে কিছু সার পদার্থ লইয়া যায় কিন্তু সকল ফসলের আহরণ সমান নহে। সকল ফসলের আহার্য্য পদার্থেরও প্রকার ভেদ আছে। কোন ফসল যবক্ষারজান, কোন ফসল ফসফরিক পদার্থ, কোন ফসল পটা স

ইত্যাদি অপর ফসল অপেক্ষা হয়ত অধিক আহরণ করে; কোন ফসল সমধিক রস আহরণ করে। যে ফসল সমধিক যবক্ষারজান-ভুক্ত, একই ক্ষেত্রে বারবার তাহার আবাদ হইতে থাকিলে মৃত্তিকা মধ্যে যবক্ষারজানের অভাব হইয়া থাকে। প্রয়োজনানুসারে উদ্ভিদগণ মৃত্তিকা হইতে জীবনধারণোপযোগী দ্রব্য আহরণ করে। এই কারণে যতঃ একই ক্ষেত্রে একই ফসলের পুনঃপুনঃ আবাদ করিলে মৃত্তিকা মধ্যে পদার্থ বিশেষের অভাব পরিলক্ষিত হয় এবং তজ্জাত ফসল ধীনতা প্রাপ্ত হইতে থাকে। ভগভ সার-পূর্ণ বটে, কিন্তু সকল সময়ে তন্মধ্যে সকল পদার্থ সচ্যব্যবহারোপযোগী অবস্থায় থাকে না—তাহা পূর্বে বলিয়াছি। ফসল উঠিয়া যাইবার পর ভূমি কিয়দ্দিনের জন্ত বিরাম পাইলে ও সঙ্গে সঙ্গে কষিত হইলে তদন্তর্গত অবিগলিত ও অজীর্ণ পদার্থরাশি বিস্মিষ্ট হইয়া উদ্ভিদাহারের উপযোগী হইতে পারে। ভূমিকে বিরাম দিবার সুবিধা বা সামর্থ্য না থাকিলে পর্যায় পদ্ধতিতে (Rotation) আবাদ করিলে চলিতে পারে। জমিকে পতিতাবস্থায় ফেলিয়া রাখিতে কেহ ভাল ভাসে না, এই জন্ত পর্যায় পদ্ধতি প্রবর্তিত হইয়াছে। অনেকের পক্ষে পর্যায়-পদ্ধতি অবলম্বনের কোন আবশ্যক হয় না। যাহারা দীর্ঘকালস্থায়ী ফসলের আবাদ করিয়া থাকেন, তাহাদিগের ক্ষেত্র ছুই চারি বৎসর বা ততোধিক কাল একই ফসলের দ্বারা অধিকৃত থাকে,—জমি খালি হইতে পায় না, অগত্যা সে জমিকে বিরাম দেওয়া অথবা তাহাতে পর্যায় মতে অপর ফসলের আবাদ করা চলে না। নানাবিধ স্থায়ী ফলের গাছ, চা, কার্ফ, রবার, তুঁত, প্রভৃতি বহু বৎসরকাল ভূমি অধিকার করিয়া থাকে। এই সকল আবাদ-ক্ষেত্রে সার প্রয়োগ করা নিতান্ত আবশ্যক।



এক ফসলের পর অপর ফসলের আবাদকে পর্যায়-পদ্ধতি কহে :

পর্যায় পদ্ধতি পূর্ব্বেই বলিয়াছি যে, ভিন্ন ভিন্ন ফসলের বিভিন্ন প্রকারের ও বিভিন্ন পরিমাণ দ্রব্যের প্রয়োজন এবং

তাহাদিগের আহরণ শক্তিও তদনুরূপ—ইহা স্মরণ রাখিয়া কোন্ ফসলের পর কোন্ ফসলের আবাদ করা উচিত তাহা বিচক্ষণতা সহকারে নির্বাচন করিতে পারিলে ক্ষেত্রের উর্বরতা সংরক্ষিত হয়—নষ্ট শক্তি পুনরাগত হয়—মৃত্তিকার উৎপাদিনী-শক্তি বৃদ্ধি পায়। দীর্ঘকালের অভিজ্ঞতা ফলে সকল দেশের কৃষকগণই মোটামোটী একটা পর্যায় পদ্ধতি সৃষ্টি করিয়া লইয়াছে এবং তদনুসারে বরাবর কাজ করিয়া আসিতেছে। পর্যায় ফলে কৃষকের বড় একটা সারের প্রয়োজন হয় না। কৃষক জানে যে, কোন্ ফসলের পর কোন্ ফসল আবাদ করিতে হয়। শিক্ষানবিশের পক্ষে পর্যায়ের ফসল নির্বাচন করিয়া লওয়া বড় কঠিন কথা। স্থানীয় কৃষকদিগের পদ্ধতি অবলম্বন করা শিক্ষানবিশের পক্ষে বিশেষ শুভকর। অভিজ্ঞতার সহিত পর্যায়ের মূল-সূত্র হৃদয়ঙ্গম করিতে পারিলে, স্থায়ী ক্ষেত্র ও তাহার মৃত্তিকা, স্থানীয় আবহাওয়া ও নিজ সঙ্কলিত ফসল—এই কয়টির মধ্যে সামঞ্জস্য রাখিয়া প্রচলিত পর্যায়ের পরিবর্তন করিতে পারা যায়। যথেষ্টভাবে ফসল নির্বাচিত হইলে আবাদ করিয়া ক্ষতিগ্রস্ত হইবার বিশেষ সম্ভবনা।

দেশ, কাল, ভূমি ও মৃত্তিকা নির্বিশেষে এক প্রকারের পর্যায় পদ্ধতি

অবলম্বিত হইতে পারে না। দেশ অনুসারে পর্যায়ের আবহাওয়া যেরূপ বিভিন্ন হয়, সেইরূপ ঋতু বিভিন্নতা ভেদে ভূমির অবস্থা রস বা শুষ্ক হইয়া থাকে ;

ভূমির স্বাভাবিক অবস্থান ভেদে কোন জমি উচ্চ, কোন জমি নিচু আবার কোন জমি গোড়েন হয়। ঈদৃশ কারণ বশতঃ ভূমির রস

বা শুষ্ক হইতে পারে। আবার মৃত্তিকা সম্বন্ধে দেখা যায় যে, কত দেশে, কত স্থানে কত প্রকারের মাটি; চচ্চটে গঙ্গা-মৃত্তিকা. কোথাও বেলে বা দোয়াশ, আবার কোথাও কৃষ্ণকয়লা পদার্থের অভাব, কোথাও পটাসের প্রাচুর্য। এই সকল কারণ বশত যে দেশে ও যে প্রকার জমিতে যে যে ফসল সহজে জন্মে তৎসমুদয় বিশেষ বিবেচনা করিয়া সকলদেশের কৃষকগণ আপনাদিগের মনোমত এক একটা পর্য্যায় নির্দিষ্ট করিয়া লইয়াছে। যুক্তপ্রদেশ বা পাঞ্জাবের পর্য্যায়, আসাম বা নিম্নবঙ্গে যে রূপ প্রবর্তিত হইতে পারে না, সেইরূপ হিমালয় সদৃশ হিমপ্রধান দেশের পর্য্যায়, সমতল প্রদেশে চলিতে পারে না। হিমপ্রধান দেশের ফসল সমতল ভূখণ্ডে না জন্মিলে তথাকার পর্য্যায় ও সমতলে কোন ফলপ্রদায়ক হইবে না। এই কারণে ভিন্ন ভিন্ন দেশে ভূমির প্রাকৃতিকতা ও মৃত্তিকার উপকরণ ভেদে নানা দেশে নানা প্রকারের পর্য্যায়-পদ্ধতি দেখিতে পাওয়া যায়।

যাহারা একবারেই পর্য্যায়ের অনুসরণ করিতে পারে না, তাহাদিগের মধ্যে দুই জাতীয় কৃষিক্ষম্মনিরত ব্যক্তি দেখা যায়।

পর্য্যায় বাতিক্রম      এক শ্রেণীর অন্তর্গত—উত্থানক ; অপর শ্রেণীর অন্তর্গত—ফল ও বাণিজ্য-পণ্য-আবাদীগণ। উত্থানকগণ পর্য্যায়ের পদ্ধতি যে একবারেই অনুসরণ করে না তাহা নহে। উত্থানে বা সব্জীক্ষেত্রে উত্থানকগণ জমির ভিন্ন ভিন্ন স্থানে নানা প্রকার তরি-তরকারি প্রতি বৎসরই উৎপন্ন করে কিন্তু একই ফসলকে প্রতি বৎসর নির্দিষ্ট চোকাই না দিয়া ভিন্ন ভিন্ন চোকাই দিয়া থাকে। প্রকৃত পক্ষে তাহারা কৃষকদিগের ত্রায় পর্য্যায়ের নির্দিষ্ট নিয়মের অধীন নহে। উত্থানকগণের পদ্ধতিকে কৃষির নিয়মানুসারে পর্য্যায় বলা যাইতে পারে না। যাহা হউক, উত্থানকগণ পর্য্যায় পদ্ধতির অনুসরণ না করিলেও, তাহারা স্বয়ং

ক্ষেত্রে বরাবর সমভাবে উর্বরাবস্থায় রাখে বলিয়া তজ্জাত ফসল বরাবর সমভাবেই উৎপন্ন হইয়া থাকে। কৃষকের অবলম্বন যেরূপ পর্য্যায়, সেইরূপ উত্থানকের ভরসা—সার। উত্থানক সারের ভরসা ত করেই, তাহা ব্যতীত জমিকে উত্তমরূপে কৰ্ষণ করে, মাটির যথেষ্ট পরিচর্যা করে। উত্থানকের ক্ষেত্রের আরও বিশেষত্ব এই যে, তাহাতে জল সেচিত হয়, ভূমি প্রায় নিস্তৃণতার অধীন থাকে, এবং ফসলের যে কিছু ফল, ফুল, পাতা, মূল, কন্দ, প্রভৃতি স্থলিত হইয়া ভূমি সংযুক্ত হয়, তৎসমুদায় পচিয়া মাটির অঙ্গ পরিপুষ্ট ও উর্বরা করে। এইরূপ নানা কারণে উত্থানক ও সব্জী-জীবীর ক্ষেত্র এত উর্বরা ও লাভজনক। কৃষকের ক্ষেত্র হইতে ফসলের প্রায় সকল অংশই সংগৃহীত হইয়া স্থানান্তরিত হয়, কেবল মাত্র গাছের মূলগুলি মাটির মধ্যে থাকিয়া যায়। আমাদিগের কৃষকের সারের মধ্যে—ছাই। ছাই—যবক্ষারজান-বর্জিত বলিয়া তদ্বারা ক্ষেত্রের সকল অভাব পূরণ হয় না।

যাহারা দীর্ঘকালস্থায়ী ফসলের আবাদ করে, তাহারা না পারে ক্ষেত্রে বিরাম দিতে বা উত্তমরূপে কৰ্ষণ করিতে, স্বাভাবিক সার না পারে সার প্রদান করিতে বা পর্য্যায়ের অনুসরণ করিতে। ইহাদিগের ফসল সমূহ পাঁচ সাত বৎসর হইতে ততোধিক কাল ক্ষেত্র অধিকার করিয়া থাকে, কাজেই উল্লিখিত উপায় সকল অবলম্বন করা তাহাদিগের পক্ষে একবারেই অসম্ভব। দুই চারি বা পাঁচ দশ সহস্র বিঘা ভূমিতে সার প্রদান করা কত ব্যয়সম্ভব ও শ্রমসাধ্য ব্যাপার তাহা সহজেই অনুমেয়। স্থায়ী উদ্ভিদে সুবিধা এই যে, তাহাদিগের মূল ভূগত মধ্যে অধিকদূর প্রবেশ করে, মূলের সংখ্যা অধিক হয়। তন্নিবন্ধন তাহারা ভূগর্ভের বহু দূর হইতে নিজ নিজ ব্যবহার্য্য পদার্থ আহরণ করিয়া জীবিত থাকে। অনন্তর মৃত্তিকাস্থিত যে সকল

পদার্থ উহার আহার্য করিয়া অঙ্গ পরিপুষ্ট করে, মানিকের প্রয়োজনীয় সামগ্রী বা অংশ—ফল ফুল হউক বা পত্র বা নিষ্যাস হউক—মানিক গ্রহণ করিয়া থাকে, অবশিষ্ট ধরিয়াইতেই স্থান পায়। এই জন্ত নীচাবাদী ক্ষেত্রের উর্বরতা নষ্ট হইতে পায় না। চা-গাছ প্রতিবৎসর শীতকালে চাঁটা হইয়া থাকে এবং কড়িতাংশ—পাতা ও শাখা প্রশাখা—মাটিতে পতিত থাকে ও পচিয়া মাটির সহিত মিলিত হয়। এই সকল ক্ষেত্রে যে আদৌ সার দেওয়া হয় না তাহা নহে কিন্তু সে সময়ে নিশ্চিষ্ট পদ্ধতি নাই, কেহ ইচ্ছা করিলে দুই চারি বৎসর অল্প সার দিয়া থাকে, কেহ বা না দিয়া থাকে। অপরাপর সার অপেক্ষা গাছের দ্বীয় অঙ্গচ্যুত পদার্থ তাহার পক্ষে উত্তম সার। আম্রগাছের সার আম্রগাছের পত্রাদি, কারণ যে যে পদার্থে উহার বৃদ্ধি ও পরিপুষ্টির জন্ত আবশ্যক তৎসমুদায়, উহা মাটি হইতে আহার্য করিয়া পরিপুষ্ট হইয়াছে এবং প্রায় তৎসমুদায় পদার্থই বৃক্ষচ্যুত ফল, ফুল, ও পত্রে অবরুদ্ধ থাকে। ভূমিতে পতিত হইলে তৎসমুদায় পদার্থ প্রাকৃতিক নিয়মে বিগলিত হইয়া মূলের ভিতর দিয়া পুনরায় সেই উদ্ভিদেই প্রবেশ লাভ করে। গাছের তলা হইতে পত্রাদি সংগৃহীত হইতে না দিলে তাহাতে সার দিবার তত প্রয়োজন হয় না। পল্লীগ্রামে প্রায় দেখা যায় যে লোকে গাছের পাতা সংগ্রহ করিয়া লইয়া যায় এবং জ্বালানি কাণ্ডে ব্যবহার করে। অনেক স্থলে টিকা তৈয়ার করিবার জন্তও পাতা ব্যবহৃত হয়। অনেক উদ্যানস্বামী গাছের পাতা জমা দিয়া থাকেন কিন্তু ইচ্ছাতে যে পরিমাণ আয় হয়, তাহাপেক্ষা গাছের বহুগুণ ক্ষতি হইয়া থাকে। নানা উপায়ে উদ্ভিদগণ আপনাপন অভাব মোচন করিবার সুযোগ পায় বলিয়া সে সকল ক্ষতি আমরা উপলব্ধি করিতে পারি না। মৃত্তিকার সামগ্রী মৃত্তিকাকে প্রত্যর্পণ করিতে হইবে—এই কথাটী সর্বদা স্মরণ রাখিয়া কার্য্য কর।

উচিত। ঠিক সেই জিনিষটী কেবল দেওয়া ঘটয়া উঠে না বলিয়া সার দিয়া ও সূচাষের দ্বারা সে অভাব মোচন করিতে হইবে। ঈদৃশ কোন উপায় অবলম্বন না করিলে জমির উর্বরতা যে হ্রাস প্রাপ্ত হইবে, তাহাতে আর আশ্চর্য্য কি ?

ইক্ষু, দেব-ধাণ্ড বা গহমা প্রভৃতি কতকগুলি বৃহৎ ফসল ভূমি হইতে

বৃহৎ ফসল

অত্যধিক পরিমাণে সার পদার্থ ও রস আহরণ করিয়া

থাকে ! যে ক্ষেত্রে উহাদিগের পুনঃ পুনঃ আবাদ হয়,

তাহার উর্বরতা ক্রমশঃ হ্রাস প্রাপ্ত হইয়া থাকে। সার অধিক আহরিত হইলে বিশেষ ক্ষতি হয় না কিন্তু রস আহরিত অধিক হইলে তাহা হইয়া

থাকে। কদলী-বৃক্ষ অতিশয় রস-শোষক উদ্ভিদ। উৎকৃষ্ট ও নূতন

মৃত্তিকায় রোপিত হইলেও এক বৎসর হইতে দুই বৎসরের মধ্যে উহারা

ভূমিকে একবারে যে ক্ষীণ করিয়া ফেলে তাহা উহাদিগের রসালতা

দেখিলেই বুঝিতে পারা যায়। প্রথম বৎসর উহারা যেরূপ তেজাল হইয়া

উঠে, পরবত্তা বৎসরে উহাদের আর তত তেজ থাকিতে দেখা যায়

না, এইজন্ত কদলী-বৃক্ষে পাক-মাটি দিবার ব্যবস্থা আছে। ... শোষণ-শক্তি

অধিক বলিয়া উহারা মৃত্তিকা হইতে বহু রস শোষণ করে, ইহাতে

মৃত্তিকার রসাতাব হয়। পূর্বেই বলিয়াছি যে, নীরস মাটি যতই

সারবান হউক। উদ্ভিদ তাহাতে

ভাল থাকিতে পারে না। এইরূপে


মৃত্তিকার যাহাতে বলক্ষয় না হয়,

সেজন্ত পর্য্যায় অবলম্বন করা উচিত।

যে কোন ফসল হউক কেবল যে

তাহারা রস-শোষণ করিয়া মৃত্তিকার

শক্তি-হরণ করে তাহা নহে। ফসল সমূলে কর্তিত হইয়া স্থানান্তরে



গেয়া পড়িলে ক্ষেত্রস্থিত অনেক পদার্থ তাহার সহিত বহির্গত হইয়া যায়। বারিপ্রধান দেশে ইহাতে বড় আসিয়া যায় না। ক্ষেত্র হইতে হঠাৎ সার সামগ্রী চলিয়া যাউক, বারিপাতের সহিত সমূহ পরিমাণে সেরাজান আসিয়া পড়ে। অতঃপর বৃষ্টির জল মৃত্তিকার সহিত মিলিত হইলে মৃত্তিকাস্তর্গত গলনীয় পদার্থ বিগলিত হইবার স্তবিধা পায়। বর্ষাকালে উদ্ভিদে নবজীবন সঞ্চারিত হইবার ইহা মূল কারণ। বর্ষাকালে অনেক গাছ মরিয়া যায় কিন্তু জন্মে না বলিয়া একপ মনে করা ভ্রম যে, বর্ষাই তাহার কারণ। উদ্ভিদের প্রকৃতিভেদে তাহা হইয়া থাকে।

একদিকে যেৰূপ কতকগুলি কসল দ্বারা মৃত্তিকার শক্তি বিনষ্ট হয়, অন্য দিকে আবার সিদ্বী জাতীয় কতকগুলি <sup>নক্ষত্রী কসল</sup> উদ্ভিদ দ্বারা নবশক্তি সংগৃহীত হয়। সিদ্বী ( Leguminosae ) জাতীয় উদ্ভিদের বিশেষত্ব এই যে, উহাদিগের মূলে এক জাতীয় উদ্ভিদাণু আশ্রয় লইয়া বাস-স্থান নিৰ্মাণ করে ও তথায় অবস্থান করিয়া মৃত্তিকামধ্যস্থিত বায়ু হইতে যবক্ষারজান আহরণ করে। একটা সিদ্বী জাতীয় গাছ—দৃষ্টান্ত স্বরূপ ছোলা বা বুট গাছ—সমূলে উৎপাটিত হইলে তাহার মূলের স্থানে স্থানে রাই বা সর্ষপের গ্রায় ক্ষুদ্র ক্ষুদ্র গুলি দৃষ্ট হয়। পূর্বে উহা উদ্ভিদের কোন রোগ বলিয়া লোকের ধারণা ছিল কিন্তু এক্ষণে সে মত পরিবর্তিত হইয়া উদ্ভিদাণুর আবাস বলিয়া নির্দ্ধারিত হইয়াছে। উক্ত গুলি সমূহের কোনটা সর্ষপবৎ আবার কোনটা মটরের গ্রায় হইয়া থাকে। সিদ্বী জাতীয় উদ্ভিদগণ মূলসংযুক্ত গুলির ভিতর হইতে যবক্ষারজান আহরণ করিয়া থাকে। উক্ত গুলি সমূহকে ইংরাজিতে nodules কহে। এই সকল উদ্ভিদ যবক্ষারজানপ্রধান। অপরাপর উদ্ভিদগণ মৃত্তিকাস্তর্গত

হিউমস্ (humus) নামক জৈব পদার্থ হইতে যবক্ষারজান আহরণ করে; সেইজন্য ইহাদিগের আবাদে মৃত্তিকার যবক্ষারজান অধিক বায়িত হয়। জৈব পদার্থ মাট্রেই যবক্ষারজানের আধার, কারণ উক্ত পদার্থ উদ্ভিদই আহরণ করে, কিন্তু সিম্বী জাতীয় উদ্ভিদগণ ভূগর্ভস্থ বায়ু হইতে উহা আহরণ করে বলিয়া ভূমির নাইট্রোজেন ভূমিতে থাকিয়া যায়, উপরন্তু সেই সকল উদ্ভিদ যাহা আহরণ করে, তাহাও মাটিতে স্থান প্রাপ্ত হয়। মৃত্তিকার উর্বরতা বৃদ্ধি করিবার পক্ষে সিম্বীক উদ্ভিদ বিশেষ উপযোগী এবং এইজন্য ইহাদিগকে সঞ্চয়ী বলিতে হয়।

উদ্ভিদাণু সহজ চক্ষে দৃষ্টির অগোচর। ইহারা এতই ক্ষুদ্র যে,

এক সারিতে রাখিলে এক ইঞ্চি পরিমিত স্থানে  
সিম্বীক উদ্ভিদ

ইহাদিগের দশ সহস্রকে স্থান দিতে পারা যায়।

এত নগ্ন ও দৃষ্টির অগোচর হইলেও ইহাদিগের কার্যকারিতা অপরিমীম। যে জমিতে যবক্ষারজানের অভাব বা অল্পতা অনুভূত হয়, তাহাতে সিম্বী-জাতীয় ফসলের আবাদ করিবার এইজন্য ব্যবস্থা হইয়াছে। একেইত সিম্বী জাতীয় উদ্ভিদ যবক্ষারজানপূর্ণ, তাহার উপর মূল-সংযুক্ত-গুলিসমেত সেই সকল গাছকে ভূশায়ী করিয়া দিলে মৃত্তিকার উর্বরতা অধিকতর বৃদ্ধি পায়। পষ্যায়ের জন্য সিম্বী জাতীয় গাছের প্রসিদ্ধি যথেষ্ট। কতকগুলি সিম্বী জাতীয় উদ্ভিদের নাম এস্থলে প্রদত্ত হইল :—

মুগ

আতুসী

মসুরি

অপরাজিতা

খেসারি

নীল

ভিরিঙ্গী

শণ

বুট বা ছোলা	ধুধে
অড়হর	শোলা
মাষকলাই	মোহন চূড়া (Gold mohur tree)
মাট কলাই বা চাঁনের বাদাম	কৃষ্ণ চূড়া
সীম	বাবল বা বারলা
নানা জাতীয় মটর	পলাস
লীম	কাঞ্চন
মাখন সীম	তিস্তিড় বা তেঁতুল
বাকলা	সজনা
বরবটী	

এতদ্ব্যতীত আরও অনেক সিম্বী-জাতীয় উদ্ভিদ আছে। যে গাছে ফলটি হয়, তাহাই যে সিম্বী জাতির অন্তর্গত—তাহা নহে। এই জাতীয় ফুলের গঠন এবং ফলটির মধ্যে দানা সমূহের অবস্থান মধ্যে বিশেষত্ব আছে। ইহাদিগের পুষ্পের গঠন অনেকটা প্রজাপতি সদৃশ। • ইহাদিগের পত্র নিচয় সঙ্ক্যা সমাগমে মুদিত হয়।

## • ত্রয়োদশ অধ্যায়

ভূপৃষ্ঠের বতদূর নিম্ন অবধি কর্ষণাধীন, তাহাকে পৃষ্ঠ-ভূমি  
 ভূমির ( Surface Soil ) এবং তন্নিম্নস্থিত মুস্তিকাকে  
 তলভেদে অন্তঃভূমি ( Sub-Soil ) বলা যায়। কর্ষণের গভী-



রতাহুসারে পৃষ্ঠ-ভূমির গভীরতার ইতরবিশেষ হইয়া থাকে। এ দেশের কৰ্ষণ প্রায় লঘু বা ভাসা ( Shallow ) হইয়া থাকে—কদাচ চারি ইঞ্চি অপেক্ষা গভীর হয়। পাশ্চাত্য দেশের কৃষকেরা প্রায় গুরু বা গভীর চাষের ( deep ) পক্ষপাতী বলিয়া তাহাদিগের জমি ৮৯ ইঞ্চি গভীর করিয়া কর্ষিত হইয়া থাকে, সুতরাং তাহাদিগের জমির পৃষ্ঠ-ভূমি সচরাচর প্রায় ৯ ইঞ্চি বা এক বিতস্তি, আর আমাদিগের জমির পৃষ্ঠ-ভূমি ৪।৫ ইঞ্চি বা অর্দ্ধ বিতস্তি হইয়া থাকে। দেশ ভেদে মৃত্তিকা ভেদে, কৃষকের অবস্থা ভেদে কিসা প্রয়োজন ভেদে—কৰ্ষণ লঘু বা গুরু করিতে হয়। যে মাটি রৌদ্রে অতিশয় উত্তপ্ত হইয়া উঠে, কিসা বারি শোষণ করিতে তাদৃশ সক্ষম নহে, তাদৃশ জমিতে গুরু বা গভীর কৰ্ষণ দিলে উপকার আছে। যে জমি সহজেই উত্তপ্ত হয় তাহাতে গভীর চাষ দিলে তজ্জাত উদ্ভিদগণের মূল ভূগর্ভ মধ্যে অধিক দূর প্রবেশ করে তন্নিবন্ধন মূলে অধিক উত্তাপ লাগিতে পারে না,—উদ্ভিদেরও রসাভাব হয় না। নদী বা অপর জলাশয়ের সন্নিহিত ভূমি ও বেলে-ভূমি স্বভাবতঃ নীরস হইয়া থাকে কিন্তু সে ক্ষেত্রে গভীর কৰ্ষণ দিলে পূর্বমত উদ্ভিদের মূলগণ মাটির ভিতর অধিক দূর প্রবেশের পথ পায়,—রসাভাবের দায় হইতে রক্ষা পায়। অতঃপর আবশ্যক বোধ করিলেও অবস্থার সঙ্গীর্ণতা হেতু কৃষকগণ ভাল লাঙ্গল ব্যবহার করিতে পারে না—ক্ষুদ্র-ফাল লাঙ্গলেই তাহাকে কার্য্য সমাধা করিতে হয়। কেবল দীর্ঘকাল লাঙ্গল হইলেই হয় না। সেরূপ লাঙ্গল টানিবার উপযোগী বলিষ্ঠ বলদও এদেশে প্রায় দুর্লভ হইয়া পড়িয়াছে। দীর্ঘকাল হলচালনা করিতে হইলে দীর্ঘ ও বলিষ্ঠ বল-দের প্রয়োজন এবং বলদকে ভাল করিয়া জাব দেওয়া আবশ্যক।

গরীব কৃষকের সে সব করিবার সংস্থান না থাকায় হেলে-গরু ও পিলে-লাঙ্গল দ্বারা তাহাকে আবাদ করিতে হয়। \*

পৃষ্ঠ-ভূমির মৃত্তিকা ঝরা, সারবান ও রসশোষক হইয়া থাকে।

পৃষ্ঠ-ভূমি সর্বদা কণ্ঠের অধীন থাকে, তন্নিবন্ধন

উপরের মাটি তাদৃশ কঠিন হইতে না পাওয়ায় বায়বীয় পদার্থ তন্মধ্যে অবাধে প্রবেশ করিতে পায় : বায়ু, বৃষ্টি ও শিশির দ্বারা মাটি নিরন্তর পরিবর্তনের অধীন বলিয়া অপেক্ষাকৃত উর্বরা থাকে। পৃষ্ঠ-মৃত্তিকার আর একটি বিশেষ কারণ এই যে, বহির্ভাগ হইতে যে কিছু জৈব-সার তাহাতে প্রদত্ত হয় বা বায়ু সংযোগে আসিয়া পতিত হয়, তত্তাবৎ উপরিভাগেই স্থান প্রাপ্ত হয়। সারসঙ্কুল হিউমস্ (humus) নামক ত্রৈবাঙ্গিক পদার্থ যে কি তাহা অনুমান করিয়া লইতে হয়। পুষ্পের আকার আছে কিন্তু সৌরভের আকার নাই অথচ সৌরভ যে কিছুই নহে, তাহা কেহই বলিতে পারে না। ত্রৈবাঙ্গিক(humus) পদার্থ সম্বন্ধেও সেই কথা প্রযুক্ত। জৈব পদার্থ অব্যববিশিষ্ট, কিন্তু তাহার যাহা সম্ব বা সার তাহা নিরবয়ব। তাহা হইলেও পুষ্পের সৌরভের গ্রায় ইহারও অন্তিম আছে তাহা স্বীকার করিতে হইবে। পৃষ্ঠ-ভূমির কণ্ঠিত অংশেই ইহার স্থান বলিয়া উদ্ভিদগণ অধিক নিম্নভূমিতে সহজে আহারের অন্বেষণ করে না।

\* যে গরুতে লাঙ্গল টানে তাহাকে হেলে-গরু কহে। হালের গরু হুট-পুট ও বলিষ্ঠ কিম্বা ক্ষীণকায় হইতে পারে, কিন্তু সচরাচর শেসোক্ত প্রকারের গরু দেখিতে পাওয়া যায় বলিয়া হেলে-গরু বলিলেই আমরা সেই চলচ্ছক্তিহীন দুর্বল ও ক্ষীণ-কায় পশু বুঝি। এতলে সেই 'হেলে' শব্দ ব্যবহৃত হইল। 'পিলে' শব্দ ক্ষুদ্র ভাব-ব্যঞ্জক।

উদ্ভিদের আহারান্বেষী সূত্রবৎ মূল সমূহ ( fibrovs roots ) ভূ-পৃষ্ঠের নিম্নভাগেই প্রায় বিস্তৃত হয় ও তথা হইতে আহার সঞ্চয় করে । এতদ্ব্যতীত মৃত্তিকার এই অংশে উদ্ভিদাণুগণ বাস করিয়া থাকে । উদ্ভিদাণুগণ ত্রৈবাস্পিক পদার্থ হইতে আহার্য সংগ্রহ করে ।

অস্তভূমি ( Sub-soil ) মধ্যে এত স্রবিধা নাই । জমির পৃষ্ঠ-  
 অস্তভূমি দেশ যেরূপ বিস্তারিত ও সমতলবৎ অস্তভূমির পৃষ্ঠ-দেশও তদনুরূপ অবস্থাপন্ন । অস্তভূমি সার শূন্য—একথা বলি না ! উহার মধ্যে যে সারাংশ থাকে তাহা রৌদ্র, বায়ু, বৃষ্টি প্রভৃতির সাক্ষাৎ অধীন নহে । উহার মধ্যে বায়ু বা রৌদ্র সহজে প্রবেশ করিতে পারে না, সেই হেতু সেখানে উদ্ভিদাণু জন্মিতে পারে না । ঈদৃশ কারণে অস্তভূমি উদ্ভিদের সত্ত্ব ব্যবহারো-পযোগী পদার্থ হইতে বঞ্চিত । উহার মধ্যে উদ্ভিজ্জ পদার্থের প্রায় একেবারেই অভাব, তবে উপরিভাগের মৃত্তিকাস্থিত সারের গলিত কিয়দংশ উহার মধ্যে গিয়া স্থান পায়, কিন্তু উত্তাপাদির অভাবে তদবস্থাতেই থাকে । পৃষ্ঠ-ভূমি কর্ষিত হইবার কালে লাক্কলের ফাল ততদূর নিম্নদেশ অবধি প্রবেশ করিলে \*পূর্ব-সংস্থিত সার বিচলিত হইয়া ক্রমে উপরিভাগের মৃত্তিকার সহিত সন্মিলিত হইতে পারে । কিন্তু ইহাও বলি যে, অস্তভূমি উদ্ভিদের ভাণ্ডারস্বরূপ । জলের অতিরিক্তাংশ ও সারাংশের অব্যবহৃত্যাংশ ক্রমাগত সেইখানেই গিয়া সঞ্চিত হইয়া থাকে । অস্তভূমি প্রস্তুতবৎ কঠিন হইলে, তাহাতে জল বা সার প্রবেশ করিতে পারে না তাহা ব্যতীত পতিত জল উপরিভাগের মৃত্তিকাকে সিক্ত করিয়া জল বহির্গত হইয়া যায়, সেই সঙ্গে অনেক সার পদার্থও চলিয়া যায় । অস্তভূমির শোষণ শক্তি না থাকিলে এইরূপই ঘটে । পৃষ্ঠ-ভূমির নানাবিধ স্রযোগ আছে ।

বহু গাছ পালা জন্মে, তাহাদিগের যত মূল, গোড়া, পাতা, ফুল, ফল পড়িয়া পৃষ্ঠদেশের মৃত্তিকাকে উদ্ভিজ্জ পদার্থ দ্বারা পূর্ণ রাখে। অতঃপর এই সকল উদ্ভিজ্জ পদার্থজনিত অম্ল দ্বারা উহারা আ-  
নারা দ্রবীভূত হয়, উপরন্তু মৃত্তিকার অগলিত জৈব ও বায়বীয়  
পদার্থ সমূহও বিশ্লেষিত হইতে থাকে। নিম্ন ভূমিতে এ সকল  
পদার্থ প্রবেশ করিতে পারে না। কোন ক্রমে প্রবিষ্ট হইলেও  
উত্তাপাদির অভাবেও বিগলিত হইতে পারে না। ভূগর্ভমধ্যে গাছের  
একটি পাতাকে দৃঢ়রূপে পুতিয়া রাখিলে বহুদিন তদবস্থায় থাকিতে  
পারে, কিন্তু ভূ-পৃষ্ঠোপরি থাকিলে কয়েকদিন মধ্যে তাহার আর  
অস্তিত্বই পরিলক্ষিত হয় না।

●ভূমির উপরিতল বা পৃষ্ঠ-ভূমি শীতপ্রধান অপেক্ষা গ্রীষ্মপ্রধান

পৃষ্ঠ-ভূমির

গভীরতা

দেশে অপেক্ষাকৃত গভীর হইয়া থাকে। গ্রীষ্ম-

প্রধান দেশে—রৌদ্রের প্রখরতা হেতু—গভীর চাষ

দিতে হয়। গভীর কর্ষণের ফলে পৃষ্ঠ-ভূমির

গভীরতা বৃদ্ধি পায়। গ্রীষ্মপ্রধান দেশে গভীর কর্ষণ দ্বারা উদ্ভি-  
দের মূল সমূহকে অপেক্ষাকৃত অধিক দূর নিম্নে প্রবিষ্ট হইবার  
উপায় করিয়া দেওয়া হয়। অতিরিক্ত উত্তাপে মূলের রস শুকাইয়া  
যায়। অনন্তর মৃত্তিকার নিরসতা হেতু মূলগণ সমূহ পরিমাণে  
রস আহরণ করিতে পারে না, অতঃপর উদ্ভিদের অঙ্গ-  
সৌষ্টব দ্বারা মৃত্তিকার রস বহু পরিমাণে বহিষ্কৃত হইয়া যায়,  
কিন্তু উপরিতল গভীর হইলে মূলগণ নিম্নদেশে অধিকদূর প্রবেশ করিতে  
ও সেখান হইতে অধিক পরিমাণে রস আহরণ করিতে সমর্থ হয়।  
এতদ্ব্যতীত তথাকার উত্তাপের ন্যূনতা হেতু মূলও বৃদ্ধি পাইয়া থাকে।  
শীতপ্রধান দেশে ঠিক ইহার বিপরীত, কারণ তথায় শীতের প্রাদুর্ভাব

হেতু স্বর্ঘ্যের প্রখরতা একবারেই থাকে না, বরং যে সামান্য উত্তাপ থাকে তদ্বারা উদ্ভিদের উপকারই হইয়া থাকে। ভূগর্ভের শৈত্যতা-ধিক্য হেতু মূলগণ তন্মধ্যে অধিক দূর. নিম্নে না গিয়া উপরিভাগেই বিচরণ করে। শীতপ্রধান স্থানে গভীর পৃষ্ঠতল হওয়ায় লাভ নাই বরং ক্ষতিই হয়। আমরা গ্রীষ্মপ্রধান ও সমতল দেশবাসী, স্বতরাং আমাদের পক্ষে ছয় ইঞ্চ হইতে আট ইঞ্চ গভীর উপরিতলের মাটি চাষ-আবাদের জন্য উপযোগী। গরীব কৃষকদিগের পক্ষে এত গভীর কর্ষণের সুবিধা হইবে না জানি, কিন্তু যতটা হয় তাহার চেষ্টা করিতে হইবে। অনেক ফসল গভীর মাটিতে মূল প্রসারিত করে, কিন্তু মাটি আলুনা না পাইলে অধিক নিম্নে প্রবেশ করিতে পারে না।

অস্তভূমির গভীরতার কিছু নির্দেশ নাই। উপরিস্তরের

অস্তভূমির যতদূর মৃত্তিকা আছে তাহাই অস্তভূমির গভীরতা।

অস্তভূমি গভীর না হইলে কোন জমিতেই বারমেসে গভীরতা

উদ্ভিদ ও বৃহৎ বৃক্ষাদি দীর্ঘকাল জীবিত থাকিতে পারে না। উপরিতলের মৃত্তিকা ও তাহার উৎপাদিকাশক্তি—ক্ষয়ের অধীন। অনেক সময় মৃত্তিকার শুষ্কবস্থায় ক্ষেত্র হলচালিত বা কুন্দালিত হইলে কিম্বা তাহাতে খুরপি বা নিড়েন করিলে মৃদু সমীরণেও ভূমি হইতে ধূলারূপে অনেক সার পদার্থ উড়িয়া যায়, প্রবল বৃষ্টিতে ধুইয়া যায় এবং আরও কত কারণে ক্ষেত্রের মাটি ক্ষেত্র হইতে স্থানান্তরিত হইয়া থাকে। অস্তভূমির এ সকল আপদের কারণ নাই। অতঃপর, উপরিতলের মৃত্তিকা রৌদ্র ও বাতাসের সাক্ষাৎ অধীন বলিয়া বারমাস তাহাতে রসের সমতা থাকে না। বর্ষাকালে উহার বর্ষা বা পঙ্কিল হয়, গ্রীষ্মকালে তেমনই নীরস ও শুষ্ক হইয়া পড়ে। অধিক দিন বারিপাত না হইলে ভূ-পৃষ্ঠের ৪।৫ অঙ্গুলি মাটি এত শুষ্ক

হইয়া যায় যে, সে সময় মৃত্তিকা বিচলিত হইলে ক্ষেত্র হইতে অনেক ব্যবহারোপযোগী মাটি ধুলাকারে দিগ্বাণ্ডলে উড়িয়া যায়। এইজন্য অধিক বাতাসের সময় মৃত্তিকাকে বিচলিত করা উচিত নহে। বৃষ্টির সময় ক্ষেত্রের ধোয়াট রোধ করিবার জন্য চাষীগণ আপনাপন জমির চারিদিকে আল দিয়া থাকে। জমি বন্ধুর বা গড়েন হইলে থাকবন্দী করিয়া স্থানে স্থানে আল দিতে হয় নতুবা বৃষ্টির সময় ক্ষেত্রের সূক্ষ্ম বা লঘু মাটি ও সার বিধৌত হইয়া ক্ষেত্রান্তরে গিয়া পড়ে। এইরূপে জমি ধুইয়া গেলে কেবল যে তাহার সার হ্রাস হয় তাহা নহে, সূক্ষ্ম ও লঘু পদার্থ চলিয়া গেলে তাহার উপরিভাগ স্থূল দানাময় হয়। বৃষ্টিতে বা বায়ুতে স্থূল দানা অধিক অপসারিত হইতে পারে না কিন্তু সূক্ষ্ম লঘু দানার উপরেই বায়ু ও বৃষ্টির প্রতিপত্তি অধিক! এইরূপে লঘু-কণিকা বিবর্জিত হইলে ক্ষেত্রের প্রকৃতি পরিবর্তিত হইয়া যায় এবং উর্বরতার ইতর বিশেষ হয়। উক্ত পরিবর্তন এতই অলক্ষিতভাবে হয় যে, এক আধ বৎসরে তাহা সহজে সাধারণ লোকের বোধগম্য হয় না কিন্তু সূক্ষ্মদৃষ্টি বিচক্ষণ ব্যক্তি চেষ্টা বা লক্ষ্য করিলে তাহা বুঝিতে পারেন। মৃত্তিকার লঘুভাগ স্থানান্তরিত হইলে বালুকার প্রাধান্ত হয় সুতরাং তাহার প্রকৃতি বালুকাভূমিসদৃশ হইয়া পড়িবে, ইহাতে আশ্চর্য্যের বিষয় আর কি আছে? কিন্তু—

অস্তস্থল পৃষ্ঠভূমির দ্বারা আবৃত ও সুরক্ষিত থাকায় উহা হইতে মৃত্তিকার সূক্ষ্ম পদার্থরাশি স্থানান্তরিত হইতে পায় না,—মৃত্তিকা জলপূর্ণ হয় না,—শোষিত জল ক্রমশ নিম্ন দেশে গিয়া আশ্রয় লয় এবং পয়ঃপ্রণালী বা নয়াজুলির সুব্যবস্থা থাকিলে কতক জল বহির্গত হইয়া যায়। নিম্নস্থল অগভীর হইলে অর্থাৎ তাহার অদূর নিম্নে কঙ্কর বা মোটা বালুকাস্তর থাকিলে শোষিত জল তাহার ভিতর দিয়া বহু মিথে

গিয়া পড়ে তন্নিবন্ধন উভয় স্তরেই রসের ভাগ কমিয়া যায়। মাটিতে রসাবাহ হইলে উদ্ভিদের কত অস্থবিধা হয়, তাহা পূর্বেই আলোচিত হইয়াছে। ভূগর্ভ উদ্ভিদের অক্ষয় ভাণ্ডার ও রন্ধনাগার স্বরূপ এবং ভূ-পৃষ্ঠ ভোজনশালা স্বরূপ। উক্ত ভাণ্ডার মধ্যে উদ্ভিদের ব্যবহার্য্য প্রায় তাবৎপদার্থই বিদ্যমান থাকিয়া প্রতিনিয়ত রূপান্তরিত হইয়া উদ্ধাভিমুখী হইতেছে। উপরিতলের সামগ্রী সদ্য ব্যবহারোপযোগী, এজন্ত তাহাকে উদ্ভিদের ভোজনশালারূপে নির্দেশ করা গেল। উপরিতলের স্পরিচর্যা না হইলে নিম্নতলের মৃত্তিকা দ্বারা কোন উপকার পাওয়া যায় না। নিম্নতলের সহিত সম্বন্ধ রাখিবার জন্ত উপরিভাগের মৃত্তিকাকে সূকর্ষিত ও সম্বন্ধ রাখিত হইবে। মৃত্তিকা ঘন বা সম্বন্ধ থাকিলে ছিদ্রপথের উদ্ভব হয়, তন্নিবন্ধন নিম্নতলের সহিত উপরিতলের অবিচ্ছিন্ন সম্বন্ধ সংস্থাপিত হয়। উপরের মাটি অতিশয় ঝুরা ও আলগা থাকিলে নিম্নতল হইতে অতি অল্প রস উপরে উঠে তাহাও শীঘ্র শুকাইয়া যায়, কিন্তু ভূকর্ষণের পর যথা নিয়মে মদিকা বা চৌকী পরিচালিত হইলে মাটি বসিয়া যায়,—মাটি সম্বন্ধ ও দৃঢ় হয়। মৃত্তিকার ঘনতা বৃদ্ধি করিবার জন্ত মদিকা অপেক্ষা চৌকী দিবার পর কাষ্ঠ নির্মিত রল (Roller) দিতে পারিলে আরও উপকার দর্শিয়া থাকে। মদিকা নিতান্ত হালকা বলিয়া তদ্বারা মাটি তত ঘনরূপে বসে না কিন্তু চৌকী তদপেক্ষা গুরুভার স্তরাং তদ্বারা মাটি অপেক্ষাকৃত অধিক চাপিয়া যায়। রল,—চৌকী অপেক্ষা ভারি ও সর্বস্থানে সমভাবে ভার ক্ষেপন করে, এজন্ত রল দ্বারা মাটি অধিক ও সমভাবে চাপিয়া যায়। মাটি যত অধিক বসিয়া যায় ছিদ্রপথ সমূহ তত সূক্ষ্ম হয় স্তরাং সূক্ষ্যাকর্ষণে নিম্নদেশস্থ রস অপেক্ষাকৃত অধিক পরিমাণে উপরিভাগে আসে অথচ অপচয় হইতে পায় না এবং সেই জন্ত তাদৃশ

মাটিতে গাছের রসাতাব হয় না। এতদ্বারা কাহারও না মনে হয় যে, মাটিকে যৎপরোনাস্তি চাপিয়া দিলে আরও অধিক স্তূফল দর্শিতে পারে। কষিত মৃত্তিকার উপরিতলেও ঘনতার আবশ্যক, কারণ কর্ষণ-কালে উহার ছিদ্র ও ছিদ্রপথ সমূহ চূর্ণ-বিচূর্ণ ও বিশৃঙ্খল হইয়া যায়, কিন্তু নিম্নতলের মৃত্তিকা বিচলিত হইতে পায় না, তন্নিবন্ধন ছিদ্রপথ সমুদায় ঠিক থাকে। সেই সকল ছিদ্রপথ নিম্নভাগের জলস্তর অবধি সংযুক্ত। নিম্নতল যত গভীর ও ছিদ্রপথ সমন্বিত হয়, মৃত্তিকা তত রসধারণক্ষম হইয়া থাকে।

## চতুর্দশ অধ্যায়

ভূ-কর্ষণ সম্বন্ধে মতভেদ দৃষ্ট হয়। অনেকের মত—গভীর চাষ

ভাল, আবার অনেকের মত তাহা নহে, কিন্তু উভয়  
ভূ-কর্ষণ পক্ষেই মত যে, উৎপাদিকা-শক্তিকে বজায় রাখা

বদ্ধিত করিবার একমাত্র উপায়—স্বকর্ষণ। ভূমি যতই সারবান হউক, তাহাতে যতই সার প্রদান করা হউক, আবাদ করিবার যতই সুবিধা থাক—স্বকর্ষণ সকলের মূলাধার। অসম্পূর্ণ চাষ এ দেশে বিরল নহে। প্রায়ই দেখা যায়, ক্ষেত্রের সকল স্থান সমভাবে কষিত হয় না, মৃত্তিকা ভালরূপ চূর্ণ হয় না, যথানিয়মে চৌকী পড়ে না। এবশ্চকারের চাষকে নিকৃষ্ট কর্ষণ বলিতে হইবে। স্বকষিত ক্ষেত্র সমভাবে কষিত হইবে,—মৃত্তিকা আবীরের গায় চূর্ণ হইবে, কিন্তু আমরা সচরাচর দেখি—তিন চারি অঙ্গুলি বা ততোধিক স্থান ব্যবধানে হলচালিত হয় ও তাহাতে এক অঙ্গুলি হইতে দুই অঙ্গুলি মাত্র নিম্নের মাটি বিচলিত হয়। সম্বারজ্জনী দ্বারা তথাকার মাটিকে অপসারিত করিলে দেখা যায়,



স্থানটাকে যেন আঁচড়ান হইয়াছে। বহু কৃষক এইরূপ চাষেই পরিতৃপ্ত হয়। ভূমিকে উত্তমরূপে কৰ্ষণ করা যে বিশেষ প্রয়োজন, সূচাষের উপরেই যে আবাদের ফলাফল নির্ভরপর, তাহা অনেক কৃষকই অবগত নহে। গভীর-অগভীর চাষের কথা তাহাদিগের নিকট বলা আপাততঃ বাতুলতা বলিয়া মনে হয়। যতই হল্কা বা ভাসা চাষ হউক, সর্বত্র সমভাবে কৰ্ষিত হইলে তাহা সূচাষের অন্তর্গত হইতে পারে। আঁচড়ান-চাষে বিপরীত ফল হইয়া থাকে। ৪ নং চিত্র দেখিলে তাহাতেই সম্যক উপলব্ধি হইবে। ‘ক’-চিহ্নিত স্থান সমূহের উপর দিয়া হলপ্রবাহিত হওয়ায় সেই সকল স্থান ঈষৎ গভীর হইয়াছে। ‘ক-ক’ পরস্পরের মধ্যবর্তী খ-চিহ্নিত স্থান আদৌ হলস্পর্শিত না হওয়ায় ভূমি যথাযথ থাকিয়া গিয়াছে। কৰ্ষণকালে কৰ্ষিত ‘ক’ স্থানের কতক মাটি অকৰ্ষিত ‘খ’ স্থানে আসিয়া পড়ায় উভয় স্থানকে এককার দেখাইতে পারে কিন্তু এতদ্বারা কোন ফলই হয় না। ‘ক’-স্থানের মাটি ‘খ’-স্থানে আসিলে ‘ক’-স্থানের মাটি কমিয়া যায় অথচ এই অল্প পরিমাণ মাটি ‘খ’-স্থানে আসায় শেষোক্ত স্থানে কোনই উপকার হয় না! ঈদৃশ কৰ্ষণের ফলে অকৰ্ষিত সমতল খ-স্থানে যে বীজ পতিত হয়, তাহা আদৌ অঙ্কুরিত হইতে পারে না কিম্বা অঙ্কুরিত হইলেও গাছ বাড়ন্ত বা ফলন্ত হয় না। অতঃপর কৰ্ষিত ‘ক’-স্থানে যে সকল বীজ পতিত হয় তাহা অঙ্কুরিত হয় বটে, কিন্তু মাটির অল্পতা ও কৰ্ষণের লঘুতা হেতু গাছ তেজাল হইতে পারে না। তাহা ব্যতীত কৰ্ষিত স্থানের মাটিতে অধিক রৌদ্র লাগায় মাটি অপেক্ষাকৃত অধিক শুকাইয়া যায়—ইহাও বিশেষ বিবেচনার বিষয়। সমতল ভূমি অপেক্ষা গড়েন, বন্ধুর বা অসমতল ভূমি হইতে যে অধিক রস শুকাইয়া যায়, তাহার কারণ শেষোক্ত জমির উচ্চতা বা গভীরতানুসারে মৃত্তিকার ছিদ্রগণ (Pores)

সূর্যের কিরণাভিমুখে থাকে। ৫ম চিত্রদ্বারা বিশেষ বুঝিতে পারা যায় যে, ক-খ ও গ-ঘ স্থানে যত রৌদ্র ও বাতাস লাগে খ-ঙ-গ-স্থানে তাহাপেক্ষা অধিক রৌদ্রাদি লাগে। ক-খ, খ-গ, গ-ঘ-সমদীর্ঘ, কিন্তু মধ্যবর্তী স্থান কষিত হওয়ায় এক্ষণে উহার সীমা খ-গ'র পরিবর্তে খ-ঙ-গ হইয়াছে। অতঃপর ক-খ ও গ-ঘ'র ব্যাপ্তির সহিত খ-ঙ-গ'র ব্যাপ্তির পরিমাণ করিলে শেষোক্ত স্থানের ব্যাপ্তির যে অধিক, তাহা অঙ্কশাস্ত্র-সঙ্গত সত্য। খ-ঙ-গ-স্থান মুক্তিকাপূর্ণ থাকিলেও তথাকার মুক্তিকা কষিত, তন্নিবন্ধন তাহাতে রৌদ্র ও বাতাসের যত অধিক প্রকোপ, 'ক-খ' বা 'ঘ'-স্থানের তত নহে। অতঃপর—

এইরূপ জঘন্মরূপে যে জমি কষিত হয়, তাহাতে অধিক গাছের স্থান হইতে পারে না। বীজ বপিত হইবামাত্র কঠিন সমতল মাটি হইতে প্রতিঘাতে ঠিকুরাইয়া নিকটস্থ কোমল স্থানে গিয়া আশ্রয় প্রাপ্ত হয়। এস্থলে কোমল স্থান বলিলে কষিতাংশকে বুঝিতে হইবে। কষিত স্থানে পতিত হইলে প্রতিঘাতভাবে বীজ স্থানান্তরিত হইতে পারে না এইরূপে পতিত হইলে অধিকাংশ বীজই ভাঁওরের মধ্যে গিয়া পড়ে ও সেই স্থানে অঙ্কুরিত হয়, আর উভয় ভাঁওরের মধ্যবর্তী শিরালী অকষিত ও অমুষ্টিদ অবস্থায় পতিত থাকে। ভাঁওরের মধ্যে যে সকল গাছ জন্মে, স্থানের অপ্রতুলতা হেতু তাহারা সূচ্যরূপে বঙ্কিত হইতে পায় না, অনেক গাছ লম্বা হইয়া যায়, অনেক গাছ আওতায় পড়িয়া মড়াঙ্কে দশা প্রাপ্ত হয়।\*

\* কর্ণকালে যে স্থান কষিত হইয়া যায়, তাহাকে 'ভাঁওর' কহে। হলপ্রবাহে ভাঁওরের মাটি উভয় পার্শ্বে সরিয়া যায়। যে যে স্থানের উপর দিয়! ফাল প্রবাহিত হয় তাহার উভয় পর্শ্বাংশ রেখাকে 'শিরালী' এবং ফালের শেষাগ্রভাগস্পর্শিত রেখাকে 'হাল' কহে।

মোটের উপর নাটি স্বকর্ষিত হওয়া আবশ্যক। চারি পাঁচ অঙ্গুলি মাটি সমভাবে স্বকর্ষিত হইলে আবাদোপযোগী হুচাষ। এইরূপ স্বকর্ষণের ফলে নিম্নতলস্থ ভূমি সমতলাপন্ন হইয়া উপরিভাগের তাবৎ মাটিকে সমভাবে রস সরবরাহ করিতে পারে। নিম্নতলের মৃত্তিকা স্বভাবতঃ কোমল অথচ ঘন ও দৃঢ় এবং বিচলিত হইতে না পাওয়ায় বারমাস সমভাবে থাকে। তাবৎ ভাটুই ও রবিখন্দের উদ্ভিদগণ প্রায় অদীর্ঘমূলক হইয়া থাকে। ৪।৫ অঙ্গুলি গভীর মাটি পাইলে তাহাদিগের সকল অভাব মিটিতে পারে। আমন ধাত্ত জলজ উদ্ভিদ স্তরাং তৎসমন্বিত এ নিয়মখাটে না। যে জমিতে আমন ধাত্ত রোপিত হয়, তাহা প্রায় অল্লাধিক জলমগ্ন থাকে, তন্নিবন্ধন তথাকার নাটি খুবই কোমল থাকে এবং উদ্ভিদগণ অনায়াসে ভূগর্ভমধ্যে মূল প্রবিষ্ট করিতে সক্ষম হয়। দীর্ঘমূল উদ্ভিদগণের মূল কর্ষিত ভূমির নিম্নতল পাইলে ক্রমে নিম্নদেশে প্রবেশ করিতে পারে। নিম্নতলের মৃত্তিকাকে কর্ষণ করিতে হয় না, তাহাতে সার দিতে হয় না, কিস্বা তাহার অপর কোনরূপ পরিচর্য্যাই করিতে হয় না। ভূপৃষ্ঠের মাটিকে স্বকর্ষিতাবস্থায় রাখিবার অগ্রতম বিশেষ উদ্দেশ্য—নিম্নতলের মাটিকে সজীব বা ক্রিয়াশীল রাখা। ভূপৃষ্ঠের মাটি কঠিন ও ‘লাল-চিটে’ হইয়া থাকিলে, কিস্বা আগছা দ্বারা পরিবৃত্ত থাকিলে নিম্নতলের মৃত্তিকা দ্বারা কোন উপকার পাওয়া যায় না। ভূগর্ভ উদ্ভিদের খাদ্য খাত্ত-ভাণ্ডার। তথায় উহাদিগের প্রয়োজনীয় প্রায় সকল পদার্থই পাওয়া যায়—তাহা পূর্বেই বলিয়াছি। কেবল তাহাই নহে, উদ্ভিদের উহা রসায়নাগার স্বরূপ। সকল পদার্থেরই তথায় নিরন্তর বিশ্লেষণ হইতেছে। ছনিয়ার কাহারও নিষ্কর্ষা থাকিবার ঘো নাই, সকলেই নিজ নিজ কাষে নিরত। ভূতগণও নিরন্তর আপনাপন কাষে ব্যাপ্ত।

সেই ভূতগণই ভূগর্ভ মধ্যে এক জিনিষ ভাঙ্গিয়া অপর জিনিষ গড়িতেছে আসলকে ভাঙ্গিয়া তদন্তর্গত পদার্থ সমূহকে মুক্তি দান করিতেছে, আবার তন্মুহূর্তে তাহাদিগেরই দুই চারি দশটীকে লইয়া নূতন জিনিষ তৈয়ার করিতেছে। এইরূপে প্রতিনিয়ত সংযোগ ও বিয়োগ কাঁচা না চলিলে মৃত্তিকা মধ্যে সর্বদা সত্তা আহরণোপযোগী পদার্থ কোথা হইতে আসিতে পারে? ভূতগণের একত্র সমাবেশ হইলেই বিশ্লেষণ বা সংযোজন ক্রিয়ার সূত্রপাত হইয়া থাকে। জমির সূচাষ হইলে উল্লিখিত সূত্রবিধা সকল আপনা হইতে আবির্ভূত হয়। অতিশয় গভীর কষণ হইলে বর্ষাকালে মাটি শুষ্ক হইতে অধিক বিলম্ব হয়, ভূগর্ভের উত্তাপ কমিয়া যায়, সাময়িক পরিচর্যারও বিলম্ব ঘটয়া থাকে। অতঃপর, গ্রীষ্মকালে যখন সূর্যের প্রচণ্ড কিরণে চারিদিক যেন দগ্ধ হইতে থাকে। সে সময় গভীরকর্ষিত ভূমি হইতে সহজে ও সমধিক পরিমাণে রস শুকাইয়া যায়, তল্লিবন্ধন ভূপৃষ্ঠ হইতে অনেক দূর নিম্ন পর্য্যন্ত নীরস হইয়া পড়ে। কেবল যে গ্রীষ্মকালেই এরূপ ঘটে, তাহা নহে। ভূমির অবস্থান ও মৃত্তিকার উপকরণ ভেদে বর্ষার অব্যবহিত পরে তদ্রূপ হওয়া আশ্চর্য্য নহে।

এস্থলে বিশেষ বিবেচ্য এই যে, কোন নির্দিষ্ট নিয়মের অধীন হইয়া কার্য্য করা সকল স্থলে শুভকর কিনা? ভূমি ও মৃত্তিকা বিশেষে—কর্ষণের গভীরতা ঠিক করিয়া লওয়া উচিত। গভীর বা ভাসা চাষে সকল স্থলে যে শুভ ফল হইবে তাহা অনিশ্চিত। সাধারণ চাষের পক্ষে ছয় হইতে আট অঙ্গুলি গভীর করিয়া ক্ষেত্র কর্ষণ করিলে বিশেষ উপকার দর্শিয়া থাকে কিন্তু প্রতি বৎসর একই প্রকার গভীর করিয়া চাষ করিলে একটা বিশেষ দোষ ঘটে এই যে, নিম্নতল কঠিন হইয়া যাইবার সম্ভাবনা। এক ঋতু বা এক

বৎসর গভীর, পর ঋতু বা পর বৎসর লঘু চাষ দিলে নিম্নে একটি পাত বা তলা উৎপন্ন হইতে পারে না। সমভাবে, বারম্বার চাষ দিলে কর্ষণাধীন মাটির সহিত পাত-ভূমি ঘনরূপে সম্বন্ধ হইতে পারে না কারণ প্রতিবারই কর্ষণাধীন মাটি কর্ষিত হওয়ায় তন্মিশ্র পাত ঘর-দালানের মেজের মত কঠিন হইয়া পড়ে,—বৃষ্টির জল তাহার মধ্যে অধিক প্রবেশ করিতে পারে না, উপরন্তু উপরিভাগ যে জল চুষাইয়া তাহাতে গিয়া প্রবেশ করে তাহা পাতের উপরিভাগ দিয়া ক্ষেত্রান্তরে বা অগ্ৰত্ৰ বহির্গত হইয়া যায়। নিম্নতলের মাটি এঁটেল হইলে আরও বিষম কথা। এঁটেল মাটির পাত কঠিন হইলে তাহাতে বিন্দুমাত্র জল শোষিত হইবে না। উপরের যতই জল নামিয়া যাউক তৎসমুদায়ই হয় চুষাইয়া নিকাশ হইয়া যাইবে, না হয় অর্থাৎ বহির্গত হইতে না পারিলে উপরিভাগের কর্ষিত মাটিকেও জল পূর্ণ করিয়া রাখিবে। সামান্য বৃষ্টিতে ক্ষেত্রে যে জল দাঁড়ায়, ইহাই তাহার অগ্ৰতম কারণ। পর্যায়ক্রমে ক্ষেত্রে গভীর ও লঘু চাষ দিলে কর্ষণাধীন মৃত্তিকার সহিত পাত-ভূমির অতি নিকট সম্বন্ধ সংস্থাপিত হয়, এতদ্ব্যতিরিক্ত সমূহ পরম্পরের সহিত সংযুক্ত হয়, এবং তখন তাবৎ জলই নিম্নতল মধ্যে প্রবেশ করিতে সক্ষম হয়, কর্ষিত মাটি কৰ্দমাক্ত হয় না, জমিতে জলও ঝাড়াইতে পারে না। বর্তমান প্রণালীতে কৃষকগণ যে চাষ দিয়া থাকে তাহা নিতান্ত লঘু এবং বরাবর সেইরূপ লঘু করিয়া চাষ দেয় বলিয়া নিম্নের মাটি অধিক রস শোষণ করিতে পারে না, উদ্ভিদের মূল অধিক নিম্নে প্রবেশ করিতে পারে না ফলতঃ সামান্য জলাভাবে উদ্ভিদগণ শীর্ণ হইয়া পড়ে।

ভারতীয় কৃষককুলের ন্যায় পৃথিবীতে আর দরিদ্র কৃষক আছে

কিনা জানি না। ইহারা ভাল লাঙ্গল বা বলিষ্ঠ পশু রাখিতে পারে না, ক্ষেত্রে সার দিবার সঙ্গতি ইহাদের নাই, ক্ষেত্রে জল সেচন করা ঈহাদিগের পক্ষে হৃদরপরাহত ব্যাপার। আমাদিগের অধিকাংশ আবাদই শুষ্ক-আবাদের অন্তর্গত। কৃষি বিষয়ে আমাদিগের এত অভাব ও অসুবিধা সত্ত্বেও যে এদেশে বিবিধ প্রকারের ও এত প্রচুর শস্য উৎপন্ন হয়, সে কেবল ধরিত্রীর স্বাভাবিক উর্বরতা ও প্রাকৃতিক আবহুত্বল্যতা হেতু। ইহার উপর সূচাষ হইলে উত্তমই হয়। দরিদ্র কৃষকের পক্ষে সূচাষই মহামূল্য বা অমূল্য এবং একমাত্র সার। ক্ষেত্রে সার দিব না, সূচাষও দিব না—ইহা বড় সাংঘাতিক কথা। কৃষকগণ ও কৃষি-লিপুগণ যাহাতে সূকর্ষণের মর্ম্ম হৃদয়ঙ্গম করিতে পারে তাহার চেষ্টা করা প্রত্যেক দেশ-হিতৈষীর একান্ত কর্তব্য। কৃষির প্রথম ও বিশিষ্ট সোপান—সূকর্ষণ। বিজ্ঞা বিষয়ে কবি বলিয়াছেন,—

“যতই কবিবে দান তত যাবে বেড়ে।”

উক্ত অমূল্য সত্যটি সূকর্ষণ সম্বন্ধেও বর্ণে বর্ণে সত্য। ক্ষেত্রে যত ভাল করিয়া চাষ দিবে, তত তাহার উৎপাদিকা শক্তির বিকাশ হইবে।

নিজ নিজ ক্ষেত্রে সম্বন্ধে অনেকে নানারূপ অভিযোগ করিয়া থাকেন। অনেকের এরূপ বিশ্বাস হইয়া গিয়াছে যে ভারতবর্ষ অতি প্রাচীন দেশ, বহুকাল হইতে চাষ-বাস হইতে থাকায় তাবৎ জমি নিঃস্ব হইয়া পড়িয়াছে, তন্নিবন্ধন ক্ষেত্রের ফলন হ্রাস প্রাপ্ত হইতেছে। এই ভ্রান্তি বিশ্বাসে তাঁহারা নিজে নিজে নিরাশাভাব ধারণ করিয়াছেন এবং সেই কথা প্রচার করিয়া দশজনকেও সেই পথে আনিতেছেন,—লোকের উত্তম-উৎসাহকে নষ্ট করিতেছেন। ঈদৃশ

ব্রাহ্মবংশে লোকে ‘সার’ ‘সার’ করিয়া উদ্যান্ত হইয়া উঠিয়াছে। ঋষিদিগের সামর্থ্য আছে তাঁহারা অর্থ ব্যয় করিয়া সার দ্বারা ক্ষেত্রকে উর্বর করিতেছেন, অপরে ভগবানের দোহাই দিতেছেন। ধরিত্রীর নিঃস্বতা একবারেই অসম্ভব। শস্য প্রসব করিয়া ধরিত্রীর নিঃস্ব হওয়া সম্ভব হইলে আমাদিগকে বহুকাল পূর্বে এ পৃথিবী ছাড়িয়া চন্দ্রলোক, সূর্যালোক দেবলোক বা অপর কোন লোকে গিয়া নূতন ক্ষেত্রের অন্বেষণ করিতে হইত। সার ব্যবহার করিতে নিষেধ করি না, কিন্তু সার ব্যবহার করিবার পূর্বে ক্ষেত্র কর্ষণের প্রতি মনোযোগী হওয়া চাই। আবাদ অনাবাদ নির্বিশেষে সকল অবস্থায় ক্ষেত্রকে সুকর্ষিতাবস্থায় রাখিতে হইবে। স্মরণ রাখিতে হইবে যে, উৎকৃষ্ট কৃষির মূলমন্ত্র—সুকর্ষণ।

আলস্য বা ঔদাস্যবশে লোকে সুকর্ষণের পক্ষপাতী হইতে চাহে

মৃত্তিকার

যবক্ষারকতা

না বা পারে না। সূচামের অভাবে কোথাও ক্ষেত্রে

রসাত্তাব হয় কোথাও ক্ষেত্র রসা হয়, ক্ষেত্র আগা-

ছার শাস্তিময় আলয় হয়। অসম্পূর্ণ কর্ষণফলে উচ্চ

ও বন্ধুর ভূমিতে অধিক জল প্রবৃষ্ট হইতে না পারিয়া অধিকাংশ বহির্গত হইয়া যায়। আকর্ষণ ও অসম্পূর্ণ কর্ষণ ফলে ভূমির রস অধিক শুকাইতে না পাইয়া তাহা সর্দিগ্রস্ত হইয়া থাকে, এতদ্ব্যতীত আরও কত অনিষ্ট হয় তাহা স্থানান্তরে বিশেষরূপে বিবৃত হইয়াছে ভূমিকে যতই কর্ষণ করা যায়, ততই উহা নূতন হয়, ততই উহাতে নব শক্তির সঞ্চার হয়। কর্ষণ ফলে মৃত্তিকা মধ্যে ভৌতিক ক্রিয়ার সমাবেশ হইলে তাহাতে যে একটা শক্তি উৎপন্ন হয় তাহাকে উৎপাদিকা শক্তি বলিতে পারি, কিন্তু তাহা ভূমির উর্বরতা নহে। উর্বরতা—মৃত্তিকার গুণ বিশেষ। উল্লিখিত শক্তি হইতে উর্বরতা

বিচ্ছিন্ন হইলে মৃত্তিকা নির্বিকার দশা প্রাপ্ত হইয়া থাকে কিন্তু নির্বিকার হইলে মৃত্তিকার দ্বারা কৃষির কোন উপকার হয় না। উর্বরতার অন্তরালে একটা জিনিষ আছে তাহাকে যবক্ষার-ক্রিয়া (nitrification) কহে। মৃত্তিকা সঞ্চালিত ও বায়ু সংস্পর্শিত হইলে তাহাতে উদ্ভিদাণু উৎপন্ন হইয়া থাকে। অতঃপর উদ্ভিদাণুগণ মৃত্তিকাস্তরগত উদ্ভিজ্জ পদার্থকে যবক্ষারজ্ঞানে পরিণত করিয়া দেয়। উদ্ভিদাণুর উক্ত শক্তির যবক্ষারকতা মূল। স্বকর্ষণাধীন ভূমিতে যত অধিক যবক্ষারকতা দেখা যায়, আর্চট, অকষিত, বা হেলায় কষিত ভূমিতে তত দেখা যায় ন। যবক্ষারকতার স্থানাধিক্যানুসারে ক্ষেত্রের উর্বরতা অল্প বা অধিক হয়। স্বকর্ষিত ভূমির যবক্ষারকতা এত অধিক যে, প্রচুর ফসল উৎপন্ন করিয়াও তাহা নিঃশেষিত হয় না। কর্ষণাধীন ভূমিতে যবক্ষারসম্মূল পদার্থ স্বভাবতঃই বহুল পরিমাণে সঞ্চিত হইয়া থাকে, কিন্তু আমরা তাহাকে আমাদের কার্য সাধনে নিয়োজিত না করিয়া ক্ষতিগ্রস্ত হই,—যেরে জিনিষ থাকিতে আমরা সার সংগ্রহার্থে অর্থব্যয় করিয়া থাকি। অকর্ষিতক্ষেত্রে যবক্ষারদ প্রাণীজ ও উদ্ভিজ্জ পদার্থের অভাব নাই কিন্তু কর্ষণাভাবে তৎসমুদায় অকর্ষণ্য বা অসাড় অবস্থায় থাকে। ভূমি কষিত হইলে উদ্ভিদাণুগণ সেই সকল স্থূল ও লব্ধ পদার্থকে চূর্ণ করতঃ যবক্ষারজ্ঞান-সম্ভূত লবণে পরিণত করে। উক্ত লবণ রসের সহিত সম্মিলিত হইয়া উদ্ভিদাঙ্গে প্রবেশ লাভ করে।

গোধূম, সর্ষপ, তিসি, বুট ও অগ্রাঙ্গ রবি ফসল সংগৃহীত হইবার পর, অর্থাৎ ফাস্কন মাস-হইতে বৈশাখ-জ্যৈষ্ঠ মাসের মধ্যে ক্ষেত্রে কুন্দালের প্রথম আঘাত পড়ে। পর বর্ষে আবাদে এই সূত্রপাত। রবি ও ভাতুই ফসলের মধ্যে ইহা অতি



দীর্ঘকাল। ভাছুই ও রবি ফসলের মধ্যে ক্ষেত্র পরিচর্যা করিবার এত অধিক সময় পাওয়া যায় না। এই জন্য কোন কোন কৃষক রবি ফসলের ক্ষেত্রকে উত্তমরূপে কোপাইয়া দেয়। এ সময়ে জমি বড় কঠিন হইয়া থাকে সুতরাং হলচালনা করা আদৌ চলে না। এ সময়ে জমি কোপাইয়া দিলে ঘাস জঙ্গলাদি সমূলে মরিয়া যায়। তাহা ব্যতীত সে সময়ে মধ্যে মধ্যে যে বৃষ্টি হয়, তাহার সমুদায় জল ভূগর্ভে স্থান পায়। এ সকল ক্ষেত্রে আষাঢ় মাসের পূর্বে প্রায় কোন ফসলের আবাদ হয় না। এজন্য কৃষকগণ কুন্দালিত মাটির চাপ ভাঙ্গিয়া দিতে ব্যস্ত হয় না, কারণ তাহারা জানে যে, সেই সকল চাপ বৃষ্টিতে ক্রমে ভাঙ্গিয়া যাইবে, পরে যাহা অবশিষ্ট থাকে, তাহাই ভাঙ্গিয়া হলচালনা করে। যাহা হটুক, কৃষকগণ যে এতদিন পূর্বে চাপ ভাঙে না বা হলচালনা করে না, তাহা একটি মজলের বিষয়। এ সময়ে মাটি ভাঙ্গিয়া ভূকর্ষণ করিলে মাটি চৌরস হইয়া মৃত্তিকা মধ্যে ভৌতিক ক্রিয়া আরম্ভ হয়, সঙ্গে সঙ্গে যবক্ষারক্রিয়ার সূত্রপাত হয়। ফসলহীন ক্ষেত্রে যবক্ষারজান উৎপন্ন হইতে থাকিলে তাহা কোনই কাজে আসে না, উপরন্তু যোগ্য-কর্ষণ বাষ্পের সহিত বায়ুমণ্ডলে চলিয়া যায়। ক্ষেত্রের জিনিষ এরূপে অপব্যয় হইতে দেওয়া কর্তব্য নহে।

বীজ বপন করিবার ছই তিন দিন পূর্বে ঢেলা ভাঙ্গিয়া উত্তমরূপে

কর্ষণ ও কর্ষণ করিলে বড় ক্ষতি হয় না, তবে অবস্থা বুঝিয়া

ব্যবস্থা করিতে হইবে। দৈবক্রমে সে সময় বৃষ্টি

বপন

হইয়া মাটি কাদাটে হইয়া গেলে 'যো'-কালের জন্য

অপেক্ষা করিতে হইবে। যাহা হটুক, এ সময়ে, ক্ষেত্রে সাধ্যমত সূচাষ দিতে হইবে, এবং ঢেলা যত ভাঙ্গিয়া যায়, তৎপ্রতি বিশেষ দৃষ্টি রাখিতে হইবে। মদিকা বা চৌকী দিলে জমি চৌরস হয়, উপরি-

ভাগের মাটিকে ধুলায় স্তায় দেখায় কিন্তু তদবস্থায় একবার হলচালনা করিলে শত শত ছোট বড় টেলা দেখা দেয়। চোরা-টেলা তদপেক্ষা অধিক বিপদজনক। কুন্দালিত ক্ষেত্রের টেলা-ভাঙ্গা একটি বিশেষ কার্য। খুন্দালিত ক্ষেত্রে লাজল দিবার পূর্বে, টেলা সমুদায়কে কোদাল দ্বারা ভাঙ্গিয়া দিবার পরে যে সকল ছোট টেলা থাকিয়া যায়, তাহা-দিগকে মুদগর সাহায্যে চূর্ণ করিয়া দিতে হয়। এক্ষণে ক্ষেত্রে লাজল দিলে ক্ষতি নাই। সচরাচর দীর্ঘে ও প্রস্থে হলচালিত হইয়া থাকে। মাটিকে আবীরের গ্রায় করিতে হইলে, সেই সঙ্গে কোণা-কোণী চাষ দেওয়া কর্তব্য। যত অধিক চাষ দেওয়া যায়, মাটি তত ধুলায় পরিণত হয়, মাটির জড়তা ভাঙ্গিয়া যায়, প্রত্যেক দানার কৃতিষ বিকাশ প্রাপ্ত হয়। ভূমির যবক্ষারকতা বৃদ্ধি করিবার ইহাই অমোঘ উপায়, কিন্তু সকল কৃষক এত কষ্ট স্বীকার করে না। অতি অল্প কৃষকেই জমি কোপাইয়া থাকে। ইহারা বারিপাতের জন্ত অপেক্ষা করে এবং বীজ বপনের দিন সন্নিকট হইলে যখন বৃষ্টি হয়, তখন তাড়াতাড়ি যেমন-তেমন করিয়া ক্ষেত্রের কর্ষণকার্য সমাধা করে। সে প্রণালী এ মহার্ঘের দিনে চলিবে না। দুই গাভী নিজ বংশকেও সহজে দুগ্ধদান করে না। ধরিত্রী প্রায় তদনুরূপ। দুগ্ধবতী হইয়াও ধরিত্রীমাতা সন্তানদিগকে সহজে দুগ্ধ দিতে চাহেন না, এজন্ত পীড়ন করিয়া দুগ্ধ আদায় করিতে হইবে—ক্ষেত্রকে উত্তমরূপে কর্ষণ করিতে হইরে, এবং তাহা হইলে ধরিত্রী আর দুগ্ধ লুকাইয়া রাখিতে পারিবেন না। কর্ষণকার্য অবিচ্ছিন্নভাবে ও যথারীতি করা কর্তব্য। একদিন হলচালনা করিয়া কিছু দিন ক্ষেত্রকে ফেলিয়া রাখিয়া পুনরায় কর্ষণ করিতে গেলে নূতন ভাবেই কর্ষণ করিতে হয়। উপর্যুপরি কর্ষণাদির দ্বারা ক্ষেত্রের কর্ষণকার্য শেষ করা ও শেষ চাষের অব্যবহিত পরেই বীজ বপন করা উৎকৃষ্ট

আবাদের প্রধান অঙ্গ। বিচ্ছিন্নভাবে ও অনর্থক বিলম্ব করিয়া মধ্যে মধ্যে চাষ দিলে পূর্ব চাষের উপকারিতা নষ্ট হয়,—জমির ‘হাল’ কাটিয়া যায়।\* জমিতে ‘হাল’ থাকিলে বীজ অঙ্কুরিত হইতে বিলম্ব হয় না এবং ক্ষেত্রের সর্বস্থানে সমভাবে বীজ অঙ্কুরিত হয়। বিচ্ছিন্নভাবে ক্ষেত্র কর্ষণ করা যে দোষাবহ ও ক্ষতিকর তাহা ভারতবাসী প্রাচীন কাল হইতে অবগত আছে। মহামুনি পরাশর মহাশয়ের নিম্নলিখিত শ্লোক দ্বারা তাহা প্রতিপন্ন হয় :—

“ছিন্নরেখা ন কর্তব্য যথা গ্রাহ পরাশরঃ।

একা তিস্রস্তথা পঞ্চ হলরেখা প্রকীৰ্ত্তিতাঃ॥”

অর্থাৎ লাঙ্গলের রেখা ( চাষ ) ছিন্নভাবে ( মধ্যে মধ্যে বাদ দিয়া ) করিবে না। এক, তিন ও পাঁচটি হলরেখা কথিত হইয়াছে।

অধিক চাষ দিলে অধিক ফসল হয়, তৎসম্বন্ধে বলিতেছেন,—

“একা জয়করী রেখা তৃতীয়া চার্থসিদ্ধিদা।

পঞ্চমাখ্যা তু যা রেখা বহু শস্য প্রদায়িনী॥”

অর্থাৎ একটা রেখা বা চাষ জয়যুক্ত, তিনটি রেখা প্রয়োজনসিদ্ধি, আর পাঁচটি রেখা বহু শস্য প্রদায়িনী।

সাধারণতঃ কৃষকগণ—ভদ্র ক্ষেত্রস্বামীগণও—পাঁচ চাষ দূরের কথা, তিন চাষ ও দিতে পারে না। ইহাই হইল আমাদের কৃষির অবনতির মূল কারণ। পূর্বে আবাদ বৃদ্ধি—দেশের দুর্ভিক্ষ বা অন্ন-কষ্টের কারণ নহে; ক্ষেত্রের ফলন কমিয়া যাওয়া প্রধান কারণ বলিয়া মনে হয়। অতএব ফলন বাড়াইবার চেষ্টা করা কর্তব্য।

\* ‘সরসতা’ শব্দ গ্রাম্য ভাষায় ‘হাল’ শব্দ দ্বারা অভিযুক্ত হয়।

## পঞ্চদশ অধ্যায়

—:—

ভূগৃষ্ঠের সমতলতা, উচ্চতা, নিম্নতলতা, বা গড়েন স্বভাবের উপরেও

সমতল ভূমি মৃত্তিকার উৎপাদিকা-শক্তির অতি ঘনিষ্ঠ সম্বন্ধ।  
সচরাচর সমতল ভূমি সকলের প্রিয়। ইহাতে যে

বারিপাত হয়, তাহা সর্বত্র সমভাবে পতিত হয় ও শোষিত হয়,—  
অধিক বৃষ্টি হইলে জলের টানে মাটি ধুইয়া যাইতে পারে না এবং  
ক্ষেত্রের সর্বস্থানে সমভাবে বায়ু সঞ্চালিত ও সূর্যের কিরণ পতিত  
হইতে পারে। উল্লিখিত নানা সুবিধা হেতু সমতল ভূমির সর্বস্থানে  
রস ও উত্তাপের সামঞ্জস্য থাকে, সর্বস্থানের মৃত্তিকা সলশক্তিসম্পন্ন  
হইয়া থাকে। তাহা ব্যতীত সমতল ভূমিকে কর্ষণ করিতে কৃষাণের ও  
হলবাহী পশুগণের বড় কষ্ট হয় না, স্ততরাং তাহরা অধিকক্ষণ ও ভাল  
রূপে কার্য্য করিতে সক্ষম হয়।

পারিপার্শ্বিক জমি অপেক্ষা যে জমি উচ্চ, তাহা অনেক ফসলের

উচ্চ-ভূমি পক্ষে বিশেষ উপযোগী। গোল-আলু, রাজা-আলু,  
পটোল, তরমুজ, ফুটি, কাঁকুড়, কার্পাস, মান প্রভৃতি

তাহাদিগের মধ্যে গণ্য। রসা জমিতে ঈদৃশ ফসলের আবাদ করিলে  
ফসলের প্রকৃতি ও ফলনের বৈলক্ষণ্য ঘটিয়া থাকে। আশু ও বোরো  
ধাতু, পাট, মাড়ুয়া, তুট্টা প্রভৃতি রসাল জমিতে ভাল থাকে, উচ্চ জমি  
তাহাদিগের পক্ষে তত সুবিধাজনক নহে। উচ্চ জমিতে যে সকল  
ফসলের আবাদ করিতে হয়, তাহারা দীর্ঘ মূলক হইলে ভাল, কারণ

দীর্ঘতা হেতু মূলগণ ভূগর্ভ মধ্যে অধিক দূর প্রবেশ করিতে সক্ষম হয়। উচ্চভূমিজাত উদ্ভিদগণের মূল পার্শ্ববর্তী ক্ষেত্রসমূহের সাধারণ পৃষ্ঠভাগ কিম্বা পৃষ্ঠভাগের কর্ণিত যুক্তিকার নিম্নতল পর্যন্ত পৌঁছিতে না পারিলে যথোচিত পরিমাণে রস প্রাপ্ত হয় না। উচ্চ ভূমির জল চুয়াইয়া ক্ষেত্র-স্তরে নামিয়া যায় এবং উপরিভাগ ও পার্শ্বদেশ দিয়া সূর্য্যাকর্ষণে রস শুকাইয়া যায়। এই দুই কারণে উচ্চ ভূমি অপেক্ষাকৃত শুষ্ক হইয়া থাকে। সমতল ভূমিতে সূর্য্যের কিরণ কেবল উপরিভাগে (Surface) পতিত হয় এবং উপরিভাগ দিয়াই রস শুকায়, কিন্তু উচ্চ ভূমির রস পৃষ্ঠ ও পার্শ্ব—উভয় দিক দিয়া শুকাইয়া যায়। সমতল ভূমির রস পার্শ্ব ভাগ দিয়া অধিক নিকাশ হইতে পায় না। তাহা ব্যতীত উপরিভাগ ভিন্ন অপর কোন দিক দিয়া তাহার রস শোষিত হইতে পারে না, কাজেই সমতল জমির রসালতা অধিক ও সমভাবাপন্ন। ঈদৃশ জমিতে স্বভাবত যে সকল আগাছা জন্মে তাহারা প্রায় দীর্ঘ মূল হয় এবং যুক্তিকা মধ্যে অধিক দূর পর্যন্ত মূল প্রবিষ্ট হইয়া রস ও খাদ্য আহরণ করিতে পারে। উদ্ভানের পক্ষে এ প্রকারের জমি স্পৃহনীয়। ঈদৃশ জমিতে বার মাস রস রাখিতে হইলে উদ্ভিজ্জ-সারের বিশেষ প্রয়োজন। উদ্ভিজ্জ পদার্থ রস শোষণ ও ধারণ করিতে বিশেষ সক্ষম। পৃষ্ঠভাগের যুক্তিকা বুরা রাখিতে পারিলে উচ্চ শুষ্ক জমিতেও রসভাব হয় না।

উচ্চভূমি-পরিবেষ্টিত ক্ষেত্রে চারিদিক হইতে জল আসিয়া সঞ্চিত

হয় এবং বহির্গত হইবার উপায়্যভাবে বর্ষার তাবৎ  
নিম্নভূমি জল ক্ষেত্রেই দীর্ঘকাল সঞ্চিত হইয়া থাকে। বর্ষা

অভীত না হইলে প্রায় তাহার জল শুকায় না। ইহাকে ‘কোল’ জমি কহে। কোল-জমির বারি-তর অতি নিকট নিম্নে অবস্থিত। তাহা ব্যতীত পারিপার্শ্বিক উচ্চ জমির জল নামিয়া সেই বারিস্তরে গিয়া

আশ্রয় গ্রহণ করে কিন্তু বারিস্তরের জলাধিক্য হেতু তদুপরিস্থ মৃত্তিকা সর্দিময় হইয়া থাকে। উক্ত অতিরিক্ত বারি নিম্নে প্রবেশ করিতে পারে না, ফলতঃ বায়ু ও সূর্য্যাকর্ষণে না শুকাইলে অগ্নি রকমে সে জল নিঃশেষিত হয় না। জল নিকাশের সুবন্দোবস্ত করা সম্ভব হইলে, উহা অতি উৎকৃষ্ট ক্ষেত হইয়া থাকে। ঈদৃশ জমি আমন ও জলি ধানের বিশেষ উপযোগী। যে সকল নিচু ক্ষেতের জল কার্ত্তিক মাসের মধ্যে শুকাইয়া যায়, তাহাতে রবিখন্দ অতি উত্তম জন্মিয়া থাকে। মাটির সরসতা ও সারালতা তাহার বিশেষ কারণ। নিচু জমির এতাদৃশ সারাল হইবার কারণ এই যে, ধোয়াটের সহিত তথায় অনেক সার—উদ্ভিদের সম্ভব্যবহারোপযোগী সার আসিয়া পড়ে। নিম্ন ভূমির জল শুকাইয়া রবিখন্দের উপযোগী হইতে কিছু বিলম্ব হয়। যে জমির জল শুকাইতে পৌষ মাস ও অতীত হইয়া যায় তথায় রবি ফসল করিবার সময় পাওয়া যায় না। পূর্ববঙ্গ ও আসাম প্রদেশে ঈদৃশ জমি বিরল নহে। তথায় কেবল একটা মাত্র ফসল উৎপন্ন হইয়া থাকে। একটা মাত্র ফসল হউক, কিন্তু তাহাতে যে পরিমাণ শস্য উৎপন্ন হইয়া থাকে, তদ্বারা দুই ফসলের আয় হইয়া থাকে। বাধরগঞ্জ ও চট্টগ্রাম জেলার অনেক স্থানে নৌকারোহণে গিয়া ধান্য কর্ত্তন করিতে হয়। এ সকল জমি ধানের জন্য প্রশস্ত এবং তাহাতে ধানেরই আবাদ হইয়া থাকে।

সুবিস্তীর্ণ ভূমিখণ্ডকে বিল—কোন কোন দেশে ‘বিলান’—কহিয়া

থাকে। উল্লিখিতরূপে ভরাট হইয়া আবাদোপযোগী  
বিল হইলে তাহা ‘বাদা’ নামে অভিহিত হয়। সাগর-

সম্বিহিত সৈকত, বাদা ও বিল লাবণিক হইয়া থাকে বিলভূমি বর্ধাকালে ডুবিয়া যায় ও চারিদিক হইতে ধোয়াট আসিয়া মৃত্তিকার উর্বরতা বৃদ্ধি করে। বিলে প্রায় একটীর অধিক ফসল হয় না এবং সে ফসল—রবি।

বিলে বহু মৎস্য আসিয়া পড়ে। কলিকাতার দক্ষিণ-পূর্বে যে সুবিস্তীর্ণ বাদা ও বিল আছে তাহাতে রাশি ও বৃহৎ বৃহৎ ভেটকী, গলদা চিংড়ী, পার্শে, পায়রাচাঁদা প্রভৃতি উৎকৃষ্ট মৎস্য জন্মে এবং কলিকাতার সকল বাজারে তাহাদিগের, যথেষ্ট আমদানী হয়। যাহা হউক, চারিদিকের ধোয়াট আসিয়া পড়ায় বিলের মাটি এঁটেলের গায় ঘন ও ভারি হইয়া থাকে। বিল-ভূমি স্বভাবতঃ এত সারাল যে, তাহাতে আদৌ সার দিতে হয় না, অধিকন্তু সে মাটি আনিয়া অল্প ক্ষেত্রে প্রসারিত করিয়া দিলে শেযোক্ত প্রভূত উপকার হইয়া থাকে। বিল ভূমিতে রবি ফসল এবং শীতকাল হইতে গ্রীষ্মকালের তরি-তরকারির আবাদ হইতে পারে। বর্ষার প্রারম্ভ হইতেই তাহাতে জল সঞ্চিত হয় ও ক্রমশঃ জল বৃদ্ধি পাইতে থাকে। এজন্য জ্যৈষ্ঠ মাসের মধ্যে বিলভূমিকে একবার চষিয়া দিলে তজ্জাত তাবৎ উদ্ভিদ—ডাল-পালা মূল, পাতা প্রভৃতি পচিয়া গিয়া মৃত্তিকার উর্বরতা ও কোমলতা বৃদ্ধির পক্ষে বিশেষ সহায়তা করে। অতঃপর বিলের জল একবারে শুকাইয়া গেলে যথানিয়মে কর্ষণাদি করিয়া আবাদ করিতে হয়।

বিল চিরদিন বিল থাকে না, ধোয়াটের জলে ক্রমশঃ ভরাট হইয়া আসে। পরিত্যক্ত বা গভীর বিলে প্রতি বৎসর বাদা হিংচে, সূন্দী, কন্দী, শর, শালুক, পদ্ম প্রভৃতি নানা জাতির জলজ উদ্ভিদ জন্মিয়া ক্রমশঃ তাহাকে ভরাট করিয়া তুলে। ভরাট বিল বা বাদা অতিশয় উর্বরা ভূমি। তাহাতে যে সকল শাক-সব্দী উৎপন্ন হয় তাহা দেখিলে মুগ্ধ হইতে হয়। কলিকাতার সন্নিহিত বিলের অধিকাংশ এক্ষণে বাদায় পরিণত হওয়ায় তাহাতে নানা ফসলের আবাদ হইতেছে। তজ্জাত তরি-তরকারি বাজারে আসিলে অপর তরি-তরকারির দিকে লোকে বড় তাকায় না। একে উহা সারাল

জমি, তাহাতে আবার কলিকাতা সহরে তাবৎ আবর্জনা প্রতিদিন পতিত হইতেছে। এতদুভয় কারণে কলিকাতা-বাদার এত উর্বরতা। উক্ত বাদা Salt Lake নামে অভিহিত। শুদ্ধ তাহাই নহে—

অনেক বিস্তীর্ণ জলাশয়ের জল বর্ষার পর শুকাইতে থাকিলে তৎ-সন্নিহিত অল্লাধিক জমিতে যাহারা রবি ফসলের কিম্বা শীত বা গ্রীষ্মের ফল মূল বা তরি-তরকারির আবাদ করে তাহারা প্রভূত লাভবান হইয়া থাকে। উল্লিখিত তীরবর্তী স্থান বর্ষাকালে অধিক জলমগ্ন না হইলে আমন ধানের পক্ষে বড়ই উপযোগী। মুরসিদাবাদের সুবিখ্যাত মতিঝিল ও আফজালবাগের সম্মুখস্থ বিলে এবং দ্বারভাঙ্গার হাড়াই-ঝিলের পাদদেশে আমন ধানের আবাদে বিঘা প্রতি ১৫।২০ মন ধান্য উৎপন্ন হইয়া থাকে,—বিচালী ও যথেষ্ট পরিমাণে পাওয়া যায়। কিনারার জমিতে অধিক দিন জল সঞ্চিত থাকিতে পারে না অথচ উহা সমধিক সারাল ও রসাল। এই দুই কারণে এবস্ত্রকার জমির এত অধিক উর্বরতা। কলিকাতার ৮।১০ ক্রোশ দক্ষিণে জয়নগর-মজিলপুর অঞ্চলে যে বাদা আছে, তাহাতেও সমূহ পরিমাণে ফসল উৎপন্ন হইয়া থাকে। পূর্বকালে উক্ত বিল সকল নদী গর্ভ ছিল বলিয়া মনে হয়।

যে নিম্নভূমির চতুর্দিক উচ্চভূমি দ্বারা পরিবেষ্টিত তাহাকে ‘কুড়ি’  
কুড়ি ও জোল  
কহে। কুড়ি বিস্তৃত হইলে ‘জোল’ নামে অভিহিত হয়। কুড়ি ও জোল—পার্কত্য প্রদেশেই পরিদৃষ্ট হয়। মধুপুর, বৈষ্ণনাথ প্রভৃতি পাহাড়ী দেশে অনেক জেলায় দেখা যায়। যে যে কারণে বিলের জমি উর্বর হয় জোলের জমিও সেই সেই কারণে উর্বর হয়। জোল অতিশয় গভীর ও আবদ্ধ না হইলে তাহাতে ভাঙ্গুই ও রবি—দুই ফসলেরই আবাদ হইতে পারে। বৈশাখ বা জ্যৈষ্ঠ মাসে প্রথম ২।১ পসলা বুটি হইলেই ক্ষেত্র কর্ষণ করিয়া রাখিতে



হয় এবং বর্ষার সূত্রপাত হইলেই তাহাতে রোয়া ধাতুর আবাদ করিতে হয়। ইহাতে বপন-আবাদ চলে না, কারণ বপন করিবার পর জোলে ক্রমশঃ জল সঞ্চিত হইতে থাকে, তাহাতে হয় বীজ অঙ্কুরিত হইতে পারে না, কিম্বা অঙ্কুরিত পোয়ালি সহসা জলবৃদ্ধি হেতু ডুবিয়া যায়।

গড়েন জমিতে জল দাঁড়াইতে পারে না, কিন্তু জমিতে ফসল থাকিলে

কিম্বা তৃণ জঙ্গল থাকিলে অথবা কষিতাবস্থায় থাকিলে  
গড়েন জমি


অগ্নাধিক জল ভূমিতে শোষিত হইতে পারে, কিন্তু

কি পরিমাণ জল শোষিত হইতে পারে, তাহা ভূমির ঢালুতা, মৃত্তিকার শোষকতা প্রভৃতির উপর নির্ভর করে। ঢালু অধিক হইলে জলের বেগ অধিক হয় ফলতঃ জল সবেগে নিম্নাংশে ধাবিত হয় এবং তাহার ফলে মাটি ধুইয়া যায় ও ধোয়াট জলের সঙ্গে মৃত্তিকার সূক্ষ্ম দানা ও গলিত সার পদার্থ সমূহ পরিমাণে নামিয়া যায়, তন্নিবন্ধন তাহাতে মোটা দানা অর্থাৎ বালুকা বা কঙ্করের প্রাদুর্ভাব হয়, এবং জমি সারহীন ও নিঃস্ব হইয়া পড়ে। কেবল তাহাই নহে। উচ্চ জমি অপেক্ষা গড়েন জমির উপরে সূর্যের প্রকোপ অধিক। গড়েন জমির বিস্তৃতি না ব্যাপ্তি অধিক এবং তাহার পৃষ্ঠদেশ অধিক পরিণামে প্রকাশিত থাকে। এই দুইটা বিশেষ কারণবশতঃ উহাতে সূর্যের কিরণপাত অধিক হয়, ফলতঃ মাটি শীঘ্র শুকাইয়া যায়। ঢালুতাজনিত দোষ নিবারণ কল্পে কৃষকগণ প্রায়ই আপনাপন ক্ষেত্রকে আল দ্বারা পরিবেষ্টিত করিয়া রাখে। ঢালুতা ঈষৎ হইলে ক্ষেত্রকে আল পরিবেষ্টিত করতঃ উচ্চাংশের কতক মাটি কাটিয়া নিম্নাংশ দিয়া সমতল করিতে পারিলে চলিতে পারে, কিন্তু অধিক গড়েন হইলে কেবল আল দ্বারা সুবিধা হয় না। এরূপ স্থলে জমিকে ‘থাকবন্দী’ করিয়া লওয়া আবশ্যক।

ক্ষেত্রকে সোপানাবলীর দ্বারা 'থাকবন্দী' করিবার প্রথাকে Terra-  
 cing কহে। 'থাকবন্দ' প্রবর্তন করিলে ঢালুতা  
 থাকবন্দী  
 দোষ বিদূরিত হয় এবং ক্ষেত্রের জল উচ্ছলিত হইতে  
 অথবা বেগ পবাহিত পারে না। 'থাকবন্দ' ভূমির প্রতি থাক বা  
 সোপানের পৃষ্ঠভাগ সমতল এবং থাকের পার্শ্বদেশ আল ও প্রাচীর দ্বারা  
 সংরক্ষিত থাকে, সুতরাং জল তাহা উল্লঙ্ঘন করিতে না পারিয়া  
 তাহাতেই শোষিত হয়। উপরে যে প্রাচীর শব্দ ব্যবহৃত হইয়াছে  
 তাহা সোপানের উর্দ্ধতা মাত্র। এক সোপানের বহির্ভাগস্থ উর্দ্ধতা  
 অপর সোপানের প্রাচীরের কাজ করে। ইহার ভিতরাংশ উক্ত প্রাচীর  
 এবং বহির্ভাগ ঈষদুচ্চ আল দ্বারা সংরক্ষিত। উহাতে বৃষ্টির জল  
 পতিত হইলে একদিকে যে রূপ তাহা সত্তর পরিশোধিত হয়, অত্রদিকে  
 সেইরূপ বহির্ভাগস্থ পার্শ্বদেশ দিয়া চুয়াইয়া নিম্নবর্তী সোপানে গিয়া পড়ে,  
 আবার কতক জল ভূগর্ভমধ্যেও প্রবিষ্ট হয়। থাকবন্দী ভূমির জল  
 উক্ত দুই প্রকারে ভূপৃষ্ঠ হইতে নামিয়া গিয়া মাটিকে রসহীন করিয়া দেয়  
 অনন্তর উপরিভাগ দিয়া ও দুই প্রকারে রস বাষ্পাকারে বাহির হইয়া  
 যায় :—১ম,—সোপানাবলীর পৃষ্ঠদেশ দিয়া ; ২য়,—বহিঃপার্শ্বদেশ দিয়া।  
 এক্ষণে দেখা যাইতেছে যে, থাকবন্দী জমির রস চারি প্রকারে বহির্গত  
 হইয়া যায়। কৃষকের পক্ষে ইহা বিশেষ ভয়ের কথা। সকল বিষয়েই  
 অত্রদিক আছে। ভূপৃষ্ঠের জল যতই ভূগর্ভে নামিয়া যাউক বা পার্শ্বদেশ  
 দিয়া চুকাইয়া বাহির হউক, অথবা ভূপৃষ্ঠ ও সোপান পার্শ্ব দিয়া বাষ্পা-  
 কারে চলিয়া যাউক, মাটি একবারে নীরস হইতে পায় না। জমি  
 আবাদী অবস্থায় পৃষ্ঠতলস্থ মাটির লঘুতা হেতু যোগাকর্ষণ দ্বারা নিম্নতল  
 হইতে রস ক্রমাগত উপরে উঠিতে থাকে এবং সেই রস মাটিকে সর্বদা  
 সরস রাখে। রস যত শুকায় তত তাহার যোগান হয়। অতঃপর

সোপান হইতে জল মাটির মধ্যে নামিবার অথবা ভূগর্ভ হইতে রস উপরে উঠিবার কালে সমগ্র মাটিকে সিক্ত করিয়া দেয়। এইরূপে মাটি সবল থাকিলে সোপানের পার্শ্বদেশ দিয়া রস, বহির্গত বা আকর্ষিত হইবার কালে সোপানান্তর্গত মাটিকে সরস করিয়া দেয়, ফলতঃ মাটি কিছুতেই শুকাইতে পায় না। নিম্নে ‘থাকবন্দ’ জমির একটি চিত্র দেওয়া গেল।

৬ নং চিত্র



চিত্রস্থিত ‘ক’ চিহ্নিত সমতল স্থানগুলি থাক বা সোপানের উপরি-ভাগ; ‘খ’ চিহ্নিত স্থানগুলি প্রাচীর; ‘গ’ সর্বনিম্নস্থিত স্বাভাবিক সমতল; ‘ঘ’ বারিস্তর। চিত্রস্থিত যে সকল আঁকা বাঁকা জালবৎ রেখা দেখা যাইতেছে উহারা মৃত্তিকার ছিদ্রপথ। ছিদ্রপথ সমূহ ভূপৃষ্ঠ হইতে বারিস্তর পর্যন্ত কোন না কোন রকমে সংযুক্ত। অনেক ছিদ্রপথ প্রাচীর দিকে লম্বিত। বৃষ্টির জল সেই সকল ছিদ্রপথ অবলম্বন করিয়া বারিস্তরাভিমুখী হয়। সে সকল ছিদ্রপথ সোপানের প্রাচীরোভি-

মুখী, তাহাদিগের মধ্যবর্তী রস রসাকারে বা বাষ্পাকারে বহির্গত হইয়া থাকে।

অসমতল ও গড়েন জমি প্রায় পার্শ্বত্যা দেশেই দেগিতে পাওয়া যায় এবং সেই সকল দেশেই জমিকে থাকবন্দী করিয়া লোকে চাম-আবাদ করে। থাকবন্দী জমি সরস থাকিলে কৃষিকার্যের বিশেষ উপযোগী হইয়া থাকে। সোপানাবলী সোপানের আয় প্রকৃতই সঙ্গীর্ণ হইলে তাহাতে হলচালনা করিতে ও চৌকি বা মদিকা পরিচালিত করিতে বড় অসুবিধা হইয়া থাকে। হলচালনাদির সুবিধার্থ ‘থাক’ সমূহকে বিস্তৃত করিতে পারা যায় না, কারণ তাহা ভূমির স্বাভাবিক ঢালুতার উপর নির্ভর করে। ঢালুতা যত অধিক হয়, সোপানের পরিসর বা প্রশস্ততা তত অল্প হইয়া থাকে। ক্রম-ঢালু জমিয় সোপান প্রশস্ত হইতে পারে।

থাকের বহিঃপার্শ্ব ঈষৎ ঢালু থাকা ভাল, নতুবা পার্শ্বদেশ ক্রমে ভাঙ্গিয়া যায় ও সর্বদা মেরামত করিতে হয়।

পূর্বতঃশ্রেণীর পাদদেশস্থ ভূভাগকে ‘তরাই’ নামে অভিহিত করা হইয়া থাকে। তরাই প্রদেশে প্রতি বৎসর পাহাড়ের ধোয়াট আসিয়া পড়ে। সেই জন্ত তরাইয়ের মাটি অতিশয় উর্বরা। তরাই ভূমি উর্বরা ত বটেই তাহা ব্যতীত রসাল। তরাই জমি প্রায় জঙ্গলে পূর্ণ থাকে, তন্নিবন্ধন তথাকার মুক্তিকায় উদ্ভিজ্জ-পদার্থের প্রাচুর্য্য দেখা যায়। তরাই প্রদেশ অতিশয় অস্বাস্থ্যকর স্থান। হিমালয় পদপ্রান্তে জলপাইগুড়ি জেলার তরাই বিস্তীর্ণ ভূভাগ এবং তাহাতে চা’র আবাদ হয়।


বর্ষাকালে জল নামিয়া গেলে নদীগর্ভের স্থানে স্থানে চর দেখা দেয়। উক্ত চর ক্রমশঃ উচ্চ ও বিস্তীর্ণ হয় এবং যত পুরাতন হইতে থাকে, তত আবাদের উপযোগী

হয়। চর জমি স্বভাবতঃ উর্বরতা কিন্তু প্রথমাবস্থায় সকল ফসলের উপযোগী নহে। চরের মাটি খুব সূক্ষ্ম হইলেও তাহাতে জৈব-পদার্থের অল্পতা বা অভাবহেতু আপততঃ বিশেষ উপকার পাওয়া যায় না। পুরাতন চরে যে সকল ফসলের আবাদ হইয়া থাকে তৎসমুদায় প্রায় ঔষধানিক ফসলের অন্তর্গত। ধান্ন গোধূমাদি কৃষিকসলের পক্ষে বালুকাপূর্ণ চর জমি বড় সুবিধা জনক নহে। চর জমির মাটি—বালি বা বালি প্রধান। প্রথমাবস্থায় উহাতে ফুটি, কাঁকুড়, তরমুজ, রাক্সা-আলু প্রভৃতির আবাদ হয়। ইহাদিগের উদ্ভিজ্জাবিশিষ্ট ও নানাবিধ স্বভাবজাত তৃণগুল্মাদি গলিত হইয়া মৃত্তিকায় জৈব পদার্থের সমাবেশ করিয়া দেয়। এইরূপে যত দিন যায় তত তাহার কলেবর পরিপুষ্ট হইতে থাকে কিন্তু বর্ষাকালে উহার জলমগ্ন হইবার সময় উত্তীর্ণ না হইলে তৎসমুদায় সঞ্চিত পদার্থ তাহাতে স্থায়ী হইতে পারে না। অপর ঋতুতে যে কিছু সার সঞ্চিত হয়, তাহা বর্ষাকালে বিধৌত হইয়া যায়। অতঃপর উদ্ভিজ্জ পদার্থের অল্পতা বা অভাব হেতু চর অতিশয় উত্তপ্ত হইয়া উঠে কিন্তু তরমুজাদি লতিকা জাতীয় আবাদ করিলে লতিকা প্রসারিত হইয়া ভূপৃষ্ঠকে ঢাকিয়া রাখে, ফলতঃ ভূমির পৃষ্ঠদেশ উত্তপ্ত হইতে পারে না।

নদীতটস্থ বালুকাময় ভূখণ্ডকে 'সৈকত' কহে। সৈকত ভূমির প্রকৃতি—চর সদৃশ। বর্ষাকালে উহা ডুবিয়া যায়।  
সৈকত এবং আশ্বিন-কার্ত্তিক মাসে নদীর জল নামিয়া গেলে পুনরায় দৃষ্টিগোচর হয়। নূতন সৈকত ক্ষেত্রে চরের স্থায় তরমুজ ফুটি, কাঁকুড়, উচ্ছে, বিজে, রাক্সা আলু প্রভৃতি নগণ্য ফসলের আবাদ হয়, কিন্তু দীর্ঘকালের পুরাতন সৈকত জল উঠিতে না পারায় উহা আবাদী জমিতে পরিগণিত হইতে পারে। তাহা হইলেও বালুকতা

হেতু উহাতে মেঠো ফসলের আবাদ হইতে পারে না। বালুকতা হেতু একেই ত উহার মাটি নীরস, উত্তাপহীন ও বাঁধনহীন, তাহার উপর নদীভাগস্থিত ভাঙ্গড়ের \* গাত্র দিয়া ক্ষেত্রের বহু পরিমাণ রস চুষাইয়া বহির্গত হইয়া যায়। এ প্রকার জমির ধারকতা বড় কম বা নাই বলিলেও চলে।

## ষোড়শ অধ্যায়



পাহাড় ও পাহাড়িয়া জমির ঢালু নানাদিকে কিন্তু যে সকল পার্শ্ব পূর্ব, দক্ষিণ-পূর্ব, দক্ষিণ ও দক্ষিণ-পশ্চিম দিক সম্বন্ধে অবস্থিত, তৎসমুদায় উত্তর-পশ্চিম, উত্তর, ও উত্তর-পূর্ব দিক অপেক্ষা অধিকক্ষণ ও অধিক পরিমাণ রৌদ্র পায় বলিয়া অধিক উর্বরা হইয়া থাকে। পাহাড়ের অনেক ঢালুতে আর্য্যো রৌদ্র পৌছে না। এই সকল স্থানের স্বাভাবিক উষ্ণতা কম হইয়া থাকে। ভূমির উচ্চতা ও সম্মুখতা বা সদর দিগ্বিশেষের প্রাকৃতিকতার

সহিত সম্বন্ধ স্থাপন করিলে স্থানীয় ভূমির প্রকৃতি মধ্যে অনেক পরিবর্তন সংঘটিত হইতে দেখা যায়। যাহারা দারজিলিং, শিলং, মসুরী বা সিমলা পাহাড়ে গিয়াছেন তাঁহারা লক্ষ্য করিয়া থাকিলে নিশ্চিত দেখিয়া থাকিবেন যে, উত্তরাভিমুখী ঢালু দিকে কত জাতীয় ফার্ণ, মস্ লাইকোপোডিয়াম, বিগোনিয়া, অকিড প্রভৃতি গুল্ম প্রচুর জন্মিয়া থাকে কিন্তু দক্ষিণাভিমুখী ঢালু ভাগে তৎসমুদায়ের বড়ই অভাব। অর্থব্যয় ও কষ্ট স্বীকার করিয়া ততদূর না গিয়া নিজ নিজ বাটীতে থাকিয়াও উদ্ভিজ্জতার বৈষম্য দেখা যাইতে পারে। ঘর বাড়ীর সন্নিহিত পূর্ব দক্ষিণ ও পশ্চিমদিগের উদ্ভিদ হইতে উত্তর দিগের উদ্ভিদগণের বৃদ্ধি ও শ্রী সৌন্দর্য্য স্বতন্ত্র। কালের প্রথর রৌদ্রে প্রথমোক্ত দিক সমূহের উদ্ভিদগণ—বিশেষতঃ কোমল প্রকৃতি উদ্ভিদগণ—যেন ত্রিয়মাণ ও লাবণ্যহীন হইয়া থাকে কিন্তু উত্তরভাগের সেই সেই গাছ কিরূপ বৃদ্ধিশীল ও লাবণ্যময় তাহা যিনি লক্ষ্য করিয়াছেন, তিনি বুঝিয়াছেন যে, ভূমির বন্ধুরতার সহিত দিগ্বিশেষের কিরূপ ঘনিষ্ঠ সম্বন্ধ। সমতল ভূমির সকল স্থানে সমভাবে সূর্য্যের কিরণ-রশ্মি পতিত হইয়া থাকে কিন্তু বন্ধুর স্থানে তাহা হয় না। বন্ধুরতার যে ভাগ সূর্য্যমুখীভাবে (at right angles) অবস্থিত তাহাতে যত অধিক রৌদ্র লাগে, অপরভাগে তাহা হয় না। এই জন্ত বন্ধুর জমির সকল স্থান সমভাবে রৌদ্র পায় না, সকল স্থানের মৃত্তিকা সমভাবে উত্তপ্ত হয় না। জীব শরীরে যেরূপ তাপ আছে। ভূমির মধ্যে তাপমান যন্ত্র প্রবিষ্ট করিয়া দিলে তাহার উষ্ণতা (temperature) বুঝিতে পারা যায়। উষ্ণতা পরীক্ষা করিবার জন্ত স্বতন্ত্র তাপমান যন্ত্র (Thermometer) ক্রয় করিতে পাওয়া যায়। দিগ্বিশেষে যে কেবল ভূমির ভিতরে উত্তাপের ইতরবিশেষ হয় তাহা নহে, ভূপৃষ্ঠস্থ বায়ু মণ্ডলের অবস্থারও ইতর

বিশেষ হইয়া থাকে। অনেক উদ্ভিদই দিগ্বিশেষের আলোক ও উত্তাপ যে ভালবাসে তাহা সহজেই বুঝিতে পারা যায় এবং তাহা পূর্বেই উল্লেখ করিয়াছি। দিক হেতু মৃত্তিকায় উত্তাপ ও ভূপৃষ্ঠে আলোকের ইতরবিশেষ হইলে উদ্ভিদগণকে তাহার ফলভোগী হইতে হয়। বন্ধুর ভূমির উত্তরমুখী ক্ষেত্রে আলোক ও উত্তাপ কম বলিয়া তজ্জাত উদ্ভিদ আওতাজাত গাছের জায় লম্বা হয়, অবয়ব পলকা হয় এবং শক্ত ও পরিপক্ব হইতে যেরূপ বিলম্ব হয়, তাহাতে ফুল ফল জন্মিতে ও বীজ স্ফূটন হইতে সমূহ বিলম্ব হয় কিন্তু রো-পিঠে স্থানের উদ্ভিদ অপেক্ষাকৃত খর্ব্বকার ও কাডাল হয়, তাহার শাখা-প্রশাখা পরিপুষ্ট ও শক্ত হয়, উপরন্তু ফল ফুল শীঘ্র উৎপন্ন হইয়া শীঘ্র পরিপক্ব হয়।

সূর্য্যাকিরণ মধ্যে উত্তাপ ও আলোক—এই দুইটি জিনিষ আমরা দেখি, কিন্তু এতদ্ব্যতীত উহাতে একটি শক্তি সৌর শক্তি বিশেষ প্রচ্ছন্নভাবে থাকিয়া সংসারের বহু কার্য্য সমাধা করিতেছে। উক্ত ছোর-শক্তি (Actinism) আলোক ও উত্তাপ হইতে সম্পূর্ণ স্বতন্ত্র। সৌর-শক্তি বৈদ্যুতিকতার মূল। উহা হইতেই বৈদ্যুতিকতা উৎপন্ন হইয়া বায়ুমণ্ডল ব্যাপ্ত হইয়া রহিয়াছে এবং বায়ুমণ্ডল হইতে ভূগর্ভে বিস্তৃত হইতেছে। সৌর-শক্তির বৈদ্যুতিকতা দশম অধ্যায়ে আলোচিত হইয়াছে, সুতরাং এস্থলে তাহার আলোচনা নিম্নয়োজন। সৌরিকতার অপরাপর গুণ মধ্যে সর্ব্বাপেক্ষা উল্লেখযোগ্য—

আকর্ষণ বা শোষণ শক্তি। পৃথিবীতে যতই রসের সঞ্চার হউক, যতই বারিপাত হউক, সূর্য্যের উক্ত শক্তি দ্বারা আকর্ষণ তাহা পরিশোধিত হইতে পারে। একদিকে যেরূপ পরিশোধন কার্য্য চলিতেছে, অপর দিকে সেইরূপ জলের সংস্থান



হইতেছে বলিয়া পৃথিবী শুষ্ক ধূলায় পরিণত হয় নাই। সৌরশক্তির আকর্ষণ গুণে রসের অতিরিক্তাংশ আকর্ষিত হইয়া বায়ুমণ্ডলে গিয়া পৌছিতেছে এবং বায়ু সাহায্যে নানাদিকে ও নানা দেশে গিয়া শিশির বা বারিক্রপে পুনরায় ভূমিতে আসিয়া স্থান পাইতেছে। সূর্য্যের উজ্জ্বল অপরূহ হইলে কোন দেশ জলাকীর্ণ, আবার কোন দেশ রসভাবে মরুভূমিতে পরিণত হইবে সে বিষয়ে কোন সংশয় নাই। পৃথিবীতে যত বারিপাত হয় কিম্বা পৃথিবীতে যত জল আছে, তাহার নির্দিষ্ট পরিমাণ আছে এবং সেই নির্দিষ্ট পরিমাণ জলই চিরদিন চক্রবৎ দেশ দেশান্তরে পরিভ্রমণ করিতেছে।

ছায়া ও আলোক, শৈত্যতা ও উত্তাপ, ইহারা মৃত্তিকার কার্যকারিতার অল্পকূলে বা প্রতিকূলে নিরন্তর কার্য্যে রোজ ও মৃত্তিকা করিতেছে। জগৎসংসারের এমনই নিয়ম যে, প্রত্যেক ক্ষেত্রেই স্থানীয় আবহাওয়া ও প্রাকৃতির অবস্থানুসারে পরিচালিত হইতেছে এবং ভিন্ন ভিন্ন দেশে ও আবহাওয়া বিশেষে বিভিন্ন প্রকারের তরুলতা ও গুল্ম সৃজিত হইয়াছে। যেখানে সে উদ্ভিদ নিজ বাসোপযোগী স্থান পাইতেছে সেইখানে সে আপনা হইতে জন্মিতেছে। আমরা তাহাদিগের স্থিতি, বৃদ্ধি ও ফলন-ফুলন দেখিয়া অভিজ্ঞতা লাভ করিয়া থাকি। ছায়া বা আওতায় গাছ দীর্ঘ ও কোমল হয় কিন্তু রোদ পীঠে যায়গার উদ্ভিদগণ সেরূপ না হইয়া অপেক্ষাকৃত ছোট ও কঠিন হয়, ইহার দৃষ্টান্ত অবিরল নহে। বড় বড় বৃক্ষের নিম্নে যে তৃণ জন্মে তাহা কত দীর্ঘ ও কোমল হয়, কিন্তু মাঠ-ময়দানে তৃণ কি সেরূপ হয়? আবার বহু জাতীয় উদ্ভিদ অগ্ন্যধিক ছায়ায় বা আওতায় ভাল থাকে; তাহারা সূর্য্যের তীব্র আলোক ও প্রখর কিরণ সহ্য করিতে পারে না। বারমাস ক্ষেত্র সমুদায়কে শশিশালিনী অবস্থায় রাখিবার জন্য প্রকৃতি-

দেবী বৎসরের মধ্যে কয়েকবার বেশ পরিবর্তন করিয়া থাকেন—ইহাই ঋতুভেদের কারণ। সমগ্র গ্রহগণের জ্বালাময় সূর্য্য ও পৃথিবীরও একটা নির্দিষ্ট গতি আছে। সেই নির্দেশ অনুসারে কখন সূর্য্যের দক্ষিণায়ন, কখন উত্তরায়ন হইয়া থাকে।\* সূর্য্য যখন দক্ষিণভাগে থাকেন, তখন পৃথিবীতে বসন্ত, গ্রীষ্ম ও বর্ষা এবং যখন উত্তরভাগে থাকেন, তখন শরৎ, হেমন্ত ও শীতকালের আবির্ভাব হয়। দক্ষিণায়নকালে পৃথিবীর অতি নিকটেই সূর্য্যদেব থাকেন বলিয়া এ সময়ে পৃথিবীতে রৌদ্রের প্রখরতা ও আলোকের বৃদ্ধি পায় এবং অধিকক্ষণ থাকেন বলিয়া উত্তাপের পরিমাণ অধিক হয় ও রাত্রিকাল ছোট হয়; কিন্তু উত্তরায়ণ কালে পৃথিবী হইতে সূর্য্য দূরে থাকেন, ও পৃথিবীতে অল্পক্ষণ প্রকাশিত থাকিতে পারেন। এই দুই কারণবশতঃ সে সময় দিবাভাগ সমধিক ছোট হয়, এবং রৌদ্রের তেজ ও স্থায়ীত্ব কম হয়। সূর্য্যের গতি পরিবর্তনের বিষয় এ স্থলে উল্লেখ করিবার উদ্দেশ্য এই যে, সূর্য্যের গতি পরিবর্তনের সহিত পৃথিবীর আবহাওয়া (climate) পরিবর্তিত হইয়া থাকে—ইহাই প্রদর্শন করা। এতদ্বারা স্পষ্ট বুঝিতে পারা যায়, কি বায়ুমণ্ডল, কি ভূগর্ভ,—এতদ্বয়ই সূর্য্যের গতি অনুসারে নিয়ন্ত্রিত হইতেছে। যে স্থানে যত অধিক রৌদ্র সে স্থানের উত্তাপ তত অধিক। সূর্য্যের গতির সহিত পৃথিবীর কোন সম্বন্ধ না থাকিলে পৃথিবীতে একমাত্র ঋতু বিद्यমান থাকিত, অধিক কি, তাহা হইলে

---

\* বিষুব-রেখার (Equator) দক্ষিণভাগে সূর্য্যের যখন গতি হয়, তখন দক্ষিণায়ন, এবং বিষুব-রেখার উত্তর ভাগে যখন গতি হয়, তখন উত্তরায়ন হয়। প্রতি নয় মাস অন্তর (২৩শে মার্চ ও ২৩শে সেপ্টেম্বর) সূর্য্য একবার বিষুব-রেখা অতিক্রম করেন। উক্ত দুই তারিখে দিবারাত্র সমান হয়। ২৪শে মার্চ হইতে ক্রমে দিন বড়, ও রাত্রি ছোট হইতে থাকে এবং ২৪শে সেপ্টেম্বর হইতে ২২শে মার্চ পর্য্যন্ত ক্রমে দিন ছোট ও রাত্রি বড় হইতে থাকে।

হয়ত ঋতু শব্দেরও সৃষ্টি হইত না, জীবগণকে শীত গ্রীষ্মের অধীন হইতে হইত না এবং এত প্রকার উদ্ভিদেরও সৃষ্টি হইত না। পৃথিবীর অবস্থা বার মাস এক ভাবাপন্ন হইলে হয়ত সকল দেশে বার মাস ধাত্তাদি বর্ষার ফসল কিম্বা গোধূমাদি রবি ফসল উৎপন্ন হইতে পারিত। এ স্থলে—

দেশের স্বাভাবিক উচ্চতা (altitude) বিবেচনার বিষয়। সূর্য্য  
ভূপৃষ্ঠের উচ্চতা ও পৃথিবীর মধ্যে যে ব্যবধান, তাহা সর্বত্র সমান  
নহে। দেশ বিশেষের আবহাওয়ার বিভিন্নতার  
ইহাও একটা বিশেষ কারণ। সমুদ্র পর্ব্বতোপরি স্বভাবজাত শত শত  
জাতির উদ্ভিদ জন্মিয়া থাকে কিন্তু সে সকল উদ্ভিদ সমতল দেশে  
(Plains) ভাল থাকে না কিম্বা আদৌ বাঁচে না। দারজিলিং,  
শিলিং, মসুরী প্রভৃতি সমুদ্র পার্শ্বস্থ স্থানে শীত অধিক বলিয়া  
গ্রীষ্ম প্রধান স্থানের গাছ-পালাকে তথায় রাখিতে হইলে নানাবিধ  
কৃত্রিম উপায় অবলম্বন করিতে হয়। যাহারা দারজিলিং ভ্রমণ করিয়াছেন  
তাহারা দেখিয়া থাকিবেন যে, তথাকার বোটানিক গার্ডেন মধ্যে  
সাসিনির্মিত স্তব্ধ গৃহ মধ্যে নানাবিধ স্তব্ধ পুষ্পাদির মনোহর উদ্ভিদ  
সুন্দররূপে রক্ষিত হইয়াছে এবং তথায় থাকিয়া সেই সকল উদ্ভিদ  
সুচারুরূপে বর্দ্ধিত হইতেছে ও পুষ্প প্রদান করিতেছে। আজকাল  
সমতল দেশের অনেক বিত্তসম্পন্ন ব্যক্তির উদ্যানে দুই একটা তাদৃশ  
গৃহ দেখিতে পাওয়া যায়। উক্ত গৃহ মধ্যে রাখিবার উদ্দেশ্য এই যে,  
সেই নির্দিষ্ট আবৃত স্থান মধ্যে কৃত্রিম উপায়ে তাহাদিগকে পালন করা।  
যাহা হউক, সমুদ্র পর্ব্বতোপরি যে এত শীতের প্রাদুর্ভাব,—উচ্চতা  
তাহার অন্ততম কারণ। ভূতত্ত্ববিদগণ প্রমাণ করিয়াছেন যে, ভূতল  
হইতে যত উর্দ্ধে উঠা যায়, বায়ু তত লঘু ও বায়ুমণ্ডলের অবস্থা তত

শীতময়। ব্যোমযান আরোহীগণও একথা বলিয়া থাকেন, এবং সেই জন্ত ব্যোমযানে আরোহণ করিবার সময় আরোহীগণ অপেক্ষাকৃত উষ্ণ যন্ত্রাদি সঙ্গে লইয়া থাকেন। ভূপৃষ্ঠের স্বাভাবিক উচ্চতা নির্দেশ করিবার জন্ত ভৌগলিকগণ সমুদ্রের বারিপৃষ্ঠকে (Sea level) ভিত্তি-স্বরূপ অবলম্বন করিয়াছেন। পৃথিবীর—কি সমুদ্র, কি ভূগর্ভ—সকল স্থানের জল সমতল। হিমালয় হইতে গঙ্গা, যমুনা, ব্রহ্মপুত্র প্রভৃতি নদ নদী নানা দেশ, অরণ্য, অধিত্যকা ভেদ করিয়া দিবারাত্র ছ-ছ করিয়া প্রবাহিত হইতেছে—কেবল সমতল পাইবার জন্ত। যে মুহূর্ত্তে প্রবাহিনী গিয়া সমুদ্রের জলে মিশিবে, সেইক্ষণ হইতেই •উহার আর বেগ দেখা যাইবে না। কূপ বা পুষ্করিণী খননকালে আমরা পাতাল পর্য্যন্ত স্পর্শ করিবার চেষ্টা করি, তাহার কারণও সমুদ্র পৃষ্ঠের অভ্যুসরণ করা। এই স্থান স্পর্শ করিতে পারিলে আর জলের অভাব হয় না। বঙ্গভূমি সমুদ্রের অতি সন্নিকটে ও অতি নিম্ন ভূমি বলিয়া সচরাচর কূপ খননকালে ৮।১০ হাত বা তদপেক্ষা কম নিয়ে জল পাইয়া থাকি, কিন্তু সমুদ্রকূল হইতে যত দূর উচ্চ দেশে যাই, দেখিতে পাওয়া যায়, তত আধক গভীর করিয়া খনন না করিলে জল পাওয়া যায় না। সকল জলাশয়ে যে, অত গভীর করিয়া খোদিত হয়, তাহা নহে। অগভীর জলাশয়ের জল চতুর্দিকস্থিত ভূমির চোয়ান জল কিম্বা বৃষ্টির জল। ভূগর্ভ মধ্যে বৃষ্টির জল শোষিত হইয়া ধীরে চুয়াইয়া এই সকল জলাশয়ে আসিয়া পড়ে এবং সঞ্চিত জল ভূগর্ভস্থ বারিস্তরের (water level) সহিত সমতল হইবার পর আর উচ্চ হইতে পারে না। সময় বিশেষে অধিক জল খরচ করিলে ঈদৃশ জলাশয়ের জল নিঃশেষিত হইয়া যায়, পরে ক্ষণকাল অপেক্ষা করিলে পুনরায় চারিপাশ হইতে জল চুয়াইয়া আসিয়া সেই শূন্য স্থানকে পূর্ণ

করে। এইরূপে চূয়ানকে percolation কহে। ভূগর্ভ খনন করিতে করিতে যখন পাতাল স্পর্শিত হয়, তখন বুঝিতে পারা যায় যে, সমুদ্র-পৃষ্ঠের সমতলে কিম্বা, সমুদ্র স্বদূর হইলে, নিকটস্থ নদ নদী বা দীর্ঘ জলাশয়ের বারি-পৃষ্ঠের সমতলে পৌঁছিয়াছি। ভূমির উচ্চতা কিরূপে বুঝিতে পারা যায় তাহা প্রদর্শন করিবার জন্ত এ সকল কথা বলিতে হইল। এক্ষণে দেখা যাউক—

ভূপৃষ্ঠের উচ্চতার সহিত মৃত্তিকার কি সম্বন্ধ। ভূপৃষ্ঠের উচ্চতার সহিত আবহাওয়ায় যে ঘনিষ্ট সম্বন্ধ তাহা কাহারও অবিদিত নহে। অতঃপর আবহাওয়ার সহিত মৃত্তিকার যে সম্বন্ধ তাহাও আলোচিত হইয়াছে। তথাপি এস্থলে ব্যক্তব্য এই যে, উচ্চতায় যেরূপ আবহাওয়ার পার্থক্য হয়, সেইরূপ মৃত্তিকা মধ্যে ভৌতিক ক্রিয়ারও তার-তম্য হয়। পাহাড়ের জমি বর্ষা মাত্রেই অল্লাধিক ধুইয়া যায়, সেই সঙ্গে সমূহ সূক্ষ্ম সার পদার্থ ক্ষেত্র হইতে বহির্গত হইয়া যায়। শৈল প্রদেশে বারিপাত অধিক, তুষারপাতও প্রচুর, এমন কি, কোন কোন বৎসর তথায় ২৪ বা ততোধিক দিন সমগ্র স্থানই তুষারে আবৃত হইয়া থাকে। অত্যুচ্চ গিরিশৃঙ্গ প্রায় বার মাস তুষারাবৃতাবস্থায় থাকে—কাঞ্চনজঙ্ঘা, ধবলাগিরি তাহার নিদর্শন। শীতের প্রাধান্ত্য হেতু তথায় কোন ফসলের আবাদ হইতে পারে না। এরূপ স্থান প্রণী ও উদ্ভিদ বিবর্জিত হইয়া থাকে। সেই সকল দেশে শীতের প্রকোপ বশতঃ মৃত্তিকাস্তর্গত দ্রব্যানীয়া পদার্থ বিগলিত হইতে বিলম্ব হয়। মৃত্তিকা মধ্যে উত্তাপের অল্পতা ইহার কারণ। ভূমির উচ্চতা হেতু তথাকার বায়ু মণ্ডলের অবস্থাও স্বতন্ত্র। স্থানীয় বা বিশেষ ফসল ভিন্ন অপর ফসল তাহা সহ্য করিতে সক্ষম হয় না। অতঃপর ইহাও দেখা যায় যে, সমতল বা নিম্নতল ভাগে মৃত্তিকা মধ্যে যথেষ্ট উত্তাপ থাকায়

তথায় বীজ যত শীঘ্র অঙ্কুরিত হয় এবং বায়ুমণ্ডল সুখকর বলিয়া অঙ্কুরিত উদ্ভিদ যত শীঘ্র বর্দ্ধিত হয়, শৈল প্রদেশের গাছ তত হয় না। উচ্চদেশের মাটি ও বাতাস শুষ্ক প্রায় স্ততরাং সে সকল দেশে উদ্ভিদকে নিরন্তর আকাশের পানে তাকাইয়া থাকিতে হয়। উদ্ভিদসমাকীর্ণ প্রদেশ হইলে মাটি ও বাতাস নীরস হইতে পায় না, কারণ তথাকার মাটি উদ্ভিজ্জ পদার্থপূর্ণ। মৃত্তিকার সহিত উদ্ভিজ্জ পদার্থ সংযুক্ত থাকিলে তাহাতে অধিক রস থাকিতে পারে। উদ্ভিদগণ মৃত্তিকা হইতে রস আহরণ করিয়া নিজ অবয়বের কোমলাংশ—পত্র ও অপরি পক্ক ডাল-পালা দিয়া বাষ্পকারে বাহির করিয়া দিয়া থাকে, তাহারই ফলে বায়ুমণ্ডল সরস থাকে। তরুহীন দেশের বায়ুমণ্ডল শুষ্ক বলিয়া তথাকার বায়ু এতই শুষ্ক যে, নিশ্বাস-প্রশ্বাসে মানুষের কষ্ট হয়।

## সপ্তদশ অধ্যায়

— \* —

ধরিজীর তলভেদের সহিত প্রাকৃতিক যে সম্বন্ধ, তাহা আমরা ইতি পূর্বেই সম্যকরূপে আলোচনা করিয়াছি। উহার আবহাওয়ায় সহিত আবহাওয়ায় কি সম্বন্ধ তাহা পূর্বাধ্যায়ের অন্তর্গত হইলেও সুবিধার্থ স্বতন্ত্র অধ্যায়ের অবতারণা করা গেল। শৈলমণ্ডলে যত বারিপাত হয়, তৎসমুদায়ই নিম্নতলভিমুখে প্রবাহিত হয়। মাটিতে সমধিক উদ্ভিজ্জ পদার্থ থাকায় অনেক জল-তন্দ্রা শোষিত হয়, কিন্তু তথায় স্থায়ী হইতে না পারিয়া পাহাড়ের কোন

স্থান ভেদ করিয়া নিষ্কারিণীরূপে উদ্ভূত হইয়া কোন নদী বা হ্রদে গিয়া পড়ে। যে স্থান ভেদ করিয়া নিষ্কারিণী প্রকাশিত হয় তাহাকে প্রস্রবন (spring) কহে। আমরা যে নদ নদী দেখিতে পাই তৎসমুদায় প্রস্রবন-নিষ্কৃত বহু নিষ্কারিণীর সম্মিলনে উৎপন্ন। বৃহৎ হ্রদ হইতে নিষ্কারিণী উৎপন্ন হইয়া থাকে। পাতাল-প্রদেশ হইতে উর্দ্ধভাগে জল উঠিয়া প্রস্রবণ উৎপন্ন হয় না। পর্বতমণ্ডলে সমধিক বারিপাত হইয়া থাকে। নিবিড় অরণ্যপ্রদেশেও বারিপাতের অপ্রতুল হয় না। যেখানে এতদূর্ভয়ের সমাবেশ সে স্থানের বারিপাত সর্কাপেক্ষা অধিক হইয়া থাকে। গগনস্পর্শী গিরিসমূহে উদ্ভিদ না থাকিলেও তুষারের প্রতীতি হেতু জলের অভাব নাই স্বতরাং সে প্রদেশ সমধিক সর্দিময়! ঈদৃশ দেশের বায়ুমণ্ডল স্বভাবতঃই সিক্ত। স্বতরাং অপর স্থানাপেক্ষা তথায় অধিক বারিপাত হইয়া থাকে। সিক্ততা ও বারিপাতের মধ্যে যে ঘনিষ্ঠ সম্বন্ধ, এতদূর্ভয়ের সহিত উদ্ভিজ্জ-গতেরও সেইরূপ ঘন সম্বন্ধ। প্রকৃতপক্ষে উক্ত তিনই পরস্পরের অধীন, পরস্পরে যেন একতা স্বত্রে আবদ্ধ। বারিহীন দেশে কোন উদ্ভিদ জন্মে না, উদ্ভিদহীন দেশেও বৃষ্টি হয় না। অনেক বারিহীন দেশে উদ্ভিদ রোপিত হওয়ায় বৃষ্টির আবির্ভাব হইয়াছে সেই সঙ্গে স্থানীয় আবহাওয়া পরিবর্তিত হইয়াছে। অতঃপর যে দেশ যত অরণ্যময়, সে দেশে তত অধিক বারিপাত হইয়া থাকে। গাছপালা বন-জঙ্গল যত নিশ্চুলিত হয়, বারিপাত তত কমিয়া যায়, দেশের প্রাকৃতিক অবস্থা তত পরিবর্তিত হইয়া যায়। গত ৩০।৪০ বৎসর পূর্বে সমগ্রদেশে যত অরণ্য ছিল, এক্ষণে তত নাই। দৃষ্টান্তস্বরূপ বাদলা দেশের বিষয় আলোচনা করিলে ইহা বুঝিতে পারা যাইবে। যখন স্থলরবন স্থবিস্তির্ণ অরণ্য

ছিল, তখন বাঙ্গালা দেশের আবহাওয়া একরূপ ছিল, এখন অন্য রূপ হইয়াছে। সুন্দরবন কাটিয়া তথায় এখন আবাদ হইতেছে, গ্রাম নগর প্রতিষ্ঠিত হইতেছে, সেই সঙ্গে বারিপাত ক্রমে হ্রাস পাইয়া আসিতেছে। পূর্বে চৈত্র-বৈশাখ মাসে প্রতিদিন অপরাহ্নে ‘কাল-বৈশাখী’ হইত স্ততরাং অপরাহ্নে কেহ সচরাচর গৃহত্যাগ করিয়া দূর স্থানে যাইত না। সুন্দরবন ছাড়াও অনেক স্থানের গাছ-পালা কাটা গিয়াছে, সেইজন্য বৃষ্টি দিন দিন কমিয়া আসিতেছে। এক্ষণকার বর্ষাকাল প্রায় অল্প দিন স্থায়ী হয় এবং যে পরিমাণ বৃষ্টি হয় তাহাও পূর্বাপেক্ষা অনেক কম। বাঙ্গালা দেশের উত্তরে হিমালয়, পূর্বে আসাম, দক্ষিণে সুন্দরবন। এই কয় স্থানই অরণ্যময় এবং বঙ্গদেশ ইহাদিগের দ্বারা পরিবেষ্টিত। বাঙ্গালা দেশের আবহাওয়ার গতিবিধি নিয়ন্ত্রিত করিবার উহারাই মালিক, ইহা বলিতে পারা যায়। \*

ইংরাজি ১৯০০ সালে আমি আসামের পূর্ব সীমান্ত-প্রদেশান্তর্গত নাগা পাঁহাড়ে গিয়া মার্গেরেটা সহরে মাসাধিককাল অবস্থান করিয়া-ছিলাম। তথায় অবস্থানকালে স্থানীয় অধিবাসী ও দীর্ঘ প্রবাসীদিগের নিকট শুনিয়াছি যে, ১৫১২০ বৎসর পূর্বে যখন সে স্থানে অগম্য জঙ্গল ছিল, তখন দিবারাজি বৃষ্টি হইত, কিন্তু বিগত কয়েক বৎসর হইতে স্থানীয় জঙ্গল কণ্ঠিত হইয়া চা-বাগান, জনপদ, নগর প্রভৃতি স্থিতি

\* আজ কালের ছেলেরা ‘কাল-বৈশাখী’ কাহাকে বলে তাহা জানে না। পরবর্তী বংশধরগণ ইহার নামও হয় ত শুনিতে পাইবে না। তাহাদিগের অবগতির জন্ম এতলে ‘কাল-বৈশাখী’ শব্দের ব্যাখ্যা করা আবশ্যক। পূর্বে বৈকালে চৈত্র-বৈশাখ মাসে প্রবল বাতাস উঠিত, মেঘ গর্জিত, বিজলী চমকিত; ধূল্য আকাশ অন্ধকার ও ঘর-ছায়ার আচ্ছন্ন হইত, বড় বড় গাছের ডালপালা ভাঙ্গিয়া যাইত। অবশেষে মূল-শরায় বৃষ্টির পর আকাশ পরিষ্কার হইত। কোন কোন বৎসর শীলাবৃষ্টি হয়।



হইতে আরম্ভ হওয়ায় বৃষ্টির প্রকোপ অনেক কমিয়াছে। তাঁহাদিগের পক্ষে কম হইয়া থাকিতে পারে কিন্তু সেই কম অবস্থাতেই যাহা দেখিয়া আসিয়াছি তাহা বড় কম নহে! আমি তথায় ফাস্তন কি চৈত্র মাসে ছিলাম। সে সময়ে একরূপ একদিনও যায় নাই, যে দিন ২।৪ পসলা বৃষ্টি না হইয়াছে! তথা হইতে ৫০।৬০ মাইল দূরে দুম-দুমায় কিছুদিন থাকিয়াছি কিন্তু সেখানে তত বৃষ্টি বা শীত নাই! দারজিলিঙ্গে গিয়া তথাকার দীর্ঘ প্রবাসীদিগের নিকট ঠিক ঐরূপ কথাই শুনিয়াছিলাম।

প্রাকৃতিক বিভিন্নতা হেতু অনেক ফসল অনেক দেশে জন্মে

ফসলের

প্রকৃতি ভেদ

না। অত্যধিক বারিপাত-সমন্বয়-স্থানের মাটিতে

এতই অধিক রস যে, ফসলের মধ্যে সারাংশ খুব

কমই পরিদৃষ্ট হয়। মার্গেরেটা, ডিক্রগড়, তেজপুর

প্রভৃতি রসা জেলায় যে সুদীর্ঘ ও সুস্পষ্ট ইক্ষু জন্মে তাহা দেখিলে

অবাক হইতে হয়। সেখানকার সাধারণ ইক্ষুদণ্ড ৭।৮ হাত দীর্ঘ ও

২ ইঞ্চি ব্যাসের গ্রায় হইয়া থাকে কিন্তু তাহাতে শর্করার ভাগ নিতান্ত

সামান্য। ইরিজা প্রচুর উৎপন্ন হয়, মূল তাজা ও পরিপুষ্ট হয়, কিন্তু

তাহাতে হরিদ্রাভের অর্থাৎ বর্ণের বড়ই অভাব পরিদৃষ্ট হয়। বেগুন

স্ববৃহৎ ও নয়নানন্দকর কিন্তু সারাংশের অভাব হেতু মিষ্টতা বা

স্বাদবিহীন। বেহারে যে সকল ফল-পাকুড় বা তরিতরকারি উৎপন্ন

হয়, তৎসমুদায় যেমন সারাল তেমনই মধুরাস্বাদ। সাত আট বৎসর

পূর্বে আমি কলিকাতা হইতে পটোল, বেগুন, ইক্ষু প্রভৃতি অনেক

জিনিসের বীজ আনাইয়া আবাদ করিয়াছি কিন্তু এক্ষণে দ্বারভাঙ্গার

অন্তর্গত রাজনগরে সেই বীজোৎপন্ন ফসল যেমন পরিপুষ্ট, শাঁসাল ও

মুখরোচক হয়, বাঙ্গালায় তেমন হয় না। আমার যে সকল আত্মীয়

বা বন্ধুবান্ধব এখানে আসিয়াছেন তাঁহারা সকলেই একবাক্যে সেই সকল জিনিসের যথেষ্ট প্রশংসা করিয়াছেন। আবহাওয়ার দোষ গুণে মৃত্তিকারও শক্তি যে পরিচালিত হয়, পদে পদে তাহা দেখিতে পাইতেছি। বাঙ্গালা দেশে যে সকল আম্র, পেয়ারা, তরমুজ, খরমুজা জন্মে তৎসমুদয়ের স্বাদ পান্বে বা স্বাদহীন এবং সৌরভ (flavor) ক্ষীণ হইতে দেখা যায় কিন্তু বেহারে বা আরও পশ্চিমাঞ্চলে যে জিনিস জন্মে তাহাদিগের স্বাদ যেমন রসনা তৃপ্তিকর, ভ্রাণও সেইরূপ মনমুগ্ধকর। একটা পেয়ারা খরমুজা ঘরে থাকিলে ঘর আমোদ করিয়া দেয়। নানাবিধ পুষ্প সম্বন্ধেও সেই কথা বলা যাইতে পারে। বাঙ্গালা দেশে বেল-ফুল জন্মে, বেহারেও জন্মে, কিন্তু শেষোক্ত স্থানের ফুলে যেমন প্রাণহারিণী সৌরভ বাঙ্গালা দেশের ফুলে তাহা কই? বাঙ্গালা দেশের গোলাপ ফুলটিকে নাসারন্ধ্র মধ্যে প্রবেশ করাইলে তবে হয়ত একটু ভ্রাণ পাওয়া যায় কিন্তু দ্বারবন্ধের গোলাপ গাছের নিকটবর্তী হইবামাত্র এমন চিত্তবিমোহিণী সৌরভ প্রাণকে মাতোয়ারা করিয়া দেয় যে সেদিকে ফিরিয়া চাহিতেই হয়, তথায় কিয়ৎকাল দাঁড়াইতেও হয়। এ সকল আবহাওয়ার কাণ্ড জানিতে হইবে। সুতরাং আবহাওয়াকে ওরফে তাহার নিয়ামক বারিপাতকে উপেক্ষা করিবার নহে।

কৃষির সহিত বারিপাতের বা আবহাওয়ার যে ঘনিষ্ঠ সম্বন্ধ তাহা

ভারতবাসী বহু পূর্বকাল হইতে জানিয়া  
বারিপাত আসিতেছে। তাহা হইলে ইংরাজের আমলে

আমরা স্বয়ং ঘরে বসিয়া সমগ্র ভারতের আবহাওয়া-তত্ত্ব জানিতে পারিতেছি। এক্ষণে সমগ্র ভারতের প্রত্যেক জেলার সদরে প্রতিদিন বারিপাতের পরিমাণ লিখিত ও সপ্তাহে সপ্তাহে গবর্ণমেন্টের গেজেটে

প্রকাশিত হইতেছে। সেই হিসাব দেখিলে কোন্ জেলার কত বারিপাত হইয়া থাকে তাহার একটার আন্দাজ পাওয়া যায়। স্থানান্তরে বাঙ্গালার জেলা কয়টার বার্ষিক বারিপাতের একটি তালিকা দেওয়া গেল।\* পৃথিবীর স্থান বিশেষের উচ্চতা ও নিম্নতা, বিষুবরেখা হইতে দূরত্ব, অরণ্যের প্রাচুর্য বা অভাব, বারিপাতের ইতরবিশেষ প্রভৃতির সমাবেশ ফলে আবহাওয়া সম্বন্ধে একটি নিময় প্রতিষ্ঠিত হইয়া গিয়াছে এবং সেই নিয়মবশে উহা পরিচালিত হইয়া আসিতেছে। কলিকাতাস্থ মানমন্দির (Observatory) হইতে প্রতিদিন আবহাওয়ার তালিকা প্রকাশিত হইয়া থাকে কিন্তু নিত্য পুরিতাপের বিষয় এই যে কোন দেশীয় পরিচালিত সংবাদ পত্রে প্রায় তাহা স্থান পায় না। আকাশের জ্বলের উপর যে দেশের কৃষিকার্য নির্ভর করে, সে দেশের লোক আবহাওয়ার সংবাদ রাখে না, ইহাপেক্ষা ক্ষোভের বিষয় কি আছে?

ভারতে দুইবার বায়ু পরিবর্তিত হয়, ইংরাজিতে তাহাকে Monsoon কহে। যে দুইটা বাতাসে এদেশের বায়ু পরিবর্তন আবহাওয়া পরিবর্তিত হয়, তাহাদিগের একের নাম দক্ষিণে-বাতাস (South-west monsoon), অপরের নাম পূর্ব বা পূবে-বাতাস (North-East Monsoon)। দক্ষিণে-বাতাস ভারতের দক্ষিণ-পশ্চিম কোণস্থিত আরব্যা-উপসাগর হইতে সচরাচর জ্যৈষ্ঠ মাসের শেষ বা আষাঢ় মাসের প্রথম সপ্তাহে উত্থিত হইয়া বোম্বাই, মধ্য-প্রদেশ প্রভৃতি ভেদ করিয়া বঙ্গদেশ চীন প্রভৃতির ভিতর দিয়া কামস্কাট্‌কায় গিয়া মিলিত হয়। উক্ত বাতাসের স্বাভাবিক গতি—দক্ষিণ-পশ্চিম হইতে উত্তর-পশ্চিম কোণে। পশ্চিমধ্যে সমুদ্র পর্বতাদি

---

\* উক্ত তালিকা স্বর্গীয় নিত্যগোপাল মুখোপাধ্যায় মহাশয়ের Hand-book of Indian Agriculture নামক পুস্তক হইতে গৃহীত হইল।

ধাকায় উহার স্বাভাবিক গতি বিঘ্ন পাইয়া দিগান্তর দিয়া প্রবাহিত হয়। দক্ষিণে-বাতাসের সূত্রপাত হইলে অগ্নিধিক বৃষ্টির সূত্রপাত হয়। পূবে-বাতাস—ভাদ্র মাসের শেষ বা আশ্বিন মাসের প্রথম ভাগে বঙ্গোপসাগর হইতে উথিত হইয়া বঙ্গদেশের ভিতর দিয়া উত্তর-পশ্চিমাভিমুখে ধাবিত হইলে, শীতকালের সূত্র-পাত হয়। উল্লিখিত বাতাস দ্বয়ের সূত্রপাত-কালে প্রায় ঝড় বৃষ্টি হইয়া থাকে। হাওয়া পরিবর্তনের সময় সম্বন্ধে নিশ্চিত থাকিতে পারিলে কৃষিকার্যের অনেক সহায়তা হইতে পারে। দক্ষিণে-বাতাসের সূত্রপাত হইলে মধ্যে মধ্যে আকাশ মেঘাচ্ছন্ন হয়; এক আধ পশলা বৃষ্টিও হয়, বায়ুমণ্ডল স্থির ভাব ধারণ করে! কৃষকগণ যদি জানিতে পারে যে অমুক তারিখ হইতে বর্ষা আরম্ভ হইবে, তাহা হইলে তাহারা চাষ-বাসের অনেক কাজ পূর্বাঙ্কে ঠিক করিয়া রাখিতে পারে। এখন যে কৃষকগণ তাহা করে না এমন কথা বলি না, তবে যাহা করে তাহা পূর্ব অভিজ্ঞতা ও চির পদ্ধতি অনুসারে কোন কোন বৎসর ঋতু পরিবর্তন কিছু পূর্বে বা পরে হয়। বর্ষারন্তের এইরূপ অনিশ্চয়তা হেতু কৃষককে অনেক সময় ক্ষতিগ্রস্ত হইতে হয়। বর্ষা আরম্ভ হইয়া গেলে পর মুক্তিকা বিচলিত হইলে অনেকসময় জমি খারাপ হইয়া যায়—মাটি ঢেলা বাঁধিয়া যায়। ইহাকে ‘চেঙ্গটা-ধরা’ কহে। চেঙ্গটা-ধরা জমিতে ফসলের শ্রীবৃদ্ধির পরিবর্তে অধোগতি হইয়া থাকে। এইজন্য মাটি সিক্ত থাকিতে ক্ষেত্র কর্ষণের কোন কার্য্যই করিতে নিষেধ, অধিক কি নিড়ানি বা খুরপী করাও নিষেধ। বৃষ্টির পর পুনরায় ‘ঘো’ না পাইলে ক্ষেত্রের মাটিকে আদৌ বিচলিত করিতে নাই, বিশেষ প্রয়োজন ভিন্ন তন্মধ্যে প্রবেশ করিতেও নাই। ভূমির সিক্তাবস্থায় তন্মধ্যে প্রবেশ করিলে অথবা মাটি কোনরূপে বিচলিত হইলে অনেক স্থানের মাটি চাপিয়া বসিয়া যায়, অনেক ঢেলা

সমূহ প্রস্তুতবৎ এত কঠিন হইয়া যায় যে হাল চৌকীতে তাহা সংশোধিত হয় না। পূর্বে অভিজ্ঞতামুসারে কাজ করা অনেকটা আন্দাজের উপর নির্ভর করে। নিদিষ্ট সময়ে বর্ষারন্ত হইবে জানিতে পারিলে তাহার পূর্বে কৃষক বীজ বুনিয়া রাখিতে পারে। ধান্য রোপণের জন্ত ইহা বিশেষ আবশ্যক। আষাঢ় মাসের প্রথমে বর্ষারন্ত হয় ভাবিয়া জ্যৈষ্ঠ মাসে যদি কৃষক পাটের বীজ বপন করে, আর যদি আষাঢ়ের শেষ ভাগে বৃষ্টির সূত্রপাত হয়, তাহা হইলে সে আবাদের ক্ষতি হইয়া থাকে। বিলম্বে বর্ষারন্ত হইবে জ্ঞাত থাকিলে কৃষকগণ শিলম্বে বীজ বুনিতে পারে। বর্ষারন্ত হইবার নিদিষ্ট সময় অবগত না থাকিলে এইরূপ অনেক সময় অনেক ক্ষতিগ্রস্ত হইয়া থাকে। বাতাস পরিবর্তনের সঙ্গে ভূগর্ভ মধ্যেও উত্তাপ, রস-সঞ্চালনী ক্রিয়া, মৃত্তিকাস্তর্গত পদার্থ রাশির বিশ্লেষণ-ক্রিয়া প্রভৃতির গতি ভিন্ন হইয়া থাকে। সে যাহা হউক,—

এক্ষণে কথা হইতেছে, যে, যে আকাশব্যাপ্ত বারি পৃথিবী ব্যাপ্ত

হইয়া পড়ে, সে বারির পরিমাণ করিবার উপায়  
বারিপাত নির্ধারণ

কি? কথাটা যত গুরুতর কার্য্যতঃ তত নহে।

বারিপাতের যে তালিকা প্রদত্ত হইয়াছে তাহাতে দেখা যায় যে দেশ বিদেশের বারিপাতের পরিমাণ স্বতন্ত্র। কোন স্থানে অধিক, কোন স্থানে অল্প বারিপাত হইয়া থাকে। কেবল তাহাই নহে, মাস বিশেষেও বারিপাতের তারতম্য হয়। বৃষ্টির পরিমাণ করিবার জন্ত তুলাদণ্ডের আবশ্যক হয় না, ইঞ্চি হিসাবে পরিমাণ করা হইয়া থাকে। বৃষ্টি পরিমাণ করিবার এক প্রকার যন্ত্র আছে—তাহাকে Rain gauge, কহে। ইহার মূল্য ৫।৬ টাকার মধ্যে। বিনা খরচায় বৃষ্টি মাপিবার একটি সহজ কৌশল এস্থলে লিখিত হইল:—কোন উন্মুক্ত স্থানে বৃষ্টির অব্যবহিত পূর্বে একখানি ধাতু পত্র—কাঁশি বা থালা রাখিয়া দিতে



হয়। পসলা শেষ হইয়া গেলে সঞ্চিত জলে সরল ভাবে একটী কাঠি  
 নগুয়মান করিলে পাঞ্জে যতটা জল থাকে কাঠি ততটা ভিজিয়া যায়।  
 অন্তঃপর কাঠির ভিজা অংশকে গজ দ্বারা মাপিয়া দেখিলে বুঝিতে পারা  
 যাইবে যে, কয় ইঞ্চি জল হইল। জল মাপিবার সরঞ্জাম যতই সযত্ন  
 হউক, কয়েকটী বিষয়ে বিশেষ সাবধানতার আবশ্যক নতুবা সঠিক ও  
 প্রকৃত হিসাব পাওয়া যাইবে না। (১) যে স্থানে পাঞ্জ স্থাপন করিতে  
 হয়, তাহা চৌরস ও সম্পূর্ণ সমতল হইবে। (২) উক্ত স্থান—ঘর বাড়ী,  
 গাছ-পালা প্রভৃতি হইতে এত দূরে হওয়া আবশ্যক যে বৃষ্টির সময় ঐ  
 সকলের টোপানি জলের এক ফোটাও সে পাঞ্জে না পড়ে, কিম্বা  
 উহাদিগের অবস্থান হেতু এক বিন্দুমাাত্র জলও যেন বাধা না পায়।  
 অনেক সময় বারিধারা কোন দিকে হেলিয়া পতিত হয়—তাহাকে  
 ‘ছাট’ কহে। নির্ঝাচিত স্থান এত দূরে থাকা আবশ্যক, যেন ছাটের  
 সময় তথায় বারিপাতের ব্যাঘাত না হয়। এই সকল হইতে পাঞ্চে  
 না কোন বিষয় ঘটে, এই জন্ত ঘর বাড়ী বা গাছ-পালা হইতে অন্ততঃ  
 ৮১০ হাতি দূরে, কিম্বা মাঠে বা ছাদের উপরে উহার ব্যবস্থা করা উচিত।  
 (৩) পাঞ্জ আলবিশিষ্ট হওয়া উচিত। পাঞ্জ সম্পূর্ণ সমতল হইবে—  
 কোথাও ছিদ্র বা টোল বা ডোবর থাকিবে না। এত সাবধানতার  
 উদ্দেশ্যে এই যে, সঞ্চিত জল পাঞ্জের সর্বস্থানে সমপরিমাণে পতিত  
 হইতে পারে। যুৎ পাঞ্চে জল শুকাইয়া যায় স্তভয়াং সঠিক পরিমাণ  
 হয় না। গঞ্জে মাপিয়া সঞ্চিত জল যত ইঞ্চি হইল তত ইঞ্চি জল এক  
 বিঘা ভূমির উপর হইল বলিয়া ধরিয়া লইতে লইবে। এক্ষণে এক  
 বিঘা জমিতে কত মণ জল দেখিতে হইবে। অত্র কবিবার প্রণালী  
 নিম্নে লিখিত হইল।

এক ইঞ্চি বৃষ্টি বলিলে বুঝিতে হইবে যে, প্রতি বিঘা ভূমির উপর

২১১।৮।/৩ ( নয় শত এগার মণ, আঠার সের পাঁচ ছটাক) এবং ইংরাজি হিসাব ধরিলে প্রতি একারে ( ৬০।০ কাঠা জমি ) ১০০ টন ( ২৭২১।০ মণ ) জল হইয়াছে বুঝিতে হইবে ।

নিয়মিতরূপে জল মাগিবার ব্যবস্থা করিতে হইলে একটা রেন্-গঞ্জ (Rain Gange). রাখা নিতান্ত আবশ্যক । যাহারা ঘরে নির্মাণ করিতে ইচ্ছা করেন তাঁহাদিগের জন্য নিম্নলিখিত উপায় লিখিত হইল :—

টানের একটা এক ফুট লম্বা ও ৩২-৬ ইঞ্চ পরিধি বিশিষ্ট নল তৈয়ার করিতে হইবে । নলের ভিতর তলা হইতে মুখ পর্যন্ত কোন রং দ্বারা একটা সরল রেখা অঙ্কিত করিতে হয় । অতঃপর উক্ত সরল রেখাকে ৬৪ ভাগে বিভক্ত করিয়া প্রত্যেক বিভক্ত স্থানে একটা দাগ ও নম্বর দিতে হয় । বৃষ্টির সময় যে জল উক্ত নলের মধ্যে সঞ্চিত হয় তাহা নলের মুখ পর্যন্ত উঠিলে বুঝিতে হইবে যে এক ইঞ্চ জল হইল । নল পরিপূর্ণ না হইলে, নলের ভিতরের সরল রেখায় যতদূর জল উঠিয়াছে তাহা দেখিয়া জলের পরিমাণ নির্দেশ করিতে হইবে । প্রত্যেক দাগ এক ইঞ্চের ৬৪ ভাগের এক ভাগ । বজ্রি দাগ পর্যন্ত হইলে ৬৬ অর্থাৎ আধ ইঞ্চ ১৬ অবধি উঠিলে ৬৬ সিকি ইঞ্চ ইত্যাদি বুঝিতে হইবে । প্রতি পসল বৃষ্টির মরই মাপ নির্দেশ করিয়া জল ফেলিয়া দিতে হয় । মাপ দেখিতে বিলম্ব হইলে বাতাসে বা রৌদ্রে জল শুকাইয়া যাইবে, ফলতঃ সঠিক মাপ পাওয়া যাইবে না । কেবল বৃষ্টির পরিমাণ দেখিয়া সন্তুষ্ট হইলে চলিবে না কারণ—

বৃষ্টি নানা প্রকারের হইয়া থাকে,—তন্মধ্যে মুসল-ধারা, ধীর-ধারা ও টিপ-টিপে—এই তিনটী প্রধান । মুসলধারার বৃষ্টি বিশেষ কাজের নহে । উহা যেমন মুসল ধারায় পতিত হয়, তেমনই ভূমি হইতে প্রবল বেগে প্রবাহিত হইয়া



চলিয়া যায়। উহাতে ভূগর্ভের বৃত্তিকা অধিক দূর ভিজেনা। বৃত্তিকার পোষণ-শক্তি অপেক্ষা জলের প্রবাহ (velocity) অধিক হইলে উক্ত জল বৃত্তিকায় শোষিত হইবার অবসর পায় না। একেই বৃত্তিকার ছিদ্র ও ছিদ্র পথ স্বন্দ্র, তাহাতে জল অধিক স্ততরাং তাহার গতি দ্রুত হইলে সমগ্র জল শোষণ করা ভূমির পক্ষে অসম্ভব। অনেক দিন বৃষ্টি না হইলে ক্ষেত পাথার তৃষ্ণার্জপ্রায় হইয়া থাকে। এ সময়ে মুষল বা প্রবল ধারায় বৃষ্টি হইলে অল্পক্ষণ মধ্যে মাটি ভিজিয়া যায়, তখন ধীর বৃষ্টি হইলে ভাল হয়, কিন্তু অধিকক্ষণ মুসল বৃষ্টি ভাল নহে। বারিধারা যত ধীর হয়, ভূমি তত অধিক পরিমাণে আহরণ করিতে পারে। মুষল ধারা বৃষ্টিতে জলের প্রবাহ হেতু ভূপৃষ্ঠস্থ উদ্ভিজ্জ অহুদ্ভিজ্জ—তাবং লঘু পদার্থ জলের সহিত বহির্গত হইয়া যায়, ইহাতে ভূমির উৎপাদিকা শক্তির ক্ষয় হয়। সমতল ক্ষেত্রে তত ক্ষতি হয় না কিন্তু গড়েন জমিতে বড় ক্ষতি হয়। পার্শ্বত্যা বন্ধুর জমিতে আরও অধিক ক্ষতি হয় কারণ পার্শ্বত্যা ভূমি স্বভাবতঃ কঙ্করসঙ্কুল, স্ততরাং মুষল বৃষ্টিতে ভূপৃষ্ঠের স্বন্দ্র মাটি ধুইয়া গেলে উহার অন্তর্কর্ত্তী কঙ্কর সমূহ প্রকাশিত হইয়া পড়ে, পরে রৌদ্রে ভূমি অতিশয় উত্তপ্ত হইয়া উঠে। ক্ষেত্রে ফসল থাকিলে গাছের গোড়া হইতে মাটি সরিয়া যাওয়ায়—কিছা বৃষ্টির ভারে ও দাপটে—গাছ ভুশায়ী হইয়া পড়ে, অনেক গাছ ভাঙ্গিয়া যায়। এ সকল সঙ্কেও ঝাড়া অর্থাৎ মুষল বৃষ্টিতে একটি বিশেষ উপকার হয় এই যে, লোকের ঘর বাড়ী, অগ্নি, আঁতাকুড় ও অপরাপর অপরিষ্কৃত স্থান বিধৌত হইয়া যায়, জলাশয় সমূহে জল বৃদ্ধি হয় পুরাতন জলের দোষ কাটিয়া যায়, পল্লীর স্বাস্থ্য ভাল হয়। আল্বেটিত সমভূমিতে উহার দ্বারা জল দাঁড়াইলে ক্ষেত্রস্থিত সার পদার্থ—মাল্‌ব্যা, পাত পকী, কীট পতঙ্গ

প্রকৃতির পুরিষাদি গলিয়া জলের সহিত মিসিয়া ক্ষেত্রময় সমভাবে ব্যাপ্ত হইয়া পড়ে, ক্রমে সেই সার সমন্বিত জল ভূমিতে শোষিত হইলে ক্ষেত্র উর্বরা হয়।

কৃষিকার্যের পক্ষে ধীর ভাবে ও ঘন, বর্ষণ হওয়া বিশেষ সুহীনীয়  
 ধীর বর্ষণে ভূমিতে অধিক জল শোষিত হয়, সে  
 কারণ মাটি বহুদিন সরস থাকে, ভূমি হইতে অধিক  
 বাষ্প উদগত হইয়া বায়ুমণ্ডলকে শীতল রাখে। এই সকল কারণে  
 ধীর বর্ষণের পর পুনরায় শীত্র বৃষ্টি হইবার আশা থাকে। চাষ  
 আবাদের সৌকর্য্যার্থে ভূমির সরসতা ও বায়ুমণ্ডলের সিক্ততা একাধারে  
 একান্ত প্রয়োজন।

টিপ্ টিপে বৃষ্টি দীর্ঘকাল স্থায়ী হয়, সে জন্য জমির জল শুকাইতে  
 বিলম্ব হয় ও জমিতে কাদা হয়। সৌভাগ্য ক্রমে  
 টিপ টিপে বৃষ্টি  
 টিপ্ টিপে বৃষ্টি বর্ষার প্রারম্ভকালে বড় একটা হয়  
 না। টিপ্ টিপে বৃষ্টি দ্বারা উপকার হইয়া থাকে। অনেক দিন  
 অনাবৃষ্টির পর টিপ্ টিপে বৃষ্টি হইলে মাটি সহজে ভিজে না, ভূগর্ভে  
 জল প্রবেশ করে না, অল্প দিকে ডু-পতিত জল ও শীত্র শুকাইয়া  
 বাইতে থাকে। টিপ্ টিপে বৃষ্টিতে আমন-খাও রোপন করিবার  
 সময়। টিপ্ টিপে বৃষ্টি অধিকক্ষণ, এমন কি দুই তিন দিবসও স্থায়ী  
 হয়, হুতবাং মাটি অতিশয় কাদাটে হইয়া যায় ও শীত্র শুক হয় না। এ  
 সময়ে অপর কোন ফসল রোপণ করিতে গেলে পদ-দলনে ও রোপন  
 কালে মাটি জমার্ট বাঁধিয়া যায়, পরে জল শুকাইলে ভূমি অত্যন্ত  
 প্রকটবৎ কঠিন হইয়া যায়। ইহাকে 'চেঁচটাধরা' কহে। চেঁচটাধরা  
 ক্ষেত্রের ফসল ক্ষতিকররূপে বর্জিত হয় না, তাহার ফলনও ভাল হয় না  
 মাটিতে বাহাতে চেঁচটা না ধরে, একান্ত মাটির সিক্তারহায় ক্ষেত্রে গমন

পর্যন্ত নিবেদন। যুক্তিকার এ অবস্থায় ক্ষেত্রের কোন পাট-পরিচর্যা বা রোপনাদি কার্যের জন্ত ব্যস্ত না হইয়া বাবৎ 'যে' না হয়, তাবৎকাল অপেক্ষা করা বহু গুণে শ্রেয়। পূর্ণঘোষে কাজ করিলে যেমন ভাল ফল পাওয়া যায়—অপর সময়ে সেরূপ পাওয়া যায় না।

অবিপ্রান্ত ও দীর্ঘকাল ধরিয়া বৃষ্টি হইতে থাকিলে জলে জলে মাটি পাকের মত হইয়া যায়। ইহাকে কাঁচল-ধরা কহে। যে সকল এঁটেল মাটির জমি হইতে জল নিকাশ হইতে পারে না, তাহাতেই কাঁচল ধরে। কাঁচল-ধরা জমি শুকাইলে চেষ্টা জমির জায় কঠিন হইয়া ফাটিয়া যায়। পুনরায় না হইলে তাহাতে হলচালনা করা চলে না। এতদবস্থায় জমির ফাটাল দিয়া ভূগর্ভের রস বহু নিয় অবধি শুকাইয়া যায়। কাঁচল হইতে রক্ষা করিতে হইলে যুক্তিকার দো-রস অবস্থা বা বো আসিলেই ভূমিকে কর্ষণ করা উচিত। অধিক বিলম্ব করিলে বো অবস্থা কাটিয়া যায়, তখন আর চাষ চলে না।

## অষ্টাদশ অধ্যায়

—:—

সূর্য্যের সহিত আবহাওয়া ও ভূমির যে সম্বন্ধ তাহা পূর্বেই বলিয়াছি। অপরায়ণ গ্রহের সহিত ও যে  
গ্রহের প্রবাহ তাহার কোন সম্বন্ধ নাই, এরূপ নহে। কোন কোন বৎসর সূর্য্যের প্রকোপ বৃদ্ধি হয়, অসহনীয় গ্রীষ্ম হয়, অথবা অতিরিক্ত বর্ষা বা শীত হয়, তাহার নানাবিধ কারণ থাকিলেও

ভিন্ন ভিন্ন গ্রহের কার্য দ্বারা তাহা কতক পরিমাণে পরিচালিত হয়।  
 ঈদৃশ কারণবশতঃ অনেক সময় শীত্রই বর্ষা আরম্ভ হয়, কোন বৎসর  
 অধিক শীত বা গ্রীষ্ম হয় আবার কখন কোন কোন ঋতু স্বাভাবিক  
 অপেক্ষা দীর্ঘকাল স্থায়ী এবং তাহার অবশ্রম্ভাবী ফলে ভূগর্ভ মধ্যে  
 ভৌতিক ক্রিয়ার ইতরবিশেষ হইয়া থাকে। চন্দ্রের গতিবিধির সহিত  
 সমুদ্র ও নদ-নদী কখন ক্ষীত, কখন বা কৃষ্ণিত হইয়া যায়, তদ্ব্যতীত  
 নিকটবর্তী ভূমিতে কখন রস সমধিক পরিমাণে প্রবিষ্ট হয়, কখন  
 বা ভূমি নীরস হইয়া যায়। বর্ষাকালে পাহাড় পর্বত হইতে জল  
 নামিয়া নদীতে আসিয়া পড়ে, নিম্নতল ভূমির জলও গড়াইয়া স্রষ্ট  
 অথবা ক্রমে নদীতে গিয়া স্থান প্রাপ্ত হয়, স্তরায় নদী সকল তখন  
 পূর্ণতোয়া ও প্রকাণ্ড হয়। ইহাই নদীগণের ঢল-ঢল অবস্থা। নদী-  
 গণের পূর্ণতোয়াবস্থায় তৎসম্মিহিত স্থানের মৃত্তিকাশোষিত জলরাশি  
 বহির্গমনের পথ পায় না, ফলতঃ মৃত্তিকা খুব রসাল থাকে। বর্ষা যত  
 কমিয়া আসিতে থাকে, পাহাড়ের জল কত কমিয়া আসে, নদীও  
 ক্রমে নামিয়া যায়। নদীর জল হটিয়া যাইবার সঙ্গে স্বেচ্ছায়  
 জল বাহির হইয়া যায়—মৃত্তিকার রসাধিক্য হ্রাস প্রাপ্ত হইতে  
 থাকে। নদীকূলবর্তী যে সকল ভূমির মৃত্তিকা লঘু বা বেলে  
 বা দোঁকোশ, নদী জলের হ্রাস বৃদ্ধির সহিত তাহাদিগের মধ্যেও  
 রসের হ্রাস বৃদ্ধি হইয়া থাকে। বর্ষাকাল না হইলেও মৃত্তিকার  
 গঠন বিশেষে নদীর জোয়ার ভাঁটার সহিত নদ-নদী সম্মিহিত  
 ভূমি ও ভূগর্ভ মধ্যে বহু জলের সমাবেশ হয়। কয়েক বৎসর  
 পূর্বে বরিশালে থাকিতে দেখিতাম—জোয়ারের সময় বরিশাল নদীর  
 জল বৃদ্ধি হইলে সহরের ডাবৎ পুকুরিণী ও ভোবা জলে পূর্ণ হইয়া  
 বাইত, অধিক কি—রন্ধনশালার উনানেও জল উঠিত। বলা বাহুল্য—

এই জল ভূমির উপর দিয়া না আসিয়া ভূগর্ভ ভেদ করিয়া আসিত এবং নদীতে ভাঁটা পড়িলে তৎসমুদায় জল স্বতঃই নামিয়া বাইত। অধ্যায়ান্তরে যে ছিদ্রপথের (capillary tubes) কথা বলা হইয়াছে, উক্ত জল তাহারই ভিতর দিয়া বাতায়িত করিত। উনানের ভিতর জোয়ার-ভাঁটা দেখিয়া বাস্তবিকই আমার কৌতূহলের উত্থেক হইয়াছিল। মাটির ভিতর দিয়া জল চলাচলের সহজ উপায় থাকাতে ভূগর্ভস্থিত সূক্ষ্ম ও সার পদার্থ নদীর জলের বেগ বশতঃ উপরে উঠিয়া পড়িত। এতদ্ব্যতীত নদীর নূতন সারপূর্ণ জল পাইয়া ভূমি প্রতিনিয়ত উর্বরতা লাভ করিত। এই কারণেই বরিশালের ক্ষেত্র সমূহ এত উর্বরা এবং তথাকার পাছ-পালা সম্বন্ধে অধিকতর তেজাল ও শ্রী সম্পন্ন। তথাকার গাছ-পালা সম্বন্ধে অধিক কি বলিব! এক একটি ডোদো-খাড়া ৭৮ হাত লম্বা! অনেক স্থানে পাট গাছও তত দীর্ঘ হয় না।

নদী জলের মধ্যে উদ্ভিদাহারোপযোগী অনেক পদার্থ থাকে।

নদীজল                      অপরাপর ঋতু অপেক্ষা বর্ষাকালের ঘোলা জল  
অধিক সারবান। বর্ষাকালে ক্ষেত-পাথর-বিধৌত

জল আসিয়া নদীতে মিলিত হয়। ক্ষেত-পাথর ও মাঠ-ঘাটে কত প্রাণীজ ও উদ্ভিজ্জ পদার্থ পতিত থাকে তাহার সীমা নাই। সেই সকল আবর্জনা,—মাছ, পশু-পক্ষী কীট-পতঙ্গ প্রভৃতির পূরীষ, যুত-জীবদেহাবশিষ্ট, গাছের ডালপালা, পাতা, ফল-ফুল, শিকড় প্রভৃতি—ক্ষেত্র বিধৌত হইয়া নদীতে গিয়া সম্মিলিত হয়। নদী জলের উর্বরতার ইহা একটা বিশেষ কারণ। জোয়ারের সময় সমুদ্রের অনেক সার পদার্থ নদীর মধ্যে প্রবেশ করে এবং সেই জল ক্ষেত্রে প্রবেশ করিলে মৃত্তিকার উর্বরতা বৃদ্ধি পায়। লবণাক্ত জল আসিলে ক্ষেত্রের ক্ষতি হইয়া থাকে। বাহারি কৃষিকার্যের জন্য নদীর জল

বন্ধন মৃত্তিকা মধ্যে রস সঞ্চিত থাকিতে পারে। মৃত্তিকা সরস থাকিলে উত্তাপ দ্বারা তাহার বিশেষ কার্য্য হইয়া থাকে। বেলে মাটির বর্ণ শুভ্র বলিয়া উহার উত্তাপ আহরণ করিবার শক্তি আদৌ নাই বলিলেই হয়, সুতরাং উহাতে যতই কিরণপাত হউক, ভূগর্ভে উত্তাপ প্রবেশ করিতে পারে না, ভূগর্ভ মধ্যে উত্তাপেরও অধিক সঞ্চায় হয় না, তবে যে ঐদৃশ মাটিতে বৃক্ষাদি জন্মে তাহার কারণ, উহা একেবারেই বালুকা নহে। মৃত্তিকায় আরণ্য উপকরণ যৎসামান্যও থাকে, তন্নিবন্ধন রস ও থাকে। ভূমিতে বালুকা ভাগের অল্পাধিক্যেহেতু মৃত্তিকা অল্পাধিক শুভ্র হইয়া থাকে। লালভ মাটিতে যথারীতি আবাদ হয়। ইহাকে ধূসর বা মশি বর্ণের করিতে হইলে জমিতে যথেষ্ট উদ্ভিজ্জ সার প্রদান করা উচিত।

ক্ষেত্রে কাঁচা উদ্ভিদের পাড়ন দিলে মৃত্তিকার বর্ণ ও প্রকৃতি পরি-  
 বর্ত্তিত হয়। পাড়ন দিতে হইলে ক্ষেত্রকে যথানিয়মে  
 মৃত্তিকার কর্ষণাদি করিয়া অতিশয় ঘন করিয়া কোন ফসল  
 বর্ণ সংস্কার বুনিতে হয়। অতঃপর অঙ্কুরিত গাছগুলির গোড়া

হরিষ্ণ থাকিলে পুনরায় জমিকে কর্ষণ করিয়া তাবৎ গাছকে মাটির সহিত মিশাইয়া দিতে হয়। ক্রমে সেই সকল গাছ পচিয়া মাটির সহিত মিশিয়া যায়। উক্ত পাড়নকে হরিৎসার (green manuring) দেওয়া কহে। মৃত্তিকার অভাব বুঝিয়া একাধিক বার পাড়ন দিতে পারা যায়। হরিৎসারের উদ্দেশ্যে যে কোন ফসলের বা আগাছার আবাদ করিতে পারা যায়। পল্লীগ্রামে ‘চকোর’ নামক আগাছা চৈত্র-বৈশাখ মাসে প্রভূত পরিমাণে আপনা হইতে জন্মিয়া থাকে। কার্ত্তিক-অগ্রহায়ণ মাসে ইহাদিগের বীজ হয়। উক্ত বীজ সংগ্রহ করিয়া মাঘ-ফাল্গুন মাসে বপন করিলে বৈশাখ মাস মধ্যে তজ্জাত গাছ সমূহকে হলচালনা দ্বারা

ভূশায়ী করিতে পারা যায়। অতঃপর দুই চারি পসলা বৃষ্টি পাইলেই তৎসমুদায় বিগলিত হইয়া মৃত্তিকায় মিশিয়া যায়। চাকুন্দে, হাকুচ, শণ, নীল, বুট, আতুসী, মাট কলাই প্রভৃতিও বুনিতে পারা যায়। কেবল যে মৃত্তিকার বর্ণকে পরিবর্তন করিবার জন্য হরিৎসারের ব্যবস্থা আছে তাহা নহে। উদ্ভিজ্জ-হীন তাবৎ জমিতেই উল্লিখিত প্রণালীতে সার দিতে পারা যায়। মৃত্তিকা কৃষ্ণাভ হইলে তজ্জাত উদ্ভিদগণ আরামে থাকে। শুভ্র বা শ্বেতাভ বর্ণের মাটিতে যে সকল ফসল জন্মে তাহারো রৌদ্রের সময় সহজে বিমর্ষ ভাব ধারণ করে, বহু গাছে রুমাইয়া পড়ে। ঈদৃশ শ্বেত মৃত্তিকার মাটির উপরে যে উত্তাপ পতিত হয়, তাহা শোষিত হইতে না পারিয়া প্রত্যাখ্যাত হয়—তাহা পূর্বেই বলিয়াছি। দূর হইতে প্রত্যাখ্যাত উত্তাপকে কম্পমান বলিয়া মনে হয়। উক্ত প্রত্যাখ্যাত উত্তাপে উদ্ভিদ বান্ খাইয়া যায়, উদ্ভিদের রস শুষ্ক হইয়া যায়। কৃষ্ণাভ মৃত্তিকায় ইহা দেখা যায় না। প্রথর রৌদ্রের দিনে বাগান-বাগিচায় কোমল প্রকৃতি উদ্ভিদের গোড়াকে সার দিয়া ঢাকিয়া দিবার ব্যবস্থা আছে। এইরূপে গোড়া ঢাকিয়া দেওয়াকে ‘আবৃতি’ Mulching) কহে। উক্ত আবৃতির জন্য অর্দ্ধবিগলিত পাতাসার কিম্বা গোবরাদি প্রাণীজ-সার সচরাচর ব্যবহৃত হইয়া থাকে। আবৃতি দ্বারা আরও অনেক ও বিশিষ্ট উপকার পাওয়া যায়—অধ্যায়ান্তরে তাহা বলিব।

---

## উনবিংশ অধ্যায়

—:—

ভূমির জলমগ্নতা, শৈত্যতা প্রভৃতি দূরীকরণার্থ পয়ঃপ্রণালী, পুষ্করিণী

সেচন সংজ্ঞা

বা কৃপ খনন করা যেরূপ প্রয়োজন, ভূমিকে সরস

রাখিবার জন্ত ক্ষেত্রে জল আনিবার বা সঞ্চিত

রাখিবার ব্যবস্থা করা ঠিক সেইরূপ বা ততোধিক আবশ্যক। মাটিতে যথেষ্ট রস না থাকিলে উদ্ভিদগণ যে সূচাঙ্গরূপে বর্দ্ধিত হইতে পারে না তাহা বারম্বার বলিয়াছি স্ততরাং সে সম্বন্ধে কিছু বলিবার আর প্রয়োজন দেখা যায় না। ভূমিতে যথা পরিমাণ রস না থাকিলেই কৃত্রিম উপায়ে মাটিকে সরস করিতে হয়। জলের স্ববন্দোবস্ত না থাকায় ভারতবর্ষে লক্ষ লক্ষ বিঘা ভূমি অনাবাদে পতিত আছে, ইহাতে প্রজাসাধারণের ক্ষতি—গবর্ণমেন্টের ও ক্ষতি। এই সকল পতিত জমি আবাদে পরিণত হইলে স্থানীয় অপর জমির খাজনার হার কমিয়া যাইতে পারে, অনেকে জমি গ্রহণ করিতে পারে এবং যাহাদিগের ক্ষেত-খামার আছে, তাহারা আবাদ বাড়াইতে পারে। যে দেশে জল সেচনের স্ববন্দোবস্ত আছে তথাকার নীরস জমি পড়িয়া থাকিতে পায় না। আবাদী ক্ষেত্রেও সময় বিশেষে ও ফসল বিশেষের জন্ত জল সেচন করিতে হয়। সুবৃষ্টির বৎসর হইলে আমাদিগকে ধান, মাড়ুয়া, প্রভৃতি বর্ষাকালের ফসলের জন্ত ক্ষেত্রে জল সেচন করিবার প্রয়োজন হয় না কিন্তু অল্প বর্ষার অভাব হইলে বর্ষাকালেও ক্ষেত্রে জলসেচন করা একান্ত আবশ্যক হইয়া উঠে। যেখানে জলসেচনের কোন বন্দোবস্ত নাই সেখানে বৃষ্টির অভাব হইলেই ফসল নষ্ট হইয়া যায়,—অনেক বৎসর কৃষকগণ চারা রোপণ করিতেও



পারে না, কিন্তু স্ব্থের বিষয়,—আজকাল গবর্ণমেন্টের স্থানে স্থানে দীর্ঘ খাল খনন করিয়া কৃষিকার্যের বিশেষ সুবিধা করিয়া দিতেছেন, এজন্ত গবর্ণমেন্টের নিকট আমরা বিশেষ কৃতজ্ঞত। এতদুদ্দেশ্যে গবর্ণমেন্টকে প্রতি বৎসর লক্ষ লক্ষ টাকা ব্যয় করিতে হইয়াছে। এতদ্ব্যতীত ভারতে ন্যূন কল্পে প্রায় চারি লক্ষ্য কুপ আছে এবং তদ্বারা ষাট লক্ষ বিঘা জলের সরবরাহ হইয়া থাকে। ইটালি দেশে যত নদী আছে তৎসমুদায়ই প্রায় গবর্ণমেন্টের কর্তৃত্বাধীনে এবং কৃষিক্ষেত্রে জল সরবরাহের জন্তই তাহা ব্যবহৃত হইয়া থাকে। মিশর দেশে এতই অধিক খাল যে নীল নদের এক দশমাংশ জলও ভূমধ্যে সাগরে গিয়া পৌঁছিতে পারে না। স্পেন, জার্মানি, ফ্রান্স, ইংলণ্ড, স্কটলণ্ড, আজের্শ্চিনা, বেলজিয়ম, সুইজলণ্ড, ডেনমার্ক, অষ্ট্রিয়া, আমেরিকার যুক্ত-রাজ্য ও অষ্ট্রেলিয়া মহাদেশে কৃষিকার্যেপলক্ষে খাল-বিলের নিয়মিত ব্যবস্থা আছে। জাপানে যে নাই তাহা নহে। ভারতবর্ষ, ইটালি ও মিশরে সেচিত জলে কত ভূমি আবাদ হয়, নিম্নে তাহার তালিকা দেওয়া গেল।

ভারতবর্ষ.....৭৫,০০০,০০০ বিঘা

ইটালি.....১০,১০০,০০০ ঐ

মিশর .....১৮,০০০,০০০ ঐ

বিঘার হিসাব ধরিলে ভারতবর্ষ প্রথম, মিশর দ্বিতীয়, এবং ইটালি তৃতীয় স্থান পাইয়া থাকে কিন্তু ইটালি ও মিশরের তুলনায় ভারতবর্ষ বহুগুণ বৃহদায়তন দেশ, সুতরাং ভারতবর্ষে উহার চতুর্গুণ কুপ হইলেও কুলায় না।

সমগ্র বঙ্গদেশ মধ্যে কেবল দুইটা খাল আছে,—একটা উলুবেড়িয়া হইতে মেদিনীপুর অঞ্চলে, অত্র কলিকাতার বাগবাজার হইতে ভান্ডোড়

অঞ্চলে গিয়াছে। বর্ধমান, বাঁকুড়া, সাঁওতাল পরগণা, মানভূম, সিংভূম, ভাগলপুর, পাটনা, প্রভৃতি জেলায় খালের আদৌ কোন বন্দো-  
বস্ত আজ পর্য্যন্ত হয় নাই। সমগ্র দেশ ব্যাপিয়া প্রতিনিয়ত যেরূপ  
জলাভাব হইতেছে, তাহাতে দৈবের উপর নির্ভর করিলে আর চলে  
না, এজন্য দেশের মধ্যে নানা স্থানে খাল খনন করা বিশেষ প্রয়োজন  
হইয়া উঠিয়াছে। খাল খনন করিতে বিপুল ব্যয় আছে সত্য, কিন্তু  
সে ব্যয়ের ফলে গবর্ণমেন্ট বৎসর বৎসর প্রজাদিগের নিকট হইতে  
জলের মূল্য ও নৌকাদি যাতায়াতের মাঙ্গুল বাবতে বহু অর্থ আদায়  
করিতে পারেন। ইহাতে গবর্ণমেন্টের বহু দিকে লাভ হইবে। প্রথম  
লাভ—উল্লিখিত বাবতে, দ্বিতীয় লাভ,—দেশ মধ্যে দুর্ভিক্ষ অন্নকষ্ট ও  
তাহাদের নিত্য সহচর বিস্মৃতিকা, মহামারী প্রভৃতি বিরল হইবে,—  
গবর্ণমেন্টকে প্রতিবৎসর অন্নসত্র খুলিতে হইবে না,—রাজস্ব রেহাই  
দিতে হইবে না ইত্যাদি। প্রজাপক্ষের লাভ,—বৃষ্টির জন্ত অপেক্ষা  
করিতে হইবে না, ক্ষেত্র শস্যশালিনী হইবে; প্রজার সচ্ছন্দতা বৃদ্ধি  
পাইবে, প্রজার শ্লগদায় হ্রাস প্রাপ্ত হইবে। অতঃপর, সমগ্র জন সমাজের  
লাভ—দেশের ধন বৃদ্ধি হইবে।

মৃত্তিকাকে সরস করিবার জন্ত ক্ষেত্রে জল সেচন করিতে হয়।

ভূগর্ভে যথেষ্ট রস আছে স্বীকার করি, কিন্তু সে রস  
সেচনের উদ্দেশ্য

দ্বারা সকল প্রয়োজন সুসিদ্ধ হয় না। বান্ধালা,  
আসাম প্রভৃতি যে সকল প্রদেশে সমধিক বারিপাত হইয়া থাকে, তথায়  
বর্ষাকালের ফসলের জন্ত বহু জেলাতেই জল সেচনের প্রায় আবশ্যক  
হয় না কিন্তু রবি বা হৈমন্তিক ফসলের সময় মধ্যে মধ্যে বৃষ্টি না হইলে  
উপরিভাগের মাটি বড়ই রসহীন হইয়া থাকে, এরূপ অবস্থায় ক্ষেত্রে  
সেচন করা আবশ্যক হয়। মৃত্তিকার ঈষৎ সিক্ত বর্ণ দেখিয়াই সঙ্কট

হইলে চলিবে না, মৃত্তিকা যথেষ্ট সরস না হইলে উদ্ভিদকে কায়ক্ৰেশ জীবনধারণ করিতে হয়। যে মানুষ প্রতিদিন এক সের সামগ্রী ভক্ষণ করিতে পারে, তাহাকে এক পোয়া দিলে সে জীবিত থাকে—মরে না, কিন্তু তাহার সে জীবন অতিশয় ক্রেশকর হইয়া থাকে এবং সে নানা রোগের আধারস্বরূপ হইয়া জীবন ধারণ করে। উদ্ভিদের পক্ষেও তাহাই। নাম মাত্র রসে উদ্ভিদ জীবিত থাকিতে পারে ও জীবিত থাকে কিন্তু তাহার বৃদ্ধি ও পরিপুষ্টির নিমিত্ত মাটিতে প্রচুর রস থাকা আবশ্যক। শুষ্ক ভূমিস্থ কোন একটি গাছের গোড়ায় এক দিনও যদি প্রচুর পরিমাণে জল দেওয়া যায়, তাহার ফল হাতে-হাতে প্রত্যক্ষ দেখিতে পাওয়া যায়। অতঃপর—

জল-সেচন দ্বারা মৃত্তিকাস্তরগত উদ্ভিদের আহাৰ্য্য পদার্থকে আহরণের উপযোগী করিয়া দেওয়া হয়। উদ্ভিদগণ প্রাণ ধারণের জন্ত জলই অধিক পরিমাণে আহরণ করে। জল বা রস যতই নিম্নল হউক, তাহার সহিত উদ্ভিদের আহাৰ্য্য পদার্থ থাকিবেই। এ স্থলে ইহাও বলিয়া রাখি যে, উদ্ভিদগণ সচ্ছ জলই আহরণ করে। মূলস্থিত ছিদ্র সমূহ এতই ক্ষুদ্র যে তাহাতে ঘোলা জল প্রবেশ করিতে পারে না। জলের মধ্যে যে সকল সূক্ষ্ম অবিভাজ্য পদার্থ থাকে তাহাই উদ্ভিদগণ আহরণ করিতে পারে, তদপেক্ষা সামান্য হইলে পড়িয়া থাকে। অতঃপর ক্রমে বিগলিত, বিল্লিষিত ও বিচূর্ণীত হইয়া উল্লিখিত অবস্থায় পরিণত হইলে, তবে ভবিষ্যতে উদ্ভিদের আহরণোপযোগী হয়। কিয়ৎ পরিমাণ ঘোলা জলকে বারম্বার উত্তমরূপে মোটা কাপড় দ্বারা ছাকিয়া একটা শিশি বা বোতল মধ্যে রাখিয়া তাহাতে একটা গাছ বা গাছের ডাল বসাইয়া রাখিলে দেখিতে পাওয়া যাইবে যে, জল কমিয়া যাইতেছে। উক্ত পাত্র একবারে জলহীন হইলে তাহার তলায় মাটি পড়িয়া আছে

দেখা যায়। এতদ্বারা বুঝা যায় যে, উদ্ভিদ স্থূল মাটি বর্জজন করিয়া কেবল সূক্ষ্মাদিসূক্ষ্ম পদার্থ আহরণ করিয়াছে। সুতরাং অধিক জল আহরিত হইলে, সেই সঞ্চে অধিক পরিমাণে আহাৰ্য্য পদার্থ ও আহরিত হইবে—ইহা সহজেই বুঝিতে পারা যায়। উদ্ভিদ যতই রস আহরণ করুক তৎসমুদায়ই পত্র দ্বারা বর্জজন করে। তবে উদ্ভিদের এরূপ বেগার খাটিয়া লাভ কি? পূর্বেই বলিয়াছি, উদ্ভিদগণ ভূগর্ভ হইতে জল উত্তোলন করিবার পম্প (Pump) নামক যন্ত্রস্বরূপ। মৃত্তিকা হইতে রস আহরণ করিয়া বায়ুমণ্ডলকে প্রদান করা উহাদিগের পক্ষে বদান্ততা হইতে পারে, কিন্তু স্বকীয় জীবনধারণের পক্ষে অমুকূল নহে। এই জন্য রসের সহিত আহাৰ্য্য পদার্থও উদ্ভিদ-শরীরে প্রবেশ করে এবং তাহাই উদ্ভিদ-শরীরে থাকিয়া যায় এবং জল বা রস বাষ্পাকারে বাহির হইয়া যায়। নীরস ভূমির গাছ যে বাড়ন্ত হয় না—রসের অপ্রাচুর্য্য তাহার কারণ।

সেচিত জল দ্বারা ভূমির উর্বরতা বৃদ্ধি পায়। কোন কোন জলা-  
 সেচিত জল, না শয়ের জল লবণাক্ত বা কষা বা অন্য আশ্বাদের হইয়া থাকে, তদ্বারা উদ্ভিদের ক্ষতি হইতে পারে। এস্থলে  
 তরল সার তাদৃশ জলের কথা বলিতেছি না। উল্লিখিত প্রকারে  
 দুষিত জল তাহা আদৌ সেচন করা উচিত নহে। যাহা হউক, এইরূপে  
 সেচিত জলের সহিত যে সকল পদার্থ আসিয়া পড়ে তদ্বারা ক্ষেত্র  
 উর্বর হয়। সেচিত জলকে কিম্বা জল মাত্রাকেই তরল সার (Liquid manure) বলা যাইতে পারে। নদীর জল আরও অধিক সারবান, কারণ তাহাতে ক্ষুদ্র পরমাণু ও উদ্ভিদাহার বহু পরিমাণে বিद्यমান থাকে। যে সকল ক্ষেত্র নদী বা খালের জল দ্বারা সেচিত হয় কিম্বা জমি বন্যায় প্রাবিত হয়, তৎসমুদয় সাধারণ জমি অপেক্ষা সারবান

হইয়া থাকে। পূর্বাধ্যায়ে ‘নদী-জল’ প্রসঙ্গে ইহা আলোচিত হইয়াছে।

নীরস জমি সারবান হইলেও কোন ফল নাই। জলসেচন করিলে

ভূগর্ভস্থ অবিল্লিষ্ট ও অগলিত পদার্থ সমূহ শীঘ্র বিল্লিষ্ট  
উর্বরতা রক্ষা

হইয়া উদ্ভিদের ব্যবহারোপযোগী হয়। শুষ্ক ভূমিতে

জলসেচনের ইহাও একটি বিশেষ ফল—ক্ষেত্রের উর্বরতা রক্ষার একটি বিশেষ উপায়। জলসেচনে লবণাক্ত মাটির লবণ ভূমির নিম্ন দেশে নামিয়া যায়। লবণাক্ত ভূমিতে গ্রীষ্ম কালেই লবণ ফুটিয়া থাকে অর্থাৎ ভূপৃষ্ঠোপরি প্রকাশ পায়। ঐদৃশ অবস্থায় তজ্জাত ফসলের অনিষ্ট হয়। যে সকল জমিতে লবণ, সোরা বা সাজিমাটি থাকে, তাহাতে জলসেচন করিলে এই জন্য বিশেষ উপকার হয়।

জলসেচন করিবার পক্ষে পড়ন্ত বেলা উৎকৃষ্ট সময় ;—তখন রৌদ্রের

প্রথরতা কম থাকে এবং তাহাও ক্রমশঃ সন্ধ্যা সমা-  
সেচনের সময়

গমে অন্তর্হিত হয়। এ সময়ে জলসেচন করিলে

সেচিত জল অধিক শুকাইয়া যাইতে পারে না, তন্নিবন্ধন প্রায় সমগ্র জলই ভূমিতে শোষিত হইতে পায়। সকালে সেচন করিলে বহু পরিমাণ জল রৌদ্রে ও বাতাসে শুকাইয়া যায়, তাহাতে যথেষ্ট আর্থিক ক্ষতি হয়,—অনেক সময়ও নষ্ট হয়। সকল স্থলে ও সকল সময়ে এ নিয়মে কাজ চলে না, কাজেই সুবিধামুসারে কার্য্য সমাধা করিতে হয়। আর এক কথা। বর্ষাকালে কোন কোন বৎসর যথাসময়ে বৃষ্টি না হইলে ক্ষেত্রে ছেঁচ দিতে হয়। আশু বৃষ্টির আশা থাকিলে কিম্বা আকাশ মেঘাচ্ছন্ন থাকিলে আপাততঃ সেচন কার্য্য স্থগিত রাখা ভাল। জল সেচিত হইবার পর বৃষ্টি হইলে ভূমি অতিশয় আর্দ্র হইয়া যায়, মাটি শুকাইতে বিলম্ব হয়, ভূগর্ভের উত্তাপ কমিয়া যায়, ও তন্মধ্যে ভৌতিক ক্রিয়াদির ব্যাঘাত হয়, সুতরাং সে সময়ে সেচন না করিয়া বৃষ্টিকাল পর্য্যন্ত

অপেক্ষা করিতে হয়। বৃষ্টির পরেও মাটিকে শুষ্ক মনে হইলে জলসেচন করিতে পারা যায় কিন্তু সেচনের পূর্বে জমিকে উন্কাইয়া না লইয়া ভূমিতে অধিক জল শোষিত হয় না,—ক্ষেত্রের স্থানে স্থানে জল দাঁড়াইয়া থাকে। ইতোমধ্যে রৌদ্রে বা বায়ুতে অনেক জল শুকাইয়া যায়। যাহাতে শ্রম ও অর্থ ব্যয় পণ্ড না হয়, তাহার প্রতি দৃষ্টি রাখা বিশেষ প্রয়োজন। মাটিতে রস থাকা প্রয়োজন বলিয়া অপরিমিত জলসেচন করা কর্তব্য নহে। যে পরিমাণ জল ভূমিতে শোষিত হইতে পারে ঠিক সেই মত সেচন করাই বিধেয়। মাটি ঝুরা থাকিলে সহজেই রস শোষিত হয়, নতুবা ক্ষেত্রের কোন অংশে অধিক—আবার কোন অংশে অল্প—জল ভূমিতে প্রবেশ করে, তন্নিবন্ধন ক্ষেত্রের সকল স্থানের মাটি সমভাবে রসাল হয় না—তজ্জাত উদ্ভিদগণ সকল স্থানে সমভাবে বর্দ্ধিত হয় না। প্রতিবার জলসেচনের পর মাটিতে ‘ঘো’ হইলে পৃষ্ঠদেশের মাটিকে উত্তমরূপে উন্কাইয়া চূর্ণ করিয়া দেওয়া আবশ্যক। সেচনের পর জল শুকাইতে থাকে, ভূমির পৃষ্ঠদেশ তত ফাটিয়া যায় কিন্তু ভূমিকে অধিক ফাটিতে না দিয়া ‘ঘো’ পাইবামাত্র মাটি উন্কাইয়া ঝুরা করিয়া দেওয়া অপেক্ষা জলসেচন করা অনেক সহজ ও অল্প ব্যয়সার্থক, কিন্তু তাহা বলিয়া ক্ষেত্রকে সরস রাখিবার জন্য অপরিমিত বা ঘন ঘন জলসেচন করা উচিত নহে। জলসেচন দ্বারা মাটিকে ভিজ্রা রাখিয়া নিড়ানী, খুরপী বা কুদালনের দায় হইতে নিষ্কৃতি পাওয়া যায় না।

জলসেচন একটা বিশেষ কার্য। এ বিষয়ে অভিজ্ঞতা না থাকিলে

কোন জমিতে কত জল দেওয়া উচিত, একবার জল  
সেচনের নিয়ম

সেচন করিলে পুনরায় কতদিন পরে জলসেচন করা

আবশ্যক ইত্যাদি অনেক বিষয়ে বিশৃঙ্খলা ঘটিবার সঙ্কবনা। অতিরিক্ত

বা ঘন ঘন জল দিলে ভূমির উপর সর পড়ে ও সেওলা ধরে। তাহা ব্যতীত ভূগর্ভে বায়ু প্রবেশ করিতে পারে না, ভূগর্ভে উত্তাপ থাকে না এবং উত্তাপের অভাবে জীবাণুগণ মরিয়া যায়। এরূপ অবস্থায় উদ্ভিদগণের বৃদ্ধিও স্থগিত হয়, হয়ত পত্র সমূহ বিবর্ণ ও স্থলিত হইয়া পড়ে। জল সেচন দ্বারা ক্ষেত্রের উপরিভাগের এক বিতস্তি মৃত্তিকা ভিজাইয়া দিলেই যথেষ্ট হইতে পারে। পৃষ্ঠদেশের এক বিতস্তি নিম্ন পর্য্যন্ত সরস থাকিলে, উক্ত যে রস নিম্নস্তরের (sub soil) সহিত সংযুক্ত হয়, ফলতঃ ভূগর্ভের রস শুষ্ক হইতে পায় না। বিনা সেচনে আবাদ করিলে ভূগর্ভের ভিতর অনেক দূর পর্য্যন্ত নীরস হইয়া যায়। অনন্তর কৰ্ষণাভাবে মাটি ফাটিয়া গেলে, ফাটলের মধ্যে বাষ্প ও সূর্যোত্তাপ অবাধে প্রবিষ্ট হইয়া ভূগর্ভকে আরও নীরস করিয়া দেয়, মাটির চাপ সকল কঠিন হইয়া যায়—অবশেষে তদুপরিস্থ গাছ মরিয়া যায়। ধাত্ত-ক্ষেত্রের জল শুকাইলে বড় বড় ফাটল দেখা দেয়, তাহাতে যে ফসল থাকে তাহার কোন আশা থাকে না। এ অবস্থা ঘটিলে পূর্বে ক্ষেত্রে জলসেচন করিতে পারিলে ভালই হয়, কিন্তু সে সুবিধা-স্বযোগ না থাকিলে শুকনা-আবাদ প্রণালীর অনুসরণ করা উচিত। ‘শুক আবাদ’ অধ্যায়ান্তরে আলোচনা করিব। জলসেচনের নিয়ম যখন লোকে সম্যক্রূপে বুঝিতে পারিবে তখন অল্প জল ব্যবহার করিবে, তাহাতে খরচ অনেক হ্রাস পাইবে।

বড় বড় অনেক সহরে আজ কাল পাকা ড্রেণ হইয়াছে। সেই সকল ড্রেণ দিয়া সহরের তাবৎ জল নিকাশ হইয়া ময়লা জল থাকে। উক্ত জলে বহুবিধ সার পদার্থ থাকায় উহা উদ্ভিদের পক্ষে বিশেষ উপকারী। উহার মধ্যে লোকেব বাড়ীর রন্ধনশালা, স্নানাগার, পাইখানার আবর্জনা, অশ্বশালা, গো-শালা, নানাবিধ কল-

কারখানা, বাজারের আনাজ-বনাজ, মাছমাংস, মহাজনদিগের গুদামের জঞ্জালাদি কত জিনিস থাকে তাহার সংখ্যা করা যায় না। তাহা ব্যতীত কষাইখানার রক্ত, মৃত মূষিক, গন্ধমূষিক, কত কীট পতঙ্গ সেই জলের সহিত মিশ্রিত থাকে। এইজন্ত সহরের ময়লা জল ক্ষেত্রের উর্বরতা সাধন করিবার পক্ষে অমূল্য সামগ্রী। এই জল যাহারা সঞ্চয় করিয়া ক্ষেত্রে ব্যবহার করিতে পারেন তাঁহাদিগকে অগ্র সার ব্যবহার করিতে হয় না। পল্লীগ্রামে ড়েণ নাই বটে কিন্তু সকল বাড়ী হইতে ময়লা জল সংগ্রহ করিতে পারা যায়। যে সকল স্থানে ময়লা জল পতিত হয়, সেই সেই স্থানে এক একটা চৌবাচ্ছা বা বড় গামলা রাখিয়া দিলে সমুদয় জল সেই স্থানে গিয়া সঞ্চিত হয় এবং পাত্র পরিপূর্ণ হইলে কিম্বা প্রয়োজন-মতে লইয়া ব্যবহার করিতে পারা যায়। এক্ষণে প্রায় সকল ময়লা জলই ঘর বাড়ীর পার্শ্বে বা সন্নিহিত আন্তাকুঁড়ে পতিত হয় ও সেইখানে শোষিত হয়। এই স্থানের মাটি খুব সারাল হইয়া থাকে। সময়ে সময়ে সেই স্থানের মাটি কাটিয়া লইয়া বাগান-বাগিচায় ব্যবহার করিলে বিশেষ ফল পাওয়া যায়। এই সকল ময়লা জলকে Sewage কহে। ইয়ুরোপ ও আমেরিকার যুক্ত-রাষ্ট্রে ময়লা জল প্রায় অপচয় হইতে পায় না—চাষবাসের জন্ত ব্যবহৃত হইয়া থাকে। সামান্য চেষ্টা ও উদ্যোগভাবে আমরা কত জিনিস নষ্ট হইতে দিতেছি। স্ব স্ব বাড়ীর আবর্জনা,—জলীয় হউক বা শুষ্ক হউক—রক্ষা করিতে কোন ব্যয় নাই, বিশেষ পরিশ্রমও নাই। নগণ্য ও পরিত্যক্ত সামগ্রী দ্বারা কত উপকার পাওয়া যায়, কত আর্থিক লাভ হয় তাহা একবার ভাবিয়া দেখিলে উহাকে কেহ অপচয় হইতে দিবে না—ইহা নিশ্চিত। অস্পৃশ্য পদার্থ রাশিকে ক্ষেত্রে বা উদ্যানে প্রসারিত করিয়া দিলে কত উপকার পাওয়া যায়, সকলের এক বার তাহা পরীক্ষা করা উচিত।



যে সকল উচ্চ প্রদেশে, ও উচ্চ বা গড়েন অথবা কিম্বা নীরস  
 রস রক্ষার্থে ভূমিতে জলসেচন করিবার কোন সুযোগ নাই তথাকার  
 রস না অধিক শুকাইতে পায়, তাহার ব্যবস্থা করিলে  
 বায়ুরোধ বিশেষ উপকার দর্শিয়া থাকে। এতদুপলক্ষে বিস্তীর্ণ  
 ক্ষেত্রের মধ্যে দূরে দূরে ঔদ্ভিদিক বেড়া থাকিলে বায়ুর গতিরুদ্ধ  
 হইয়া থাকে। বায়ুতে ক্ষেত্রের সমূহ রস টানিয়া লয়, তাহাতে  
 ভূগর্ভের অনেক দূর পর্যন্ত নীরস হইয়া যায়। ক্ষেত্রের চৌহদ্দিতে  
 ভেরেণ্ডা, জিওল, কাশনী, জিলেবী, চিতা বা অড়হর, এরণ্ড, তুঁত  
 প্রভৃতি অর্থকরী বৃক্ষের বেড়া থাকিলে ক্ষেত্র মধ্যে অধিক বাতাস  
 প্রবেশ করিতে পারে না অথচ উদ্ভিজ্জ সারেরও সংস্থান হয়। উপরন্তু  
 অর্থকরী উদ্ভিদ হইলে তাহা হইতে ফসল পাওয়া যায়। শীতকাল  
 ব্যতীত প্রায় অপর সকল ঋতুতে বেহার অঞ্চলে প্রবল বাতাস বহে,  
 তাহাতে ক্ষেত্রের রস বড় শুকাইয়া যায়। সেই জন্য অনেকে ক্ষেত্রের  
 বা বাগানের চারিদিকে ঘন করিয়া শিশু বৃক্ষ রোপণ করিয়া থাকে।  
 শিশু বৃক্ষ বসন্তকালে তাবৎ পত্র বর্জন করে। উক্ত বর্জিত পত্র  
 দ্বারা ভূমির যথেষ্ট উপকার হয়। তাহা ব্যতীত শিশুগাছকে এদেশে  
 প্রতি বৎসর কার্তিক মাসে শাখাহীন করিয়া ছাঁটিয়া দিবার নিয়ম  
 আছে। এই সকল সব শাখা প্রশাখাকে ‘ঝাঁকি’ কহে। ‘ঝাঁকি’  
 জালানী কার্য্য ব্যবহার্য্য হয়—ইহাও গৃহস্থের একটা বিশেষ লাভ।  
 অতঃপর সেই সকল গাছ পুরাতন হইলে তাহার কাষ্ঠে নানাবিধ  
 আসবাব নিশ্চিত হয়। যাহা হউক, যে সকল ক্ষেত্রে চাষ-আবাদ  
 হয়, তাহাতে এত দীর্ঘ বা শাখালগাছ পুতিলে জমিতে আওতা  
 হইয়া ফসলের অনিষ্ট করে। বাগান-বাগিচায় এ সকল গাছ  
 পুতিলে ক্ষতি হয় না। আবাদী ক্ষেত্রের পক্ষে অল্প-জীবী গাছই উপ-

যোগী, কিন্তু তাহা হইলেও ৪।৫ হাতের অধিক উচ্চ হইতে দেওয়া উচিত হয়।

মৃত্তিকার রসালতা সম্বন্ধে বাগান-জমি শ্রেষ্ঠ। বাগানে ছোট বড় নানাবিধ উদ্ভিদ রোপিত হয় বলিয়া তথাকার মাটিতে **উদ্যান ভূমির** অপেক্ষাকৃত অধিক রস থাকে। চৌ-চাপটে সমস্ত দিন **রসালতা** রৌদ্রাধীন থাকিলে যে কোন গাছই হউক, তাহার বৃদ্ধি ও ফলন ফুলন কিছু কম হয়। এ স্থলে দুই একটি দৃষ্টান্ত দিই। চক্ষের সম্মুখে রাখিয়া বিভিন্ন প্রণালীতে পরীক্ষা করিবার নিমিত্ত আমার বস-বাসের বাংলাতে, বিশেষ বিশেষ উদ্ভিদ রোপণ করিয়া থাকি। দুই একটি কার্পাস বৃক্ষ এমন স্থানে রোপিত আছে, যেখানে দ্বিপ্রহরের পর আর রোদ্র লাগে না, কোন সময় অবাধে বায়ুও প্রবাহিত হইতে পারে না। ইহাতে দেখিতে পাই, কৃষিক্ষেত্রের সহস্র সহস্র বৃক্ষ অপেক্ষা এই কয়টি গাছের বৃদ্ধিশীলতা যেরূপ অধিক, ফলনও সেইরূপ বা ততোধিক। ইহা হইতে স্পষ্ট প্রতিপন্ন হয় যে চৌ-চাপট রোদ্র বা অবাধ বায়ু অপেক্ষা ঈষচ্ছায়াযুক্ত ও প্রবল বায়ুহীন স্থান গাছপালার পক্ষে বিশেষ উপযোগী। মাঠ ময়দানে এ সকল সুবিধা পাওয়া যায় না বলিয়া স্থানীয় অবস্থার প্রতি নির্ভর করিতে হয়। রৌদ্রের ধর্ম—উদ্ভিদকে কথঞ্চিত খর্ব ও দৃঢ় করা এবং ছায়ার ধর্ম—লম্বিত ও কোমল করা। যথায় এতদুভয়ের সামঞ্জস্যতা রক্ষিত হয়, তথাকার উদ্ভিদ মধ্যবিধ প্রকারের হইয়া তদনুরূপ ফল ফুল প্রদান করে। উদ্যান মধ্যে রোদ্র ও ছায়া—এতদুভয়ের সামঞ্জস্যতা রক্ষা হয় বলিয়া উদ্যান-ভূমি অপেক্ষাকৃত সরস থাকে এবং তথাকার উদ্ভিদগণকে জীবন্ত মনে হয়।

## বিংশ অধ্যায়

—:—

সকলের ভাগ্যে সকল সুযোগ ঘটিয়া উঠে না। কাহারও ভূমি  
নিম্নতা হেতু অতিশয় আর্দ্র, কাহারও বা উচ্চ কিম্বা গড়েন  
শুক আবাদ  
বলিয়া নিতান্ত নীরস। এইরূপ প্রত্যেকেরই একটা না  
একটা আপদ আছেই, কিন্তু মানুষের বুদ্ধি আছে এবং তাহারই সাহায্যে  
সকল বিষ বাধা অতিক্রম করিবার উপায় উদ্ভাবিত হয়। যাহাদিগের  
জমি স্বভাবতঃ সিক্ত ও সমূহ বারিপাতের অধীন, তাহাদিগের একান্ত  
চেষ্টা,—যাহাতে মাটি শুকনা অথচ সরস থাকে। আবার যাহাদিগের  
ভূমি স্বভাবতঃ নীরস, রস-শোষণে অক্ষম তাহারাও চেষ্টা করে—যাহাতে  
জমি সরস থাকে। কারণবিশেষে ফলের স্বাতন্ত্র্যহেতু প্রতিষেধের ব্যবস্থাও  
বিভিন্ন। কিন্তু উভয়ের উদ্দেশ্য এক,—ভূমিকে সরস রাখা। কৃষ্ণ  
দেশে বা নীরস ভূমিতে জলসেচন করিবার উপায় না থাকিলে কিম্বা  
তাহা ব্যয়সাপেক্ষ হইলে জলসেচনের সঙ্কল্প পরিত্যাগ করিয়া অন্য উপায়  
অবলম্বন করিতে হইবে। বিনা জলে আবাদ করিতে আমরা অভ্যস্ত  
আছি। আমাদিগকে বিনা জলে অনেক কিম্বা অধিকাংশ ফসলেরই  
আবাদ করিতে হয়। উভয় বন্ধের মধ্যে পূর্ববঙ্গ ও আসাম—এই দুই  
প্রদেশে অধিক বারিপাত হইয়া থাকে কিন্তু তাহা হইলেও সে বারিপাত  
প্রতি বৎসর যথানিয়মে পরিচালিত হয় না। বিনা জলে আবাদ করিতে  
হইলে কৃষকে তিনটা বিষয়ের প্রতি বিশেষ লক্ষ্য রাখিতে হইবে।  
১ম,—স্বকর্ষণ; ২য়,—অন্তভূমির পরিচর্যা; ৩য়,—স্থানীয় মৃত্তিকা এবং  
হাওয়া সহনক্ষম ফসলের আবাদ।

স্বকর্ষণ সম্বন্ধে দ্বাদশ অধ্যায়ে আলোচনা করিয়াছি, তাহা হইলেও

এ স্থলে তৎসম্বন্ধে আরও কিছু বলা আবশ্যক বোধ  
 করিতেছি। ভূপৃষ্ঠকে যতটা গভীর করিয়া কর্ষণ করা  
 যায়, সমগ্র ক্ষেত্রকেই সেইরূপ গভীর করিয়া চাষ

দেওয়া আবশ্যক। অভিজ্ঞ ও মনোযোগী কৃষাণ ভিন্ন তাহা পারে  
 না। কর্ষণকালে উপরিভাগের মাটি খুরা ও সমতল হইতে  
 পারে কিন্তু নিম্নতল প্রায় সমতল হয় না। কৃষাণের দোষে প্রায়  
 এরূপ ঘটিয়া থাকে। কৃষাণ যদি লাঙ্গলের ‘মুঠ’ দৃঢ়ভাবে ধরিয়া  
 রাখিতে পারে অর্থাৎ কোন স্থানে ‘মুঠ’ আলগা বা কোন স্থানে  
 চাপিয়া না ধরে, তাহা হইলে নিম্নতল অনেকটা চৌরস হয়।  
 অবহেলা সহকারে লাঙ্গল ধরিলে আলগা মুঠ স্থলে লাঙ্গলবাহী  
 পশুগণ দ্রুতবেগে চলিয়া থাকে সুতরাং সেখানকার নিম্নতল ফালস্পর্শিত  
 হইতে পায় না, কিম্বা নামমাত্র স্পর্শিত হয়। অতঃপর, যে স্থানে  
 ‘মুঠ’ চাপিয়া ধরে, তথাকার নিম্নতল গভীরভাবে কর্ষিত হয়। এইরূপ  
 মুঠ ধরিবার দোষে পৃষ্ঠভূমির নিম্নতল আঁচড়ান স্থানের ত্রায় অসমতল  
 হয়। লাঙ্গলের ফাল স্খাল হইলে নিম্নতল গভীর ও ঘনরূপে কর্ষিত  
 হয় সুতরাং তাহাতে অল্পই খাঁজ হইতে পায়। খাঁজের অল্পতার উপর  
 নিম্নতলের সমতলতা নির্ভর করে। ছুঁট বা নূতন বলদে লাঙ্গল টানিলে  
 কর্ষণকালে অনেক স্থান এড়াইয়া যায় এবং তাহাতেও নিম্নতলের  
 অসমতলতা সংঘটিত হয়। ক্ষেত্রের বিস্তৃতি অনুসারে কর্ষণার্থ প্রথম  
 লাঙ্গলের পশ্চাতে একাধিক লাঙ্গল চলিয়া থাকে, তদ্বারা কাজ শীঘ্র  
 হয়, স্থান এড়াইয়া যাইতে পায় না। এতদ্ব্যতীত অনেকজন কৃষাণ  
 একত্রে থাকিলে অধিকক্ষণ কাজ করিতে পারে, উপরন্তু কাজ করিতে  
 কষ্ট অনুভব করে না। পশুগণ সম্বন্ধেও ঠিক সেই কথা, কারণ দেখা

যায়, কয়েকটা পশু একত্রে কাজ করিলে যেন অনেকটা স্বচ্ছন্দে কাজ করে। আমরাও অনেক কাজ পাঁচ জনে মিলিয়া করিলে তত ক্লেশ অনুভব করি না, বরং কাজে যেন সমধিক উৎসাহ হইয়া থাকে। যাহা ইউক, শুষ্ক-আবাদের জন্ত গভীর কর্ষণ নিতান্ত আবশ্যক। গভীর শুষ্ক-আবাদে বায়ু ও উত্তাপ অধিক প্রবিষ্ট হইলে অধিক দূর নিম্নের মাটি শুষ্ক হইবার আশঙ্কা আছে, কিন্তু তাহা রোধ করিবার জন্ত কর্ষিত ক্ষেত্রের উপরে ভারী চৌকী বা রুল দিতে পারিলে মাটি চাপিয়া যায়, তখন বাতাস বা রৌদ্র তন্মধ্যে অধিক দূর প্রবেশ করিতে পারে না। শুষ্ক আবাদের জন্ত যত ঘন করিয়া কর্ষণ করিতে পারা যায় এবং মাটি যত সুরা করিতে পারা যায় তাহার প্রতি বিশেষ লক্ষ্য রাখিতে হইবে।

নিম্নতলের কিরূপ পরিচর্যা করিতে হইবে সে সম্বন্ধে অধিক কিছু

নিম্নতলের

পরিচর্যা

বলিবার নাই। উপরিভাগের মৃত্তিকা উল্লিখিত

প্রণালীতে কর্ষিত হইলেই নিম্নতলের পরিচর্যা স্বতঃই

হইয়া থাকে। এতদবস্থায় নিম্নতলই প্রকৃতপক্ষে

আবাদ-ভূমি, উপরিভাগের মৃত্তিকা তাহার আবরণ মাত্র। উপরিতলের মাটি স্বকর্ষিত ও নিম্নতল স্রটোরস থাকিলে তাবৎ বৃষ্টির জল ভূগর্ভ মধ্যে শোষিত হয় এবং সেই জল ও দুপরিস্থ ফসল ক্রমে ক্রমে আহরণ করিয়া থাকে। শুষ্ক আবাদের সুবিধার্থ ভূমি হইতে বিন্দুমাত্র জলও বহির্গত হইতে দিতে নাই। অন্তর্ভূমি যাহাতে তাবৎ জল শোষণ করিয়া লইতে পারে, সে দিকে বিশেষ লক্ষ্য রাখা আবশ্যক। ক্ষেত্রে ফসল থাকিতে বৃষ্টি হইলে মাটি বসিয়া ক্রমে ফাটিতে আরম্ভ হয়। একরূপ সংঘটিত হইলে ধাত্ত গোধূমাদির ক্ষেত্রে বিদে দিবার পদ্ধতি আছে, কিন্তু চারা যখন ছোট থাকে তখনই বিদে দেওয়া হইয়া থাকে, গাছ

বড় হইয়া গেলে আর বিদে চলে না, কারণ সে সময় চারা সমূহের দণ্ড বা কাণ্ড অপেক্ষাকৃত দৃঢ় হইয়া যায়, তাহাতে বিদের ভার পড়িলে ও বিদের চালক বা বলদের পদ দলনে অনেক গাছ ভাঙ্গিয়া নষ্ট হইয়া যায়। হাত-বিদে ব্যবহার করিলে তাহা হইতে পারে না। হাত-বিদেকে ইংবাজিতে Rake কহে। হাত-বিদে বড় একটা কাহাকেও ব্যবহার করিতে দেখা যায় না, বাগান-বাগিচায় কখন কখন ব্যবহৃত হয়। ফসলপূর্ণ ক্ষেত্রের হাত-বিদে ৫১৬ অঙ্গুলির অধিক চওড়া হইলে পরিচালনাকালে বাধা পড়ে। স্থানান্তরে হাত-বিদের (৭নং) চিত্র দেখুন। মাটি চাপিয়া গেলেই হাত-বিদে ব্যবহার করিতে হইবে কারণ তাহা হইলে মাটি বরাবর সরস থাকিবে।

ফসল বিশেষের জন্ম বিশেষ নির্দিষ্ট স্থান আছে। কি প্রকার জমিতে কোন কোন ফসলের আবাদ হইতে পারে, তাহা বুঝিয়া ফসল নির্বাচন করিতে হয়।

শুষ্ক-আবাদের

ফসল

অল্প রস ভূমিতে যে সকল ফসল থাকিতে পারে, সেই সকল ফসলই শুষ্ক-আবাদের উপযোগী। রবি ফসল সেই শ্রেণীর উদ্ভিদ। বর্ষাকালের ফসলও অনেক সময় শুষ্ক-আবাদের অন্তর্গত হইয়া পড়ে, সুতরাং সে সময় তাহাদিগকে শুষ্ক-ফসলের (Dry crops) হ্যাঁ পাট পরিচর্যা করিতে হইবে। জমি নিতান্ত নীরস হইলে, তাহাতে দীর্ঘমূল উদ্ভিদের আবাদ করা উচিত। কার্পাস, অড়হর প্রভৃতি এই শ্রেণীর গাছ। ইহাদিগের মূল প্রথমাবস্থা হইতেই ভূমির গর্ভদেশে প্রবেশ করিতে থাকে, এইজন্য উপরিভাগের রসের জন্য ইহারা বড় অপেক্ষা করে না, কিন্তু তাহা হইলেও উপরিভাগ সরস হইলে যে তাহারা আরও ভাল থাকে, তাহাদিগের বৃদ্ধি অধিক হয়, ফসল অধিক হয়, সে বিষয়ে কোন সন্দেহ নাই। শুষ্ক আবাদের

পক্ষে ঋতু-জীবী, এবং তদপেক্ষা—দীর্ঘজীবী ফসলই সুবিধাজনক। যে উদ্ভিদের যেরূপ পরমাণু তাহার মূল সেই মত দীর্ঘ হইয়া থাকে। এইজন্য দীর্ঘজীবী বৃক্ষগণ মাতৃশের সেবাকে তত গ্রাহ্য করে না। শুষ্ক ভূমিতে দীর্ঘকালস্থায়ী গাছের আবাদ থাকিলে তাহাদিগের পত্র স্থলনে ভূপৃষ্ঠ উদ্ভিজ্জ পদার্থ দ্বারা পরিপুষ্ট হয়, ক্রমে তাহা মৃত্তিকার আবরণ স্বরূপ হয়। ভূপৃষ্ঠ এইরূপে আবৃত হইয়া পড়িলে উপরিভাগের ছিদ্র (Pores) বন্ধ হইতে পায় না, সুতরাং যোগাকর্ষণ ক্রিয়া দ্বারা ভূগর্ভস্থিত রস ক্রমাগত উপরিভাগে উঠিয়া মূলগণের আয়ত্ন মধ্যে আসিয়া পড়ে।

## একবিংশ অধ্যায়

—:—

ভূমির রস শুকাইয়া যাওয়া কৃষকের পক্ষে মঙ্গলজনক নহে, কিন্তু ক্ষেত্রের বার আনা রসই বাতাসে ও রৌদ্রে রস-রোধ শুকাইয়া যায় সুতরাং উহা অপচয় হয় বলিতে হইবে। প্রয়োজনকালে মাথা কুটিলে এক ফোঁটা জল পাওয়া যায় না, অথচ কৃষকদিগের অনবধানতাবশতঃ প্রত্যেক ক্ষেত্র হইতেই শত শত মণ জল বাষ্পকারে বায়ুমণ্ডলে চলিয়া যাইতেছে, ইহা বড় ক্ষোভের বিষয়। বৎসরের বারমাস বর্ষাকাল নহে,—বর্ষাকালেও প্রতিনিয়ত বৃষ্টি হয় না, অথচ বর্ষাকালেও সামান্য সুযোগ পাইলেই রস শুকাইতে থাকে, অপর ঋতুতে আরও অধিক শুকায়। এক ইঞ্চি বারিপাত হইলে

প্রতি বর্গ ইঞ্চ ভূমিতে ১৯৬ কাঁচা মাত্র জল পতিত হয়। যে সকল প্রদেশে সম্বৎসরে ৫।৭ কিম্বা ১০.১৫ ইঞ্চ বারিপাত হয়, তথাকার জল শুকাইতে কতক্ষণ সময় লাগে? দ্বিপ্রহরের রৌদ্রে এক ইঞ্চ বা ১৯৬ কাঁচা জল শুকাইতে এক ঘণ্টায় অধিক সময় লাগে কি না তাহা পাঠকগণ পরীক্ষা করিয়া দেখিতে পারেন। কেবল রৌদ্র নহে, বাতাসেও যে জল শুকাইয়া যায় তাহা কাহারও অবিদিত নহে। বায়ু ও রৌদ্রের প্রভাবকে প্রতিহত করিবার উদ্দেশ্যে ভূমিকে আবৃত করিয়া রাখিলে ভূমির সর অপচয় হইতে পায় না বরং ভূগর্ভস্থ রস ও তৎসম্বন্ধিত সার পদার্থ উপরিভাগে আসিয়া উদ্ভিদকে যোগান দিয়া থাকে। ভূমিকে আবৃত করিবার প্রথাকে Mulching কহে, কিন্তু—

এক্ষণে দেখা যাউক মৃত্তিকার আবরণ কি। যে কোন জিনিসের দ্বারা ভূপৃষ্ঠকে ঢাকিয়া রাখা যায়, তাহাকেই আবরণ কি? আবরণ বলিতে পারা যায় কিন্তু এ স্থলে কৃষি-কার্যোপযোগী আবরণই আলোচ্য বিষয়। ভূমি হইতে সর্বদা বাষ্পউদগত হইতেছে—ইহা পরীক্ষার জন্ত অধিক চেষ্টা করিতে হয় না। ক্ষেত্রোপরি কোন স্থানে ইষ্টক, কাষ্ঠ-খণ্ড বা অপর কোন জিনিস পড়িয়া থাকিলে দেখা যায়, তাহার নিম্নভাগ এবং সেই আবৃত ভূমিখণ্ড অল্পাধিক ভিজা থাকে। ভূমি হইতে যে বাষ্প উঠিতে থাকে, আবরণ হেতু বায়ুমণ্ডলে মিশিতে না পারিয়া সেই স্থানেই স্থান প্রাপ্ত হয়। প্রকৃত পক্ষে বাষ্প কোন স্বতন্ত্র পদার্থ নহে। জলের স্ফূদাদিস্ফূদাংশ—বাস্পের ব্যাপ্তি আকার; উহাদিগের সমষ্টি,—বাস্প, এবং বাষ্পের ঘনীভূত অবস্থা,—জল। এতদ্বারা বুঝিতে পারা যায় যে, বাষ্পের সহিত জলের কোন প্রভেদ নাই, তবে বাষ্প—বিক্ষিপ্ত, জল,—সংক্ষিপ্ত; বাষ্প,—লঘু, জল,—গুরু; বাষ্প,—উড্ডনশীল, জল,—পতনশীল এ সকল জলের



বা বাষ্পের অবস্থাভেদ মাত্র। যাহা হউক, মৃত্তিকার আবরণ মৃত্তিকা ! ভূমি হইতে আবরণের মৃত্তিকা স্বতন্ত্র থাকে। মৃত্তিকার ঘনীভূত বা জমাট আকারকে জমি মনে করিয়া লইলে, তত্পরিস্থ খুরা মাটিকেও আবরণ বলা যাইতে পারে। এ স্থলে উপরিভাগস্থ ২।৪ অঙ্গুলি পুরু খুরা মাটির স্তরকে নিম্নভাগের মৃত্তিকা বলিতে পারা যায়। তাহা হইলে কষিত ক্ষেত্রের উপরিভাগস্থ লঘু ও খুরা মাটিকে আবরণ বলিতে হইবে। উপরিভাগের মৃত্তিকা খুরা থাকিলে তন্নিম্নস্থ মৃত্তিকা সরস থাকে। নিম্নতলস্থ মাটিকে সরস ও ক্রিয়াশীল রাখিবার জন্য ক্ষেত্রে বিদে দেওয়া হয়, কখনও বা খুরপী বা নিড়েন করা হয়। এইরূপে ক্ষেত্রের সরসতা সমভাবে রক্ষা করিতে হইলে ঘন ঘন খুরপী বা নিড়েন করিয়া উপরিভাগের মৃত্তিকাকে সাধ্যমত চূর্ণীত অবস্থায় রাখা উচিত।

মৃত্তিকা ব্যতীত আবরণের অন্যান্য বহু উপাদান আছে। আবরণার্থ

আবরণের

উপাদান

সার ব্যবহার করিলে অপেক্ষাকৃত অধিক উপকার

পাওয়া যায়। সার ব্যবহারে প্রথমতঃ আবরণের

কার্য্য হয়, দ্বিতীয়তঃ, উক্ত সার দ্বারা মৃত্তিকার

উর্ধ্বরতা বৃদ্ধি হয়। আঁশাল ও স্থূল উদ্ভিজ্জ পদার্থ, গবাদি পশুর পুরীষ বা তজ্জাতীয় কোন পদার্থ কিম্বা উদ্ভিজ্জ ভস্ম এতদুদ্দেশ্যে বিশেষ উপযোগী। এতজ্জাতীয় স্থূল সার দ্বারা গাছের গোড়া বা মাটি ঢাকিয়া রাখিলে দুই চারি পসলা বৃষ্টি হইলেও স্থানীয় মাটি তত দৃঢ়রূপে জমাট বাঁধিতে পারে না, ফলতঃ মাটিকে সর্বদা খুরপী করিবার প্রয়োজন হয় না। মাটি দ্বারা মাটি ঢাকিলে কিন্তু সে ফল পাওয়া যায় না, কারণ একবার জল পড়িলেই নিম্নতলের মৃত্তিকার সহিত উপরের মৃত্তিকা একাকীভূত হইয়া যায়, তন্নিবন্ধন আবৃত, আবরণের মধ্যে পার্থক্য থাকে না, অগত্যা সত্বরই আবার খুরপী বা নিড়েন করিয়া মাটিকে খুরা

করিতে হয়। বাগানের কার্যে প্রতিনিয়ত খুরপী ব্যবহৃত হয়, কিন্তু যথায় আবরণের ব্যবস্থা আছে, তথায় এত অধিক বা ঘন ঘন তাহা করিতে হয় না। আমি নিজে আবরণের বড়ই পক্ষপাতী এজ্ঞা উত্তান কার্যে প্রত্যেক গাছেই আবরণ না দিলে যেন আমার তৃপ্তি হয় না। নীল-সিটী, পাতাসার, গোবরসার—এই তিনটি জিনিষ আমি প্রয়োগ করিয়া থাকি। কৃষিক্ষেত্রে যে ব্যবহার করি না তাহা নহে, তবে ফসল বিশেষ আছে। ঘন-রোপিত ক্ষেত্রে অধিক পরিমাণে সার ছড়াইয়া দিতে হয়। দূরে দূরে যে সকল গাছ রোপিত হয়, তাহাদিগের প্রত্যেকের গোড়ায় ‘খালা’ বা মাদা বাঁধিয়া সার দ্বারা পূর্ণ করিয়া দিতে হয়। নবরোপিত গাছের পক্ষে ইহা বিশেষ আবশ্যক। মৃত্তিকার সিক্তাবস্থায় মাটি চালিতে কিম্বা তাহাতে আবরণ দিতে নাই। এরূপ অবস্থায় আবরণ দিলে নিম্নস্থ মৃত্তিকার সহিত উহা ঘনভাবে সংলগ্ন হইয়া যায়, সুতরাং তাহাতে উপকার না হইয়া অপকার হইয়া থাকে। ‘যো’ অবস্থায় খুরপী দ্বারা মাটিকে উত্তমরূপে চূর্ণ করিয়া গাছের গোড়ায় মাদা করিয়া পরে তাহাতে সার প্রসারিত করিয়া দেওয়া বিধিসঙ্গত। এক অঙ্গুলি হইতে ৩৪ অঙ্গুলি স্থূল করিয়া সার দিতে পারা যায়।

আবরণ দিবার পর খুরপী করিলে মৃত্তিকার সহিত উহা মিশিয়া

যায়, মাটির ভিতর অধিক রৌদ্র ও বায়ু প্রবিষ্ট

সতর্কতা

হইয়া থাকে। এতদ্বিবন্ধন মৃত্তিকার যোগাকর্ষণ

শক্তি ব্যাঘাত প্রাপ্ত হয় এবং ভূগর্ভস্থ রস সহজে উপরিভাগে আসিতে পারে না। ইহার প্রতিবিধানার্থ খুরপীকৃত মাটিকে ধীরতা সহকারে উত্তমরূপে চাপিয়া দেওয়া আবশ্যক। মাটিকে এইরূপে চাপিয়া দিলে ভগ্ন ছিদ্রপথ সমূহ পুনঃ সংস্থাপিত হয় কিম্বা নূতন ছিদ্রপথের সৃষ্টি হয়,

পৃষ্ঠভাগের কুপ (Pores) সমূহের আকার সমভাব ধারণ করে। মাটি আলুগা থাকিলে ছিদ্রপথ সংস্থাপিত হইতে কালবিলম্ব হয়, তখন উহাকে আপন ভারে বা শিশির-বৃষ্টির চাপনে ক্রমে ঘন হইতে হয়। আবরণের উপকরণ স্থূল অর্থাৎ খড়, কাঠি, বা ঢেলা সংযুক্ত হইলে এবং তাহা মাটির সহিত মিশিয়া গেলে মাটির ঘনতা আরও নষ্ট হয়। এজ্জন্ত ঈদৃশ মোটা সার না দিয়া ঈষৎ আঁশাল সার দেওয়া উচিত। আবরণ-সূত্র হৃদয়ঙ্গম করিতে পারিলে কি কৃষক, কি উদ্যানক—সকলেরই বিশেষ উপকার হইবে, কারণ তদ্বারা জলসেচনের ব্যয় ও পরিশ্রমের লাঘব হয়,—নিরন্তর খুরপী করিবার দায় হইতে অনেক পরিমাণে রক্ষা পাওয়া যায়; তাহা ব্যতীত আবরণ থাকিলে ভূমি ঠাণ্ডা থাকে এবং উদ্ভিদগণ সর্বদা সুন্দর শ্রীসম্পন্ন হয়।

## দ্বাবিংশ অধ্যায়

—\*:—

কৃষকের পরম শত্রু—আগাছা। আগাছা সকল ক্ষেত্রের রস ও সার অপহরণ করিয়া আবাদী ফসলের অভাব আগাছা সংঘটিত করে। সচরাচর বগা উদ্ভিদ মাত্রেই আগাছা নামে অভিহিত কিন্তু কৃষকের নিকট আগাছাশব্দের অর্থ আরও বিস্তৃত। ক্ষেত্র মধ্যে আবাদী ফসল ভিন্ন যে কোন গুল্মলতাদি জন্মে, তৎসমুদাই ভূস্বামীর নিকট আগাছা, এবং বস্তুত: তাহাই। ক্ষেত্রে যে ফসল থাকে কিম্বা তাহাতে যে

ফসলের আবাদ হইবে, তাহা ব্যতীত উহাতে যে কোন উদ্ভিদ জন্মে তাহাকে সংহার করা কৃষকের বিশেষ লক্ষ্য হওয়া উচিত। কর্ষণের ফলে উক্ত শত্রুগণের নিপাত হইয়া থাকে সত্য, কিন্তু উহাদিগকে নিপাত করা যে কর্ষণের অন্ততম উদ্দেশ্য, তাহা বিশেষরূপে স্মরণ রাখিলে মৃত্তিকা চূর্ণণাদির প্রয়োজন না থাকিলেও ভূকর্ষণ করিতে আগ্রহ জন্মে।

আগাছা যে কেবল ক্ষেত্রের রস ও সার পদার্থ আহরণ করিয়া

আগাছায়

শত্রুতাব

ক্ষেত্রস্থ উদ্ভিদকে তাহা হইতে বঞ্চিত করে, তাহা নহে। আগাছার অবস্থান হেতু আবাদী উদ্ভিদ-গণের শাখা পল্লবাদি প্রসারিত হইবার জগু স্থানের

অসঙ্কুলান হয়, ভূগর্ভ মধ্যেও তাহাদিগের মূল সমূহ অবাধে বদ্ধিত হইবার সুযোগ পায় না,—আগাছার মূলেই ভূগর্ভ পূর্ণ হইয়া থাকে। আগাছাগণ স্বভাবজাত উদ্ভিদ এবং সবল ও তেজাল, কিন্তু আবাদী উদ্ভিদগণ অপেক্ষাকৃত কোমলপ্রকৃতি। সবলের নিকট দুর্বল চিরদিনই পরাভূত হইয়া আসিতেছে, ইহাতে নূতনত্ব কিছুই নাই। আগাছাগণ ক্ষেত্র মধ্যে অযাচিত ভাবে অনধিকার প্রবেশ পূর্বক আবাদী ফসলের আহাৰ্য্য অপহরণ করে,—ভূপৃষ্ঠে ও ভূমধ্যে স্থানাদিকার করে—ক্ষেত্র মধ্যে বায়ু, আলোক ও উত্তাপ প্রবেশের পথ রোধ করে। অতঃপর আগাছাদিগকে বীজ ধারণ করিতে অবসর দিলে সেই বীজ পরিব্যাপ্ত হইয়া ক্ষেত্রকে আরও জঙ্গলময় করিয়া তুলে, মৃত্তিকাকে রসহীন করিয়া ফেলে, বায়বাদি রোধ করিয়া ফসলের বিনাশ সাধন করে, এক কথায়—ফসলকে গলা টিপিয়া মারিয়া ফেলে। জঙ্গল দেখিবামাত্রই সমূলে উৎপাটিত করা একান্ত কর্তব্য, বিলম্ব করিলে গাছে বীজ জন্মিবে এবং সেই বীজ ছড়াইয়া

পড়িয়া বহু দিন, বহু বৎসর পর্য্যন্ত উপদ্রব করিবে। আগাছার বীজ সহজে মরে না; দুই চারি, হইতে পাঁচ সাত বৎসর পর্য্যন্ত মৃত্তিকা মধ্যে গুপ্ত থাকিয়া সুযোগ পাইলেই অঙ্কুরিত হইয়া উঠে। বীজ জন্মিবার অগ্রেই বিনাশ না করিলে প্রতি বৎসরই উহারা শুভ দর্শন দিবে। আগাছা সম্বন্ধে ইংরাজিতে একটি প্রবাদ আছে—One year's seeding, Seven years' weeding.—ইহার অর্থ এই যে, এক বৎসর বীজ জন্মিতে দিলে বহুকাল ধরিয়া জঙ্গল পরিষ্কার করিতে হয়। উলু, ভেরেণ্ডা, চোর-কাঁটা, শেয়াল-কাঁটা, বন-বেগুন, বন-ওকড়া, চকোর, মুখা, শ্যামা, ছুধিয়া—এই কয়টি আগাছা এদেশের সর্বত্র দেখা যায়। আবাদী বা নরম জমিতে দুর্কীঘাস বড় দেখা যায় না। পতিত, কঠিন, অনাবাদী ক্ষেত্র ও পথিপার্শ্বে ইহারা জন্মিয়া থাকে, সুতরাং দুর্কীঘাসকে আমরা তত অনিষ্টকর বলিয়া মনে করি না। যাহা হউক, আগাছা মাত্রই ফসলের হস্তারক, ক্ষেত্রের অপহারক, উদ্ভিজ্জগতের দুর্দান্ত চোর। বীজ হইবার পূর্বে উহাদিগকে সমূলে বিনষ্ট করা কৃষকের একটি বিশেষ কার্য্য মধ্যে গণ্য হওয়া উচিত। উহাদিগকে উৎপাটিত করিয়া বাহিরে ফেলিয়া না দিয়া, ক্ষেত্রে থাকিতে দিলে ক্রমে তাহারা বিগলিত হইয়া মৃত্তিকার অঙ্গীভূত হইয়া যায় সুতরাং অপহৃত অংশ পুনরায় মৃত্তিকার সংযোজিত হয়, মৃত্তিকার উদ্ভিজ্জাংশ বৃদ্ধি পায়। বর্ষাকালে ভুর্কণ সময়ে কৃষকগণ ক্ষেত্রস্থ তাবৎ আগাছাকেই ভু-শায়ী করিয়া পচিতে দেয়। ইহাকে 'পচান.চাষ' কহে। এতদ্বারা জমি উর্বর হয়। ক্ষেত্রের উর্বরতার জন্ত হরিৎনারের ( green manure ) ব্যবস্থা আছে। এতদুপলক্ষে কৃষকগণ স্বতন্ত্রভাবে কোন ফসলকে ভুশায়ী করিয়া দেয় না বটে, কিন্তু আগাছাদিগকে ভুশায়ী করিয়া দিলে সে উদ্দেশ্য কতকটা সুসিদ্ধ হইয়া থাকে।

উৎপাটিত আগাছা ক্ষেত্র মধ্যে স্থান পাইলে, তৎপরিগৃহিত পদার্থ নিচয় মৃত্তিকা ফিরিয়া পায়, কিন্তু যে রস আহরণ করে তাহা ভূমিতে আর ফেরৎ আসে না। জীবিতাবস্থায় উহার যে রস পরিশোধন করে তত্তাবৎই বায়ুমণ্ডলকে প্রদান করে, কেবল নিজ নিজ কলেবর রক্ষার্থ যতটুকু রসের প্রয়োজন তাহাই ধারণ করিয়া রাখে। অনেক স্থানে স্তূপাকারে রাখিয়া দেয়, পরে সেই সকল স্তূপ অগ্নাধিক গুচ্ছ হইলে, তাহাতে আগুন লাগাইয়া দেয়। সংগৃহিত আগাছাদিগকে জ্বলাইয়া না দিয়া ক্ষেত্রে পচিতে দিলে সর্ব্বাংশে ভাল হয়। ক্ষেত্র মধ্যে পতিত থাকিয়া বিগলিত হইবার সময় না থাকিলে সচরাচর উহাদিগকে পুড়াইয়া ভস্মে পরিণত করতঃ ক্ষেত্রে প্রসারিত করিয়া দেওয়া হয়। সময়ভাব প্রযুক্ত হইলে, আপাততঃ না পুড়াইয়া উহাদিগকে কোন স্থানে বৃহৎ স্তূপ করিয়া রাখিয়া দিলে ক্রমে পচিয়া সূক্ষ্মর উদ্ভিজ্জসারে পরিণত হয়, তখন স্তূপ ভাঙ্গিয়া সমগ্র সারকে ক্ষেত্রময় প্রসারিত করিয়া দিলে ক্ষেত্রের উর্ব্বরতা বৃদ্ধি পায়। আব-  
জ্ঞনাকে ক্ষারে পরিণত করিলে তদন্তর্গত সোরাঙ্গান (nitrogen) নামক পদার্থ বিমুক্ত হইয়া কেবল মাত্র স্থূল পদার্থ—পটাস, ফস্ফরিক-  
গ্যাসিড্ বালুকা, ও অগ্নাশ্র যাবতীয় পদার্থ অবশিষ্ট থাকে। এ সকল পদার্থ যে কোন উপকারে আইসে না তাহা নহে, কিন্তু উদ্ভিজ্জ পদার্থ সর্ব্বাগ্রে প্রয়োজন। উদ্ভিজ্জের পরিমাণ হ্রাস প্রাপ্ত হইলে ক্ষেত্র নিস্তেজ হইয়া পড়ে। তাহা ব্যতীত উদ্ভিজ্জ (Humus) পদার্থই সোরাঙ্গানের আধার। মৃত্তিকামধ্যে উহা না থাকিলে খাণ্ডাভাবে জীবাণু (Germs) বৃদ্ধি পায় না কিন্তু ইহারাই ক্ষেত্রের উর্ব্বরতা রক্ষা ও বৃদ্ধি করিবার প্রধান সহায়। আগাছার অনেক দোষ কীর্ত্তন করিলাম কিন্তু—

আগাছা দ্বারা আমরা প্রভূত উপকার পাইয়া থাকি, তাহা  
 অস্বীকার করা যায় না। পতিত, অমূর্খেরা বা  
 আগাছায় বালিপ্রধান অথবা আঁটল জমিতে আগাছা জন্মিলে  
 উপকার এবং তাহাদিগকে ভূকষিত করিলে ভূমির উর্ব-  
 রতা বৃদ্ধি পায়, বেলে মাটি সারাল হয় এবং শোষণ ও ধারণক্ষম  
 হয়। তাহা ব্যতীত, আঁটল মাটির আঁটলতা অল্পাধিক হ্রাস প্রাপ্ত  
 হয়, মৃত্তিকার রস শোষণের শক্তি বৃদ্ধি পায়, অধিক কি—মৃত্তিকা  
 কোমল ও স্থিতিস্থাপক হয়। মৃত্তিকার প্রকৃতিকে পরিবর্তন করিতে  
 হইলে ক্ষেত্রে আগাছা জন্মিতে দেওয়ায় লাভ আছে, কিন্তু অধিক দিন  
 বন্ধিত হইতে না দিয়া কোমলাবস্থাতেই হলচালনা দ্বারা উহাদিগকে  
 ভূশায়ী করিয়া দিতে হইবে—ইহা যেন মনে থাকে। অধিক দিন  
 বন্ধিত হইতে দিলে ভূমির রস কমিয়া যায়। অতিশয় রস জন্মিতে  
 জঙ্গল জন্মিতে দিলে উহার মূল দ্বারা ভূমির রস শোষণ করিয়া পত্র  
 দ্বারা বর্জন করতঃ ভূমিকে শীঘ্রই শুকাইয়া দেয়। অতঃপর তাহার  
 ভূপতিত হইয়া মৃত্তিকার শোষণকতা বন্ধিত করিয়া দেয়, তখন আর  
 মৃত্তিকা পূর্ববৎ রস থাকে না। সেই সকল আগাছা ভূগর্ভ হইতে  
 নানাবিধ পদার্থ আহরণ করিয়া ভূপৃষ্ঠোপরি আনিয়া দেয়, তদ্বারা পর-  
 বর্ত্তী ফসলের বিশেষ উপকার দশিয়া থাকে। এ হিসাবে আগাছাদিগকে  
 ফসলের যোগান-দাতা বলিলে চলিতে পারে।

উলু ও মুখা ঘাস যত ক্ষতিকর ও ধৈর্য্যচ্যুতিকর, এক্রপ কোন  
 আগাছা আছে কিনা সন্দেহ। ইহাদিগকে নিষ্পূলিত  
 আগাছা বিশেষের করা বিষম সমস্যার কথা। ইহাদিগের বিনাশের  
 উপায় একটা সহজ উপায়—ক্ষেত্রে ঘন করিয়া বীজ বপন  
 করা। ধান, মাড়ুয়া, গোশুম, পাট প্রভৃতির গ্রাঘ ফসল ক্ষেত্রে খুব ঘন

করিয়া বুনিলে উক্ত আগাছাগণ অঙ্কুরিত হইতে পায় না। উপযুক্তপরি  
 দুই একটি ফসলের এইরূপ ঘন আবাদ হইলে উহারা বিনাশ প্রাপ্ত হয়  
 কিম্বা উপ্ত হইবার সুযোগ পায় না। বাগানের আগাছাদিগকে বিনাশ  
 করিবার—কেবল খুরপী ভিন্ন অন্য উপায় দেখা যায় না। বাগান-বাগি-  
 চায় বা সজ্জী-ক্ষেত্রে নিরন্তর খুরপী করা হইয়া থাকে। তদ্বারা বিশেষ  
 উপকার হয় এই যে, মৃত্তিকা ঝুরা ও কোমল থাকে। বাগানে সর্বদা  
 খুরপী হয় বলিয়া তথাকার তাবৎ গাছ-পালা তেজাল ও ফলন্ত হয় এবং  
 প্রতিদিন তাহাদিগের জলের প্রয়োজন হয় না। সচরাচর দেখিতে  
 পাওয়া যায়—লোকে গোলাপ-ক্ষেত্রে শীতের প্রারম্ভে কুদালিত করতঃ  
 মৃত্তিকা চূর্ণ করিয়া চৌরস করিয়া দেয় এবং পরে সার ও জল প্রদান  
 করে। ঈদৃশ পরিচর্যার ফলে উদ্ভিদগণ সম্বরই কুসুমিত হয়, কিন্তু অপর  
 সময়ে কেহ উহাদিগের প্রতি দৃষ্টিও করে না সুতরাং সে সময় গোলাপ-  
 ক্ষেত্রে উপেক্ষিত বা বর্জিত বলিয়া মনে হয়। মধ্যে মধ্যে উক্ত  
 ক্ষেত্রে উত্তমরূপে পূর্ববৎ তদ্বির করিলে বারমাসই উহারা পুষ্প প্রদান  
 করিতে পারে। উদ্ভিদের ফলনের বা পুষ্পের গুণবদ্ধার যে ইতরবিশেষ  
 হয় তাহা ঋতু-বিশেষের ক্রিয়া-ফল মাত্র। আর একটি দৃষ্টান্ত বলি—

রাজনগরস্থ দ্বারভাঙ্গা-মহারাজার ‘কলম-বাগ’ নামে একটি আশ্র-কানন  
 মধ্যে ১৫১৬ বৎসর বয়ঃক্রমের পাঁচ শত আশ্র বৃক্ষ আছে। কলমের  
 আশ্র বৃক্ষগণ ১৫১৬ বৎসর বয়ঃক্রমের হইলে তাহাদিগকে পূর্ণাবস্থা প্রাপ্ত  
 বলিতে হইবে কিন্তু উক্ত উদ্ভানে কখন কখন ১০১৫ বা ২০১২টী ফল  
 হইত। বলা বাহুল্য—আশ্র কাননটী উলুঘাসে আবৃত, এমন কি দিন-  
 মানে তন্মধ্যে প্রবেশ করিতে ভয় হইত। খৃষ্টীয় ১৯০৬ সালে উহা  
 আমার কর্তৃত্বাধীনে আসিলে সমগ্র ভূমিখণ্ডকে আমি উত্তমরূপে কুদা-  
 লিত ও মৃত্তিকা চূর্ণীত করিয়া দিই। তাহার ফলে পর বৎসর ন্যূনকরে



৫০,০০০ আশ্র পাওয়া যায়। সেই অবধি প্রতি বৎসর নিয়মিত পাট হয়,—প্রতি বৎসর ফল ও পাওয়া যায়। এমন ও ঘটে, কার্য্য বিপাকে কোন বৎসর যথাবিধি পরিচর্যা হইয়া উঠে না, সে বৎসর ফলনও যথেষ্ট কমিয়া যায়, ইহা প্রত্যক্ষ দেখিতে পাই। এইজন্ত—

বন-জঙ্গলকে জ্বলাইয়া না দিয়া জমিকে কষণাধীন রাখা প্রয়োজন। কেবল যে মাটি প্রস্তুত করিবার জন্ত কষণ করিতে হয় তাহা নহে, জমির আগাছা বিনাশের জন্ত ও উহা বিশেষ প্রয়োজন। বন জঙ্গল ও আগাছা না জন্মিলে লোকে যে জমির এত অধিক পরিচর্যা করিত তাহা বিশ্বাস হয় না।

আবাদাধীন ভূমি হইতে তৃণোৎপাটন করিবার প্রথাকে (weeding)

নিষ্কণতা

কহে। নিষ্কণতা শব্দ হইতে নিড়ান' শব্দের উৎপত্তি বলিয়া, বোধ হয়। নিষ্কণতা দ্বারা আবাদী

ক্ষেত ও বাগবাগিচাকে পরিষ্কার ও মাটিকে আলগা করিয়া দেওয়া হয়। উদ্ভিদের পাদদেশে তৃণ জন্মিতে দিলে উহাদিগের আহাৰ্য্য অপহৃত হয়। চাষ-আবাদের ক্ষেত্রে ফসলের প্রথমাবস্থায় নানা জাতীয় তৃণাদি জন্মে কিন্তু ফসল কিকিৎ বাড়িয়া উঠিলে আগাছাগণ আর বড় জন্মিতে পারে না। ঘনভাবে গাছ জন্মিলে আওতাবশতঃ তাহাদিগের উদ্যত ও বর্জিত হইবার সুবিধা হয় না। ফলের বা ফুলের বাগানে সচরাচর গাছ-পালা অতিশয় ঘন করিয়া রোপণ করা হয় না। ইহাদিগের পরস্পর মধ্যে যথেষ্ট স্থান থাকে। আশ্র, কাঁঠাল, লিচু, পেয়ারা, নারিকেল প্রভৃতি গাছের পরস্পর-মধ্যে অনেক ব্যবধান থাকে। পুষ্পোচ্চানে উদ্ভিদের পুষ্প-পরস্পর মধ্যেও যথেষ্ট ব্যবধান থাকে। এই সকল ব্যবহিত স্থানে তৃণ জন্মে। এইরূপে ক্ষেত বা বাগানের মধ্যে তৃণ থাকিতে দিলে মাটি ঠাণ্ডা ও সরস থাকে। বালুকাপ্রধান ও হালুকা মাটিতে যে

সকল বাগান রচিত, তথায় তৃণমণ্ডল থাকিলে মাটি সরস থাকে এবং রৌদ্রের উত্তাপে মাটি উত্তপ্ত হইতে পায় না। এঁটেল মাটির পৃষ্ঠদেশ নিম্নত্বিত হইলে ভূপৃষ্ঠ ফাটিয়া যায়, মাটি জমাট বাঁধিয়া কঠিন হইয়া পড়ে। ভূপৃষ্ঠ তৃণাচ্ছাদিত থাকিলে এ সকল বিড়ম্বনা ঘটিতে পারে না। অনেকের বাগ-বাগিচা হইতে লোকে ঘাস কাটিয়া লইয়া যায়, অনেকে চুরী করিয়া লইয়া যায়। বিশেষ আবশ্যক বোধ না করিলে ভূপৃষ্ঠকে তৃণ বর্জিত করিতে নাই। তৃণ অধিক বড় হইয়া উঠিলে মধ্যে মধ্যে কাস্তে দ্বারা কাটিয়া লইলে চলিতে পারে। উদ্যানস্থ তৃণমণ্ডলের ঘাস কাটিবার জন্ত Lawn mower নামক যন্ত্র ব্যবহৃত হয়। গ্রীষ্মকালে প্রচণ্ড রৌদ্রের সময় তৃণহীন ভূমি হইতে যে ঝাঁজ উঠে, তাহাতে উদ্ভিদ-গণ বড় ক্লেশ পায়। কোমল প্রকৃতি উদ্ভিদ বা চারা গাছ সকল সেই ঝাঁজে বিমর্ষভাবে ধারণ করে ও বিমাইয়া পড়ে। ভূমি তৃণাচ্ছাদিত থাকিলে মাটি উত্তপ্ত হইতে পারে না। তাহা ব্যতীত তৃণবর্জিত বাষ্প বায়ুমণ্ডলকে অগ্নাধিক সরস রাখে স্বতরাং তৃণদিগকে উদ্ভাপ নিবারক বলিতে হইবে।

## ত্রয়োবিংশ অধ্যায়

—:~:—

সময় বিশেষে কোন কোন ক্ষেতকে ‘পড়তি’ বা পতিত রাখিতে হয়। কোন জমি অনাবাদী অবস্থায় দীর্ঘ কাল কাও-কসল পতিত থাকিলে তাহাকে ‘পতিত’ বা ‘পড়তি’ জমি কহে। বেহার প্রদেশে ‘পড়তি’ দিবার প্রথাকে ‘চৌমাস’ কহে।

পড়তি দিবার উদ্দেশ্য,—ক্ষেত্রকে নির্দিষ্ট কালের জন্য বিশ্রাম দেওয়া।  
উক্ত অবসর কালে ‘চৌমাস’ প্রাপ্ত জমি হইতে কোন জিনিষ খরচ  
হইতে পায় না, অধিকন্তু বিরাম হেতু ভূর্ভগস্থ অগলিত পদার্থ সমূহ  
বিগলিত হইয়া ভাবী ফসলের আহরণোপযোগী হইয়া উঠে। উদ্দেশ্য  
প্রশংসনীয় হইলেও কার্যতঃ উদ্দেশ্যমত ফল হয় না কিন্তু তাহা উদ্দেশ্যের  
বা ভূমির দোষ নহে,—কৃষকের বুদ্ধিবার ভুল। ভূমিকে পতিত রাখিলে  
সকল উদ্দেশ্য সিদ্ধ হওয়া দূরে থাক, ভূস্বামীর অনর্থক ক্ষতি হইয়া  
থাকে। যে কয়মাস ক্ষেত্র ‘পড়তি’ অবস্থায় থাকে, সেই কয় মাসের  
জমির খাজনা কৃষককে বহন করিতে হয়, অথচ ক্ষেত্রও তাদৃশ উর্বরা  
হইয়া উঠে না। ক্ষেত্রকে কোন মতে একবারে পতিত অবস্থায় ফেলিয়া  
রাখা উচিত নহে। অনাবাদ বা অকর্ষিত অবস্থায় পতিত থাকিলে,  
যে উদ্দেশ্যে ‘পড়তি’ দেওয়া যায়, তাহা হ্রাসিত হয় না। এজন্ত তাহাতে  
কোন না কোন ফসলের আবাদ করা ভাল। এতদুপলক্ষে অল্প দিন  
স্থায়ী লতিকা জাতীয় লাউ, কুমড়া, শশা, ঝিঙ্গে, ফুটি, কাঁকুড়, উচ্ছে,  
করলা প্রভৃতি তরি-তরকারী উদ্ভিদের কিম্বা মটর, কলাই, নীল, শন  
প্রভৃতি সীম্বিক (Leguminosæa) জাতীয় গাছের আবাদ করিলে  
যাহা কিছু উৎপন্ন হয় তাহাই যথেষ্ট মনে করিলে দুইটা উপকার পাওয়া  
যায়; ১ম—উল্লিখিত উদ্ভিদগণের পুরাতন পত্র, ফুল প্রভৃতি ভূপতিত  
হইয়া মৃত্তিকার উদ্ভিজ্জতা বর্দ্ধিত করে; ২য়,—উদ্ভিদগণ দ্বারা ভূপৃষ্ঠ  
আবৃত থাকিতে পাওয়ায় মাটির রস অধিক শুকাইতে পায় না এবং  
তাহার ফলে ভূর্ভগস্থ সঞ্চিত পদার্থ সমূহ বিগলিত হইবার সুযোগ পায়।  
ক্ষেত্রকে বিরাম দিবার ছলে এইরূপ আবাদ করা যায় বলিয়া উক্ত  
আবাদজাত ফসলকে ‘ফাও-ফসল’ (Catch crop) বলা গিয়া থাকে।

অনাবাদ অবস্থায় পতিত থাকিলে ভূমি ক্রমশঃ কঠিন হইয়া পড়ে,—

ভূপৃষ্ঠ বিদীর্ণ হইয়া যায়, এতন্নিবন্ধন ভূমিতে যে সকল ফাটল দেখা দেয় তাহাদিগের ভিতর দিয়া ভূগর্ভ মধ্যে সমূহ রৌদ্র ও বাতাস প্রবিষ্ট হইয়া মাটির তাবৎ রস শুকাইয়া দেয়। মাটিতে যথোপযুক্ত রস না থাকিলে তন্মধ্যে জীবাণু (Nitro-bacteria) তিষ্ঠিতে পারে না। জীবাণুর আবির্ভাব ও বংশবৃদ্ধি না হইলে মৃত্তিকাস্তর্গত পদার্থ সমূহের বিশ্লেষণ হয় না, স্থূল পদার্থরাশির অর্থাৎ ভূতগণের কিম্বা উদ্ভিজ্জ পদার্থের কোন শক্তি বা ক্রিয়া বিকাশ প্রাপ্ত হয় না। এতদ্ব্যতীত বারিপাত হইলে তাবৎ জল ফাটলের ভিতর দিয়া ভূগর্ভের অধিকতর নিম্নদেশে গিয়া পড়ে, উপরিস্তরের মৃত্তিকা তদ্বারা কোন উপকার প্রাপ্ত হইতে পারে না। নিম্নস্তরের সহিত উপরিস্তরের ঘনিষ্ঠতা সংস্থাপিত না হইলে রসের পরিক্রমণ ক্রিয়া অবরুদ্ধাবস্থা প্রাপ্ত হয় কিন্তু ক্ষেত্রে যে কোন ফসল বর্তমান থাকিলে মৃত্তিকা বহু পরিমাণে সজীব থাকে।

ক্ষেত্রে উর্বরা করিবার জন্ত যে ফাও-ফসলের আবাদ করিতে হয়, তাহা যেন ভূমির শক্তি-হরণকারী না হয়, তদ্বিষয়ে দৃষ্টি রাখিয়া ফসল নির্বাচন করা উচিত।

দুইটা প্রধান প্রধান ফসলের মধ্যবর্তী কাল মধ্যে ফাও-ফসলের আবাদ করিতে হয়, সুতরাং ফাও-ফসলকে ক্ষেত্রে অধিক দিন থাকিতে না দিয়া অল্পদিন মধ্যে সংগ্রহ করিয়া ভূমিতে চাষ দিতে হয়। পরবর্তী ফসলের আবাদ আরম্ভ করিবার অন্ততঃ একমাস পূর্বে ফাও-ফসলকে সংগৃহীত না করিলে, ফাও-ফসলের পরিত্যক্ত ও অবশিষ্টাংশ মাটিতে সূচাক্রূপে মিশিয়া যাইতে পারে না। এই সকল পদার্থ উত্তমরূপে মিশিয়া না গেলে মাটি ফাঁপা থাকে, সুতরাং বায়ুবাদি তন্মধ্যে অবাধে প্রবেশ করিয়া জমির রস শোষণ করিয়া লয়, পরবর্তী ফসলের বীজ উৎপ হইতে বিলম্ব ঘটে, অঙ্কুরিত

উদ্ভিদগণ রসান্ন্যাব হেতু বর্দ্ধিত বা ঝাড়া ল হইতে পারে না, অধিকন্তু  
শীর্ণ ও পাংশু বর্ণের হইয়া থাকে ।

## চতুর্বিংশ অধ্যায়

সার অথবা মৃত্তিকাস্তর্গত উদ্ভিদের আহারোপযোগী পদার্থই যে  
উৎপাদিকা শক্তি ভূমির উৎপাদিকা শক্তি, তাহা নহে । মৃত্তিকা  
মধ্যে স্বভাবতঃ যে সকল সারসঙ্কুল পদার্থ থাকে,  
কিন্তু জমিতে যে সার প্রদান করা যায়, উৎপাদিকা শক্তি তাহা-  
দিগের উপর তত নির্ভর করে না । উৎপাদিকা শক্তি সতন্ত্র জিনিষ ।  
ভূগর্ভস্থ পদার্থ, বায়ুমণ্ডল, সূর্যের কিরণ, রস প্রভৃতির সহযোগে ভূমির  
মধ্যে একটা শক্তি ( Force ) উৎপন্ন হয় এবং তাহাই উৎপাদিকা-  
শক্তি । মৃত্তিকায় যে সকল স্থূল বা আসল জিনিষ ( Elementary  
matters ) ও জৈব-পদার্থ থাকে তাহাদিগের প্রত্যেক পরমাণু  
মধ্যে এক একটা শক্তি প্রচ্ছন্নভাবে বিদ্যমান থাকে । সুযোগ ও  
অবসর ক্রমে তৎসমুদায়ের বিকাশ হইয়া থাকে । উক্ত প্রচ্ছন্ন  
শক্তিগণকে উদ্দীপিত করিতে পারিলেই উদ্ভিদের অঙ্গসৌষ্টবে ভূমির  
উর্বরতা পরিলক্ষিত হয় । দ্বিতীয় অধ্যায়ে এ বিষয়ের আলোচনা করা  
গিয়াছে ।

অনেকের এরূপ বিশ্বাস যে, ভূমি ক্রমশঃ নিঃস্ব হইয়া পড়ে,  
আবার অনেকের এরূপ ধারণা যে, কোন বৃত্তস্থ ফসলের আবাদ  
করিলে জমি একেবারে নিঃস্ব হইয়া যায় এবং তাহাতে আর কোন  
ফসলের আবাদ করা চলে না । একথা আবহমানকাল শুনা যাই-

তেছে, কিন্তু কোন ভূমিকে একেবারে নিঃস্ব হইয়া পড়িতে দেখা যায় নাই, কিম্বা এমনও শুনিলাম না যে, অমুক ক্ষেত্র দীর্ঘ কালের আবাদ ফলে নিঃস্বতা প্রাপ্ত হইয়াছে। কৃষকের পিতামহ যে ক্ষেত্রে চাষ আবাদ করিয়াছে, কৃষকের বাপ খুড়াও তাহাতে আবাদ করিয়াছে, কৃষক নিজেও তাহাতে আবাদ করিতেছে, ইহা প্রত্যক্ষ দেখিয়া কেমন করিয়া বলিতে পারি যে, ভূমি চিরদিনের মত নিঃস্ব হইয়া যায় ?

স্বগভীর ভূগর্ভ উদ্ভিদের খাণ্ডভাণ্ডার স্বরূপ। উহার মধ্যে উদ্ভি-  
ধরিত্রী গর্ভ দেব আহার্য্য পদার্থ এত অধিক পরিমাণে অব-

স্থিত যে, তাহার আর নিঃশেষ হয় না। দুই-দশ বৎসর কিম্বা দুই-দশ পুরুষকাল মধ্যেও যদি জমি নিঃস্ব হইয়া পড়া সম্ভব হইত তাহা হইলেও সময় সময় মানব জাতিকে নূতন ও সারবান জমির জন্ম দুনিয়াস্তরে বাইতে হইত এবং নূতন করিয়া তথায় চাষবাসের ব্যবস্থা করিতে হইত। এই পৃথিবী মধ্যে মনুষ্য হইতে ক্ষুদ্র কীটাপু পর্য্যন্ত জীবকে যখন বাস করিতে হইবে, তখন মধ্যে মধ্যে জমির উৎপাদিকা শক্তি ফুরাইয়া গেলে চলিবে কেন ? উদ্ভিদ ও জীব—এতদুভয় জগতই আহারীয় পদার্থের জন্ম একমাত্র ভূমির উপর নির্ভর করিয়া আসিতেছে। মৃত্তিকা উদ্ভিদরূপ ধারণ করিয়া শস্তাদি প্রসব দ্বারা জীব জগতের আহাৰ যোগাইতেছে, তাহার বিনিময়ে জীবগণ ধরিত্রীকে সার প্রদান করিয়া আসিতেছে কিম্বা ভুক্ত পদার্থকে রূপান্তরিত করিয়া ভূমিকে প্রত্যর্পণ করিতেছে। যে সকল ভূমিকে আমরা নিতান্ত অহুর্কর বলিয়া উপেক্ষা করিয়া থাকি, তাহাতেও রাশিকৃত উদ্ভিদাহার বিद्यমান রহিয়াছে। তাহা বলিয়া এরূপ কেহ বলে না যে, তাবৎ ভূমির উৎপাদিকা শক্তি সমান।

মৃত্তিকার উপকরণানুসারে ক্ষেত্রবিশেষের উৎপাদিকা-শক্তি অল্প বা অধিক হইতে পারে। দেশভেদে, স্থানীয় অবস্থাভেদে, আবাদ প্রণালী ও কর্ষণের প্রক্রিয়াভেদে কিম্বা দৈব কারণে ভূমির প্রাকৃতিক অবস্থার অবাস্তুর ঘটয়া থাকে। কোন শস্তশালিনী ক্ষেত্রোপরি ঘন একস্তর বালুকা সঞ্চিত হইলে, তাহার প্রকৃতি বহু পরিমাণে পরিবর্তিত হইয়া যায়। এরূপ পরিবর্তনকে দৈব ভিন্ন অথবা কিছু বলিতে পারা যায় না। ভূায়ণ ভূমিকম্পে অনেক সময় ভূমির প্রকৃতি সম্পূর্ণরূপে পরিবর্তিত হইয়া যাওয়া সম্ভব। ১৮৯৬ খৃষ্টাব্দে যে ভয়ানক ভূমিকম্প হইয়াছিল, তাহাতে আসামের ও পূর্ববঙ্গের অনেক স্থানের মৃত্তিকার প্রকৃতি পরিবর্তিত হইয়া যায়। ঈদৃশ দৈব ঘটনার উপর মানুষের হাত নাই। দীর্ঘকাল আবাদ ও কর্ষণের ফলে মৃত্তিকা হীনাবস্থা প্রাপ্ত হইলে তাহার সংস্কার করা কৃষকের আয়ত্ত্ব বহির্ভূত নহে।

যে যে কারণে ভূমির উর্বরতা কমিয়া যায়, তাহা সংক্ষেপে  
শক্তিক্ষয়ের  
কারণ  
বিবৃত করিতেছি। অবিরত আবাদ, সমজাতীয়  
ফসলের পুনঃ পুনঃ আবাদ, চাষের তারতম্য, অনা-  
বৃষ্টি, ভূমির আদ্রতা, সারাভাব—প্রধানতঃ এই  
কয়টা কারণে মৃত্তিকার উর্বরতা হ্রাস পাইয়া থাকে।

ক্ষেত্র উর্বর হইলে তাহাতে বারম্বার ফসল উৎপন্ন করিবার  
প্রবৃত্তি হইয়া থাকে। যে সকল স্থানে জলাশয়  
অবিরত আবাদ  
আছে তথাকার কৃষকগণ সেই জলাশয় হইতে জল  
লইয়া ক্ষেত্রে সেচন করিয়া থাকে। এ সকল সুবিধা না থাকিলে  
এত অধিক বার আবাদ হইতে পারিত না। সকল ক্ষেত্রের পক্ষেই  
হুইটা ফসল প্রশস্ত। সঘৎসর মধ্যে দুইটি—ভাদুই কিম্বা আমন, আমন

ও রবি—এইরূপ দুইটা ফসলের আবাদ হইলে জমিকে পীড়ণ করা হয় না কিন্তু তিনটা ফসলের আবাদ করিলে ক্ষেত্র আদৌ বিশ্রাম পায় না। ফসল পরস্পরের মধ্যবর্তী কাল মধ্যে কিস্তি ব্যবধান থাকিলে কর্ষণাদি পূর্বাহ্নিক কার্যকাল দীর্ঘ হয়, তন্নিবন্ধন রোদ্র, বায়ু ও শিশিরাদির সংযোগে মৃত্তিকা মধুর হয়। এক ফসল সং-গৃহীত হইবার পর অব্যবহিতকাল মধ্যে ক্ষেত্রের কর্ষণাদি কার্য সমাধা করিয়া অপর ফসলের সূত্রপাত করিলে মৃত্তিকা অধিক দিন উহাদিগের সংস্পর্শে থাকিতে পায় না। স্তরাং ভূগর্ভস্থিত আবদ্ধ উত্তাপাদিও বহির্গত হইবার এবং বায়ুমণ্ডল হইতে মৃত্তিকা টাটকা সামগ্রী আহরণ করিবার যথেষ্ট অবসর পায় না। কেবল তাহাই নহে। সকল উদ্ভিদের মূলে এক প্রকার অম্ল (acid) থাকিতে দেখা যায়। উক্ত অম্ল দ্বারা মূলগণ মৃত্তিকাস্তর্গত পদার্থ সমূহকে পরিশোধন করিবার পূর্বে পরিপাক করিয়া লয়। ক্ষেত্র হইতে ফসল উঠিয়া গেলেও উক্ত অম্ল মৃত্তিকা মধ্যে অল্পাধিককাল বর্ত-মান থাকে, কিন্তু সে অম্ল পরবর্তী ফসলের পক্ষে ঋচিকর নহে, এইজন্য সেই অম্লদ্বলিত মৃত্তিকায় পরবর্তী ফসল ভাল থাকিতে পারে না। অতঃপর ইহাও দেখা যায়—নূতন ক্ষেত্রে আবাদ করিলে প্রথম ২১ বৎসর তাহার যেরূপ ফলন হয়, তাহার পরে সেরূপ হয় না। এতদ্বারা সহজেই বুঝিতে পারা যায় যে, উর্বরতার একটা সীমা আছে, সেই সীমায় পৌঁছিলে উর্বরতার হ্রাস বৃদ্ধি কিছুই বুঝিতে পারা যায় না। এই অবস্থাকে ক্ষেত্রের স্বাভাবিক অবস্থা বলিয়া মনে করা যাইতে পারে। ক্ষেত্রের শক্তিকে পীড়ন করিলে কোন লাভ নাই স্তরাং ক্ষেত্রের শক্তি অনুসারে তাহাতে আবাদ করিতে হইবে। নিরবচ্ছিন্ন আবাদ করিলে ক্ষেত্র শক্তিহীন হইয়া পড়ে এবং



তজ্জাত উদ্ভিদ শীর্ণ ও শীল্রষ্ট হইয়া পড়ে। এরূপস্থলে ক্ষেত্রে কোন ফাও ফসলের আবাদ করা উচিত। ভূমি শক্তিহীন হইবার অন্য কারণ—

সমশ্রেণীস্থ ফসলের পুনঃ পুনঃ আবাদ হওয়া। ধান, গোধূম, মাড়ুয়া, ভুট্টা, কাওন, প্রভৃতি তৃণসদৃশ উদ্ভিদগণ সমপ্রকৃতি। ইহাদিগের আবাদের পর দাল, কড়াই প্রভৃতি প্রজাপতিপুষ্পক (Papilionacæ) উদ্ভিদের আবাদ করা প্রশস্ত। অনেক স্থলে এরূপ দেখা যায় যে, ধান, মাড়ুয়া কাওন প্রভৃতি বর্ষাকালের ফসল সংগৃহীত হইবার পর গোধূমের আবাদ হয়, কিন্তু তাহা ক্ষেত্রের ক্ষতিকর এবং পর্য্যায় পদ্ধতির অন্তিমোদিত। কোন্ ফসলের পর কোন্ ফসল বুনিতে হয়—স্থানীয় কৃষকগণ তাহা সবিশেষ বুঝে, সুতরাং এ সম্বন্ধে তাহাদিগের প্রণালী অবলম্বন করা উচিত। সকল জেলার পর্য্যায়-প্রণালী সমান নহে, এজন্য পর্য্যায়ের নিয়ম এস্থলে দেওয়া গেল না। স্বর্গীয় বন্ধু ৬ নিত্যগোপাল মুখোপাধ্যায় মহাশয়ের Hand Book of Agriculture নামক পুস্তকে তাহা বিশেষরূপে আলোচিত হইয়াছে।

মৃত্তিকা সারবান হইলেও অনাবৃষ্টি হেতু উদ্ভিদগণ বর্ধিত হইতে পারে না। মাটিতে সমুচিত রস না থাকিলে তদন্ত-রসভাব গর্ত স্থলপদার্থ সমূহ বিগলিত হইতে পারে না, বিগলিত পদার্থও রসের অল্পতাহেতু উদ্ভিদ মধ্যে প্রবিষ্ট হইতে পারে না। কৃত্রিম উপায়ে জল সেচন করিতে পারিলে স্বভাবতঃ নিত্যন্ত অহরহর ভূমিতেও উৎপাদিকা শক্তির বিকাশ হইয়া থাকে। একদিকে ঘেরূপ উৎপাদিকা শক্তি প্রচ্ছন্ন থাকে, অন্য দিকে—

ভূমি অতিশয় আর্দ্র থাকিলে ধানাদি জলজ উদ্ভিদ ভিন্ন কোন

উদ্ভিদ তাহাতে আরাম পায় না। রসা জমির উত্তাপ স্বভাবতঃ  
 কম বলিয়া তজ্জাত উদ্ভিদের স্বাস্থ্যহানী হইয়া  
 আত্মতা থাকে, এইজন্য সঞ্চিত জল নিকাশের ব্যবস্থা না  
 করিলে তাহাতে বারোমাস স্তম্ভাঙ্গে আবাদ করা চলে না। অতঃপর—  
 বারম্বার আবাদহেতু উৎপাদিকা শক্তি হ্রাস পাইলে সার প্রয়োগ  
 দ্বারা ভূমির অভাব পূরণ করিয়া দিতে হয়।  
 সারাভাব মৃত্তিকায় স্বভাবতঃ যথেষ্ট সার বিদ্যমান থাকিতেও  
 সার প্রদান করিলে ফসলে সম্বন্ধে তাহার ফ্রিয়া দেখিতে পাওয়া  
 যায়। কৃষকগণ সার প্রদান করিতে পারে না বলিয়া ফসলের ফলন  
 দিন দিন এত অধিক হ্রাস পাইতেছে। ক্ষেত্রে যতই সার থাকুক, প্রতি  
 ফসলের সহিত তাহার সারাংশ যে অল্লাধিক পরিমাণে ক্ষেত্র হইতে  
 বহির্গত হইয়া যায়, সে বিষয়ে কোন সংশয় নাই। ক্ষেত্রে সার দিলে  
 ভূমির স্বাভাবিক শক্তি অক্ষুণ্ণ থাকে।

## পঞ্চবিংশ অধ্যায়

—:—

ভূগর্ভ মধ্যে উৎপাদিকা শক্তি অতি প্রচ্ছন্নভাবে অবস্থান করে।  
 চাষ ও উর্বরতা উক্ত শক্তিকে উদ্দীপিত করিতে পারিলেই ভূমির  
 উর্বরতা দৃষ্টিগোচর হয়। সচরাচর আমরা দেখিতে  
 পাই, প্রাচীন প্রথামত একই প্রণালীতে ক্ষেত্র কর্ষিত হইয়া থাকে।  
 প্রচলিত যে সকল লাজল দেখা যায় তদ্বরা কেবল ভাসা-চাষ (shallow  
 ploughing) হইয়া থাকে। সকল সময়ে একই ভাবে ক্ষেত্র কর্ষিত

হইলে মনোমত বা আশারূপ ফল পাওয়া যায় না। এক ফসলের জন্ম ভাসা-চাষ, পরবর্তী ফসলের জন্ম গভীর-চাষ (deep-ploughing) দিলে সম্যক উপকার পাওয়া যায়। অবিরাম ভাসা-চাষ দিলে উপরিভাগের মাটির স্তর হইতে উদ্ভিদের আহাৰ্য্য ক্রমশঃ হ্রাস প্রাপ্ত হয় কিন্তু গভীর-চাষ দ্বারা উপরিভাগের আপাতনিঃস্ব মৃত্তিকাকে উন্টাইয়া নিম্নদিকে, এবং নিম্নাংশের সারবান মৃত্তিকাকে উপরিভাগে আনিতে পারা যায়। উপরিভাগের মাটি হইতে ক্রমশঃ সার পদার্থ কমিয়া যায় কিন্তু তাহা হইলেও তাহাতে অজীর্ণাবস্থায় যাহা বর্তমান থাকে তাহা নিম্নদেশে গিয়া ক্রমে বিগলিত হইয়া ভবিষ্যতে উদ্ভিদের ব্যবহারোপযোগী হইয়া উঠে। তাহা ব্যতীত, উপরিভাগস্থ মাটির ভিতর দিয়া যে সকল সার পদার্থ চুয়াইয়া নিম্নে নামিয়া যায় তাহাও তথায় গিয়া সঞ্চিত হয়। এইজন্ম উভয় স্তরের মাটিকে উলট-পালট করিয়া রাখিতে পারিলে তত নিঃস্বতা কখনই উপলব্ধি হয় না। মৃত্তিকাকে সৰ্বদা জীবন্ত রাখিবার জন্ম ইহা একটা প্রধান উপায়। এতদুপলক্ষে Leslie Co'র 'Hindustan Plough' বিশেষ ফলপ্রদ। এ গরীব দেশে কৃষকগণকে এ পরামর্শ দিতে ইচ্ছা হয় না। দুই তিন টাকা মূল্যের দেশী লাঙ্গল—তাহারই কৃষকগণ মেরামত করিয়া উঠিতে পারে না,—ভাল বলদ রাখিতে পারে না, বলদকে পূর্ণ আহাৰ্য্য দিতে পারে না, তখন তাহার কিস্তি লেসলি কোম্পানীর ১২।১৩ টাকা দামের লাঙ্গল কিনিবে? আর সে লাঙ্গল টানিবার জন্ম বৃহৎ ও বলিষ্ঠ বলদই বা কোথায় পাইবে? বিত্তসম্পন্ন ব্যক্তিদিগের পক্ষে উন্নত লাঙ্গল ব্যবহার করাই শ্রেয়। উন্নত লাঙ্গল ব্যবহার করায় বিশেষ লাভ এই যে—

কর্ষণকালে মাটি একেবারে উন্টাইয়া যায়,—মাটি গভীররূপে

কর্ষিক হয়, ফলতঃ তজ্জাত তৃণ ও আগাছা সমূহ সমূলে উৎপাটিত হইয়া মাটির নিম্নে গিয়া পড়ে—ক্ষেত্রে শীঘ্র ও  
 সূক্ষ্মণের ফল অধিক জঙ্গল জন্মিতে পায় না,—গৃহস্থের নিড়াই-  
 বার খরচও অনেক কমিয়া যায়। উপরন্তু উৎপাটিত তৃণাদি বিগলিত হইয়া ক্রমে উদ্ভিদের খাণ্ডে পরিণত হয়, মৃত্তিকা সারবান হয়। সাধারণ  
 আবাদের মাটি ৬ = অঙ্গুলি পরিমিত গভীর হইলেই যথেষ্ট। এক বিতস্তি মাটিকে উত্তমাবস্থায় রাখিতে পারিলেই সকল কাজ চলিতে পারে। উপরিভাগের উক্ত এক বিতস্তি মাটিতে যে কত সার পদার্থ সঞ্চিত হইয়া রহিয়াছে তাহার ঠিকানা নাই, তবে মোটামুটি হিসাবে দেখা যায় যে, প্রতি বিঘার আট ইঞ্চ মৃত্তিকা মধ্যে ৫০ = মণ যবক্ষারজান ৮৫ = মণ ফস্ফরিক গ্যাসিড, এবং ২৫০ = মণ পটাস থাকে। যে সকল জমির আট ইঞ্চ মাটির মধ্যে প্রতি বিঘার উল্লিখিত পরিমাণ যবক্ষার-জান, ফস্ফরিক গ্যাসিড, পটাস থাকে, তাহা অতি নিরুষ্ণ জমির মধ্যে গণ্য, কিন্তু উৎকৃষ্ট অর্থাৎ সারবান জমিতে ৭৫ = মণ যবক্ষারজান, ১২৪ = মণ ফস্ফরিক গ্যাসিড, এবং ৬২৫ = মণ পটাস থাকা অসঙ্গত নহে। উৎকৃষ্ট জমির কথা আপাততঃ ছাড়িয়া দিয়া নিরুষ্ণ জমির বিষয় অনুসন্ধান করিলেও দেখিতে পাই যে, তাহাতে বিবিধ ও রাশি রাশি উদ্ভিদের খাণ্ড সঞ্চিত হইয়া রহিয়াছে। সেই সঞ্চিত সার কার্যোপযোগী করিয়া লওয়া ও কার্যে নিয়োজিত করাই বিচক্ষণ ব্যক্তির কার্য। ভূমিতে সার নাই, ভূমি নিঃস্ব, —এরূপ কথা যাঁহারা প্রচার করেন তাঁহারা কৃষি বিষয়ের কোন কথা বলিবার যোগ্যই নহেন—তাঁহাদিগের কথার মূল্যই নাই। স্বভাবতঃ মৃত্তিকা মধ্যে এত সামান্য পরিমাণ সার বর্তমান থাকিলেও ক্ষেত্রে সার প্রদান করিবার তত আবশ্যকতা পরিদৃষ্ট হয় না। এইজন্য পূর্বেই বলিয়াছি যে মৃত্তিকার উপাদান

ও চূর্ণতার উপর উর্ধ্বরতা যত নির্ভর করে, সারের উপর তত নহে। নিরুষ্ণ ভূমিতে সার সংযোজিত হইলে উৎপাদিনী শক্তি যে বৃদ্ধি পায় তাহা অবশ্য স্বীকার করিতে হইবে। আমাদিগের চাষীগণ ক্ষেত্রে সার প্রদান করিতে অক্ষম, এজন্য মৃত্তিকা মধ্যে স্বভাবতঃ যে সার সংগৃহীতাবস্থায় অব্যবহৃত হইয়া রহিয়াছে, তাহাই বাহাতে ফসলের কাজে লাগে, সে জন্ত সচেষ্ठा হওয়া একান্ত কর্তব্য। সুরক্ষণ দ্বারা আমাদিগের সে উদ্দেশ্য সফল হইয়া থাকে

কার্পাস বা অড়হরের জ্বায় দীর্ঘকাল স্থায়ী যে সকল গাছের মূল ভূগত মধ্যে দুই হাতেরও অধিক নিম্নে প্রবেশ করিয়া থাকে, তাহারা উল্লিখিত আট ইঞ্চি অতিক্রম করিয়া নিম্নদিকে প্রবেশ করিলেও তথায় তদনুরূপ পোষণোপযোগী পদার্থ প্রায় সমপরিমানেই পাইয়া থাকে, কারণ নিম্নস্তরেও সার পদার্থের অভাব নাই

ভূমিতে যত উদ্ভিদ-খাদ্য বিद्यমান থাকে তৎসমুদায়ই যে নিরন্তর ব্যবহারোপযোগী হইয়া আছে, তাহা নহে। আবাদী ক্ষেত্রের সার এক দিকে যেমন ব্যয় হইতে থাকে অন্যদিকে তেমনি অজীর্ণ পদার্থ দ্রবীভূত হইয়া ক্রমশঃ ব্যবহারোপযোগী হইতে থাকে। তাবৎ সারাংশ সর্বদা উদ্ভিদের আহরণোপযোগী হইয়া থাকিলে তাবৎ ক্ষেত্রেই অবিশ্রাস্তভাবে আবাদ করা চলিত, তাহার ফলে—কালক্রমে বা অল্পদিন মধ্যেই জমি একেবারেই নিঃস্ব হইয়া পড়িত। ক্ষেত্র হইতে এক ফসল সংগৃহীত হইবার অব্যবহিত পরেই অল্প কোন ফসল আরম্ভ করিলে প্রথমাবস্থায় তাহার বৃদ্ধি তত দ্রুত হয় না, ক্রমে যত দিন যায় তত তাহারা পুষ্টি লাভ করিতে থাকে, তত তাহাদিগের বৃদ্ধি হ্রাসিত হয়। অনু-ধাবন করিলে সহজেই ইহার কারণ খুঁজিয়া পাওয়া যায়। সন্ধ্যা

ব্যবহারোপযোগী সার পদার্থ পূর্ব ফসল দ্বারা আহরিত হইয়া যাওয়ায় মৃত্তিকার হয়ত আপাততঃ কোন কোন পদার্থের অভাব থাকে কিন্তু ক্রমে ক্রমে জল, বায়ু, শিশির ও রৌদ্রের প্রভাবে সেই সকল পদার্থ অবিভাজ্য পরমাণুতে পরিণত হইয়া উদ্ভিদের ব্যবহারে আসিবার উপযোগী হয়।

একই ক্ষেত্রে উপযুক্ত পরি দুই চারিবার আবাদ হইলে মৃত্তিকার উৎপাদিকা শক্তি কিয়দ্দিনের জন্ত স্থিতিশীল হইয়া পড়ে। এতদ্বারা ইহা মনে করা ভুল যে, ভূমি সারহীন হইয়া পড়িয়াছে। সার থাকিতেও কখন কখন ভূমির এরূপ অবস্থা হইয়া থাকে, তাহার কারণ এই যে, মৃত্তিকাস্তর্গত পদার্থ নিচয় হয়ত আপাততঃ উদ্ভিদের ব্যবহারোপযোগী নহে, কিন্তু হয়ত সে সকল পদার্থ এখনও উদ্ভিদের আহরণোপযোগী হয় নাই। মৃত্তিকাস্তর্গত স্থূল পদার্থ অননুময়ে আকারে পরিণত হইয়া রসের সহিত একেবারে উত্তমরূপে মিলিয়া না গেলে উদ্ভিদগণের মূল কোন পদার্থকে আহরণ করিতে পারে না। সকল স্থূল পদার্থেরই একটা সূক্ষ্মাদপিসূক্ষ্ম অবস্থা আছে। সেই অবস্থায় উহারা পরিণত হইলে উদ্ভিদের মূল তাহা গ্রহণে সমর্থ হয় কিন্তু ইহা নির্ণয় করা যায় না যে, উক্ত পদার্থ নিচয়ের কত পরিমাণ আপাততঃ ব্যবহারে আসিবার উপযোগী। রসায়নবিদগণ আজও পর্যন্ত ইহার কিছু মীমাংসা করিয়া উঠিতে পারেন নাই। তবে আমরা সহজ বুদ্ধিতে পারি যে, কোন জমি ফসল গ্রহণের উপযোগী—আর কোন জমি নহে। ক্ষেত্র হইতে ফসল সংগৃহীত হইবার পর যে কোন ফসলের আবাদ করা যায়, তাহার অঙ্কুরোদগম, বৃদ্ধি প্রভৃতির গতিকে দেখিয়া বুঝিতে পারি যে, মৃত্তিকার বর্তমান অবস্থা কিরূপ। উক্ত ক্ষেত্রে শেষ ফসলের শ্রীবৃদ্ধি না

হইলে বৃষ্টিতে হইবে যে, মৃত্তিকা তখনও উদ্ভিদের উপযোগী হয় নাই। যতই নিরুষ্ণ জমি হউক, তাহাতে উদ্ভিদকে জন্মিতেই হইবে। জন্মিয়া সূচাঙ্গরূপে বর্দ্ধিত হওয়া ও ফল প্রদান করা উদ্ভিদের ধর্ম। গাছ জন্মিল কিন্তু তাহা বাড়িল না, ফল ফুল প্রদান করিল না কিম্বা যাহা প্রদান করিল তাহা অকিঞ্চিৎকর হইল। ঈদৃশ আবাদে অর্থ নষ্ট ও শ্রম পণ্ড হয় মাত্র।

বীজা (Sterile) জমির কথা স্বতন্ত্র। বীজা জমিতে যে কোন উদ্ভিদ জন্মে না, তাহার কারণ মৃত্তিকাস্তর্গত উপাদান-  
বীজা ভূমি ভেদ, বিশেষ বিশেষ উপাদানের অভাব বা সমধিক প্রাচুর্য্যতা, মৃত্তিকার শোষকতা বা ধারকতার অভাব, উদ্ভিজ্জীবনের বিনাশকারী পদার্থের অবস্থান ইত্যাদি। উষর বা লোনা জমি, মরুভূমি, বোদ মাটি প্রভৃতি বীজা শ্রেণীর অন্তর্ভুক্ত।

## ষড়বিংশ অধ্যায়

—:—

উদ্ভিদগণ ভূমির উর্বরতা নির্ণয়ের যন্ত্র স্বরূপ। উদ্ভিদের অবস্থা দেখিলেই ভূমি উর্বর কি না তাহা সহজেই বৃষ্টিতে  
উর্বরতার লক্ষণ পারা যায়। কাণ্ড ও শাখাপ্রশাখার লক্ষণ, স্থূলতা ও রসালতা, পত্রাধিক্য, পত্রের পূর্ণতা ও বর্ণের ঘনতা দেখিলে উদ্ভিদ যে সবল ও সুস্থকায় তাহা বৃষ্টিতে পারি। যে ক্ষেত্রের উদ্ভিদে এই সকল লক্ষণ দেখিতে পাওয়া যায়, তাহার মৃত্তিকা সারবান। সার-

নিঃশেষিত বা অল্পসার ভূমির উদ্ভিদগণ শীর্ণ, বিবর্ণ, পত্রাঙ্গ বা পত্রহীন হইয়া থাকে। সারবান ভূমির উদ্ভিদ তেজাল হইয়া থাকে। অনেক স্থলে সারবান ক্ষেত্রের উদ্ভিদকে নিঃস্ব ক্ষেত্রজাত উদ্ভিদের গ্রায় হইতে দেখা যায়। অনেকে প্রকৃত কারণ নির্দেশ করিতে না পারিয়া ভূমির দোষ দিয়া থাকেন। মৃত্তিকার যথোচিত পরিচর্যা না হইলে কিম্বা মৃত্তিকা নীরস হইলে ভূগর্ভস্থ সার দ্বারা উদ্ভিদের কোন উপকার হয় না। মৃত্তিকার শক্তি উর্বরতা হইতে স্বতন্ত্র জিনিষ। উর্বরতার আধার,—ভূগর্ভস্থ সার পদার্থ। ইহা দ্বারা উদ্ভিদগণের আহাৰ্য্যের সংস্থান হয়। ইহাদিগের সমাবেশ ও পরিচর্যা গুণে মৃত্তিকার উৎপাদিকা শক্তির আবির্ভাব হয়।

ভূমিতে উদ্ভিজ্জ পদার্থের অভাব হইলে মৃত্তিকার উর্বরতা হ্রাস পাইয়া থাকে। সেই অভাব দূর করিবার জন্ত সময়ে সময়ে ক্ষেত্রে ফাও-ফসলের আবাদ করা উচিত। ত্রয়োবিংশ অধ্যায়ে ‘ফাও-ফসল’ আলোচিত হইয়াছে। ভূমিতে রাশিকৃত উদ্ভিদের আহাৰ্য্য পদার্থ বর্তমান থাকিতেও মাটি কঠিন হইয়া গেলে তাহাতে কোন উদ্ভিদ ভাল থাকিতে পারে না। মূল দ্বারা উদ্ভিদগণ আহাৰ্য্য আহরণ করে, মৃত্তিকা কঠিন থাকিলে মূলের সংখ্যা বৃদ্ধি পাওয়া দূরের কথা, যে সকল ইতঃপূর্বে জন্মিয়াছে, তাহারাও বিস্তৃত হইতে না পারিয়া নির্দিষ্ট স্থান মধ্যে অঙ্কুরিত হইয়া অবস্থান করে! ভূমির পৃষ্ঠদেশ কষিত থাকিলে তাহাতে উদ্ভিদ জন্মিতে পারে কিন্তু তাদৃশ বৃদ্ধিশীল হইতে পারে না। নিম্নতলের (sub-soil) সহিত উপরিতলের (Surface) ঘন সঙ্ঘর্ষ থাকিলে উদ্ভিদের মূল, সংখ্যায় ও দীর্ঘে বৃদ্ধিত হইয়া যথাবশত সার এবং সেই সঙ্গে আহাৰ্য্য শোষণ করিতে সমর্থ হয়। উভয়তলের এইরূপ সঙ্ঘর্ষ রাখিতে হইলে মৃত্তিকায় যথেষ্ট পরিমাণ উদ্ভিজ্জ পদার্থ থাকা একান্ত প্রয়োজন। উদ্ভিজ্জ পদার্থ দ্বারা মৃত্তিকা স্থিতিস্থাপক, কোমল ও রসাল হয়, উপরন্তু



রস ও উত্তাপ শোষণ ও ধারণ করিতে সক্ষম হয়। এতদ্ব্যতীত উদ্ভিজ্জ পদার্থ হইতে মৃত্তিকায় সোরাজানের সংস্থান হয় তন্নিবন্ধন জীবাণুগণের বংশ বৃদ্ধি হইয়া ভূমিতে সোরাজান সঞ্চিত হইবার সুবিধা করিয়া দেয়। অনন্তর মৃত্তিকা উত্তম রস অবস্থায় থাকিলে উদ্ভিদগণ যথেষ্ট রস আহরণ করিতে সমর্থ হয়, সুতরাং আহাৰ্য্য পদার্থও যথেষ্ট পরিমাণে উদ্ভিদ শরীরে প্রবেশ লাভ করে। বর্ষাকালে যে উদ্ভিদের এত বৃদ্ধি হয় তাহার অত্যন্ত কারণ—রস-প্রাচুর্য্য। অপর ঋতুতে ক্ষেত্রে জলসেচন করিবার নিয়ম আছে। সে সময়ে যে জমিতে জলসেচিত হয়, তজ্জাত উদ্ভিদ উল্লিখিত কারণেই বৃদ্ধিশীল হয়। উদ্ভিদ যদি কেবল জলই আহরণ করে, তাহা হইলে উহার অঙ্গ সোষ্টব কখনও দৃঢ় হইতে পারে না। কেবল রসে গাছ বাড়ে না। উদ্ভিদের যে স্থূল শরীর তাহা স্থূল পদার্থেরই সমাবেশ মাত্র কিন্তু ভিন্নরূপে প্রকাশিত। উদ্ভিদমূল যে রস আহরণ করে তাহা গাছের হরিতাংশ দিয়া বহির্গত হইয়া বাইতেছে কিন্তু সমুদায় রস নির্গত হইয়া গেলে গাছের মৃত্যু অবশ্যস্বাভাবী। কেবলমাত্র জলে—কি উদ্ভিদ, কি জীব—কেহই অধিক দিন বাঁচিয়া থাকিতে পারে না, অধিকন্তু স্থূল ও পুষ্টিকর পদার্থের অভাবে অঙ্গ-সোষ্টবের বৃদ্ধি রুদ্ধ হইয়া যায় এবং ক্রমেই ক্ষয় প্রাপ্ত হইয়া অবশেষে কালগ্রাসে পতিত হয়। ইহাই হইল জগতের সাধারণ নিয়ম।

নিম্নবঙ্গ ভিজা দেশ বলিয়া ‘সুজলা সুফলা শস্য শ্যামলা’। পশ্চিম

বঙ্গ, রাঢ় দেশ, বেহার, যুক্ত-প্রদেশ প্রভৃতির মাটি বারিকৃচ্ছতা

সারসঙ্কুল হইলেও বারিপাতের অল্পতাহেতু ভূগর্ভস্থ সার পদার্থ অতি অল্পই ব্যবহারিক কার্য্যে আসে। বারিকৃচ্ছদেশে জলসেচনের সুবন্দোবস্ত থাকিলে দেশে কি অজন্মা হয়, না প্রতিনিয়ত হুর্ভিক্ষ হয়? হুর্ভিক্ষের কারণ নির্ণয় করিতে গিয়া অনেকে অনেক

কারণ নির্দেশ করিয়াছেন, কিন্তু আমার—মনে হয়, মনে হয়, কেন—  
বিশ্বাস যে, ভূমির উৎপাদিকা শক্তি যাহাতে কার্য্যকরী হইতে পারে  
তাহার চেষ্টা করিলে দেশ রক্ষা পায়। পাঞ্জাব ও যুক্তপ্রদেশে নানা  
দিকে খাল খনন করিয়া দেওয়ায় সহস্র সহস্র বিঘা ভূমি আবাদোপযোগী  
হইয়াছে,—কত লক্ষ্য লক্ষ্য নরনারী,—সেই সঙ্গে কত লক্ষ লক্ষ  
গৃহপালিত পশু—প্রতিপালিত হইতেছে! মৃত্তিকায় রসের পরিমাণ জ্ঞাত  
হইতে পারিলে তাহার উৎপাদিকা শক্তির পরিমাণ বুঝিতে বিলম্ব হয়  
না। মৃত্তিকা মধ্যে লক্ষ্য লক্ষ্য মণ উদ্ভিদখাদ্য বর্ত্তমান থাকিতে যদি  
তাহা রসহীন হয় তাহা হইলে সে জমি মরুভূমির ন্যায় অকর্ম্মণ্য,—  
সে জমি সংসারের কোন কাজেই আসে না।

ইতঃপূর্বেই বলিয়াছি যে, সিক্ত ও উত্তাপহীন জমিও সাধারণ  
কৃষিকার্য্যের পক্ষে বিশেষ উপযোগী নহে। উচ্চ ও শুষ্ক জমিতে  
রসাত্তাব বা রসের অল্পতাহেতু যেরূপ মৃত্তিকার উর্ব্বরতা প্রচ্ছন্ন  
থাকে, সিক্ত ও শৈত্য ভূমিতেও ভৌতিক ক্রিয়ার অভাব বশতঃ  
উৎপাদিকা শক্তি নিদ্রিত থাকে। ঈদৃশ ভূমিকে কার্য্যোপযোগী করিয়া  
লইতে হইলে পয়ঃপ্রণালীর ব্যবস্থা করা বিশেষ প্রয়োজন। অতঃপর  
বর্ত্তমানে কোন ফসলকে হ্রিৎসারে পরিণত করিতে পারিলে এ  
বিষয়ে অনেক সহায়তা হয়, কারণ এতদ্বারা ভূমির সিক্ততা অনেক  
কমিয়া যায়, ফলতঃ, ভূগর্ভস্থ সার উদ্ভিদের ব্যবহারোপযোগী হইবার  
স্বযোগ পায়। তাবৎ আবাদী ক্ষেত্রই প্রভূত সার পদার্থে পূর্ণ, কিন্তু  
উদ্ভিদগণ তাহার যৎসামান্য অংশই আহরণ করিয়া থাকে সুতরাং  
জমিতে সারের প্রায় অভাব হয় না, তাহা হইলেও মৃত্তিকাকে সর্ব্বদা  
উর্ব্বরা রাখিবার জন্ত সূক্ষ্ম, জল-নিকাশ, আবাদ পর্য্যায় ও ক্ষেত্রে  
সার সংযোগ প্রভৃতির ব্যবস্থা করা একান্ত কর্তব্য।

## সপ্তবিংশ অধ্যায়

—:~:—

অনুচ (Virgin) ক্ষেত্রে প্রথম প্রথম যত অধিক পরিমাণে ফসল উৎপন্ন

উর্বরতা রক্ষার হইয়া থাকে, পরে সেইরূপ প্রায় হয় না। এইরূপে যত

উপায়

দিন যায়, অবিচ্ছিন্নরূপে আবাদ হইতে থাকায়  
ক্ষেত্রের শক্তি তত কমিয়া আসে—ইহা সকলেই

অবগত আছেন। পঞ্চাশ বৎসর পূর্বে যে ক্ষেত্র দশ মণ ফসল প্রসব করিতে পারিত আজ হয়ত তাহাতে পাঁচমণ হয়, আবার কিছু দিন পরে পাঁচ মণ অপেক্ষা কমিয়া যাইতে পারে। ভূগর্ভ সার পদার্থে পূর্ণ বলিয়া প্রতিনিয়ত আবাদ হওয়াতেও ক্ষেত্র নিঃস্ব হইয়া পড়ে নাই। আবার ইহাও দেখা যায় যে, কোন বৎসর ফসল অধিক জন্মে, কোন বৎসর কম জন্মে। ক্ষেত্রের শক্তি প্রতিবৎসর হ্রাস পাইতে থাকিলে ফসলের পরিমাণ প্রতি বৎসর কম হইতে থাকিবে—কোন বৎসর বাড়িতে পারে না। যখন হ্রাস, বৃদ্ধি আছে, তখন ইহার অন্তরালে যে কোন কারণ প্রচ্ছন্ন আছে তাহা স্থানিশ্চিত। বিশেষ বিশেষ কারণে মৃত্তিকার অবস্থান্তর হইয়া থাকে। অনাবৃষ্টি বা বারিকৃচ্ছ বৎসরে ফসলের বৃদ্ধি তাদৃশ অধিক হয় না, স্তবরাং সে বৎসর ফসল অধিক জন্মে না, কিন্তু বারিপাত হইলে মৃত্তিকাস্তর্গত পদার্থ সমূহ বিগলিত হইবার সুযোগ পায়, এবং বিগলিত হইয়া সহজে ও অধিক পরিমাণে উদ্ভিদ শরীরে প্রবেশ করিতে পারে। মাটিতে রস অল্প থাকিলে সমূহ তেজস্কর জমিরও ফলন কমিয়া গিয়া থাকে। ক্ষেত্রের উর্বরতা রক্ষা করা মনুষ্যের চেষ্টা বা সাধ্যের অতীত নহে। আমরা চেষ্টা ও যত্ন করিলে ক্ষেত্রের

উর্বরতা রক্ষা করিতে পারি এবং বাড়াইতে ও পারি, তখন আমাদিগের হতাশ হইবার কোন কারণ নাই।

আবাদী ফসল সংগৃহীত হইলে তাহার সহিত ক্ষেত্রের যে সারাংশ চলিয়া যায় তাহাতে ক্ষেত্রের শক্তির অভাব না হইলেও উক্ত পদার্থ ক্ষেত্রে থাকিতে পাইলে যে ভাল হয়, তাহাতে সন্দেহ নাই। উর্বরতাকে সমভাবে রাখিবার জন্ত সময়ে সময়ে ক্ষেত্রে সার প্রদান করিবার ব্যবস্থা আছে। যে ক্ষেত্রে সার পদার্থের অভাব বা অল্পতা বুঝিতে পারা যায় তাহাতেই সার প্রয়োগ করিবার আবশ্যক হইয়া থাকে ; সার প্রয়োগে জমির উর্বরতা বৃদ্ধি পায়।

ক্ষেত্র মধ্যে স্বভাবতঃ যে পরিমাণ সার পদার্থ সঞ্চিত আছে তাহার অল্পপাতে প্রত্যেক ফসল যে পরিমাণ সার পদার্থ উহা হইতে আহরণ করে, তাহা অতি যৎসামান্য সূত্রাং সহস্র সহস্র বৎসর আবাদ হইলেও তাহা নিঃশেষিত হইবার নহে। কিন্তু সত্ত্ব ব্যবহারোপযোগী পদার্থের পরিমাণ আপাততঃ হ্রাস প্রাপ্ত হয় বলিয়াই অবিচ্ছিন্ন আবাদের ফলে ক্ষেত্রের ফলন কিছুদিনের জন্ত কমিয়া যায়। হাল্কা ও বেলমাটির সংগঠন তাদৃশ ঘন নহে বলিয়া বর্ষা কালে উপরিভাগস্থ সূক্ষ্ম পদার্থ সমূহ ভূগর্ভ মধ্যে নামিয়া যায়, তন্নিবন্ধন উপরিভাগের মৃত্তিকায় আপাততঃ উদ্ভিদের আহারীয় পদার্থের অনটন বা অভাব হয়। এই কারণে ঈদৃশ জমিতে নিরন্তর সার প্রদান করা একান্ত প্রয়োজন, অন্যথা তাহাতে আবাদ করিয়া কোন ফল লাভ হয় না। এইরূপ পুনঃ পুনঃ আবাদ হওয়ায় ও ক্ষেত্রে পুনঃ পুনঃ সার প্রদত্ত হওয়ায় মৃত্তিকারও অবয়ব পরিপুষ্ট ও সারাল হয়, ফলতঃ তাহার প্রকৃতির ও অনেক পরিবর্তন সংঘটিত হয়। জ্ঞাতসারে বা অজ্ঞাতসারে ক্ষেত্রের উর্বরতা চিরকাল সংরক্ষিত হইয়া

আসিতেছে। ভূমি যতই অল্পকর্ষবা হউক তাহাতে তত আসিয়া যায় না, কিন্তু সূক্ষ্ম অর্থাৎ ক্ষেত্রে বারম্বার হলচালনা করা, ক্ষেত্রকে গভীর রূপে কর্ষণ করা, মৃত্তিকা চূর্ণ করা এবং ক্ষেত্রে শীতোত্তাপ রক্ষা করা ইত্যাদির দ্বারা ভূমির উৎপাদিকা শক্তিকে রক্ষা ও বর্দ্ধিত করিতে হইবে।

## অষ্টবিংশ অধ্যায়

:-:-:-

ভূমি হইতে যে পরিমাণ সার ক্ষয় প্রাপ্ত হয়, তৎসমুদায়ই যে ফসলের দ্বারা গৃহিত হইয়া থাকে তাহা নহে। বর্ষাকালের ধোত ভূমি বৃষ্টিতে অনেক জমি ধুইয়া যায়, সেই সঙ্গে তাহার উপরিভাগের অনেক সূক্ষ্ম সার-মাটি তিরোহিত হয়। মৃত্তিকার শক্তিহীন হইবার ইহাও একটা বিশেষ কারণ। প্রতি পসলা বৃষ্টিতেই যে জমি ধুইয়া যায় তাহা নহে। সচরাচর প্রবল ধারায় বৃষ্টি হইলেই প্রায় এইরূপ ঘটে কারণ তখন জমিতে এত শীঘ্র জল সঞ্চিত হয় যে, মৃত্তিকা তাহা শোষণ করিয়া লইবার অবসর পায় না। ঝিম্-ঝিমে বা অল্প অল্প বৃষ্টি হইলে মৃত্তিকা তাহা অবিলম্বেই শোষণ করিয়া লইতে পারে সুতরাং তদ্বারা জমির কোন ক্ষতি না হইয়া বরং উপকারই হইয়া থাকে।

ঢালু ও বন্ধুর জমি হইতে এইরূপে মৃত্তিকার সূক্ষ্ম সার ভাগ বহির্গত হইয়া অপেক্ষাকৃত নিম্ন ও সমতল ভূমিতে গিয়া আশ্রয় লয়। ইতঃপূর্বে

বলা হইয়াছে যে, সূক্ষ্ম পরমাণুই উদ্ভিদের আপাততঃ আহরণোপযোগী সার পদার্থ, সুতরাং তাহা নির্গত হইয়া গেলে ভূমির উৎপাদিকা শক্তি হ্রাস প্রাপ্ত হয়। এইরূপে পুনঃ পুনঃ ও দীর্ঘকাল ধরিয়া ক্ষেত্র বিধৌত হইয়া ধোয়াট মাটি ক্ষেত্রাস্তরিত হইলে ভূমির শক্তি যে কমিয়া যাইবে তাহাতে আর আশ্চর্য্য কি? দুই একবার ধুইয়া গেলে তত আসিয়া যায় না, কিন্তু মৃত্তিকার স্থূল ও অনূঢ় পদার্থ খতই বায়ু বৃষ্টি প্রভৃতির সাহায্যে সূক্ষ্মাংশে পরিণত হইবে, ততই যদি তাহা বিধৌত হইয়া স্থানান্তরে নীত হয়, তাহা হইলে সে জমিতে কোন কালেই সার সঞ্চিত হইয়া থাকিতে পারিবে না, অগত্যা অত্যল্পকাল মধ্যে উহা অসার ও অকর্ম্মণ্য হইয়া পড়িবে।

পার্বত্য প্রদেশে প্রতি বৎসর বর্ষাকালে রাশি রাশি সূক্ষ্ম মাটি বিধৌত হইয়া তরাই ভূমিতে স্থান পাইতেছে সুতরাং ধোয়াট-রোধ সেরূপ জমি দিন দিন ভরাট ও সারপূর্ণ হইয়া উঠিতেছে, অগ্রদিকে উচ্চ ও গড়েন ভূমি সমূহ কঙ্কালসার হইয়া পড়িতেছে এবং উপরিভাগে সূক্ষ্ম মৃত্তিকার পরিবর্তে শিলা কঙ্কর দেখা দিতেছে। ধোয়াট হইতে রক্ষা করিবার জন্ত ঐদৃশ গড়েন জমিকে চকবন্দি ও থাকবন্দি করিয়া লইতে হয়। এ দেশের কৃষকগণ এ প্রথা বহুকাল হইতেই অবগত আছে। ক্ষেত্র মধ্যে বর্ষার জল আবদ্ধ করিবার উদ্দেশ্যেই কৃষকগণ স্বয়ং ক্ষেত্রের চতুর্পার্শ্বে আল বা বাঁধ দিয়া রাখে। ইহাকেই চকবন্দি কহে। ক্ষেত্রের জল আটক করা ও সার আটক করা—একই কথা এবং এক উদ্দেশ্যে দুই কার্য্য সমাহিত হয়। ক্ষেত্র চকবন্দি ও সমতল হইলে সর্বত্র সমভাবে রস সঞ্চিত থাকে এবং উত্তাপও সর্বত্র সমভাবে সংরক্ষিত হয়। আলবিহীন ও গড়েন জমিতে যে সকল আবাদ হইয়া থাকে, তাহাতে দেখা যায় যে, উচ্চ স্থান অপেক্ষা নিম্ন স্থানের

উদ্ভিদসমূহ বৃদ্ধিশীল ও তেজাল হইয়া থাকে এবং তাহার ফসলও পরি-  
পুষ্ট হয় ও সমধিক হয়। এতদ্বারা বেশ বুঝিতে পারা যায় যে, উচ্চ স্থান  
অপেক্ষা নিম্নাংশ অধিক সারাল,—অধিক রসাল।

ক্ষেত্রকে মধ্যে মধ্যে ‘জিরেন’ দিতে হয় ইহা অনেকেই অবগত  
আছেন। ক্ষেত্রে ক্রমাগত আবাদ হইতে থাকিলে  
ভূমির জিরেন মৃত্তিকাস্তর্গত স্থূল পদার্থরাশি শীঘ্র এবীভূত হইতে  
পারে না ফলতঃ উদ্ভিদগণ আহারাভাব অনুভব করে। মৃত্তিকার উৎ-  
পাদিকাশক্তি অনুসারে জমিকে মধ্যে মধ্যে এক বা দুই ফসল-কাল বিশ্রাম  
দেওয়া যায়। বিশ্রাম পাইলে সূর্য্যোত্তাপ, বায়ু, বৃষ্টি ও শিশিরাতির সাহায্যে  
মৃত্তিকাস্তর্গত পদার্থ এইরূপ সমধিক পরিমাণে বিগলিত হইয়া উদ্ভিদের  
আহরণোপযোগী হইয়া থাকে। এইরূপে নবশক্তি সঞ্চারিত হইবার  
পর ক্ষেত্রে যে কোন ফসলের আবাদ করা যায় তাহা অপেক্ষাকৃত  
অধিক ফলন্ত হইয়া থাকে। কোন মূল্যবান ফসলের আবাদ করিতে  
হইলে ভাবী ক্ষেত্রকে এক-ফসল-কাল জিরেন দিবার প্রথা অনেক  
দেশেই আছে। ত্রিহতে যে ক্ষেত্রে তামাকের আবাদ হয়, তাহাকে  
পূর্বেই এক ফসল-কাল জিরেন দেওয়া হইয়া থাকে এবং জিরেন-কালে  
তাহাতে মধ্যে মধ্যে হল-চালনা করা হয়।

ইয়ুরোপ ও আমেরিকাতেও জমিকে জিরেন দিবার পদ্ধতি বহুকাল  
হইতে প্রচলিত আছে কিন্তু আমেরিকার এক্ষণে  
উন্নত যন্ত্রাদির ব্যবহার জিরেন-প্রথা প্রায় উঠিয়া গিয়াছে। এক্ষণে  
কর্ষণোপযোগী নানাবিধ যন্ত্র আবিষ্কৃত হওয়ায় কৃষকগণ ক্ষেত্রকে  
জিরেন না দিয়া উত্তমরূপে কর্ষণ করিয়া থাকে। মার্কিনাগণ  
কার্য্যতঃ প্রতিপন্ন করিয়াছেন যে, উত্তমরূপে কর্ষণ করিতে পারিলে  
জমিকে জিরেন দিবার আবশ্যক হয় না। প্রাচীনকালে কৃষিকার্য্যের

উপযোগী উত্তম উত্তম যন্ত্র না থাকায় লোকে জমিকে উত্তমরূপে অর্থাৎ গভীররূপে কর্ষণ ও মৃত্তিকাকে তাদৃশ সূক্ষ্মভাবে চূর্ণ করিতে পারিত না, তন্নিবন্ধন মৃত্তিকাস্তর্গত উদ্ভিদের খাড়া-রাশির দ্রবীভূত হইতে কালবিলম্ব ঘটিত। এক্ষণে উন্নত যন্ত্রাদির সাহায্যে ভূমি উত্তমরূপে কর্ষিত হইয়া থাকে, তন্নিবন্ধন উপরের হতসারমৃত্তিকা নিম্নভাগে এবং নিম্নের সারাল মৃত্তিকা উপরিভাগে আসিয়া পড়ে স্ততরাং মৃত্তিকা সুন্দররূপে চূর্ণীত ও সঞ্চালিত হয়। এই সকল কারণে উৎপাদিকা-শক্তি পুনরুদ্ধীপিত হইয়া উঠে, ফলতঃ জমিকে জিরেন দিবার আদৌ আবশ্যক হয় না। ভারতবর্ষে এখনও সেই প্রাচীন ব্যবহার তিরোধান হয় নাই, ভারতে এখনও সেই সাবেক আমলের লাজল চলিতেছে,— কাজেই ভূমির উৎকর্ষতা বৃদ্ধি পাইতেছে না, বরং তাহার লাঘবই হইতেছে। ভূ-গর্ভে সার সঞ্চিত থাকিতেও জমি নিঃস্ব হইয়া পড়িয়াছে মনে করিয়া আমরা হতাশ হইয়া পড়ি, আর জমিকে মধ্যে মধ্যে জিরেন দিয়া অনর্থক পতিতাবস্থায় রাখিতে বাধ্য হই। এদেশের সাহেব কুঠিয়ালগণ ও অনেক কৃষিকর্মনিরত সাহেব বিলাতী উন্নত যন্ত্রাদি ব্যবহার করিয়া থাকেন। দেশীয় অগ্নাধিক ব্যক্তিও উন্নত লাজল, উন্নত বিদে প্রভৃতি দ্বারা কৃষিকার্য্য করিতেছেন। যাহারা এই সকল আধুনিক যন্ত্র ব্যবহার করিয়াছেন বা করিতেছেন তাঁহারাই উহাদিগের উপকারিতা যথেষ্ট হৃদয়ঙ্গম করিয়াছেন।

কর্ষণ হইলে কর্ষিত মৃত্তিকার পরিমাণ অধিক হয়,—মাটি ধূলাবৎ

হয়। এতদবস্থায় একাধারে বহু পরিমাণ মৃত্তিকা  
 মৃত্তিকার :                      ভৌতিক ক্রিয়ার সাহায্য প্রাপ্ত হয় এবং রৌদ্র,  
 আরতন বৃদ্ধি                      বৃষ্টি, শিশির বায়ু প্রভৃতি প্রত্যেক অণু-পরমাণুর

উপর আপনাপন শক্তি প্রয়োগ করিবার অবসর ও সুযোগ পায়।



আমাদিগের ক্ষুদ্র লাঙ্গল, মদিকা বিদে প্রভৃতি দ্বারা না হয় গভীর কর্ষণ, না হয় মৃত্তিকা চূর্ণন। ঈদৃশ যন্ত্র দ্বারা জমির সমুদায় স্থল স্ফটিকরূপে কর্ষিতও হয় না। তাহা ব্যতীত, রাশি রাশি ছোট বড় টেলা থাকিয়া যায়, ফলতঃ রৌদ্র ও শিশিরাদি সমগ্র মৃত্তিকার উপর নিজ নিজ আধিপত্য বিস্তার করিতে পারে না। এই সকল কারণবশতঃ অধিক মাটি দ্রবীভূত হইতে পায় না—আর এইজন্ত ভূমির শক্তি আমরা বুঝিতে পারি না।

জিরেনের প্রয়োজনীয়তা স্বীকার করিলেও, ক্ষেত্রকে পতিত রাখিয়া জিরেন না দিয়া, জিরেন-কাল-মধ্যে ক্ষেত্রে কোনও ফাও-ফসল উৎপন্ন করিলে চলিতে পারে। দ্বাবিংশ অধ্যায়ে ফাও-ফসলের বিষয় আলোচিত হইয়াছে।

## উনত্রিংশ অধ্যায়

—: : :—

যে সকল দেশের বারিপাত অতি সামান্য, এমন কি—সম্বৎসরে  
বিরাম কাল ১০।১৫ ইঞ্চির অধিক নহে, তথাকার জমি স্বভাব-  
তঃই শুষ্ক। তথায় যে পরিমাণ উদ্ভিদ-খাদ্য থাকে,  
তাহা জীর্ণ হইয়া উদ্ভিদের আহারণোপযোগী হইতে অধিক সময়  
লাগে। গড়েন জমিতে জল অধিক শোষিত হইতে পায় না, তন্নিবন্ধন  
তথাকার মৃত্তিকা সরস না হইলে তাহাতে ভৌতিক ক্রিয়ার সমাবেশ  
হয় না, সুতরাং তাহার সারাংশ অনুঢাবস্থায় থাকিয়া যায়। এক্ষণে  
স্থলে ফাও-ফসল আবাদ করিয়া ক্ষেত্রকে জিরেন দেওয়া ভাল,

কিন্তু কত দিন অন্তর জিরেন দিতে হইবে তাহা ভূ-স্বামীর বিবেচনার উপর নির্ভর করে। ভূমি একান্তই সারহীন হইলে এক বৎসর অন্তর জিরেন দিতে হয়, নতুবা দুই তিন বৎসর অন্তর দেওয়া একান্ত আবশ্যক। ঐদৃশ জমিতে যথোচিত পরিমাণে উদ্ভিজ্জ-সার দিতে পারিলে উহা অধিক পরিমাণে বৃষ্টির জল শোষণ করিতে সমর্থ হয়, তাহার ফলে অনূঢ় পদার্থ বহু পরিমাণে ও অল্পকাল মধ্যে জীর্ণ হইয়া থাকে। ‘পতিত-জিরেনের’ ব্যবস্থা অতরূপ।

জমিকে পতিত-জিরেন দিয়া নিশ্চিন্ত থাকিলে চলিবে না।  
 পতিত-জিরেন      এতদবস্থায় মধ্যে মধ্যে হলচালনা দ্বারা মৃত্তিকা  
                                  আলগা রাখিতে পারিলে বর্ষার তাবৎ জল ভূমি  
 শোষণ করিয়া লইতে পারে। ভূমি যত অধিক জল শোষণ করিতে  
 সক্ষম হইবে, মৃত্তিকা তত অধিক দিন সরস থাকিবে। স্বভাবতঃ যে  
 জমি আর্দ্র তাহাকে বিশ্রাম দিবার আবশ্যক হয় না, বরং জিরেন দিলে  
 তাহাতে নানাবিধ ঘাস ও আগাছা জন্মে এবং ভবিষ্যতে আবাদ করিতে  
 বড় কষ্ট পাইতে হয়, কারণ জিরেন পাইবার হেতু সেই সকল আগাছার  
 শিকড় ক্ষেত্রময় এত ব্যাপ্ত হইয়া পড়ে যে, পরে সে ক্ষেতকে ক্রমাগত  
 নিড়াইতে হয়। এই সকল আগাছার বীজ জন্মিয়া বীজ সমূহ  
 ক্ষেত্রময় ছড়াইয়া পড়ে এবং নূতন ভাবে জন্মিতে থাকে, সুতরাং  
 নিড়াইবার কাজ বাড়িয়া যায়।

জমিকে জিরেন দিলে আর একটা বিশেষ উপকার পাওয়া যায়  
 জিরেনের      এই যে, সংযুক্ত পদার্থ সমূহ বিমুক্তি লাভ করতঃ  
                                  বিচ্ছিন্ন হইয়া পড়ে। সংযুক্ত পদার্থ বিচ্ছিন্ন হইয়া  
 উপশরিতা      পড়িলে উদ্ভিদ-খাদ্য দ্রবীভূত হয় উপরন্তু নাই-  
 ট্রোজেন (ঘব্কারজান) বিমুক্ত হইবার পথ সরল হয়। জিরেন-

ভূমি কষিত হইলে তন্মধ্যে রৌদ্র, বৃষ্টি, শিশির, প্রভৃতির ক্রিয়া অধিক ও বিস্তৃত হয় বলিয়া অনুচ স্থূল পদার্থ আর ঘন ভাবে সম্বন্ধ থাকিতে পারে না, অগত্যা তাহারা নাইট্রোজেনকে ছাড়িয়া দিতে বাধ্য হয়। তাহার ফলে সারবান হাল্কা মাটিতে অনেক সময় উপকার না হইয়া অপকার হইয়া থাকে, কারণ হাল্কা জমির মাটি ফাঁপা থাকে, তন্মধ্যে বায়ু গমনাগমনের পথ প্রশস্ত থাকে এবং যৌগিক আকর্ষণে মৃত্তিকাস্তর্গত বিমুক্ত নাইট্রোজেন বায়ুমণ্ডলে চলিয়া যায়। উক্ত সোবাজনজনিত বাষ্প ভূমির একটি বিশেষ সম্পত্তি এবং উদ্ভিদের একটি বিশেষ পুষ্টিকর আহাৰ্য্য। ভূমি হইতে উক্ত বাষ্পের অপচয় হওয়া ফসলের পক্ষে বিশেষ ক্ষতিকর। উদ্ভিদের লাভণ্য ও বৃদ্ধিশীলতা—এই নাইট্রোজেন নামক বাষ্পের উপরেই নির্ভর করে। ঈদৃশ জমিকে জিরেন না দিয়া পর্য্যায় পদ্ধতি অবলম্বন করিলে সে উদ্দেশ্য সূক্ষ্ম হইতে পারে।

## ত্রিংশ অধ্যায়

—:•:—

একই ক্ষেত্রে বারংবার সমবর্গীয় ফসলের আবাদ করিলে তাহাতে তাদৃশ অধিক ফসল উৎপন্ন হয় না, এইজন্ত ক্ষেত্রে পর্য্যায় আবাদ ভিন্ন ভিন্ন ফসলের আবাদ করিতে হয়। এই প্রণালীকে ‘পর্য্যায়-আবাদ’ (Rotation) কহে। একই ক্ষেত্রে প্রতি

বৎসর ইক্ষুর আবাদ করিলে প্রথম বৎসর অপেক্ষা দ্বিতীয় বৎসরে ফলন কম হইয়া থাকে, আবার তৃতীয় বৎসরে দ্বিতীয় বৎসরের অপেক্ষা ফলন কমিয়া যায় এবং পরে ক্রমশঃ ফসল কমিতেই থাকে। এতদ্ব্যতীত ফসলের গুণবস্তারও হ্রাস হয় কিন্তু দ্বিতীয় বৎসর তাহাতে অপর ফসলের—বিশেষতঃ সিদ্ধীক ফসলের অর্থাৎ নানা জাতীয় মটর ও কলাই, নীল, শণ, বীন, বুট, সীম প্রভৃতির আবাদ করিলে ক্ষেত্রের নষ্ট-শক্তি পুনরায় সমাগত হয়। সকল ফসলের নিজ নিজ আহাৰ্য্যের একটি নির্দিষ্ট পরিমাণ আছে, সুতরাং একই ক্ষেত্রে উপর্যুপরি একই ফসলের আবাদ হইলে উক্ত ফসল আপাততঃ প্রয়োজনমত আহাৰ্য্যভাবে মুহূর্ণ্য হইয়া পড়ে, মৃত্তিকা হইতে উক্ত ফসল যে যে পদার্থ সম্বৎসরে যে পরিমাণে আহরণ করিয়া লইয়াছে, সেই সেই পদার্থ আপাততঃ আহাৰ্য্যোপযোগী অবস্থায় পাওয়া যায় না, কিন্তু সে বৎসর তাহাতে উল্লিখিত কোন সিদ্ধীক ফসলের আবাদ করিলে শেষোক্ত ফসল তথা হইতে আপনাদিগের আহাৰ্য্য যথা পরিমাণে পাইয়া থাকে। সিদ্ধীক উদ্ভিদের বিশেষত্ব এই যে, উহাদিগের মূল সমূহ বায়ুমণ্ডলস্থ যবক্ষারজান (nitrogen) আহরণ করিতে সমর্থ। এই কারণে তাহারা আপনারাই বৃদ্ধিশীল হয় অধিকন্তু নিজ নিজ অবয়বগত তাবৎ পদার্থ মরণকালে ভূমিতেই রাখিয়া যায়। এতদ্বারা ভূমিতে সোরাজানের সঞ্চয় হয়, তন্নিবন্ধন পরবর্তী ফসলের উপকার হয়। অতঃপর—

দ্বিতীয় ফসলের, পূর্ববর্তী ফসলের প্রয়োজনীয় পদার্থ সমূহের প্রয়োজন না হওয়ায়, সেই সকল পদার্থ ইতোমধ্যে পুনরায় ভৌতিক ক্রিয়াবশে ব্যবহারোপযোগী হইয়া উঠে এবং উপরিভাগে সঞ্চিত হইয়া থাকে। এই জন্ত ফসল পরিবর্তন করিলে প্রত্যক্ষ লাভ দেখিতে পা

যায়। পর্যায়-আবাদের জন্ত কোন ফসলের পর কোন ফসল সে ক্ষেত্রের উপযোগী হইবে তাহা বিবেচনা পূর্বক নির্ধারিত করিতে হয় নতুবা হিত করিতে গিয়া বিপরীত ফল হইয়া থাকে। ইক্ষু ক্ষেত্রে ভুট্টা, দেব-ধাত্ত বা গহমা, ধাত্ত, গোধূম, চীনা, মাড়ুয়া প্রভৃতি তৃণবর্গীয় উদ্ভিদের আবাদ করিলে চলিবে না, কারণ এ সকলই সম বর্গীয় উদ্ভিদ এবং ইহারা সকলেই ক্ষেত্রের নিতান্ত শক্তিহরণকারী। সিদ্ধীক উদ্ভিদগণ মৃত্তিকার শক্তি-সংগ্রাহক। সেই জন্ত উল্লিখিত যে কোন ফসলের পর সিদ্ধীক ফসলের আবাদ করা উচিত।

প্রায় দেখা যায় ধাত্ত, গোধূম, চীনা, মাড়ুয়া প্রভৃতি একই ক্ষেত্রে পুনঃ পুনঃ আবাদ হইয়া থাকে, তাহার প্রথম কারণ,—আমাদের কৃষকগণের জমি অধিক থাকে না—সকলেরই প্রায় এক এক টুকরা মাত্র জমি। অগত্যা তাহাদিগকে সেই অল্প স্থানের মধ্যেই সম্বৎসর মধ্যে দুই বা তিনটি ফসল উৎপন্ন করিয়া লইতে হয়,—জমিকে জিরেন দিলে কিম্বা তাহাতে অল্প মূল্যের বা অল্প ফলনের ফসল আবাদ করিলে চলে না। দ্বিতীয়তঃ—‘বারমেনে’ জমি প্রায় নাতিসিক্ত প্রদেশ বা ভূখণ্ডে দেখিতে পাওয়া যায়। বারিপ্রধান দেশে বারিপাত অধিক হয় বলিয়া মৃত্তিকায় যবক্ষারজ্ঞানের অভাব হয় না, বরং বর্ষাকাল মধ্যে জমিতে উহা এতই অধিক সঞ্চিত হয় যে, সম্বৎসরের তাবৎ ফসলই তদ্বারা প্রতিপালিত হইয়া থাকে। নাবাল জমি প্রায় রস প্রধান হইয়া থাকে, সুতরাং তাহাতে রসের আধিক্য হেতু মৃত্তিকার সারাংশ উদ্ভিদের ব্যবহারোপযোগী অবস্থায় সর্বদা বিद्यমান থাকে! ধান্য—বর্ষাকালের ফসল। উহা কতিপয় হইলে সে জমিতে সারের অভাব থাকে না, তজ্জন্য তাহাতে গোধূমের আবাদ করিলে বিশেষ ক্ষতি হয় না। অতঃপর সকল ক্ষেত্রেই যে গোধূমের আবাদ হয় তাহা

নহে। ডোবা ও নাবাল জমিতে এবং সরস বা দো-রসা মাটিতেই তাহা হইয়া থাকে। গোধূমের পর সে জমিতে বোরো ধান হইতে পারে না কারণ গোধুম কাটিবার পর এবং বোরো ধানের আবাদকালে ভূমি অতি শীঘ্র নীরস হইয়া আসে। এ সময়ে ভূমির সার আর অধিক বিগলিত হইতে পারে না, রসাভাবে উদ্ভিদগণও তাহা প্রয়োজনমত আহরণ করিবার সুবিধা পায় না। ইক্ষু, ভুট্টা প্রভৃতি বৃহজ্জাতীয় তৃণাস্তর্গত উদ্ভিদ এবং তাহাদিগের আহরণ করিবার শক্তি স্বভাবতঃই অধিক। এই কারণে উহাদিগের ন্যায় বৃহক্ষু ফসলের জন্য পর্যায়-আবাদ অবশ্য স্পৃহনীয়।

ঋতু অনুসারে ক্ষেত্রে ভিন্ন ভিন্ন ফসলের আবাদ করিতে হয় কিন্তু তাহাতেও পর্যায়-আবাদের ফল পাওয়া গিয়া থাকে। বর্ষাকালে যেরূপ গোধূমের আবাদ হয় না, সেইরূপ শীতকালে ধানের আবাদ হয় না, অগত্যা ঋতু অনুসারে নির্বাচিত ফসলের আবাদ করিতে হয়। প্রাকৃতিক অবস্থা ভেদে কোন দেশে সম্বৎসরে একটি মাত্র, কোথাও দুইটি, আবার কোথাও তিনটি ফসলের আবাদ হইয়া থাকে। যে জমিতে একটি ফসল হয় তাহাকে এক-ফসলে' যে জমিতে দুইটি ফসল হয় তাহাকে 'দু ফসলে' এবং যাহাতে তিনটি ফসল হয় তাহাকে 'তিন-ফসলে' বা 'বারমেসে' জমি কহে। উল্লিখিত প্রশালীতে জমিকে বিভাগ করিলে বারমেসে জমিকে প্রথম, দু-ফসলে জমিকে দ্বিতীয় এবং এক-ফসলে জমিকে তৃতীয় শ্রেণীর জমি বলা যায়।

প্রকৃতপক্ষে বারমেসে জমি বড়ই বিরল। যাহাকে বারমেসে জমি বলা যায়, তাহাতে সচরাচর দুইটি ফসলই উৎপন্ন হইয়া থাকে—এক,—বর্ষায়, অন্য,—শীতে। শীতের অর্থাৎ রবি ফসল সাধারণতঃ ফাল্গুন বা চৈত্র মাসে সংগৃহীত হয়। এ সময়ে কোন শস্যদ ফসলের আবাদ

করা চলে না। বোরো বা ‘ষাটী’ ধানের আবাদ হইতে পারে কিন্তু তাহাও অত্যন্ত নাবাল জমি ভিন্ন হয় না। তাহা ব্যতীত বোরো ধান উল্লেখযোগ্য ফসলের মধ্যে গণ্য নহে। যে সকল ক্ষেত্র হইতে রবিশস্ত মাঘ মাসের শেষভাগে বা ফাল্গুনের প্রথমভাগে সংগৃহীত হইয়া থাকে তথায় ফুটি, কাঁকুড়, তরমুজ, শশা, খেঁড়ো, চৈত্র-লাউ, উচ্ছে, ঝিন্ধে, নানাবিধ শাক প্রভৃতির আবাদ চলিতে পারে। ইহারা কৃষি ফসল নহে,—ঔষানিক ফসল মাত্র। অবথা জমি ফেলিয়া না রাখিয়া তাহা হইতে যাহা কিছু উৎপন্ন হয়—এই উদ্দেশ্যে উল্লিখিত ফল-পাকুড়ের আবাদ হইয়া থাকে। এইরূপ ঋতুবিশেষে একই ক্ষেত্রে যে ভিন্ন ভিন্ন ফসলের আবাদ হয়, তাহাতে ক্ষেত্রের উপকার হইয়া থাকে।

## একত্রিংশ অধ্যায়

—: \* :—

অনেক উদ্ভিদের মূল দীর্ঘ হয়, অনেক উদ্ভিদ গুচ্ছমূল হয়।  
 ধান, গোধূম, যব, প্রভৃতি গুচ্ছমূল উদ্ভিদ।  
 মূলবিশেষে ইহাদিগের গোড়ায় বহুসংখ্যক তন্তুবৎ মূল জন্মিয়া  
 পর্যায় থাকে। উক্ত মূলগণ ভূগর্ভ মধ্যে ছয় বা আট  
 অঙ্গুলির অধিক নিম্নে প্রবেশ করে না এবং উক্ত কয় অঙ্গুলি মৃত্তিকা  
 মধ্যে থাকিয়া উহারা নিজ নিজ প্রয়োজনীয় পদার্থ আহরণ করে।

এইরূপ গুচ্ছমূল উদ্ভিদের একই ক্ষেত্রে বারম্বার আবাদ করিলে উপরিভাগের মৃত্তিকা শীঘ্রই সারহীন হইয়া পড়ে, প্রথমাপেক্ষা পরবর্তী ফসলের ফলন হ্রাস হইয়া থাকে। অল্প দিকে সে জমিকে ঘন ঘন ‘জিরেন’ দিলেও ক্ষেত্রস্বামীর ক্ষতি হয়। এরূপ স্থলে জমির ব্যবহার হয়, অথচ ক্ষেত্রস্বামীর ক্ষতি না হয়, তাহা করিতে হইলে পরবর্তী ঋতুতে উক্ত ক্ষেত্রে অড়হর, কার্পাস প্রভৃতি দীর্ঘমূল উদ্ভিদের আবাদ করিতে হয়, কারণ ইহাদিগের মূল মৃত্তিকাভ্যন্তরে বহুদূর পর্য্যন্ত বিস্তৃত হইতে পারে। উপরিভাগের মৃত্তিকা মধ্যে কি আছে বা না আছে তাহাতে কিছু আসিয়া যায় না, কারণ তাহারা মৃত্তিকার গভীর প্রদেশ হইতে সার আহরণ করিয়া থাকে। মৃত্তিকার অভ্যন্তর দেশও যে সারপূর্ণ তাহা পূর্বেই উক্ত হইয়াছে।

তরি-তরকারির বাগানেও উল্লিখিত নিয়মের প্রতি লক্ষ্য থাকিলে, তথা হইতে বারমাসই আনাজ-তরকারি পাওয়া যায়। গাজর ও মূলা দীর্ঘমূলক কিন্তু বীট ও শালগম দীর্ঘমূল নহে। বীট, শালগম মৃত্তিকার ভিতর অধিক দূর প্রবেশ করে না,—উপরিভাগ হইতেই সার আহরণ করিয়া জীবিত থাকে ও বর্দ্ধিত হয়। গাজর প্রভৃতি দীর্ঘমূল উদ্ভিদ অড়হর বা কার্পাসের গ্রায উপরিভাগের মাটির উপর নির্ভর না করিয়া নিম্নতর স্থান হইতে আহারীয় সংগ্রহ করিয়া থাকে। এই সব কারণে ক্ষুদ্র বা অনতি-দীর্ঘমূল উদ্ভিদের পর দীর্ঘমূল উদ্ভিদের আবাদ করিলে উপকার হইয়া থাকে।

অনেক জমি ভাসা-মূল উদ্ভিদের উপযোগী না হইতে পারে, অন্ততঃ কিছু দিনের জন্ত সার-হীন হইয়া পড়িতে পারে। তখন তাহাতে দীর্ঘ মূল ফসলের আবাদ করিলে তাহার কোন পুষ্টিকর পদার্থের অভাব হয় না, কিন্তু তাহা না করিয়া পুনঃ পুনঃ ভাসা-মূল



উদ্ভিদের আবাদ করিলে আশারূপ ফসল পাওয়া যায় না। ভাসা-মূল উদ্ভিদের আবাদের পর দীর্ঘমূল উদ্ভিদের আবাদ করিলে শেষোক্ত ফসলের আবাদকাল মধ্যে উপরিভাগের জমি একদিকে যেমন জিরেন পায়, অত্রদিকে উক্ত ফসলের জগ্ধ করণ ও পরিচর্যা হেতু অল্প দিন মধ্যে তাহা আবার সারবান হইয়া উঠে।

পর্যায়-আবাদের অগ্র শুভফল এই যে, ক্ষেত্র মধ্যে নানাবিধ কীট

পর্যায় বা রোগ স্থান পায় না। কতকগুলি রোগ  
পর্যায় আছে তাহারা ফসল বিশেষকেই আক্রমণ করে,  
কীট নিবারণ আবার কতকগুলি কীট আছে, তাহারা ফসল-

বিশেষকে ভক্ষণ করিতে ভাল বাসে। একই ক্ষেত্রে একই ফসলের বারম্বার আবাদ হইলে কীটবিশেষ বা রোগবিশেষ ক্ষেত্র মধ্যে স্থায়ী-ভাবে প্রতিষ্ঠা লাভ করে এবং যখনই সে ফসলের আবাদ হয় তখনই তাহাদিগের আবির্ভাব হয়। এইরূপে যত দিন যায় তত তাহারা বিস্তার লাভ করে। অনেক ক্ষেত্রের আলু দাগী হইয়া থাকে। এই 'দাগী' রোগকে Potato Scab বা Potato-rot কহে। যে ক্ষেত্রে এই রোগের আবির্ভাব হয় তাহা হইতে পরবৎসর আলুর আবাদ স্থানান্তরিত না হইলে উক্ত রোগ আরও প্রবল হইয়া উঠে। ইক্ষু গাছে নানা জাতীয় কীট দেখা যায়। ইহারা ইক্ষুকে নষ্ট করিয়া ফেলে। বার্তাকু গাছের জাতিগত যে কয়টি কীট আছে তাহারা বার্তাকু গাছের শিকড় ও গাছের ডগায় ছিদ্র করিয়া গাছ নষ্ট করে, ফলের মধ্যে প্রবেশ করিয়া সমগ্র ফলই নষ্ট করিয়া দেয়। সকল ফসলই মধ্যে মধ্যে ক্ষেত্রান্তরিত হইলে তাহাদিগের আক্রমণ হইতে রক্ষা পায়। ফসল বিশেষের জাতিগত কীট অগ্র ফসলকে প্রায় আক্রমণ করে না। ফসল উঠিয়া গেলে সেই সকল কীট অথবা রোগের কীটগু germs বা

spores) মৃত্তিকা মধ্যে লুক্কায়িত থাকে বা নির্জীবাবস্থায় অবস্থান করে। সময় আগত হইলে আবার তাহারা নবজীবন লাভ করে এবং বংশ বৃদ্ধি করিয়া আরও বিস্তৃত হইয়া পড়ে। ভিন্ন ভিন্ন ফসলের আবাদ হইলে অগত্যা তাহারা বিলুপ্ত হয়। বারম্বার এক ক্ষেত্রে একই ফসলের আবাদ হইলে উদ্ভিদগণ তাদৃশ তেজাল না হইয়া ক্রমশঃ ক্ষীণ দশা প্রাপ্ত হইতে থাকে। ক্ষীণ ও দুর্বলের নিকট রোগ চিরদিনই প্রাধান্য লাভ করিয়া আসিতেছে। অতএব ফসলকে তেজাল ও নীরোগ রাখিতে হইলে সকল ফসলকেই মধ্যে মধ্যে স্থানান্তরিত করা উচিত।

এতদ্ব্যতীত—

কতকগুলি আগাছাও ফসল বিশেষের প্রতি বিশেষ অনুরক্ত। যে ফসলকে ইহারা ভাল বাসে কিম্বা যে ফসলের অমুরূপ পাট পরিচর্যা পাইলে ইহাদিগের শ্রীবৃদ্ধি হয়, সে ফসলের আবাদের নৃত্বপাত হইলেই ইহারা যেন আগ্রাসহকারে দেখা দেয়। বৎসর বৎসর ফসল ক্ষেত্রান্তরিত হইলে তাহারা আর দেখা দিতে পারে না। এই সকল আগাছায় সমগ্র ক্ষেত্র জঙ্গলময় হইয়া যায়। ইহারা ফসলের আহাৰ্য্য অপহরণ করে ও নানাপ্রকারে ক্ষেত্রস্বামীকে উদ্ব্যস্ত করিয়া তুলে।

ক্ষেত্রকে অনর্থক পতিতাবস্থায় রাখিলে ক্ষেত্রস্বামীর ক্ষতি হয়, তাহা পূর্কেই বলিয়াছি এবং পাঠক ও তাহা বুঝিতে পারেন। ক্ষেত্রকে বারমাস খাটাইয়া লইতে হইবে। জগতের সকলেই যখন ক্রিয়াশীল, তখন ভূমিকে আমরা কেন না সর্বদা ক্রিয়াশীল রাখিতে চেষ্টা করিব? জমিকে পতিত রাখিতে হইলে আমাদিগের পানাহার ও সময়ে সময়ে বন্ধ রাখিতে হয়। আমাদিগের বাঁচিয়া থাকিবার একটা খরচ আছে। জীবনের প্রতিমুহূর্তই ব্যয় সাপেক্ষ। একটা সামান্য দৃষ্টান্ত দিই। আমি

দক্ষ্যাক্ত হইতেছি। উক্ত ঘর্ষ আমার শরীর হইতে নির্গত হইতেছে। ঘর্ষ শরীরজাত পদার্থ। উহার সহিত শরীরান্তর্গত কোন কোন পদার্থ বহির্গত হইয়া যাইতেছে। সেই পদার্থ নিচয়কে পুনরায় শরীর মধ্যে আনিতে হইলে আমাকে পানাহার করিতে হইবে। পানাহারে খরচ আছে। তাহাতেই বলিতেছি জীবনের প্রতি-মুহূর্ত্তই খরচ সাপেক্ষ,—  
 বিনা খরচায় বাঁচিয়া থাকা যায় না। মুহূর্ত্তে মুহূর্ত্তে যখন আমরা অভাবগ্রস্ত, তখন ভূমিকে বিশ্রাম দিই কিরূপে? তবে ইহা সর্বদা মনে রাখিতে হইবে যে, কোন্ ফসল কোন্ ফসলের পর আবাদ করিতে হয়। কোন ফসলের আপাততঃ আবাদ করিবার ইচ্ছা বা সুযোগ না থাকিলেও ক্ষেত্রে হরিং-সার (green manure) দিবার জন্য সাময়িক কোন ফসলের আবাদ করতঃ যথা সময়ে হলচালনা দ্বারা সেই সকল উদ্ভিদকে ভূশায়ী করিয়া দিলে উহারা বিগলিত হইয়া ভূমির যে উৎকর্ষতা পরিবর্দ্ধিত করে তদ্বিষয়ে কোন সংশয় নাই। জমিতে আবাদ থাকিলে মৃত্তিকার ক্রিয়াশীলতা সর্বদা বিজ্ঞানমান থাকে।

জমির উর্বরতা সংরক্ষণ বা পুনঃসংস্থাপিত করিবার জন্য অবিমৃশ্য-  
 মুখ্য ও গৌণ  
 ফসল  
 ভাবে যে কোন ফসলের আবাদ করা উচিত  
 নহে—তাহা পূর্বেই বলিয়াছি। এস্থলে আর  
 একটি বিষয়ের প্রতি বিশেষ লক্ষ্য রাখিতে হইবে।

পথ্যায়ে তিনটি বিষয় অবিচ্ছিন্নরূপে সম্বন্ধ থাকা উচিত। যে কয়টি ফসলকে পথ্যায়ক্রমে আবাদ করিতে হইবে, পূর্ব হইতেই তাহার একটি সঙ্কল্প স্থির করতঃ বিবেচনা সহকারে যথাযোগ্য ফসল নির্বাচন করিতে হইবে। যে যে ফসলের আবাদ করিতে হইবে তাহাদিগের মধ্যে একটি ফসল প্রধান অর্থাৎ গৃহস্থালী বা অর্থকারী হওয়া উচিত। উক্ত গৃহস্থালী বা অর্থকারী ফসলকে মুখ্য বা মধ্যবিন্দু স্বরূপ মনে করিয়া অপরোপ বা

গোণ ফসল নির্বাচন করিতে হইবে। গোণ ফসল এরূপ হওয়া উচিত যে তদ্বারা মৃত্তিকার উপকার হইতে পারে। যে কার্য্যই করা যাউক, তাহার সহিত অর্থের সম্বন্ধ—অন্ততঃ কাল্পনিক সম্বন্ধ—না থাকিলে ফসলের তারতম্য উপলব্ধি করিতে পারা যায় না। বিক্রয় করি বা না করি, সকল ফসলের এককটি বাজার দর আছে। এস্থলে বাজার দরের কথা বলাই উদ্দেশ্য। অতঃপর, তৃতীয় ফসলটি হরিংসারোপ-যোগী হইলে ভাল হয়। শেষোক্ত ফসলকে হরিতাবস্থায় ভূশায়ী করিয়া দিতে হয় এবং তাহা হইলে মৃত্তিকায় সার প্রদানের ফল হয়। নীল, শণ, বুট প্রভৃতি হরিংসারের জন্ত আবাদ করিতে হইলে খুব ঘন করিয়া বীজ বুনিতে হয়। ধনরূপে বীজ বুনিলে গাছে ক্ষেত ভরিয়া যায়, তাহার ফলে ক্ষেত্রমধ্যে আগাছা ও উলু শর প্রভৃতির ত্রায় সারশোষক উদ্ভিদ জন্মিতে পারে না।\* দীর্ঘমূল আগাছাকে কর্ষণ দ্বারা উচ্ছেদ করা একরূপ অসম্ভব।

ক্ষেত্র বিস্তীর্ণ হইলে পর্য্যায়-প্রণালীতে আবাদ করিতে বিশেষ সুবিধা হয় কারণ পর্য্যায়ের জন্ত সঙ্কলিত সকল ফসলই পর্য্যায়ের প্রতি বৎসর কোন না কোন খণ্ড ক্ষেত্রে স্থান পাইয়া থাকে। যদি ইক্ষুই ক্ষেত্রস্বামীর প্রধান ফসল হয়,

তাহা হইলে ক্ষেত্রস্বামীর পক্ষে ইক্ষুর আবাদ কোন বৎসরই বন্ধ করা উচিত নয়। প্রথম বৎসর এক ক্ষেত্রে, দ্বিতীয় বৎসর অন্য ক্ষেত্রে,

---

\* যে ক্ষেত্র অধিক দিন পতিত থাকায় আগাছার আবাস ভূমি হইয়া পড়ে, অর্থ-করী ফসলের আবাদ করিবার পূর্বে তাহাতে ঘনভাবে কোন শস্তের আবাদ করিলে আগাছা জন্মিতে পারে না। এইরূপ দুইএকবার আবাদ করিতে পারিলে উহাদিগের হস্ত হইতে মুক্তি লাভ করিতে পারা যায়। অনেক আবাদী ক্ষেত্রের সন্নিকটস্থ ক্ষেত খামার হইতে ঘাসের বীজ উড়িয়া আসিয়া পড়ে তন্নিবন্ধন ভাল ক্ষেত্রেও উহাদিগের আবির্ভাব হইয়া থাকে। এইজন্য মধ্যে মধ্যে সকল ক্ষেত্রেই হরিং ফসলের আবাদ করা ভাল।

তৃতীয় বৎসর অগ্র ক্ষেত্রে উহার আবাদ করিতে পারেন এবং চতুর্থ বৎসর পুনরায় প্রথম বৎসরের ইক্ষু ক্ষেত্রে ইক্ষুর আবাদ করিতে পারেন। একদিকে ইক্ষু ঘেরূপ প্রতিবৎসর নূতন ক্ষেত্রে পাইতে লাগিল, অগ্র দিকে দ্বিতীয় ও তৃতীয় ফসল ও তাহার পশ্চাৎ পশ্চাৎ অগ্র ক্ষেত্রে পাইতে লাগিল। সঙ্কীর্ণ ক্ষেত্র হইলে প্রতিবৎসর ইক্ষুর আবাদ করা চলে না, আর যদিও চলে, তাহা হইলে সে ক্ষেত্রে আর দ্বিতীয় অর্থকারী ফসলকে স্থান দেওয়া যায় না, কেবল মাত্র ক্ষেত্রের উর্বরতা বৃদ্ধি করিবার জগ্গ হরিৎ-ফসলের আবাদ করিতে পারা যায়।

যে কয়েক বৎসর পরে প্রধান ফসল পুনরায় প্রথম বৎসরের ক্ষেত্রে স্থান পায় সেই কয় বৎসর ধরিয়া এক একটা পর্য্যায়ের নাম হইয়া থাকে প্রতি বৎসর একই ক্ষেত্রে প্রধান ফসলের আবাদ হইলে তাহাকে ‘এক-বছরে’, একবৎসর অন্তর হইলে ‘দু-বছরে, তিন বৎসর হইলে ‘তিন বছরে’—পর্য্যায় বলে। পর্য্যায়,—চক্রের গ্রায় যে স্থান হইতে ঘুরিতে আরম্ভ করে দুই, তিন হইতে পাঁচ সাত বৎসরে ঠিক সেই খানে আসিয়া উপস্থিত হয়। সাত বৎসরের অধিক পর্য্যায়ের পরিমাণ বা ব্যাপ্তি হইতে দেখা যায় না।

কেবল উর্বরতা বৃদ্ধি করিবার বা পুনরানয়ন করিবার জগ্গ পর্য্যায় প্রণালী অবলম্বন না করিলেও চলিতে পারে, কারণ প্রতি ফসলের পূর্বে ক্ষেত্রে যথেষ্ট পরিমাণে সার প্রদান করিলে সে উদ্দেশ্য সিদ্ধ হইয়া থাকে। হরিৎফসল ক্ষেত্রে চষিয়া দিলেও চলিতে পারে, কিন্তু পর্য্যায়ের সহিত অনেকগুলি উদ্দেশ্য সন্নিহিত থাকায় উহাকে উপেক্ষা করিতে পারা যায় না।

তামাকের গ্রায় কোন কোন ফসলের জগ্গ উৎকৃষ্ট জমির প্রয়োজন

কিন্তু সেরূপ জমি সর্বত্র পাওয়া যায় না। যে জমিতে তামাকের অল্পকূল সার-পদার্থ অবস্থিত তাহাতেই উহা উত্তম জন্মে এবং সেই জমিই উহা ভাল বাসে। দৈর্ঘ্য মূল্যবান অর্থকারী ফসলকে প্রতি বৎসর এক ক্ষেত্রেই থাকিতে দেওয়া ভাল কারণ স্থানান্তরিত হইলে উহার গুণাবতার ইতরবিশেষ হইবার সম্ভাবনা। যাহা হউক, এক ক্ষেত্রে বহুদিন উহার আবাদ করিতে হইলে ফসল কঙ্কিত হইবার পর হইতে পুনরায় আবাদ আরম্ভ হইবার সময় পর্য্যন্ত ক্ষেত্রের পরিচর্যা করিতে হয়, ক্ষেত্রে যথেষ্ট পরিমাণে সার প্রদান করিতে হয়। তাহা সত্ত্বেও বহুদিন এ প্রণালীতে সুবিধা হয় না। ইহাতে জমির সমৃদ্ধি ক্ষতি হয় এবং ফসলের উৎপন্নের পরিমাণ ক্রমশঃ এত হ্রাস হইয়া আসে যে, ক্ষেত্রস্বামীকে অগত্যা হয় ক্ষেত্র, না হয় ফসল, পরিবর্তন করিতেই হয়। যে সকল জমিতে প্রতিবৎসর পলি পড়ে তাহাতে বহুকাল একই ফসলের আবাদ হইতে পারে। সুপ্রসিদ্ধ কৃষিরসায়নিক Lawes ও Gilbert সাহেবদ্বয় ইংলণ্ডের রদামষ্ট্যাড্ (Rathamstadt) কৃষি পরীক্ষা-ক্ষেত্রে ক্রমাগত যাই বৎসর এক ক্ষেত্রে গোধূমের আবাদ করিয়াছিলেন, তাহাতে ক্ষেত্র বা ফসল—কিছুই কোন ক্ষতি হয় নাই। এইরূপ উপমা অতি বিরল। তাহা ব্যতীত পরীক্ষার উদ্দেশ্যে যে ফসলের আবাদ হয় তাহার প্রতি পরীক্ষকের বিশেষ দৃষ্টি থাকে। অল্প ভূমিতে অল্প ফসলের আবাদ হয় তন্নিবন্ধন ভূমির শক্তি হ্রাস হইতে পারে না। এরূপ বিরল বা একমাত্র দৃষ্টান্তের উপর নির্ভর করিয়া ক্রমাগত একই ফসলের আবাদ করা কোন মতে পরামর্শসিদ্ধ নহে। এক ক্ষেত্রে বহুদিন এক ফসলের আবাদ হওয়ায় বহু বহু ক্ষেত্র ধ্বংস প্রাপ্ত হইয়াছে।

বিস্তীর্ণ ভূমিকে সবুজ সার প্রয়োগের প্রথা আজকাল চা-বাগানে খুব প্রচলিত হইয়াছে কিন্তু সৰ্বসাধারণে সে পদ্ধতি অমুসরণ করে নাই। বিস্তৃত ক্ষেত্রেই ইহা দ্বারা সুবিধা হয় বলিয়া সবুজ সার। আসামের চা-বাগানে ইহার প্রবর্তন সম্ভব হইয়াছে। উক্ত পদ্ধতি চা-বাগানে যে প্রবর্তিত হইয়াছে, তাহাও অধিক দিন হয় নাই। বিগত ২০২৫ বৎসর মধ্যে সমগ্র আসামে প্রায় প্রত্যেক চা-বাগানে প্রতি বৎসর শীতকালে যখন শেখবার পাতা সংগৃহীত হয়, তাহার অব্যবহিতকাল মধ্যে চা-বৃক্ষ ছাঁটা যায়। চা-বৃক্ষ ছাঁটা গেলে সেই সকল ছাঁট ভূমিতেই নিপতিতাবস্থায় পড়িয়া থাকে। এইরূপে নিপতিতাবস্থায় কয়েকদিন থাকিলে সেই সকল ছাঁট বা কর্তিত শাখা-প্রশাখা হইতে পাতা সকল স্বতঃই খসিয়া ভূপতিত হইয়া যথাস্থানে পচিয়া গিয়া মাটিতে মিলিত হয়। ইহার দ্বারা চা-বাগিচার ক্ষেতে একদফা সার দেওয়া হইল। অতঃপর, সেই ক্ষেতময় ধুঁকে, অড়হর, নীল, শণ, প্রভৃতি সিম্বাক জাতীয় উদ্ভদের বাজ ঘন কারয়া বাপত হয়। বাপত বীজ উপ্ত হইয়া ক্রমে তজ্জাত গাছ সকল ২৩ হাত উচ্চ হইয়া উঠিলে, তাবৎ উপ-ফসল,—ধুঁকে, নীল, অড়হর বা যে কোন ফসল বাপত হইয়া থাকে। অতঃপর তৎসমুদায়কে গোড়া ঘেসিয়া কাটিয়া ভূশায়া কারয়া দিতে হয়। জ্যৈষ্ঠ মাসের মধ্যেই উক্ত কাষ শেষ কারয়া রাখিতে হয় কারণ, আষাঢ় মাস হইতেই ববার সূত্রপাত হয়। বর্ষার সমাগম হইলেই ভূশায়াত গাছগুলি বিগলিত হইতে থাকে। ইহাই চা-বাগিচায় দ্বিতীয় বার সার প্রদান। সুপ্রস্তুত ক্ষেত-খামারে বা বাগ-বাগিচায়, কিস্বা মাঠ-ময়দানে সার প্রদানের ইহাই প্রকৃষ্ট উপায়রূপে নিদ্ধারিত হইয়াছে। এতদ্বারা মাটি খুব সারাল হইয়া উদ্ভিদকে আহাৰ প্রদান করে,—উদ্ভিদ সমূহ তেজাল হয়, উদ্ভিদগণ সমধিক ও শীঘ্র বৃদ্ধি

পাইয়া আশাতীত রাশি রাশি পত্র প্রদান করিয়া থাকে। চা-বাগানে এক এক বন্দে হাজার হাজার গাছ। প্রত্যেক গাছে স্বতন্ত্রভাবে সারদেওয়া একবারেই অসম্ভব। উল্লিখিত প্রণালীতে সীম্বিক উদ্ভিদের আবাদ হইলে কাজ কত সহজ হয়, কত ব্যয়-সংক্ষেপ হয়, কত ঝঞ্ঝট কমিয়া যায়!

সীম্বিক উদ্ভিদের আবাদ হইলে তথাকার মাটি স্বতঃই নাইট্রোজেন বা যবক্ষারজ্ঞান সঞ্চিত হয়—তাহা পূর্বেই বলিয়াছি। সীম্বিকের সমগ্র উদ্ভিদটা বিগলিত হইলে তজ্জনিত পাতাসার দ্বারা উপকারিতা চা-বৃক্ষগণ চা-বৃক্ষের উপযোগী খাদ্য সহজেই পাইয়া থাকে, ইহাও, চা-বৃক্ষগণের কম লাভ নহে। পাতাসার দ্বারা উদ্ভিদের অবয়ববৃদ্ধির সুবিধা হয়, এইজন্ত তাবৎ বৃক্ষ-লতাদি, বিশেষতঃ চারা অবস্থাপন্ন তরুলতার বিশেষ উপকার হইয়া থাকে। চা-বাগানে সবুজ-সারের ব্যবহার প্রচলিত হওয়ায় চা-পাতার ফলন অধিক হইয়াছে। পাতাসারের দ্বারা গাছের ফলন-ফুলনের বিশেষ উপকার হয় না, তবে কিছু উপকার যে হয় না, তাহাও নহে।

নাইট্রোজেনসম্বৃত পদার্থ ভূমিতে সঞ্চিত করিবার উদ্দেশ্যে এক-স্থায়ী সীম্বিক দিকে ধেরূপ নানাবিধ সীম্বিক উদ্ভিদের আবাদ আরম্ভ হইয়াছে, অত্য়দিকে চা-বাগানের স্থানে স্থানে নিয়মিত বৃক্ষ। স্থান ব্যবধানে সীম্বিক বর্গীয় বৃক্ষ রোপিত হইয়া থাকে এবং তাহারও কয়েকটা উদ্দেশ্য আছে। ১ম, চা-ক্ষেত্রে ছায়া উৎপাদন, ২য়, উক্ত বৃক্ষ হইতে বারমাসই অল্পাধিক পাতা স্থলিত হইয়া ভূমিতে পতিত হয়, সেই সকল পাতা মাটির অবয়ব বৃদ্ধি ও পরিপুষ্ট করে।



## দ্বাত্রিংশ অধ্যায়

ভূমির উর্বরতা রক্ষা করিয়া কৃষিকার্য্য করিতে পারিলে কৃষকের

কৃষক ও

উত্থানক

কৃতিত্ব প্রকাশ পায়। ক্ষেত্র হইতে ফসল উৎপন্ন

করা সহজ, ফসলের ফলন বৃদ্ধি করাও সহজ, কিন্তু

ভূমির উর্বরতা রক্ষা করা একটা দুর্ক্লম কার্য্য।

ক্ষেত্র হইতে নানাবিধ ফসল, ফল পাকুর বা শাক-সবজী উৎপন্ন করা সেইরূপ বা ততোধিক প্রয়োজনীয় বিষয়। আশু ফসল উৎপন্ন করিবার জন্ত ক্ষেত্রে সার প্রদান করিয়া কৃষকের লাভ হয়, কিন্তু ইহা বুঝা উচিত যে, যে সার প্রদত্ত হয় তাহার বহু পরিমাণ ফসলের সহিত স্থানান্তরিত হয়। উত্থানকগণ এ বিষয়ে বিশেষ মনোযোগী। তাহারা প্রতিনিয়ত সার ব্যবহার করিয়া ক্ষেত্রের উর্বরতা রক্ষা করিয়া আসে কিছুতেই ক্ষেত্রকে নিঃস্ব বা হ্রতসার হইতে দেয় না। কৃষকগণ তাহা পারে না বলিয়া কৃষিক্ষেত্র দিন দিন শক্তিহীন হইয়া পড়ে। উত্থানক ও কৃষক—এতদুভয়ের কার্য্য প্রণালী মধ্যে যেরূপ বিভিন্নতা দেখা যায় জমির উর্বরতা সম্বন্ধেও সেইরূপ দেখা গিয়া থাকে। কেবল তাহাই নহে। কার্য্য প্রণালীর বিভিন্নতা হেতু উভয়ের আর্থিক আয়েরও তারতম্য হইয়া থাকে—ইহা অবশ্যস্বাবী! উত্থানকের জমি প্রায় প্রতিনিয়তই কোন না কোন তরি-তরকারী বা ফল-ফুলে আবদ্ধ থাকে। এই জন্ত উত্থানক আপন ভূমি হইতে বারমাস কিছু-না-কিছু সামগ্রী আদায় করিয়া থাকে, ফলতঃ তাহার আয় অধিক হয়। সার না দিয়া উত্থানকে

চিরদিন নিশ্চিত মনে ক্ষেত্রকে দোহন করিলে মৃত্তিকা কয়দিন উর্বর রাখিতে পারে? উদ্ভানক নিরন্তর সার ব্যবহার করে বলিয়া পর্য্যায়ের প্রতি তাদৃশ—অনেক স্থলে অদৌ—লক্ষ্য রাখেনা, অধিক কি, অধিকাংশ উদ্ভানকই পর্য্যায়ের অর্থ বা উদ্দেশ্য বুঝে না। সার ব্যবহার দ্বারাই তাহার সকল উদ্দেশ্য সকল হয়। পর্য্যায়ের প্রতি উদ্ভানকের বেক্রপ ঔদাস্য, সার সম্বন্ধে কৃষকের সেই ভাব। ফসল আহরণ করিয়া লইবার পর কৃষক আর ক্ষেত্রের বিষয় ভাবে না, তাহার আরও যে কিছু কর্তব্য আছে, সে কথা মনে করে না। অতঃপর পরবর্তী ফসলের সময় আগতপ্রায় হইলে কৃষক পুনরায় হাল-চৌকী লইয়া ক্ষেত্রে আবির্ভূত হয়। উদ্ভান-ভূমির উৎপাদিকা শক্তি বারমাস অক্ষুণ্ণ থাকিবার অত্যন্তম বিশেষ কারণ আছে। উদ্ভানের ভূমি ঘন ঘন সঞ্চালিত হয়, কিন্তু ক্ষেত-পাথার তাহা হয় না। উদ্ভানে ঘন ঘন নিড়ানী হয়, তদ্বারা মৃত্তিকা বিচলিত ও চূর্ণীত হওয়ায় তন্মধ্যে বায়বাদি প্রবিষ্ট হইয়া মৃত্তিকার সজীবতা রক্ষা করে। অনন্তর ভূমধ্যস্থ সোরাণুগণ (Nitrosomonades) বায়ু ও সূর্য্যোত্তাপাদির সংস্পর্শে অধিকতর কার্য্যকরী হয় এবং আপনাদিগের বংশবৃদ্ধি করিয়া ভূমির উৎপাদিকা শক্তি বৃদ্ধি করিবার সুযোগ পায়।

মাটির সঞ্চালন হেতু তাহার মধ্যে দুইটি বিশেষ বিশেষ ক্রিয়ার সমাবেশ হইয়া থাকে, ১ম—বায়বাদের সংস্পর্শিত হইয়া জীবাণুগণ বায়ুমণ্ডল হইতে সোরাজন আহরণ করিয়া ভূমির সোরাজনিক লবণ বৃদ্ধি করে এবং জৈব পদার্থকে (Organic matter) জীর্ণ করিয়া উদ্ভিদের ব্যবহারোপযোগী করিয়া দেয়; ২য়—বায়ুমণ্ডলস্থ সোরাজন ভূগর্ভে প্রবিষ্ট হইয়া মৃত্তিকার স্থূল উপকরণ (Inorganic elements) সমূহকে আপেক্ষিক সূক্ষ্মতায় পরিণত করে। উক্ত স্থূল পদার্থ সমূহ যাবৎ

না সূক্ষ্মাণুসূক্ষ্মাবস্থায় পরিণত হয় তাবৎ উহারা উদ্ভিদ শরীরে প্রবিষ্ট হইতে পারে না। স্থূল উপাদান সমূহ কত সূক্ষ্ম হইলে উদ্ভিদের আহারণোপযোগী হইতে পারে, উদ্ভিজ্জ ভক্ষ্য দেখিলেই তাহা বুঝিতে পারা যায়। কোন পদার্থ সূক্ষ্মাদপিসূক্ষ্মাবস্থায় পরিণত হইলে বাতাসে উড়ে ও জলে ভাসে—ইহা সকলেই জ্ঞাত আছেন। একমুষ্টি শুষ্ক কুরা মাটি বায়ুমণ্ডলে ছড়াইয়া দিলে বায়ুপ্রবাহে তাহা অনেক দূর গিয়া পড়ে, বহু উচ্চ অট্টালিকা, শুষ্ক বা বৃক্ষের উপর গিয়া স্থান পায়, নিকটে স্থির জলাশয় থাকিলে তাহাতে পতিত হইয়া প্রথমাবস্থায় ভাসিয়া থাকে। মৃত্তিকার যে অংশ ঈদৃশ অবিভাজ্য ও লঘু অবস্থায় পরিণত হইয়াছে তাহাই উদ্ভিদের আশ্রয় আহারণোপযোগী। কৃষকের ক্ষেত্রে মৃত্তিকা সেরূপ সঞ্চালিত হইতে পায় না। ফসলের প্রথমাবস্থায় দুই একবার নিড়ানী হইয়া থাকে মাত্র, কিন্তু পরে আবাদের গাছ বড় হইয়া উঠিলে আর নিড়ানী হয় না এবং নিড়ান করিবার সুবিধা হয় না।

তরি-তরকারি, ফল, ফুল প্রভৃতি উত্থানকের ফসল। এই সকল

সার সংস্থানের

উপায়

জিনিষের আবাদে যাহা উৎপন্ন হয়, উত্থান হইতে তাহাই সংগৃহীত হইয়া থাকে, অবশিষ্টাংশ ভূমিতে স্থান প্রাপ্ত হয় কিংবা

উত্থানক তৎসমুদায়কে সংগ্রহ করিয়া কোন স্থানে রাখিয়া দেয়, পরে আবার জমিকে প্রত্যর্পণ করে, এতদ্ব্যতীত সার প্রদান করে। কৃষকের আবাদজাত শস্তাদি সংগৃহীত হয়ই, উপরন্তু উদ্ভিজ্জাংশও সংগৃহীত হইয়া স্থানান্তরিত হয়। এই কারণে কৃষিক্ষেত্রে শীঘ্র সারহীন হইয়া পড়ে, কিন্তু কৃষকগণ যদি সারের মর্শ্ব বা উপকারিতা বুঝিত তাহা হইলে ক্ষেত্রকে এরূপ ক্ষতিগ্রস্ত করিত না। অপর স্থান হইতে সার আনয়ন করিয়া ক্ষেত্রে প্রদান করিবার সামর্থ্য বা সুযোগ

না থাকিলেও যে মৃত্তিকার উর্বরতা রক্ষা বা বর্দ্ধিত করিতে পারা যায় না তাহা নহে। ফসলের ব্যবহার্য অংশ সংগ্রহ করিয়া অবশিষ্টাংশকে ভূমিতে স্থান পাইতে দিলে কিংবা গৃহপালিত পশুদিগকে খাইতে দিবার পর তজ্জাত পুরীষাদি সংগ্রহ করিয়া ক্ষেত্রে প্রদান করিলে সমূহ লাভ হইবার কথা। এইজন্য—

সকল কৃষকের অগ্নাধিক গো মেষাদি পশু পালন করা একান্ত

পশু পালনের

প্রয়োজনীয়তা

কর্তব্য। কৃষিকার্যের সহিত পশুপালনের

সম্বন্ধ অতি ঘনিষ্ট। জীবগণ যাহা কিছু

পানাহার করে তৎসমুদায়ই প্রকারান্তরে

প্রত্যর্পণ করে, জীবন ধারণের অগ্নি যৎকিঞ্চিৎ রাখিয়া অবশিষ্টাংশ

পরিত্যাগ করিয়া নূতন সামগ্রী দ্বারা উদর পূর্ণ করে। যে সামান্য

ভাগ আপাততঃ শরীর রক্ষার্থে বীজ মধ্যে থাকিয়া যায়, তাহাও

পরিণামে ভূমিতে আদিয়া সংযুক্ত হয়। এ সংসার হইতে জীবোদ্ভিদ

নির্কিশেষে, কেহ একটা পরমাণু পর্য্যন্ত লইয়া সরিয়া পড়িতে পারে

না, তবে নানাকারণে একস্থানের জিনিষ অগ্ন্যস্থানে গিয়া পড়িতে পারে।

পশুপালন দ্বারা সংসারের অশেষ উপকার সাধিত হইয়া আসিতেছে ও

ভবিষ্যতে হইবে। পুরীষাদি অতি ঘৃণ্য ও তুচ্ছ সামগ্রী মধ্যে গণ্য

হইলেও একমাত্র কৃষিকর্মাধিত ব্যক্তি তাহার অমূল্যতা প্রতিপাদন করিতে

সমর্থ। যাহা হউক, পশুপালন করিলে কৃষকগণ সমূহ সার পাইতে

পারে, অগ্ন্যদিকে গৃহস্থালীরও অগ্নি অনেক উপকার হইতে পারে।

ক্ষেত্রজাত যে সকল সামগ্রী জীবগণ আহার করে, তৎসমুদায় জীর্ণ

সারোৎপাদন

ধ্বংস

হইয়া এরূপ অবস্থায় পরিত্যক্ত হয় যে তাহার

প্রভূতাংশ উদ্ভিদগণ সবই আহরণ করিতে

সমর্থ। এইজন্য জীবমাত্রকেই উদ্ভিদের

আহার প্রস্তুতকারী যন্ত্র মধ্যে পরিগণিত করিতে পারা যায়। জীবগণ যাহা উদরস্থ করে অল্পক্ষণ মধ্যে তাহাকে জীর্ণ করিয়া পরিত্যাগ করে কিন্তু স্বাভাবিক অবস্থায় পচিতে দিলে কালবিলম্ব ঘটে। একমুষ্টি চাউল বা গোধুমকে পচাইতে হইলে খুব ন্যূন কল্পে ১০।১৫ দিবস সময় অতিবাহিত হয়, তাহা ব্যতীত উক্ত সময় মধ্যে উহার বাষ্পীয় জলীয় (volatile) ভাগ অল্লাধিক শুষ্ক হইয়া যায়, কিন্তু উদর যন্ত্রে তাহা না হইয়া ২।৪ ঘণ্টার মধ্যে ভুক্ত পদার্থ জীর্ণ হইয়া প্রধানতঃ মূত্র ও পুৰীষরূপে বজ্জিত হয় অথচ জলীয় বা বাষ্পীয় অংশ অধিক নষ্ট হইতে পায় না। উদ্ভিদের আহার্য পদার্থের সংস্থান হেতু ভূগর্ভে যেরূপ একটি কারখানা বা রসায়নাগার স্বরূপ, জীবদেহও সেইরূপ। উদ্ভিদ নিজেও একটি যন্ত্র মধ্যে গণ্য। উদ্ভিদগণ ভূগর্ভ ও বায়ুমণ্ডল হইতেই নানা পদার্থ আহরণ করতঃ ফলমূলাদিরূপে আমাদিগকে প্রদান করিতেছে, আমরা তৎসমুদায়কে উদরস্থ করিয়া পরে বর্জন করিতেছি। জগদীশ্বরের কি সুন্দর নিয়ম! সকল পদার্থই এক শৃঙ্খলে আবাদ থাকিয়া পরস্পরকে বজায় রাখিতেছে। এই চক্রের (cycle) কথা ভাবিতে গেলে তন্ময় হইয়া যাইতে হয়। যাহা হউক, এস্থলে আমরা দুইটি জিনিষ দেখিতে পাইতেছি—ভোজ্য ও পরিত্যজ্য। এস্থলে প্রশ্ন হইতে পারে—ভোজ্য হইতে পরিত্যজ্যের বা পরিত্যজ্য হইতে ভোজ্যের উৎপত্তি কিনা? ইহার বিচার করা গ্রন্থকারের বিষয়ীভূত নহে। কিন্তু ইহা স্থনিশ্চিত যে উহারা পরস্পরের উপর নির্ভরপর।

জীব-পরিত্যক্ত পদার্থ দ্বারা মৃত্তিকা নিরন্তর পরিপুষ্ট হইতেছে।

সমাবেশ চক্র

সেই সঙ্গে ভূমির নষ্ট-শক্তি পুনরাগত হইতেছে। সেই সকল পদার্থ ভূগর্ভে আসিয়া

তন্মধ্যস্থ পদার্থের ও রসোত্তাপের সমাবেশ বিমুক্ত হইয়া নূতন পদার্থে পরিণত হইতেছে এবং উদ্ভিদগণ তাহা গ্রহণ করিয়া জীবন ধারণ করিতেছে ও প্রাণী জগতকে ফল-পুষ্প প্রদান করিতেছে। পূরীষদি ঘৃণিত ও অস্পৃশ্য বলিয়া তৎসমুদায়কে তুচ্ছ জ্ঞান করি, সাররূপে ক্ষেত্রে ব্যবহার করিতেও ঘৃণা করি, কিন্তু ভাবিয়া দেখিলে সেই সকল দ্রব্যই রূপান্তরিত হইয়া আমাদিগের উদরে গিয়া প্রতিদিন স্থান পাইতেছে—ইহা বুঝিতে বাকী থাকে না। এস্থলে উদ্ভিদের আহাৰ্য্য প্রস্তুত করিবার জন্য ভূগর্ভকে একটা বৃহৎ কারখানা বলা যাইতে পারে। উদ্ভিদগণ তৎসমুদায় আহরণ করিয়া ফল-ফুলাদি প্রদান করিয়া প্রাণী জগৎকে প্রতিপালন করিতেছে, ফলতঃ উদ্ভিদও আমাদিগের আহাৰ্য্য ও বিলাস দ্রব্যোৎপাদন করিবার যন্ত্র মধ্যে পরিগণিত। এতদ্বারা আমরা বুঝিতে পারিলাম যে, উদ্ভিদজগৎ, প্রাণীজগৎ ও মৃত্তিকা—ইহারা পরস্পরে কিরূপ চক্রাকারে শৃঙ্খলাবদ্ধভাবে অবস্থান করিতেছে। এই চক্র বা মধ্যে বায়ু-মণ্ডলকে গ্রহণ করিতে পারা যায়। কারণ উহার মধ্যে প্রাণী উদ্ভিদ বা মৃত্তিকা—এ তিন জগতের বিশেষ সম্বন্ধ রহিয়াছে। ভূমি হইতে বাষ্পাকারে রস বায়ু মণ্ডলে যাইতেছে, আবার বারি বা শিশিররূপে পৃথিবীতে আসিয়া স্থান পাইতেছে। সেই রস উদ্ভিদে যাইতেছে এবং উদ্ভিদ তাহা পত্রকূপ দ্বারা বাষ্পাকারে বর্জন করিতেছে, এবং প্রাণীগণকেও শস্তাদিরূপে প্রদান করিতেছে। জগতে সকল জিনিষের মধ্যে প্রায় এইরূপ দান প্রতিদান সম্বন্ধ রহিয়াছে।











কৃষিতত্ত্ববিদ

উদ্ভাণাচার্য্য শ্রীযুক্ত প্রবোধচন্দ্র দে প্রণীত

## কৃষি-গ্রন্থাবলী—

১। A Treatise on Mango ( 3rd Edition )

২। Potato Culture ( 5th Edition ) As 8.

৩। কৃষিক্ষেত্র ( ১ম ও ২য় খণ্ড একত্রে ) ৭ম সংস্করণ । মূল্য ১৯।০ । হাতে-  
হেতেডে চাষ-আবাদ শিখিবার ও করিবার ইহাই একমাত্র পুস্তক ।

৪। সবজীবাগ ( ৯ম সংস্করণ ) মূল্য ১২—ইহাতে বিলাতী ও দেশী শাক-সবজীর  
আবাদ ও উদ্ভিদ-প্রণালী অতি সরল ভাষায় লিখিত হইয়াছে ।

৫। কলকর ( ৬ষ্ঠ সংস্করণ ) মূল্য ১৯।০ ইহাতে দেশী ও বিদেশী কলের আবাদের  
বিষয়, গাছের কলম করিবার প্রণালী ইত্যাদি লিখিত হইয়াছে এবং নানাবিধ কলমেরও  
ছবি আছে ।

৬। মালক ( ৩য় সংস্করণ ) মূল্য ১৯।০ ( সচিত্র ) কিরূপে বাগান ও তাহার পথ-ঘাট  
তৈয়ারী করিতে হয়, দেশী ও বিলাতী ফুলের গাছ-পালা লালন-পালন ও কিরূপে কলম  
করিতে হয় ইত্যাদি বিষয় বর্ণিত হইয়াছে ।

৭। পশুখাদ্য ( ২য় সংস্করণ ) মূল্য চারি আনা । পশুদিগের খাদ্যোপযোগী  
নানাবিধ পুষ্টিকর ঘাস,—গিণী ঘাস, রিয়ান, খাড়ি ইক্ষু, ইত্যাদির আবাদ প্রণালী ইহাতে  
আলোচিত হইয়াছে ।

৮। আয়ুর্বেদীয়-চা ( ২য় সংস্করণ ) মূল্য চারি আনা । এই পুস্তকে আয়ুর্বেদীয়-চা  
অর্থাৎ অষপক্ষা গাছের আবাদ প্রণালী এবং তাহা হইতে চা প্রস্তুত করিবার সহজ  
প্রণালী লিখিত আছে ।

৯। গোলাপ-বাড়ী ( সচিত্র ) মূল্য ৮০ বার আনা । গোলাপ সম্বন্ধে তাবৎ কথা  
ইহাতে বিস্তারিতভাবে লিখিত হইয়াছে ।

১০। মৃত্তিকাতত্ত্ব ( ২য় সংস্করণ ) ( সচিত্র ) মূল্য ১৯।০ দেড় টাকা মাত্র ।

১১। ভূমিকর্ষণ—ভূমিকর্ষণের উদ্দেশ্য কি ? কি প্রণালীতে ভূমিকর্ষণ করিলে  
কিরূপ ফল পাওয়া যায় ইত্যাদি বিষয় বিস্তৃতভাবে লিখিত হইয়াছে—মূল্য ১০।০ ছয়  
আনা ।

১২। কার্পাস-কথা ( ২য় সংস্করণ ) মূল্য ১০।০ দশ আনা ।

১৩ উদ্ভিদ-খাদ্য—মূল্য ১০ আট আনা ।

১৪ উদ্ভিদজীবন—মূল্য ১০ আট আনা ।

১৫ ভারতীয় অর্ধশস্য—মূল্য ১০ চারি আনা ।

১৬ সাহিত্য, বিজ্ঞান ও কৃষি ( ২য় সংস্করণ ) মূল্য চারি আনা ।

১৭ প্রকৃতির সামঞ্জস্যে উদ্ভিদের স্থান—মূল্য ১০ চারি আনা ।

১৮ বিষয়ী ( যজ্ঞ ).....